

3362

28(075)
8-52

1890

B2001

281075

S-52

առարակութիւն Կենդրոնական Գրականատանցի

251

Ս Կ Ջ Բ Ո Ի Ն Ք

Ք Ր Ի Ս Տ Ո Ն Է Ա Կ Ա Ն

ՈՒՂՂԱՓԱՌ ՀԱՒԱՏՈՅ

ՀԱՅԱՍՏԱՆԵԱՅՑ ԵԿԵՂԵՑԻՈՅ

ԱՇԽԱՏԱՍԻՐԵՅ

ՍՏԵՓԱՆՆՈՍ ԱԻՍԳ-ՔՍՀԱՆԱՅ ՏԷՐ-ՍՏԵՓԱՆԵԱՆ

Ծխական-եկեղեցական ուսումնարանների բոլոր բաժանմունքների և միջնակարգ ուսումնարանների առաջին դասատուների համար:

ՀԻՆԳԵՐՈՐԿ ՏՊԱԳՐՈՒԹԻՒՆ

(Բարեփոխած և ձևազրած)

Կոպ. 60 7 1/2

Թ Ի Յ Լ Ի Ջ

28(075)
S-52

Մ ա վ ս ե ս Վ ա ր դ ա ց ե ա ց ի

М. Вартамяна, Тройц. пер. д. №11

1890

2010

8 (075) W 293
8-52 W
80 Հրատարակութիւն Կենդրոնական Գրականատանցի

149-ՏԷ ՍԿԶԲՈՒՆՔ
ՔՐԻՍՏՈՆԷԱԿԱՆ

ՈՒՂՂԱՓԱՌ ՀԱՒԱՏՈՅ

ՀԱՅԱՍՏԱՆԵԱՅՑ ԵԿԵՂԵՑԻՈՅ

1920

— ԱՇԽԱՏԱՍԻՐԵՑ

ՍՏԵՓԱՆՆՈՍ ԱՒՍԳ-ՔԱՀԱՆԱՅ ՏԵՐ-ՍՏԵՓԱՆՅԱՆ



19950-59

Ծխական-եկեղեցական ուսումնարանների բոլոր բաժանմունքների եւ միջնակարգ ուսումնարանների առաջին դասատուների համար:

ՀԻՆԳԵՐՈՐԿ ՏՊԱԳՐՈՒԹԻՒՆ

(Բարեփոխած և ճոխացրած)



Թ Ի Ֆ Լ Ի Զ

Տպարան Մոլոսեւ Վարդանեանի

Типография М. Вартамяна, Тройи. пер. д. №11

1890



36277-Ա.Է.

Дозволено Цензурою. Тифлисъ, 16 Ноября, 1869 г.
Типографія М. Вартамянца, Троиц. пер. д. № 11.

Ի ՀԱՅՐԱՊԵՏՈՒԹԵԱՆ

ՏԵԱՌՆ ՏԵԱՌՆ ՄԱԿԱՐԱՑ Ա.

ԾԱՅՐԱԳՈՅՆ ՊԱՏՐԻԱՐԳԻ ԵՒ ՍՐԱԱԶՆԱԳՈՅՆ ԿԱԹՈՒՂԻԿՈՍԻ

ԱՄԵՆ ԱՅՆ ՀԱՅՈՑ

Ե Ր Կ Ո Ւ Խ Օ Ս Ք

ՍԿԶԲՈՒՆՔԸ տպագրութեան ենք տալիս Հինգերորդ անգամ: Այս անգամ ևս, ինչպէս միշտ, մենք աշխատել ենք լրացնել սրա մէջ նկատուած թերիները, յարմարուելով մեր ուսումնարանների պահանջներին և համակերպուելով այն ծրագրին, որ այս ուսումնական տարուայ սկզբին, Նորին Վեհափառութեան հրամանով պատրաստեց սուրբ Էջմիածնում կազմուած Կրթական Յանձնաժողովը:

Մեր գրքի նախընթաց տպագրութիւնների ժամանակ, ինչպէս յայտնի է սորան գործածող ուսուցիչներին, մեր ձգտումն եղել է՝ կցել կրօնագիտութեան բոլոր մասերը իրար հետ—չբաւականանալ լոկ սրբազան պատմութիւնից առած հատուածներով, այլ գնել պատմութեան մօտ նորա բովանդակութեանը համապատասխանող աղօթքները, շարականները, ժամամուտները, Աստուածային պատուիրանները և հաւատոյ հանգանակի մասները՝ վերջինների իմաստը դիւրութեամբ ըմբռնելու մտքով: Այսպէս աշակերտը նախ ուսանում է Աստուծոյ բարերարութիւնը դէպ'ի մարդիկ, Նորա նախախնամութիւնը, արդարագատութիւնը, և այլն: Այդ պատմութեան ազդեցութեան շնորհիւ մանկական անմեղ սրտի մէջ զարթում է ջերմեւանդութեան զգացմունքը դէպ'ի բարեգութ և ողորմածն Աստուած, սորանից, իբրև երախտագիտութեան հետեւանք, յառաջ է գալիս և կարևորութիւնը առ Աստուած աղօթքով դիմելու, որը արտայայտվում են աղօթական խօսքերով կամ երգով հոգեբուղի շարականների, որոնք իբրև բարոյական

գեղեցիկ ակներ շարած են իրար հետ: Օրինակով բացատրենք մեր ասածը.— Ուսումնասիրելով Կանա Գալիլիացոց քաղաքի հարսանեաց խնջոյքի ժամանակ կատարուած հրաշքի պատմութիւնը, աշակերտի մէջ արծարծւում է ջերմեռանդութեան զգացմունք դէպ 'ի Մարիամ սուրբ Աստուածածինն և Նորա Միածին Որդին Յիսուս Քրիստոս: Որ ընդունելով իւր մօր բարեխօսութիւնը, միշտ պատրաստ է կարօտեալներին և նեղեալներին օգնելու:

Այս ջերմեռանդակն զգացմունքը աշակերտը արտայայտում է՝ «Անկանիմք առաջի Գո սուրբ Աստուածածին» աղօթքով: Երկրորդ օրինակ.— Անցնելով սուրբ Գրիգոր Լուսաւորչի պատմութիւնը, աշակերտի մէջ զարթում է մի կողմից երկիւղած ջերմեռանդութիւն դէպ 'ի հրաշագործ և բարեխնամ Աստուած, որ Գրիգորին ոյժ և կարողութիւն տուեց զժողային անտանելի տանջանքներին դիմադրելու և միւս կողմից—երախտագիտական զգացմունք դէպ 'ի ազգիս մեծ բարերար Պարթևական սուրբ Գրիգորը, որը 'ի սէր բարեկամի իւր անձը չխնայեց, ըստ այսմ՝— «Մեծ քան զայս սէր ոչ գոյ, եթէ որ դիցէ զանձն 'ի վերայ բարեկամին», և ամբողջ Հայոց ազգը հիթանոսութեան խաւարից դէպ 'ի քրիստոնէութեան լոյսը բերեց: Այս հոգեկան զգացմունքը արտայայտում է մանուկը «Հրաշափառ Աստուած և միշտ բարեխնամող» մարդուն հոգեկան զմայլմանը հասցնող շարականով: Կարևոր նախապատրաստութիւններից յետոյ թող աշակերտները կրօնուսուցչի ղեկավարութեամբ երգեն այս շարականը դասարանի մէջ. այն ժամանակ դասատուութիւնը անշուշտ կենդանութիւն կստանայ կըշարժէ մանուկների հետաքրքրութիւնը և կըլարէ նոցա ուշադրութիւնը: —Սոյն դասագիրքը մատակարարում է նաև քրիստոնէական վարդապետութեան ուսումնասիրութեան համար նախապատրաստող նիւթը:

Այս անգամ ինչ որ աւելացրել ենք այդ ուղղութեամբ, համաձայն նոր ծրագրի, մեր սկսածը ամբողջացնելու համար ենք արիւ, որով և անանջատ կերպով կապել ենք կամեցել դպրոցը

եկեղեցու հետ, մոցնելով մատաղ սերունդը այն կրօնական-բարոյական շրջանակի մէջ, որից դուրս մնալով այնքան չարիքներ են սպառնում նորան:

Ընթերցողը, թերթելով գրքիս նոր տպագրութիւնը, կըտեսնէ, որ մենք աւելացրել ենք բացի սուրբ պատարագի արարողութեանց և խորհրդոյ բացատրութիւնից, նաև եկեղեցական պատմութիւնից այն հատուածները, որոնք պարզում և բացատրում են եկեղեցական տօների նշանակութիւնը, որով և կամեցել ենք ամբողջացնել կրօնագիտութեան տարրական դասաւանդութեան նիւթը այս մի հատորից բաղկացած դասագրքում: Այստեղ նա կը գտնէ ծխական ուսումնարանների բոլոր բաժանմունքների նիւթը պատշաճաւոր ընդարձակութեամբ, որով սոյն ձեռնարկը, մեր նուաստ կարծիքով, կարող պիտի լինի միանգամայն բաւականութիւն տալ, թէ միգասեան և թէ երկգասեան եկեղեցական-ծխական ուսումնարաններին:

Գրքի վերջում ուսուցիչների դիւրութեան համար, բացի ընդհանուր ցանկից, դնում ենք նաև առանձին բոլոր եկեղեցական տօների ցանկը և ցոյց ենք տալիս այն երեսները, ուր նորք գետեղած են:

Կրօնուսոյց Անդրկովկասեան Ուսուցչական Դպրանոցի՝

Ստեփաննոս Գաբրիէլ Գաբրիէլ Տէր-Ստեփանեան:

Ս Կ Ջ Բ Ո Ւ Ն Ք

Ք Բ Ի Ս Տ Ո Ն Է Ա Կ Ա Ն Ո Ւ Ղ Ղ Ա Փ Ա Ռ Հ Ա Ի Ա Տ Ո Յ


Հ Ա Յ Ա Ս Տ Ա Ն Ե Ա Յ Յ Ե Կ Ե Ղ Ե Ց Ի Ո Յ

1. ԵՐՐՈՐԴՈՒԹԻՒՆ ԵՒ ՄԻ ԱՍՏՈՒԱԾՈՒԹԻՒՆ.

Աստուած գերագոյն եւ ամենալատարեալ էակ է: Չէ եղել այնպիսի ժամանակ, որ Աստուած եղած չլինէր: Յաւիտենական է Աստուած, եւ չկայ աշխարհիս մէջ մի տեղ, ուր չգտնուի Նա: Աստուած ամենայն տեղ է: Ա.Ֆ.Նաւարիէ է Աստուած (որովհետեւ ամենքի համար գերագոյն բարի է կամենում), Ա.Ֆ.Իմաստ է (մեր գործած յայտնի եւ գաղտնի գործերը գիտէ), Նոյնպէս եւ Ա.Ֆ.Նաւարիս է: Ըստ իւր էութեան անմարմին հոգի է Աստուած:

Ինքն Աստուած յայտնած է մեզ, թէ ըստ բնութեան մի է, եւ ունի երեք անձինք, որք են՝ Հայր Աստուած, Որդի Աստուած եւ Հոգի Սուրբ Աստուած, թէ այս անձինքն ունին հաւասար զօրութիւն եւ պատիւ, եւ թէ երեք անձինք մի Աստուած են եւ ոչ երեք: Երեք եւ մի լինելու հեռաւոր նմանութիւնը բնութեան մէջ եւս տեսնվում է:

Օրինակի համար, արեգակից ծնվում է լոյս եւ բղխում է ջերմութիւն, նոյնպէս Հայր Աստուծոց ծնվում է Որդին



եւ բղխում է Հոգին Սուրբ. եւ ինչպէս չէ կարելի արեգակից բաժանել ոչ լոյսը եւ ոչ տաքութիւնը, այնպէս եւս Հայր Աստուծոց չէ կարելի բաժանել Որդին Աստուծո՞ եւ

Սուրբ Հոգին: Այս իսկ պատճառով Աստուած կոչվում է եւ է Ա.Յ.Ի.Ս.Ս.—Ը Երրորդ—Մի—ն Բնանական և անբաժանելի:

Եռանձնեայ Աստուած տուաւ մեզ պատուիրաններ, որոնցով պէտք է պատուենք Նորան եւ առանձին ակնածութեամբ յիշենք Նորա սուրբ անունը: Մենք եւս կատարելով Նորա պատուիրանները, փառաբանում ենք Աստուծուն եւ յայտնում ենք ցանկութիւն Նորա անունով ապրելու, այսինքն այնպէս վարուելու, ինչպէս պահանջում է Նորա անուան փառքը:

Ես եմ Տէր Աստուած քո, մի՛ եղիցին քեզ այլ աստուածք բաց յինէն.

Ես եմ քո Տէր Աստուածը եւ Ինձանից զատ ուրիշ աստուածներ չունենաս:

Մի՛ առնուցուս զանուն Աստուծոյ քո՛ ՚ի վերայ մնտեաց.

Աստուծոյ անունը չյիշես ունայն տեղը:

Փառք Քեզ, Աստուած, Փառք Քեզ յազազս ամենայնի, Տէր, փառք Քեզ:

Փառք Հօր և Որդւոյ և Հոգւոյն սրբոյ. այժմ և միշտ և յաւիտեանս յաւիտենից. ամէն:

Յանուն Հօր և Որդւոյ և Հոգւոյն սրբոյ. ամէն:

2. ԹԵ ԻՆՁ ԵՆ ՀՐԵՇՏԱԿՆԵՐԸ.

Սկզբում Աստուած ստեղծեց՝ այսինքն ոչնչից գոյացրեց շատ հրեշտակներ: Հրեշտակներն անմարմին (ուրեմն եւ անտեսանելի), անմահ, իմացական եւ ազատ հոգիք են: Նորա հրեշտակ (այսինքն համբաւաբեր) ասվում են այն պատճառով, որ Աստուծոյ հրամանով մարմնաւոր կերպարանք են ստանում եւ Աստուծոյ կամքը յայտնում են մարդկանց: Ամեն հրեշտակ նոյն աստիճանի զօրութիւն եւ փառք չունի: Հրեշտակները բաժանվում են ինն դասակարգ, եւ այս պատճառով զանազան անուններ ունին. ոմանք հրեշտակա՛հ եւ ասվում, ոմանք հրեշտակա՛կա՛հ եւ ոմանք Սերու՛լքէ՛՛ եւ Քերու՛լքէ՛՛:

Աստուած հրեշտակներին բարի ստեղծեց, բայց վերին դասակարգի հրեշտակներից մինը հպարտացաւ, կամեցաւ Աստուծոյ հաւասար լինել. ուստի սկսաւ հակառակիլ նորան եւ տրտնջալ նորա դէմ եւ կարողացաւ դէպի չարը մղորեցնել ուրիշ շատ հրեշտակների, որոնք նորա հետ երկնքից թօթափեցան: Այն չար հրեշտակին սաթանայ՝ ենք ասում (որ կրնշահակէ հակառակորդ), իսկ նորա մոլորեցրած հրեշտակներին՝ դեւ եւ արքանեակ՝ սաթանայի: Այսպէս հրեշտակները բաժանուեցան բարի եւ չար: Բարի հրեշտակները Աստուծոյ կամքը յայտնում են մարդկանց, ամեն բարի գործերի մէջ օգնում են նոցա, չար բաներից պահպանում են մեզ. իսկ չար հրեշտակներն ամեն քարէ քանին թշնամի են:

Ամենաբարին Աստուած իւրաքանչիւր մարդու մի հրեշտակ է տալիս, որ ասվում է պահապան հրեշտակ. նորան դիմում ենք մենք մեր աղօթքով. երբ քնից արթնանում ենք՝ խնդրում ենք, որ այն օրը օգնէ մեզ բարեգոր-

ծութիւն անելու. իսկ քնելու ժամանակ խնդրում ենք, որ մեզ ազատ պահէ սատանայի փորձութիւններից եւ արժանի անէ Աստուածային ողորմութեան:

Հրեշտակի խաղաղութեան յանձն արան զանձինս մեր, Տէր զօրութեանց, որ եկեալ պահեսցէ զմեզ անխռովս 'ի տուէ եւ 'ի գիշերի, յարթութեան եւ 'ի հանգստեան մրում, զի Դու ես արարիչ լուսոյ եւ հաստիչ գիշերի:

Տէր զօրութիւնների, մեր անձր յանձնիր խաղաղութեան հրեշտակին, որ գալով մեզ մօտ, հանգիստ եւ արթուն պահպանէ մեզ գիշեր եւ ցերեկ, մեր արթուն եւ քնած ժամանակը, որովհետեւ Դու ես լոյսի արարիչը եւ գիշերի ստեղծողը:

3. ՏԵՍԱՆԵԼԻ ԱՇԽԱՐՀԻՍ ԵՒ ՄԱՐԴՈՒ ՍՏԵՂԾԱԿՈՐԾՈՒԹԻՒՆԸ.

Հրեշտակներից յետոյ Աստուած ստեղծեց վեց օրուայ մէջ այն բոլոր բաները, որ մենք տեսնում ենք: Առաջին օրն ստեղծեց լոյսը: Երկրորդ օրն ստեղծեց տեսանելի երկինքը: Երրորդ օրը՝ ջուրը ցամաքից բաժանեց եւ հրամայեց որ հողը արտադրէ բոյսեր: Չորրորդ օրն ստեղծեց արեգակը, լուսինը եւ աստղերը: Հինգերորդ օրը՝ թռչունները եւ ձկները: Վեցերորդ օրն ստեղծեց բոլոր կենդանիները եւ յետոյ մարդը:

Աստուած մարդու մարմինը հողից ստեղծեց եւ փչելով տուեց նորան բանական, ազատ եւ անմահ հոգի: Այս

Հոգևով մարդը զանազանուեցաւ կենդանիներէից: Աստուած մարդու հոգին ստեղծեց Իւր կերպին եւ նմանութեան պէս, շնորհելով նորան անարատ միտք եւ սուրբ կամք:

Աստուած առաջին մարդու կողքից ստեղծեց նորա համար կին, այսինքն այնպիսի մարդ, որպէս նա ինքն էր: Աստուած այս արաւ, որպէսզի մարդիկ սիրեն միմեանց այնպէս, ինչպէս իւրեանց անձը: Աստուած առաջին մարդուն Աբամանուանց, իսկ նախամօրը Եւայ:

Եօթներորդ օրը Աստուած ոչինչ չստեղծեց, վասնորոյ այն օրը կոչուեցաւ շաբաթ (որ կընշանակէ հանգստութիւն): Աստուած օրհնեց եւ սրբեց այն օրը եւ հրամայեց որ տօն եւ սուրբ պահուի՝ ՚ի յիշատակ աշխարհի ստեղծագործութեան:

Աստուած աշխարհն ստեղծելուց յետոյ անխնամ չբռնեց նորան, այլ Իւր հովանաւորութեան ներքոյ պահելով, նախախնամում է եւ ամեն բարի բանին օգնում է: Այս պատճառով մենք Աստուծուն անուանում ենք Տէր, Երկնաւոր թագաւոր, Արարիչ, Ամենակալ եւ Նախախնամող: Եւ մեր ամեն կարօտութիւնների ժամանակ աղօթքով դիմում ենք դէպի Նա:

Ամենայն բարի գործի համար մենք խնդրում ենք Արարիչ Աստուծոյ եւ Ամենակալի օրհնութիւնը եւ շնորհակալ ենք լինում նորանից այն ամեն բանի համար, ինչ որ Նա տալիս է մեզ:

Օրհնեա՛, Տէր:

Գոհանամ զՔէն (շնորհակալ եմ՝ Քեզանից),

Տէ՛ր Աստուած իմ:

Մեր դէպի Ամենակալ եւ Արարիչ Աստուածն ունեցած հաւատը յայտնում ենք այսպէս.

Հաւատամք ՚ի մի Աստուած, ՚ի Հայրն Ամենակալ, յԱրարիչն Երկնի և Երկրի, Երեւելաց և աներևութից:

Երեւելի անուանում ենք Աստուծոյ այն արարածները, որոնց կարող ենք տեսնել—երկիրը եւ ամենը, ինչ որ նորա վերայ կայ. իսկ աներեւոյթ՝ հրեշտակներին:

Աստուծոյ պատուելանք Եօթներորդ օրուայ հասին.

Յիշեա՛ սրբել զօր շաբաթու, զվեց օր գործեսցես և արասցես զամենայն զգործս քո. իսկ յաւուրն եօթներորդի շաբաթ Տեառն Աստուծոյ քո:

Միտդ պահիր շաբաթ օրը, որ սրբութեամբ պահես նորան, այսինքն այն օրը նուիրես բարի գործերի: Վեց օր աշխատիր, այսինքն արա՛ քո գործերը, իսկ եօթներորդ օրը դադարիր այդ գործերից ՚ի պատիւ քո Տէր Աստուծոյ:

Առաւօտեան աղօթք.

Գոհանամ զՔէն, Տէր Աստուած իմ, որ զարթուցեր զիս ՚ի հանգրստեան և անէ քնոյ շնորհիւ ունեցանից, Տէր Աստուած իմ, որ Քո ողորմութեան շնորհովը զարթեցրիր

ղորմութեան Քո: Զարթոն զմիտս իմ արդարութեամբ առ Քեզ, Տէր Աստուած իմ, զի տեսցեն աչք իմ զփրկութիւն Քո: Եկեսցէ և բնակեսցի յիս Աստուածութիւն Քո և ողորմութիւն Քո հովանի և պահապան լիցի ՚ի վերայ իմ: Եւ զիս արժանի արա ՚ի տուէ և ՚ի գիշերի և յամենայն ժամու միշտ խորհիլ ՚ի սէր պատուիրանաց Քոց. և գոհանալով փառաւորել զՀայր և զՈրդի և զՍուրբ Հոգիդ. այժմ և միշտ և յաւիտեանս յաւիտենից. ամէն:

ինձ հանգիստ բնից: Զարթեցրու իմ միտքը արդարութիւնով զէպի Քեզ, Տէր Աստուած իմ, որ իմ աչքերը տեսնեն Քո փրկութիւնը, գայ և բնակուի իմ մէջ Քո Աստուածութիւնը. և Քո ողորմութիւնը հովանի և պահապան լինի իմ վրայ: Եւ ինձ արժանի արա գիշեր և ցերեկ և ամեն ժամանակ Քո պատուիրանների վրայ մտածել և Քո պատուիրանները կատարել. և շնորհակալութեամբ փառաւորել Հօրը և Որդուն և Սուրբ Հոգուն. այժմ և միշտ և յաւիտեանս յաւիտենից. ամէն:

4. Ա.ՌԱԶԻՆ ՄԱՐԿԿԱՆՑ ԿԵԱՆՔԸ ԴՐԱԽՏԻ ՄԷՁ.

Աստուած Ազամին եւ Եւային բնակեցրեց գրախտի մէջ, որ մի գեղեցիկ պարտէզ էր արեւելեան կողմը: Նո-

րա մէջտեղում մի նշանաւոր ծառ կար, որի պտուղները մարդուն հիւանդութիւնից եւ մահից ազատ էին պահում: Այս ծառի անունն էր Ծառ-Չէնայ: Աստուած առաջին մարդկանց գրախտը տանելով, օրհնեց նրանց եւ ասաց. «Բազմացէք, լցրէք երկիրս եւ նորան տիրեցէք»: Առաջին մարդիկը երջանիկ կեանք ունէին գրախտի մէջ եւ ոչ մէկ բանի կարօտութիւն չէին զգում, հոգեկան զբաղմունք ունէին, որ ճանաչում էին Աստուծոյ արարածները եւ սովորում էին սիրել Աստուծուն: Սորանից զատ ինքն Աստուած երեւում էր նրանց եւ յայտնում էր այն բաները, որ իրանք իրանց չէին կարող իմանալ. ունէին նաեւ մարմնական զբաղմունք, այսինքն գրախտը պահպանում եւ մշակում էին: Նորա ոչ թշնամութիւն գիտէին եւ ոչ խաբէութիւն, եւ անմեղ մանկանց նման ամօթ չէին զգում:

Որպէսզի մարդիկ չմոռանան որ նոցա վրայ իշխում է ինքն Աստուած եւ Նորա կամքին հնազանդիլը սովորեն, Աստուած պատուէր տուաւ նոցա: Պատուիրեց որ չուտեն այն ծառի պտուղը, որի անունն էր Ծառ-Չէնայ: «Ինչպէս ասեցիք, — ասելով՝ որ եթէ ուտեն, կըմեռնին»:

Ողորմած Աստուածը մեզ եւս կարողութիւն եւ ոյժ է տալիս բարի բան սովորելու, Իւր կամքը մեզ եւս յայտնում է եւ տալիս է Աստուածային անկեղծութիւն: Վասն որոյ մենք եւս մեր դատաւութիւնից առաջ աղօթք ասելով խնդրում ենք, որ օգնէ մեզ աւանդուած ուսմունքը սովորելու: Իսկ դատաւութիւնից յետոյ աղօթք ասելով շնորհակալ ենք լինում մեզ պարգեւած ողորմութեան համար, եւ օրհնութիւն ենք խնդրում նոցա համար, որոնք օգնեցին մեզ սովորելու:

10005 (20469) 19950-59



Ա. դ. օ. թ. ք. դ. ա. ս. ի. ց. ա. ռ. ա. ջ.

Ամենաբարի Աստուած, առաքեա առ մեզ զՀնորհս Հոգւոյդ Քո սրբոյ, որ պարգևէ մեզ զմիտս և կազդուրէ զգօրութիւնս հոգւոց մերոց, որպէս զի մեք ընդունելով զաւանդեալ մեզ ուսմունս՝ զարգացուք Քեզ ստեղծողիդ մերում՝ ՚ի փառս, ՚ի մխիթարութիւն ծնողաց մերոց, յօգուտ եկեղեցւոյ և Հայրենեաց:

Ո՛վ ամենաբարի Աստուած, ուղարկիր դէպի մեզ Քո սուրբ Հոգւոյդ Հնորհքը, որ մեզ միտք պարգևէ, և զօրացնէ մեր հոգևոր կարողութիւնները, որպէս զի մենք ուշք դարձնելով մեզ տուած ուսմունքին, մեծանանք Քեզ ստեղծողիդ փառք տալու, մեր ծնողացը մխիթարելու և եկեղեցուն ու Հայրենիքին օգտակար լինելու:

Ա. դ. օ. թ. ք. դ. ա. ս. ի. ց. յ. ե. տ. ո. յ.

Քո հանամք զՔէն, Աբարիչ, զի արժանի արարեր զմեզ Հնորհաց Քոց՝ ընդունելութեան ուսմանս, օրհնեալ զմեծաւորս, զԾնողս և զուսուցիչս մեր, որք ա-

Շնորհակալ ենք Քեզանից, Աբարիչ, որ Քո սուրբ Հնորհո՞ւն արժանացրիր մեզ ուսմունք ստանալու: Օրհնիր մեր մեծաւորներին, ծնողներին և ուսուցիչներին,


առջնորդեն մեզ ի գիտութիւն բարութեան, և սուր մեզ զկարողութիւն ի շարունակութիւն ուսմանս այսորիկ:

որոնք առաջնորդում են մեզ բարի բաներն իմանալու: Տուր մեզ ոյժ և կարողութիւն, որ այսուհետև ևս շարունակենք նոյն ուսումը:

5. Ա.Ռ.Ա.ՋԻՆ ՄԱՐԴԿԱՆՅ ՄԵՂՔԻ ՄԷՋ ԸՆԿՆԻԼԸ.

Սատանան՝ առաջին մարդկանց երանելի վիճակի վրայ նախանձուելով, մոլորեցրեց նրանց դէպի չարը: Մէկ անգամ, երբ Եւան անցնում էր արգելեալ ծառի մօտով, սատանան՝ օձի կերպարանքով մօտեցաւ նրան եւ հարցրեց. «Յիրաւի, մի՞թէ Աստուած արգելել է դրախտի ծառերի պտուղներից ուտել»: Եւան պատասխանեց, թէ՛ «Բոլոր ծառերի պտուղներից կարող ենք ուտել, միայն հրամայեց Աստուած այս ծառի պտուղը չուտել, որպէսզի չմեռնինք»: «Ո՛չ, դուք չէք մեռնիլ, ասաց սատանան, այլ եթէ այս պտղից ուտեք՝ իսկոյն ձեր աչքերը կը բացուին եւ Աստուծոյ նման կրլինիք, չարն ու բարին կը հասկանաք»: Եւան ցանկացաւ այն պտղից ուտել. նա չկարողացաւ համբերել, կտրեց ու կերաւ, յետոյ Ադամին տուաւ, որ նոյնպէս կերաւ: Եւ այս կերպով առաջին մարդիկ մեղանշեցին: Երբ մեղքն առաջին մարդկանց հոգու մէջ մտաւ, իսկոյն ամօթ եւ սարսափ տիրեց նոցա վերայ: Երբ լսեցին որ Աստուած դրախտի մէջ ման է գալիս, ահով դողով պահուեցան ծառերի մէջ, չմտածելով՝ որ ամենատես Աստուծոց անկարելի է թաքչիլ: «Ադամ, ո՞ր ես», հարցրեց Աստուած: Ադամը պտտասխանեց. «Չայնդ լսելով վախեցայ, եւ որովհետև մերկ էի՝ ամաչեցի, ուստի պահուեցայ»:

—Չլինի՛ թէ այն արգելուած ծառի պտղիցը կերար, հարցրեց Աստուած: Այն ժամանակ սկսաւ Ա.դամը յանցանքը իւր կնոջ վերայ ձգել եւ ասաց. «Այս կինս, որ Դու ինձ տուիր, սա ինձ տուաւ այն պտուղը, եւ ես կերայ»: Աստուած հարցրեց Եւային. «Այս ի՞նչ բան արիր»: Իսկ նա պատասխանեց, թէ «օձն ինձ խաբեց»: Այս կերպով ահա մարդկանց հոգին մեղքերով ապականուեցաւ: Նորա, որ սկզբից



բարի եւ ճշմարտախօս էին, այն յանցանքը գործելուց յետոյ ստախօս, անձնասէր եւ չարասիրտ եղան:

Աստուած արգելում է մեզ՝ սրտերիս մէջ նախանձ պահելը կամ ուրիշի բարութեան վրայ նախանձիւր, որովհետեւ նորանից յառաջ են գալիս շատ տեսակ չարութիւններ: Այդ պատուիրանն այսպէս է կարդացվում.

Մի ցանկանար տան ընկերի քո եւ մի՛ ամենայնի, որ ինչ ընկերի քո է:

6. ՓՐԿՉԻ ԽՈՍՏՈՒՄԸ ԵՒ ՆԱԽԱԾՆՈՂ ՆԵՐԻ ՅԱՆՅԱՆՔԻ ՊԱՏԻՃԸ:

Արդարադատն Աստուած անիծեց մնորեցնող սատանային, որ օձի կերպարանք էր առել, եւ ասաց նրան. «Ի՞նչ եւ այս կնոջ մէջ թշնամութիւն եմ դնում. սորա սերունդից մէկը պիտի քո գլուխը ջախջախէ»: Այս խօսքերը մխիթարութիւն եղան մարդկանց համար, որովհետեւ գուշակեցին, թէ Փրկիչը աշխարհ պիտի գայ: Յետոյ Աստուած մարդկանց համար եւս պատիժ որոշեց, որ նորա չմոռանան իրանց գործած մեղքը: Եւային ասաց՝ թէ դու ցաւով պիտի ծնանիս որդի. իսկ Ա.դամին ասաց. «երիսիւք քրտինքով պիտի ճարես հացդ, մինչեւ որ մեռնիս»: Բայց որպէսզի մարդիկ միշտ յիշեն խոստացած Փրկիչը, Աստուած սովորեցրեց նոցա, որ Իրան կենդանիներ գոհեն, որով ցոյց տուաւ, թէ Փրկիչը Իւր արիւնով պիտի ազատէ մարդկանց: Յետոյ Աստուած գրախտից արտաքսեց նրանց:

Բայց սորանից յետոյ եւս Աստուած անխնամ չթողեց մարդկանց, այլ պատրաստում էր նրանց Փրկչին ընդունելու: Մինչեւ Փրկչի գալուստը եղած միջոցը կոչվում է հին ուխտի ժամանակ, իսկ Նորա գալուց յետոյ եղած միջոցը ասվում է նոր ուխտի ժամանակ:

Աստուած, ողորմեա՛ ինձ մեղաւորիս:

Երեկոյեան աղօթք.

Տէր Աստուած մեր,
 Դու պահեա՛ զմեզ խա-
 ղաղութեամբ՝ ի գիշե-
 րիս յայսմիկ և յամե-
 նայն ժամանակի: Ընդ
 սուրբ երկիւղ Քո բեե-
 ոեալ պահեա՛ զմիտս և
 զխորհուրդս մեր: Որպէս
 զի յամենայն ժամ Քե
 պահպանեալ լիցուք յո-
 րոգայթից թշնամւոյն:
 Եւ Քեզ հանցուք զօրհ-
 նութիւն և զփառս
 Հօր և Որդւոյ և Հօգւոյն
 սրբոյ, այժմ՝ և միշտ և
 յաւիտեանս յաւիտե-
 նից. ամէն:

Տէր Աստուած մեր,
 Դու պահի՛ր մեզ խա-
 ղաղութիւնով այս գի-
 շեր և ամեն ժամանակ:
 Քո սուրբ երկիւղիդ մէջ
 բեեռած պահի՛ր մեր
 միտքը և խորհուրդը, որ
 ամեն ժամանակ ան-
 փորձ և ազատ լինինք
 թշնամու որոգայթից:
 Եւ Քեզ տանք օրհնու-
 թիւն և փառք՝ Հօրը
 և Որդուն և սուրբ Հո-
 գուն, այժմ՝ և միշտ
 և յաւիտեանս յաւիտե-
 նից. ամէն:

7. ՄԱՐԴԱՍՅԻՆ ԱԶԿԸ ՄԻՆՁԵՒ ԶՐՀԵՂԵՂԸ.

Մեզքի մէջ ընկած առաջին մարդկանց սերունդներն եւս
 իրանց պէս մեղաւոր եղան: Այս պատճառով բոլոր մար-
 դիկ կրում են այն պատիժները, որ նշանակեց Աստուած
 Ադամի եւ Եւայի համար, բայց այս ցաւերի հետ նախա-
 ծնողը հաղորդեցին իրանց սերունդներին նաեւ Փրկիչ
 գալստեան յոյսը:

Ադամ եւ Եւան՝ դրախտից արտաքսուելուց յետոյ,
 որդի ունեցան: Առաջին որդուն Կայէն կոչեցին, իսկ երկ-
 րորդին Աբել:


Կայէնը երկրագործ էր, իսկ Աբելը խաշնարած: Մէկ
 անգամ եղբայրները կամեցան Աստուծուն զոհ անել: Եր-
 կուն էլ իրանց աշխատութեան լաւ պտուղներից զոհ
 բերին, բայց երկուսի սիրտն էլ միատեսակ չէր: Աբելը
 խոստացեալ Փրկչին հաւատալով եւ իւր մեղքի վրայ
 զղջալով էր մոտուցանում իւր զոհը, իսկ Կայէնը առանց
 հաւատալու եւ զղջալու: Աստուած չընդունեց Կայէնի
 զոհը, այլ միայն Աբելինն ընդունեց: Այն ժամանակ նա-
 խանձից վառուած Կայէնը սպանեց Աբելին: Սրգարադատն
 Աստուած անիծեց եղբայրասպան Կայէնին՝ ասելով. «Այն
 հողը, որի վրայ քո ձեռքով եղբորդ անմեղ արիւնը թա-
 փեցիր՝ քո դէմ բողոքում է իմ առաջ. հալածական եւ
 թափառական միաս աշխարհիս երեսին»: Աստուած՝ Ադա-
 մին եւ Եւային մխիթարելու համար, Աբելի փոխանակ ու-
 րիշ որդի տուաւ նոցա, Սէթ անունով (որ մխիթարիչ
 կընշանակէ): Կայէնը ծնողաց տանից հեռացաւ եւ հեռու
 տեղ բնակուեցաւ: Եւ այսպէս՝ մարդիկ սկսան իրարից
 բաժանուիլ: Կայէնի սերունդները մոռացան Աստուծուն
 եւ անձնասէր ու անխիղճ մարդիկ էին, իսկ Սէթի սե-
 րունդը ճանաչում էր Աստուծուն եւ արդար էր: Բայց
 երկար ժամանակ անցնելուց յետոյ, Սէթի սերունդը բարե-
 կամութիւն եւ ազգականութիւն արին Կայէնի սերունդի
 հետ. նոցանից սուրբեցին ամեն տեսակ չարութիւն եւ
 մոռացան Աստուծուն: Միայն արդար Նոյի ընտանիքի մէջ
 մնաց ճշմարիտ հաւատը:

Սոքա են Աստուածային պատուիրանները, որոնք ար-
 գելում են չարութիւն անել:

Մի՛ սպանաներ, մի՛ շնար, մի՛ գողանար,
մի՛ սուտ վկայեր գրնկերէ քումմէ:

8. ԶՐՀԵՂԵՂ.

Արգարտադատն Աստուած փձուեց, որ մարդկանց ջրհեղեղով պատժէ: Նա հրամայեց Նոյին, որ տապան (մեծ նաւ) շինէ, այնպէս որ մէջը կարողանան տեղաւորուիլ:



Նորա ընտանիքը եւ աշխարհիս բոլոր կենդանիները: Այն տապանակի մէջ մտաւ Նոյը իւր կնոջ հետ, նորա Սեմ, Քամ եւ Յաբէթ որդիքը՝ իրանց կանանց հետ, եւ իւր հետ տապանի մէջ մտցրեց սուրբ համարուած—զոհի կենդանիներից ու թռչուններից եօթն-եօթն զոյգ, իսկ անսուրբ անասուններից երկ-երկու զոյգ: Յետոյ քառասուն օր անդա-

դար անձրեւ եկաւ, ջուրը շատացաւ, եզերքներից դուրս եկաւ, բոլոր երկրիս երեսը ծածկեց, որով խեղդուեցան մարդիկ եւ անասուններ: Ազատուեցան միայն նոքա, որոնք տապանի մէջ էին:

Երբ ջրհեղեղն անցաւ, Նոյը տապանից դուրս եկաւ եւ իւր ազատելու համար շնորհակալութեան զօհ մատուցեց Աստուծուն: Աստուած այն զօհն ընդունեց եւ խոստացաւ, որ այլեւս համաշխարհական ջրհեղեղ չի լինիլ եւ իւր խոստման նշան տուաւ ծիածանը, որ է ծիրանի գօտին:

9. ՄԱՐԿԿԱՅԻՆ ԱԶԳԸ ԶՐՀԵՂԵՂԻՑ ՅԵՏՈՅ.

(Քանը անպատկում է հօրը: Բաբելոնի աշտարակայինուրիւնը եւ ազգերի ցիրուցան լինելը: Կոտապաշտութիւն):

Զրհեղեղից յետոյ կարճ ժամանակի մէջ մարդիկ նորից մեզքի մէջ ընկան: Նոյը այգի տնկեց, եւ երբ խաղողը հասաւ, նորա հիւթից ըմպելիք պատրաստեց: Գինու զօրութիւնը չիմանալով, մէկ անգամ փոքր ինչ աւելի խմեց՝ հարբեցաւ եւ մերկ պառկեցաւ իւր վրանի տակ: Քանը տեսաւ իւր հօր մերկութիւնը եւ վատ կատակով պատմեց այն իւր եղբայրներին: Բայց Սեմ եւ Յաբէթ երբ լսեցին, իսկոյն գնացին իրանց հօր մօտ եւ վերարկուով ծածկեցին նորա մերկութիւնը: Նոյը Աստուծոյ հրամանով անիծեց Քամին՝ նորա վատ վարմունքի համար, իսկ Սեմին եւ Յաբէթին օրհնեց եւ միանգամայն գուշակեց, թէ Փրկիչը յառաջ կըզայ Սեմի սերունդից:

Աստուածային պատու-իրանը թնայաց պատու-էլ-մասին.

Պատուեան զՏայր քո և զմայր, զի բարի լինիցի քեզ և երկայնակեաց լինիցիս 'ի վերայ երկրի:

Ջրհեղեղից յետոյ մարդկային ազգը նորից բազմացաւ Նոյի երեք որդիներից: Առաջ բոլոր մարդիկ միասին էին ապրում եւ մէկ լեզուով խօսում: Յեղի մէջ ամենից մեծը նահապետ էր ասվում, որ փոքրերին սովորեցնում էր թէ ինչպէս կեանք պետք է վարել, կառավարում էր նրանց եւ արարիչ Աստուծուն զո՛հ էր մատուցանում: Բայց յետոյ, երբ չարագործութիւնք եւ խռովութիւնք աշխարհիս մէջ շատացան, միքանի ցեղեր խորհուրդ արին, թէ «մի այնպիսի քաղաք եւ աշտարակ շինենք, որի ծայրը մինչեւ երկինքը հասնի, մեզ համար փառք լինի եւ չցրուենք աշխարհիս երեսին»: Բայց Աստուած չթողեց որ այն շինութիւնն աւարտեն. շինողների լեզուն այնպէս խառնակեց, որ չէին կարող միմեանց խօսքերը հասկանալ: Ուստի թողին շինութիւնը եւ բոլոր աշխարհիս երեսին ցրուեցան: Այս կերպով զանազան ազգեր ձեւացան: Մարդկային սերունդները զանազան կողմեր ցրուելով իրանց ազգակցութիւնը մոռացան: Իւրաքանչիւր սերունդ իւր համար գրեթէ նոր լեզու հնարեց, եւ Աստուծոյ վերայ նոր կարծիքներ ունեցաւ. նոցա մեծ մասը ճշմարիտ Աստուծուն մոռացան եւ սկսան Աստուած համարել այն ամեն բաները, որ իրանց օգուտ կամ վնաս էին տալիս: Ոմանք սկսան երկրպագութիւն անել արեգակին, լուսնին եւ աստղերին, ոմանք եւս՝ կենդանիները, ծովը, եւ երկիրս Աստուծոյ տեղ էին ընդունում:

Աստուածների մէջ ոմանց մեծ էին համարում, միւսներին փոքր, ոմանց բարի, ոմանց եւս չար: Յետոյ սկսան ոսկուց, արծաթից, քարից եւ փայտից աստուածներ շինել եւ մեհեաների մէջ դնելով՝ զո՛հ էին մատուցանում նոցա: Այնպիսի արձանները կոչուեցին կոչվում, եւ նոցա մատուցուած պաշտօնը կոչուեցին կոչում:

Այս անորէնութիւնը տարածուեցաւ բոլոր աշխարհիս վերայ եւ գրեթէ բոլոր մարդիկ կռապաշտութեան մէջ ընկան:

Կոչումներն արգելող Աստուածային պատու-իրանը.

Մի արասցես քեզ զկուռս ըստ ամենայն նմանութեան, որ ինչ յերկինս 'ի վեր է, և որ ինչ յերկրի 'ի խոնարհ:

10. ԱԲՐԱՀԱՄ ԵՒ ԻՍԱՀԱԿ ՆԱՀԱՊԵՏՆԵՐԸ.

Մինչդեռ բոլոր մարդիկ կռապաշտութեան մէջ ընկած էին, Սեմի սերունդից Աբրահամ անունով մէկ արդար եւ ուղղահաւատ մարդ կար: Աբրահամը Աստուծոյ հրամանով թողեց իւր հայրենիքը եւ գնաց բնակուեցաւ Քանանացոց երկրի մէջ: Այնտեղ Աստուած քանի մի անգամ երեւեցաւ նորան եւ յայտնեց՝ թէ նա Իսահակ անունով մի որդի պիտի ունենայ, որից մեծ ժողովուրդ պիտի յառաջանայ, որ Աստուծոյ ժողովուրդը կրկնուի, որովհետեւ նա իւր դէպի Աստուած ունեցած հաւատը հաստատ պիտի պահէ, եւ Ինքք Քանանացոց երկիրը նրան պիտի տայ: Աստուած այն ժամանակն իսկ հրամայեց, որ Աբրահամի բոլոր սերունդները

Թշխատուին, եւ ապա թէ միայն նա կըհամարուի իւր ժողովուրդ, որ թշխատուած կըլինի:

Աստուծոյ խոստմունքը կատարուեցաւ: Աբրահամը հարիւր տարեկան եղած ժամանակ Իսահակ որդի ծնաւ: Աբրահամը բոլոր սրտով սիրում էր իւր որդուն: Աբրահամի հաւատը եւ հնազանդութիւնը Աստուած մեզ կըբերէ օրինակ տուեց հետեւեալ կերպով. Մէկ անգամ Աստուած երեւեցաւ Աբրահամին ու ասաց՝ «Աբրահամ»: Աբրահամը պատասխանեց՝ «Այտեղ եմ»: Աստուած ասաց՝ «վեր առայդ քո միակ որդուդ՝ Իսահակին, որին դու սիրում ես, եւ բեր նորան Ինձ մատաղ—ուջակէզ այն սարի գլխին, որ Ես ցոյց կըտամ քեզ»: Միւս օր առաւօտը կանուխ վեր կացաւ Աբրահամը, էշը պատրաստեց, ուջակիցի համար փայտ կտուրեց, կապեց, առաւ հետը երկու ծառայ եւ իւր սիրելի որդի Իսահակին եւ գնաց Աստուծոյ ցոյց տուած տեղը: Նոքա երեք օր ձանապարհին էին: Երբ Աբրահամը հեռուից տեսաւ սարը, ասաց իւր ծառաներին. «Դուք այտեղ մնացէք, մեզի սպասեցէք, իսկ ես ու որդիս մինչեւ գիմացի սարը կըբերթանք, աղօթք կանենք ու կըզառնանք»:—Աբրահամը Իսահակին բարձեց փայտը. իսկ ինքն առաւ կրակն ու սուրը, եւ նոքա երկուսը գնացին միասին: ձանապարհին Իսահակն ասաց Աբրահամին. «Հայր, ահա մենք ունինք փայտ եւ կրակ, բայց ուջակիցի ոչխարն ո՞ւր է»: Պատասխան տուաւ Աբրահամը. «Աստուած Ինքը կըպատրաստէ իւր համար ուջակիցի ոչխարը, որդեակ»: Եւ այնպէս երկուսը միասին շարունակում էին գնալը: Երբոր վեր ելան սարը, Աբրահամը սեղան շինեց, դարսեց փայտը, եւ Իսահակին կապելով դրաւ նորա վերայ: Յետոյ վեր առաւ սուրը եւ ձեռքը բարձրացրեց, որ մորթի Իսահակին: Բայց յանկարծ Աստուծոյ հրեշտակը ձայն տուաւ նորան երկնքից. «Աբրահամ, Աբրահամ, մի

դիպչիր տղայիդ. հիմա հասկացայ, որ աստուածավախ մարդ ես, եւ իմ սիրոյս համար քո միակ որդուդ չինայեցիր»: Աբրահամը իւր շուրջը նայեցաւ եւ տեսաւ, որ նորանից ոչ հեռու մի ոչխար կախուած է ծառից: Աբրահամը առաւ նրան եւ զոհեց Աստուծուն: Սորա վերայ Աստուծոյ հրեշտակը միւս անգամ էլ ասաց Աբրահամին. «Այսպէս է ասում Տէրը, որովհետեւ դու հնազանդուեցար Իմ հրամանին, օրհնելով կ'օրհնեմ քեզ եւ բազմացնելով կըբազմացնեմ քո սերունդը, ինչպէս երկնքի աստղերը եւ ծովի աւազը: Քո սերունդից յառաջ կըբայ աշխարհի Փրկիչը»:—Սորանից յետոյ Աբրահամն ու Իսահակը դարձան ծառաների մօտ եւ այնտեղից իրանց տուն:—Նոյն խոստմունքը Աստուած կըլինեց Իսահակին եւ նորա որդի Յակոբին, որ Իսրայէլ կոչուեցաւ, որ եւ աւելի արժանաւոր եղաւ Աստուծոյ օրհնութեանը, քան թէ նորա մեծ եղբայր Եսաւը:

11. ՅԱԿՈՒ ԵՍԱՎՊԵՏԻ ՈՐԳԻՒՔԸ.

Աբրահամի թուր՝ Յակոբը: Երեսներու որդի ունէր: Հայրն ամենից աւելի սիրում էր կրտսեր որդի Յովսէփին եւ կարեց նրան գեղեցիկ ծաղկեայ շորեր, իսկ եղբայրները ատում էին Յովսէփին եւ չէին ուզում նորա հետ քաղցրութեամբ խօսել: Յովսէփը երկու երազ տեսաւ եւ պատմեց իւր եղբայրներին: Նա ասաց նրանց. «Լսեցէք իմ տեսած երազը. ինձ թւում էր, թէ մէկ դաշտում որայ էինք կապում: Իմ որայս կանգնած էր ուղիդ, իսկ ձեր որաները պատեցին իմ որայս եւ երկրպագութիւն տուին նորան»: Եղբայրներն ասացին. «Միթէ մեր վերայ թագաւոր պիտի լինիս դու կամ պիտի տիրես մեզ»: Միքանի

օրից յետոյ Յովսէփը իւր հօրն ու եղբայրներին միւս երազը պատմեց: «Երազումս, ասաց նա, ինձ երեւցաւ, իբրեւ թէ արեգակը, լուսինը եւ տասնումէկ աստղեր ինձ երկրպագում էին»: Այս անգամին հայրն էլ յանդիմանեց նորան, ասելով.— «Այդ ինչ երազ է, մի՞թէ ես, մայրդ ու եղբայրներդ երկրպագութիւն պիտի անենք քեզ»:— Եղբայրներն աւելի չարացան Յովսէփի վերայ այս երազների համար:

Մէկ անգամ Յակոբի որդիքն արաճացնում էին խաշները, իսկ Յովսէփը տանն էր մնացել: Հայրն ասաց նրան. «Գնա՛, տես, առհողջ են արդեօք եղբայրներդ եւ մեր խաշները, եւ համբաւ բեր ինձ»: Յովսէփը գնաց եւ դաշտում մոլորուեցաւ: Այնտեղ մի մարդ գտաւ Դորան եւ հարցրեց. «Ինչի ես ման գալիս» (որոնում):— Յովսէփը պատասխանեց. «Ես իմ եղբայրներին եմ ման գալիս. ասա՛ ինձ, ո՞ր են արաճացնում նոքա»: Անճանօթ մարդն ասաց նորան. «Նոքա այստեղ չեն. ես լսեցի որ նոքա ասացին, թէ հեռանանք այստեղից»: Եւ նա ցոյց տուեց նորան, թէ որ կողմն էին գնացել նորա եղբայրները: Երբ Յովսէփը գտաւ եղբայրներին եւ մօտենում էր նրանց, նոքա սկսեցին մէկ մէկու ասել. «Ահա գալիս է երազատեսը. եկէք սպանենք նորան եւ տեսնենք, թէ ինչպէս պիտի կատարուին նորա երազները»:— Ռուբէնը՝ որ մեծ եղբայրն էր, ասաց. «Չէ, եղբայրներ, ինչո՞ւ սպանենք նորան. ինչո՞ւ մեր ձեռքերը թաթախենք նորա արիւնի մէջ. աւելի լաւ է ձգենք նորան այս անջուր փոսի մէջ. թող երթայ ինքն իրան մեռնի»: Նորա միտքն այն էր, որ յետոյ հանէ Յովսէփին նոյնտեղից ու հօր ձեռքը հասցնէ: Երբ Յովսէփը մօտեցաւ եղբայրներին, սոքա հանեցին նորա ծաղկեայ շորերը եւ գցեցին նորան փոսի մէջ: Յետոյ նստեցին հաց ուտելու: Յանկարծ տեսան, որ գալիս են վաճառականներ, որոնք ուղ-

տերով ապրանք էին տանում Եգիպտոս: Յուզան ասաց իւր եղբայրներին. «Յովսէփին սպանելուցը մեզ ինչ օգուտ. ինչեւիցէ նա մեր եղբայրն է. եկէք ծախենք նորան»



այս վաճառականներին»: Այդ միջոցին Ռուբէնը այնտեղ չէր: Եղբայրները լսեցին Յուզայի խօսքին, Յովսէփին հանեցին փոսից եւ քսան դահեկանով ծախեցին նոյն վաճառականներին: Երբ վաճառականները Յովսէփին տարան, եկաւ Ռուբէնը: Նա չգտաւ Յովսէփին փոսի մէջ եւ ասաց եղբայրներին. «Յովսէփը այնտեղ չէ, այժմ ո՞ր կորչիմ ես»: Եղբայրները մորթեցին մի ուլ, նորա արիւնով թրջեցին Յովսէփի շորերն ու այն հօրը ուղարկելով, հրամայեցին ասել. «այս շորերը մենք գտանք դաշտի մէջ. տես, արդեօք սա Յովսէփինը չէ»: Յակոբն իսկոյն ճանաչեց այն եւ տրտմութիւնից ազազակեց. «Ո՛հ, այս իմ զաւակիս

շորերն է. չար գազանի մէկը կերել է Յովսէփին, չար գազանը պատառել է Յովսէփիս»: — Եւ նա իսկոյն պատառեց իւր հագուստը, ու նորա տեղ հագաւ քորձ, այսինքն ձիու մազից հիւսած հաստ շոր, որ մեծ սուգի ու տրամութեան նշան էր: Աղբիւրի պէս աչքերից արտասուք էր թափում ու ատում: «Թողէք որ ես եւս այս սուգոյս գերեզման մտնեմ, որդուս մօտ երթամ»:

Վաճառականները Յովսէփին Եգիպտոս տարան եւ այնտեղ ծախեցին Պետափրէս անունով հարուստ իշխանին, որ Եգիպտոսի թագաւորի մեծամեծներից մէկն էր եւ միանգամայն դահճապետ ու բանտերի գլխաւոր վերակացու: Բայց Աստուած օգնում էր Յովսէփին եւ նա անուանի եղաւ բոլոր Եգիպտոսում, իբրեւ երազների քաջ մեկնող:

12. ՅՈՎՍԷՓԸ ԲՍՆՏՈՒՄԸ.

Սկզբում Յովսէփը կենում էր Պետափրէսի տանը իբրեւ ծառայ եւ ինչ-որ հրամայում էին, ամենն էլ սիրով կատարում էր: Յետոյ Պետափրէսը տեսնելով, որ Յովսէփը հաւատարիմ, աչքաբաց ու շնորհալի տղայ է, սիրեց նորան եւ բոլոր իւր տան կառավարութիւնը նորան յանձնեց. Աստուած էլ Յովսէփի պատճառով օրհնեց Եգիպտացու տունը: Բայց Յովսէփը դեռ չէր մոռացել եղբայրների հասցրած վիշտը, եւ ահա մի նոր դժբախտութիւն հասաւ յիրան:

Պետափրէսի չար կինը մի օր գանգատուեց իւր մարդուն, իբրեւ թէ Յովսէփը անհաւատարիմ է դէպի նա. եւ Պետափրէսը, առանց գործի իսկութիւնն իմանալու,

Յովսէփին գրեց բանտը: Բայց Աստուած այստեղ էլ չթողեց Յովսէփին: Բանտապետն այնպէս սիրեց Յովսէփին, որ բանտի բոլոր կալանաւորներին նորա ձեռքը յանձնեց եւ այնտեղի բոլոր գործերը նորան էր կատարել տալիս: Նոյն միջոցին, երբ որ Յովսէփը բանտումն էր, թագաւորի իշխաններից երկու հոգի բերին այնտեղ: Նոցանից մէկը թագաւորի տակառապետն էր, այսինքն գլխիների վերակացու, եւ միւսը մատակարար, այսինքն սեղանի կամ կերակուրների վերակացու: Սոցա արածը երեւի մի ծանր բան էր, որ ամբողջ տարի մնացին բանտում: Մի օր Յովսէփը տեսաւ, որ սոքա երկուսն էլ շիթուած, գլուխները կախած նստած են, հարցրեց նոցա. «Ի՞նչ է պատճառը, որ այսօր այդպէս տրտում էք»: — Չարմանալի երազներ տեսանք, ասացին նոքա, եւ մէկը չկայ, որ նոցա մեկնութիւնը տայ մեզ: — Յովսէփն ասաց նոցա. «Մի՞թէ չգիտէք որ մեկնութիւնը Աստուծոյ ձեռին է, բայց պատմեցէք ինձ»:

Տակառապետն ասաց. «Ինձ երեւեցաւ որ դիմացս խաղողի մի որթ կայ: Որթի վերայ էլ երեք հատ կանանց ճիւղ եւ ճիւղերի վերայ հասած խաղող: Իմ ձեռքումս էլ կար Փարաւոնի թագաւորի բաժակը, խաղողը ճմլում էի բաժակի մէջ եւ տալիս էի թագաւորի ձեռքը»: Յովսէփն ասաց նորան. «Երեք ճիւղերը — երեք օր է. երեք օրից յետոյ Փարաւոնը յետ կը դարձնէ քեզ քո պաշտօնը, որ առաջուայ պէս Փարաւոնի բաժակը իւր ձեռքը տաս: Եւ երբ որ յաջողութեան մէջ լինիս, դու էլ ինձ միտդ բեր եւ այս բանտիցը ազատիր. ես ոչինչ յանցանք չեմ արած»: — Երբ որ Յովսէփը մեկնեց տակառապետի երազը, մատակարարն էլ ասաց. «Ես տեսայ երազումս, որ գլխիս վերայ գրած ունէի երեք զամբիւղ. վերին զամբիւղումն էին թագաւորի սիրած ամեն տեսակ կերակուրներ եւ թռչուններն ուտում

էին նրանցից»։ — Յովսէփը պատասխանեց. «Երեք զամբիւղը— երեք օր է. երեք օրից յետոյ Փարաւոնը քո գլուխը կը վերցնէ վրայիցդ, մարմինդ կախ կըտայ փայտի վերայ եւ թրուչունները քո միտը կուտեն»։ Ինչպէս ասաց Յովսէփը, այնպէս էլ եղաւ։ Երրորդ օրը Փարաւոնի ծննդեան տարեդարձն էր. ուստի եւ իւր ծառաների համար մեծ հանդէս կատարեց պալատում։ Իտը եկան տակառապետն ու մատակարարը. — հրամայեց, որ տակառապետին իւր առաջուայ պաշտօնը տրուի, իսկ մատակարարը փայտի վերայ կախուի։ Բայց տակառապետը մոռացաւ Յովսէփին, որ այլեւս երկու տարի մնաց բանտում։

13. ՅՈՎՍԷՓԻ ՓԱՌՔԸ.

Պատահեց որ Փարաւոնը երկու երազ տեսաւ։ Նորան երեւեցաւ, իբր թէ կանգնած է գետի եզերքին։ Գետի միջից դուրս եկան եօթն գեղեցիկ եւ պարարտ կովեր եւ արածում էին ափում։ Նոցանից յետոյ նոյն գետից դուրս եկան ուրիշ եօթն կովեր, բայց այնպէս նիհար, որ նոցա նման նա երբէք չէր տեսել, եւ կանգնեցան նոյն կովերի մօտ։ Եւ այն նիհար կովերը պարարտ կովերին կերան։ Փարաւոնը զարթեցաւ, բայց կրկին քնեց։ Յետոյ դարձեալ մի ուրիշ երազ տեսաւ. իբր թէ մէկ փունջ գորենի վրայ եօթն հատ լիք եւ գեղեցիկ հասկեր կային. նոցա մօտ դուրս եկան եօթն հատ էլ վտիտ եւ չոր հասկեր, եւ այս վտիտ հասկերը կերան այն եօթն լիք հասկերին։ Փարաւոնը զարթեցաւ։ Առաւօտուն վաղ կանչել տուաւ իւր բոլոր իմաստուններին եւ նոցա պատմեց երազները. բայց ոչ ոք չկարողացաւ նոցա մեկնութիւնը տալ։ Այն ժամանակ տա-

կառապետն ասաց նորան. «Նգիպտոսում կայ մի ծառայ, Յովսէփ անունով Եբրայեցի երիտասարդ, որ երազ մեկնել լաւ գիտէ»։ Թագաւորը հրամայեց, որ իւր մօտ բերեն նորան։ Երբ Յովսէփն եկաւ, թագաւորն ասաց. «Ես երազ տեսայ, բայց մարդ չկայ, որ մեկնէ ինձ. իսկ քեզ համար ասում են, ինչ երազ որ լսես, կարող ես մեկնել»։ Յովսէփը պատասխան տուաւ. «Առանց Աստուծոյ կարելի չէ յաջող ու ճշմարիտ մեկնութիւն տալ տէրութեանդ երազին»։ Երբոր Փարաւոնը պատմեց իւր երազները, Յովսէփը ասաց. «Տէր արքայ, քո տեսած երկու երազն էլ միեւնոյն նշանակութիւնն ունին. եօթն գեր կովեր եւ եօթն լիք հասկեր՝ եօթն առատութեան տարի են, նոյնպէս եւ եօթն նիհար կովեր ու եօթն վտիտ հասկեր սուլի տարիներ են։ Այդ երազներով Աստուած քեզ յայտնում է, թէ ինչ պիտի անէ, այսինքն թէ առաջ եօթն տարի շարունակ առատութիւն կըլինի, յետոյ նոցա կը յաջորդեն եօթն սուլի տարիներ։ Ուրեմն մէկ իմաստունն ու խոհեմ մարդ պիտի ընտրես եւ բոլոր Նգիպտոսի վերայ կառավարիչ կարգես։ Թող նա առատութեան տարիներին ցորեն հաւաքէ եւ սուլի տարիներին Նգիպտացոյց վերայ ծախէ, որպէսզի ժողովուրդը սովամահ չլինի»։ Յովսէփի տուած մեկնութեան եւ խորհրդին շատ հաւանեցաւ Փարաւոնը եւ ասաց Յովսէփին. «Քեզանից իմաստուն, քեզանից խոհեմ մարդ ես չունիմ. ես քեզ կըզնեմ գլուխ բոլոր Նգիպտոսի վերայ, ամեն մարդ հնազանդ կըլինի քո հրամանին. եւ ես միայն թագաւորական աթոռովս բարձր կըլինիմ քեզանից»։ — Փարաւոնը իւր ձեռքից հանեց մատանին եւ հագցրեց Յովսէփի մատին, նմանապէս բեհեզեայ շոր հագցրեց, վզին ոսկի մանեակ կախեց. նստեցրեց նորան արքունի կառքի մէջ եւ նորա առջեւից մունետիկը կանչում էր. «Երկրպագեցէք, սա է երկրի հայրը»։ Այն ժամանակ Յովսէփը երեսուն տարեկան էր։

14. ՅՈՒՍԵՓԻ ԵՂԻՍՅՈՒՆԵՐԸ ԳԱԼԻՍ ԵՆ ԵԳԻՊՏՈՍ.

Թագաւորի երազները կատարուեցան: Հասան առւտու-
թեան եօթն տարիները: Յովսէփը անչափ ցորեն ժողովեց եւ
գիզեց ամեն քաղաքներում: Սոփի տարիներն էլ հասան: Յով-
սէփն սկսեց ցորեն ծախել: Քաղցածութիւնը տիրեց նաեւ
Քանանացոց երկրին, ուր կենում էր Յովսէփի հայրը: Յա-
կոբն ասաց իւր որդոյը. «Նս լսեցի, որ Եգիպտոսում ցորեն
է ծախվում: գնացէք այնտեղ եւ գնեցէք, որ քաղցածու-
թիւնից չմեռնինք»: Յովսէփի տան եղբայրները հաւաքուե-
ցան ու գնացին Եգիպտոս, միայն Բենիամինը մնաց հօր
մօտ տանը: Երբոր եղբայրները հասան Եգիպտոս, նոցա բե-
րին Յովսէփի առաջ: Նոքա խոնարհ երկրպագեցին նորան,
բայց չճանաչեցին. իսկ Յովսէփը ճանաչեց նոցա եւ իսկոյն
միտը բերեց իւր տեսած երազները: Յովսէփը հարցրեց նոցա.
«Ո՞րտեղից էք գալիս»: Նոքա պատասխան տուին. «Քանա-
նացոց երկրից»: «Դուք լրտես էք, ասաց նա. դուք եկել էք
խմանալու, թէ ի՞նչ է լինում Եգիպտոսի երկրում»:— «Ո՛չ,
տէր», պատասխանեցին եղբայրները, մենք ցորեն գնելու
ենք եկել. ամենքս էլ մէկ մարդու որդի՝ խաղաղ ու հան-
դարտ մարդիկ ենք. մենք տասներկու եղբայր էինք. մեզա-
նից մէկը կորաւ, իսկ փոքրը մնաց տանը հօր մօտ»:— «Եթէ
դուք ճշմարիտն էք խօսում, ասաց նա, ձեզանից մէկին ու-
ղարկեցէք տուն, թող նա բերէ ձեր փոքր եղբօրը, իսկ
միւսներդ իբրեւ գերի կրմնաք ինձ մօտ»: Նա հրամայեց
նրանց բանտը տանել: Բայց երրորդ օրը Յովսէփն ասաց
նոցա. «Նս աստուածավախ մարդ եմ եւ չեմ ուզում որ
ձեզ անիրաւութիւն լինի. ուրեմն թէ որ դուք անխնաս ու
անմեղ մարդիկ էք, այսպէս արէք. թող ձեզանից միայն
մէկը մնայ բանտի մէջ, իսկ դուք ձեր առած ցորենը տա-

րէք տուն եւ ապա ձեր կրտսեր եղբօրը բերէք ինձ մօտ, որ
խմանամ թէ ճշմարիտ է ձեր խօսքը. իսկ առանց նորան
ինձ չերեւաք»:— Նա հրամայեց նոցա առջեւ Շմաւոնին կա-
պել, յետոյ պատուիրեց, որ նոցա պարկերը ցորենով լցնեն
ու բերած փողերն էլ ամեն մէկինն իր պարկի մէջ զնեն
թաքուն: Եւ եղբայրներն սկսեցին մէկմէկու ասել. «Աս-
տուած մեզ պատժում է մեր եղբօր դէմ՝ արած մեզքի
համար. մենք տեսնում էինք նորա նեղութիւնը եւ ուշ
չէինք դարձնում նորա աղաչանքին»: Ռուբէնն էլ վրայ բե-
րաւ, թէ «մտերնիդ չէ, որ ասում էի, թէ այդ մանուկի
դէմ մեզք մի գործէք, եւ դուք ինձ չլսեցիք. եւ ահա
այժմ մենք ենք տանջվում»: Նոքա այսպէս խօսում էին
եւ չգիտէին, որ Յովսէփը նոցա ամեն ասածը հասկանում
էր, որովհետեւ նոցա հետ թարգմանով էր խօսում: Յով-
սէփը հեռացաւ նոցանից եւ լաց էր լինում: Եղբայրները
տրտմութեամբ լցուած ուղեւորուեցան դէպի տուն: Ճանա-
պարհին երբ որ իջեւանեցան, նոցանից մէկը բաց արեց
իւր պարկը եւ իւր փողերը տեսաւ նորա մէջ: Նա այդ
պատմեց եղբայրներին. նոքա եւս իրանց պարկերում միեւ-
նոյնը գտան: Նոքա զարմացած մէկմէկու ասում էին. «Այս
ինչ փորձանք է բերում Աստուած մեր գլխին»: Երբ նոքա
հասան տուն եւ ինչ-որ Եգիպտոսում պատահել էր նոցա՝
պատմեցին, Յակոբը շատ տրտմեցաւ եւ ասաց. «Դուք
ինձ անզաւակ թողեցիք. Յովսէփը չկայ, Շմաւոնը չկայ,
հիմա Բենիամինին էլ ուզում էք տանել. այս ամեն փոր-
ձանքներն ինձ համար էին պահուած: Չէ, Բենիամինին չեմ
արձակիլ. թէ որ ճանապարհին հիւանդանայ կամ բան պա-
տահի, լալով ողբալով գերեզման պիտի իջնեմ:

15. ՅՈՎՍԵՓԻ ԵՂԲԱՅՐՆԵՐԻ ԵՐԿՐՈՐԻ ԳԱԼՈՒՍՏՆ
ԵԳԻՊՏՈՍ.

Երբոր Եգիպտոսից բերած ցորենը հատաւ, Յակոբն ասաց իւր որդոցը. «Գնացէք էլի Եգիպտոս եւ, եթէ կարելի է, գնեցէք ցորեն»: Նորա ասացին. «Եգիպտոսի իշխանը հրամայեց մեզ, որ առանց Բենիամինի չերեւանք, նորա աչքին, ուտի թէ որ Բենիամինին կրտաս՝ կերթանք, ապա թէ ոչ՝ պէտք է առանց հացի մնանք ու ամենքս քաղցածութիւնից մեռնենք»: Յակոբն ասաց. «Ի՞նչ հարկ կար Եգիպտոսի իշխանին ասելու, որ մէկ ուրիշ եղբայր էլ ունիք»: Նորա պատասխանեցին. «Ի՞նչ անէինք, բան չթողեց որ չհարցնէր. «ձե՛մ որդիքն էք, ձեր հայրը ո՞ղջ է, ուրիշ եղբայր էլ ունիք». ձե՛մ մտքիցը կանցնէր, որ նա պէտք է ասէր մեզ. թէ գնացէք ձեր եղբօրն էլ այստեղ բերէք»: Յուզան ասաց. «Արձակիր Բենիամինին ինձ հետ. ես երաշխաւոր եմ նորա համար: Եթէ ես նորան յետ չբերեմ, թող նորա յանցանքը իմ վերայ լինի բոլոր իմ կեանքում»: Այն ժամանակ Յակոբն ասաց. «Եթէ այդպէս է, եկէք այսպէս արէք. հետերնիդ ընծաներ տարէք Եգիպտոսի իշխանին մեր երկրի բերքերիցը՝ ռետին (անուշահամ ու անուշահոտ իւղ), մեղր, խոճիկ եւ ընկոյզ. եւ պարկերումդ գրտած փողերն էլ յետ դարձրէք նորան»: Եղբայրները հաւաքուեցան ու ճանապարհ ընկան: Երբ նորա եկան Յովսէփի մօտ, նա իւր ծառաներին հրամայեց, որ նրանց տանի տուն: Եղբայրները վախեցած մէկմէկու ասում էին. «Մեզ անպատճառ կրճեղադրեն մեր պարկերումը գտած փողերի համար եւ գերիի պէս կրպահեն իրանց մօտ»: Նորա ասացին հազարապետին. «Երբ մենք վերադառնում էինք Եգիպտոսից, ահա ինչ պատահեց մեզ՝ մենք մեր պարկերում գը-

տանք այն փողերը, որ մենք վճարել էինք ցորենի համար»: Բայց նա ասաց նոցա. «Մի վախենաք, հանգիստ կացէք. Աստուած ինքը յետ է դարձրել ձեզ ձեր փողերը. ես ամեն ստացել եմ, ինչպէս հարկն էր»: Եւտով նմաւսնին էլ բերին նոցա մօտ: Եղբայրներն իմացան, որ իշխանի տանը պիտի ճաշ ուտեն ու պատրաստեցին իրանց ընծաները: Կէսօրին երբոր Յովսէփը տուն եկաւ, իրանց հետ բերած ընծաները մատուցին նրան ու ընկան երկրպագութիւն արին: Հարցրեց Յովսէփը. «Ի՞նչպէս էք, ի՞նչպէս է, առողջ է ձեր ծերունի հայրը»: — Ողջ ու առողջ է քո ծառագ՝ մեր հայրը, — պատասխան տուին նորա: Յովսէփը տեսաւ Բենիամինին ու հարցրեց. «Այս է ձեր փոքր եղբայրը, որ ինձ մօտ պիտի բերէիք. Աստուծոյ ողորմութիւնը վրադ լինի, որդեակ»: Այստեղ Յովսէփը շուտ հեռացաւ, որովհետեւ աչքերն արգէն լցուած էին արտասուքով. նա մտաւ միւս սենեակը եւ այնտեղ լաց եղաւ: Յետոյ երեսը լուաց, սիրտը ամուր բռնեց, դուրս եկաւ եւ ասաց. «Կերակուր բերէք»: Կերակուրները բերին ու իրան առանձին տուին, եղբայրներին առանձին, նորանց հետ ճաշող եգիպտացիներին էլ առանձին: Յովսէփն ինքը յատկացրեց եղբայրների համար տեղերը. նոցա նստացրեց աւագութեան կարգով: Այդ զարմացրեց եղբայրներին: Յովսէփը իւր սեղանից էր ուղարկում նոցա կերակուր եւ Բենիամինին հինգ անգամ աւելի էր տալիս, քան թէ ուրիշներին. այսպէս եղբայրները կերան ու խմեցին նորա մօտ: Ըննապարհ ձգելիս, Յովսէփը հրամայեց որ նոցա պարկերը ցորենով լցնեն ու դնեն նոցա մէջ ցորենի համար բերած փողերն էլ. իսկ Բենիամինի պարկի մէջ, բացի փողերից, հրամայեց դնել իւր արծաթէ սկիհն էլ:

16. ԹԷ ԻՆՉՊԷՍ ԵՂԱՅՐՆԵՐԸ ՃԱՆԱԶԵՑԻՆ ՅՈՎՍԷՓԻՆ.

Երբոր եղբայրները փոքր ինչ հեռացան քաղաքից, Յովսէփն ուղարկեց նոցա յետեւից իւր հազարապետին: Հազարապետը հասնելուն պէս՝ սկսաւ աստուածութեամբ խօսել նոցա հետ. «Ինչո՞ւ բարութեան փոխարէնը չարութեամբ էք հատուցանում: Ինչո՞ւ գողացաք իմ տիրոջս արծաթէ՛ սկիհը»: Եղբայրները սարսափեցան ու ասացին. «Այդ ի՞նչ խօսքեր են, որ լսում ենք, տէր, քաւ լիցի, որ մենք այդպիսի բան անենք: Մեր միջից ում մօտ որ գտնուի սկիհը, թող նա մահապարտ լինի, իսկ մենք ամենքս էլ գերի լինինք մեր տիրոջը»: — «Ո՛չ, ասաց հազարապետը, ում մօտ որ գտնուի սկիհը, թող նա լինի ինձ գերի, միւսները յանցանք չունին»: Նոքա բաց արին իրանց պարկերը: Հազարապետը մեծից մինչեւ փոքրի պարկերը նայելուց յետոյ, սկիհը գտաւ Բենիամինի պարկի մէջ: Սարսափը տիրեց եղբայրներին: Ահու գողով նոքա էլի յետ դարձան քաղաք: Յովսէփը դեռ եւս տանն էր: Ամենքը գնացին Յովսէփի մօտ ու երեսի վրայ ընկնելով երկրպագութիւն արին: Յովսէփն ասաց նոցա. «Ի՞նչ է այդ ձեր արածը»: Յուգան պատասխան տուաւ. «Ի՞նչ պիտի ասենք մեր տիրոջը, ի՞նչ պատասխան տանք, ինչո՞վ կարող ենք արդարանալ: Աստուած մեր մեղքերի համար պատժում է մեզ: Ահա ամենքս էլ քո գերիներն ենք, թէ մենք եւ թէ նա, որի մօտ գտնուեցաւ սկիհը»: Բայց Յովսէփն ասաց. «Քաւ լիցի, որ ես այդպիսի բան անեմ: Ում մօտ որ գտնուեցաւ սկիհը, նա միայն կըլինի իմ գերիս, իսկ դուք բարով գնացէք ձեր հօր մօտ»: Այն ժամանակ Յուգան սկսեց աղաչել, որ նա այդ չանէ: «Թէ որ հիմա երթանք մեր հօր մօտ, ասում էր նա, եւ մեզ հետ չլինի մեր փոքր եղբայրը, տրամութիւնից իսկոյն կըմեռնի ձերու-

նին: Ես երաշխաւոր եղայ հօրս Բենիամինի համար. ես ասացի նորան, որ եթէ յետ չբերեմ երեխային, յանցաւոր լինիմ բոլոր իմ կեանքում: Եւ ի՞նչպէս երեւամ հօրս: Ո՛չ, ես չեմ կարող հօրս չարչարանքն ու մահը տեսնել»: Չկարողացաւ Յովսէփը այլեւս դիմանալ: Նա բարձրաձայն լաց եղաւ եւ ասաց. «Ես Յովսէփն եմ. յիրաւի մինչեւ հիմա կենդանի է հայրս»: Եղբայրներն այնպէս շփոթուեցան, որ չբարոզացան մի խօսք էլ ասել: «Մօտ եկէք», ասաց Յովսէփը: Նոքա մօտ եկան: Նա կրկնեց. «Ես ձեր այն Յովսէփ եղբայրն եմ, որին դուք ծախեցիք. բայց մի տրամիք ինձ ծախելու համար, որովհետեւ Աստուած ինձ ուղարկեց այստեղ, որ ձեր փրկութեան պատճառ լինիմ: Նուտ արէք, գնացէք իմ հօրս մօտ եւ պատմեցէք նորան իմ փառքի մասին ու ասացէք՝ ահա թէ ինչ է ասում քո որդի Յովսէփը. «Աստուած ինձ բոլոր Եգիպտոսի տէր կարգեց. եկ ինձ մօտ, մի ուշանար: Գու կըքնակուիս ինձ մօտ: Ես կըկերակրեմ քեզ, որովհետեւ էլի հիմա տարի սով կըլինի»: Յետոյ իւր եղբոր Բենիամինի վզովը փաթաթուեցաւ ու լաց եղաւ. Բենիամինն էլ գրկում էր նորան ու լաց էր լինում: Յովսէփը միւս եղբայրներին էլ համբուրում էր եւ նրանց գրկելիս լաց էր լինում: Նոքա էլ սիրտ արին եւ սկսեցին խօսիլ Յովսէփի հետ: Նա շտեր պարգևեց նոցա, իսկ հօրն ընծաներ ու կառքեր ուղարկեց, որ գայ: Յովսէփը եղբայրներին ճանապարհ գցելիս ասաց. «Ճանապարհին չ'վիճէք»:

17. ՅԱԿՈՒԲԻ ԵԳԻՊՏՈՍ ՏԵՂԱՓՈՒՈՒԻԼԸ.

Եղբայրներն եկան տուն եւ ասացին իրանց հօրը. «Յովսէփը կենդանի է: Եգիպտոսի թագաւորը իւր ամբողջ երկրի վերայ իշխան կարգեց նորան»: Յակոբը սրտի ուրախու-

Թիւնից չէր ուզում հաւատալ. բայց երբոր Յովսէփի ուզարկած կառքերն ու ընծաները տեսաւ, նորից երիտասարդանայու պէս կենդանացաւ ծերունին: «Եթէ յիրաւի Յովսէփ որդիս դեռ կենդանի է, ասաց նա, սորանից մեծ ուրախութիւն չի կարող լինել ինձ համար. ուրեմն քանի որ չեմ մեռած՝ գնամ տեսնեմ նորան»: Եգիպտոս գալուց առաջ Յակոբը Աստուծուն զոհ մատոյց: Աստուած տեսիլքով յայտնուեցաւ Յակոբին ու ասաց. «Մի վախենար, գնա՛ Եգիպտոս: Ես ինքս կրգամ քեզ հետ Եգիպտոս, եւ ինքս դարձեալ կըհանեմ քո ազգատոհմը այն տեղից: Յովսէփը իւր ձեռքով կըփակէ քո աչքերը»: Յակոբը իւր հետ Եգիպտոս տարաւ իւր բոլոր որդոցը, թոռներին, բոլոր խաչները եւ իւր բոլոր ստացուածքը: Յովսէփն իսկոյն կառքը պատրաստել տուաւ եւ իւր հօր առաջը դուրս եկաւ: Մօտը հասնելուն պէս վզովը փաթաթուեցաւ ու բարձր ձայնով լաց եղաւ: Հայրն էլ ասաց արտասուելով. «Սյուսհետեւ սիրով կըմեռնիմ, որովհետեւ տեսայ որ դու կենդանի ես»: Ինքը Փարաօնն էլ կամեցաւ տեսնել Յովսէփի հօրը եւ եղբայրներին: Երբ նորա ներկայացան թագաւորին, հարցրեց նոցա. «Ձեր գործըն ի՞նչ է»: Նորա պատասխան տուին. «Մենք ոչխարների հովիւ ենք. եկել ենք այս երկրի մէջ բնակուելու, որովհետեւ Քանանացոց երկրումը սաստիկ սով է»: Նա ասաց Յովսէփին. «Եգիպտացոց աշխարհը բաց է քո առաջ, երկրի ամենալաւ տեղումը բնակեցրու՛ հօրդ ու եղբայրներիդ»: Յետոյ թագաւորը հարցրեց Յակոբին. «Քանի տարի են քո կենաց օրերը»: Յակոբը պատասխանեց. «Հարիւր երեսուն տարեկան եմ. սակաւ եւ դժուարին են կեանքիս օրերը»:

Յակոբ նահապետը տասն եւ եօթ տարի կացաւ Եգիպտոսի մէջ: Երբոր տեսաւ, որ մահուան ժամանակը մօտեցել է, կանչեց Յովսէփին եւ ասաց նորան. «Երբոր ես մեռնեմ, չթաղես ինձ Եգիպտոսում. ես կամենում եմ իմ

հայրերի հետ ննջել, դուրս տա՛ր ինձ Եգիպտոսից եւ նոցա գերեզմանումը թաղիր»: Յովսէփը պատասխանեց. «Խօսք կըկատարեմ»: Յակոբն ասաց. «Երդուիր ուրեմն»: Յովսէփը երդուեցաւ: Մեռնելուց առաջ Յակոբը օրհնեց իւր բոլոր որդոցը, Յուդայի համար մարգարէացաւ, թէ նորա սերունդներից չեն պակասիլ թագաւորներ, մինչեւ որ չգայ Փրկիչը: Յետոյ պառկեցաւ իւր մահճի վերայ եւ վախճանեցաւ: Յովսէփն ընկաւ իւր հօր երեսին, համբուրեց ու լաց եղաւ: Յակոբի բոլոր որդիքը հաւաքուեցան եւ ինչպէս հայրը պատուիրել էր՝ այնպէս էլ արեցին. տարան Քանանացոց երկիրը եւ այնտեղ թաղեցին: Հօր մեռնելուց յետոյ եղբայրներն ասացին. «Ի՞նչ պիտի անենք, եթէ Յովսէփը ռի պահելով իւր սրտի մէջ՝ կամենայ մեզանից վրէժ առնել այն չարութիւնների փոխարէն, որ մենք գործեցինք նորա դէմ»: Ուստի սիրտ արին, մարդ ուղարկեցին Յովսէփի մօտ ասելու, թէ «մեր հայրը մեռնելիս պատուիրեց, որ թողութիւն խնդրենք քեզանից. ուրեմն ներիր մեզ մեր յանցանքը»: Լաց եղաւ Յովսէփը այդ սրտաշարժ մեղայի վերայ: Նա կանչեց իւր եղբայրներին եւ ասաց. «Ես վրէժս չեմ առնիլ ձեզանից. ես վախենում եմ Աստուծուց: Ի՞նչ ուզեցիք ինձ չարիք անել, բայց Աստուած ինձ բարիք կամեցաւ, որ ժողովուրդի այսքան բազմութիւնը ազատուի մահից: Ուրեմն մի վախենաք. ես կըկերակուեմ ձեզ եւ ձեր որդոցը»:

18. ՀՐԷԱՅՔ ԵՔԻՊՏՈՍՈՒՄ.


Յակոբի մեռնելուց յետոյ քիչ ժամանակի մէջ նորա ցեղը բազմացաւ եւ մի ազգ յառաջացաւ, որ Եբրայեցի, Հրէայ եւ Իսրայէլացի էր կոչուում: Այն ազգը տասներկու ցեղ բաժանուեցաւ՝ Յակոբի տասներկու որդոց թուովը:

Իսրայէլացիք Եգիպտոսի մէջ բնակուելով, սակաւ առ սակաւ իրանց հայրենի սովորութիւնները թողին, եւ մէկ քանիսն իրանց հաւատն անգամ մոռացան: Աստուած նրանց պատժելու համար՝ իւր ողորմութիւնից զրկեց: Եգիպտացոց Փարաւոն կոչուած թագաւորներն սկսան ծանր աշխատութիւններով նրանց նեղացնել. իսկ Փարաւոններից մէկը սոսկալի հրաման հանեց, որ Հրէից նորածին բոլոր արու տղայք սպանուին: Այն ժամանակ Հրէայք յիշեցին իրանց Աստուծուն եւ սկսան Նորա ողորմութիւնն ու օգնութիւնը խնդրել: Ողորմածն Աստուած խղճալով նոցա վերայ՝ նոցա ազատարար ուղարկեց Մովսէսին:

19. ՄՈՎՍԷՍ ՄԱՐԿՈՐԵՆ.

Երբոր Մովսէսը ծնուեցաւ, մայրը սկզբում նորան իւր տան մէջ պահեց, որ Եգիպտացիք չսպանեն, յետոյ գրաւ ձիւթով ծեփած կողովում եւ ձգեց գետում՝ բուսած եղեգների մէջ այն տեղի մօտ, ուր լողանում էր Փարաւոնի աղջիկը: Թագաւորի աղջիկը տեսաւ այն փոքր կողովը, միջից հանեց տղային, իրան որդեգիր արաւ եւ անունը գրաւ Մովսէս, որ նշանակում է Չրից հանաք: Մովսէսը մեծացաւ եւ թագաւորի պալատի մէջ կրթուեցաւ. բայց աւելի լաւ էր համարում չարչարուիլ իւր ազգակից՝ Աստուծոյ ժողովրդի հետ, քան թէ միայնակ երկրաւոր զուարճութիւններ վայելել: Մի անգամ Մովսէսը տեսաւ, որ մի Եգիպտացի սաստիկ ծեծում է մի Հրէայի: Նա Հրէային տէր կացաւ եւ նորա հակառակորդին սպանեց: Փարաւոնն այս լսելով, հրամայեց որ Մովսէսին սպանեն: Մովսէսը մերձակայ Արաբացոց երկիրը փախչելով՝ մահից ազատուեցաւ:

Արաբիայի մէջ Յոթոր քրմի տանը մնաց. նորա դստեր հետ ամուսնացաւ եւ քառասուն տարի կացաւ նորա մօտ: Նա տ էր ցաւում դժբախտ Իսրայէլացոց վերայ. այնպէս էր կարծում, թէ այն ազգը նեղութիւնից այնպէս պիտի փճա-



նայ, ինչպէս որ կրակով ոչնչանում է բոյսը: Մէկ անգամ գաշտի մէջ տեսաւ մի փշոտ թուփ՝ մորենի, որ վառվում էր, բայց չէր այրվում (անկէզ մորենի): Մօտեցաւ այն թփին եւ նորա միջից ձայն լսեց, որ ասում էր. «Ես եմ քո հայրերի Աստուածը. Ես տեսնում եմ իմ ժողովրդեանս չարչարանքը եւ կամենում եմ ազատել նորան: Ուրեմն գնա Փարաւոնի մօտ եւ իմ ժողովուրդս Եգիպտոսից հանիր»: Մովսէսը հրաժարուեցաւ այս պաշտօնը կատարելուց, պատճառ բերելով թէ իրան չեն հաւատալ: Այն ժամանակ Աստուած նորան տուաւ հրաշագործութիւններ անելու զօրութիւն:

Մովսէսը իւր Ահարոն եղբոր հետ Փարաւոնի դիմացն ելաւ եւ տասն հրաշալի պատիժներով ստիպեց թագաւորին որ Հրէաներին արձակէ: Տասներորդ պատժից առաջ Մովսէսը հրամայեց, որ ամեն մէկը իրանց հօտի միջից մի-մի գառն ընտրեն, երեք օրից յետոյ մորթեն, նորա արիւնով նշան դնեն իրանց դռների վերայ եւ այն ուսնն եղեգ ասուած դառն խոտով եւ բազարջ հացով: Եւ ասաց նոցա թէ «Այս գիշեր Աստուած պէտք է կոտորէ Եգիպտացոյ անդրանիկներին, իսկ առանց վնասելու կանցնի այն դռների մօտով, որոնց վերայ արիւն է քսուած»: Հրէայք Մովսէսի հրամանը կատարեցին: Գիշերը բոլոր Եգիպտացոց տների մէջ լաց ու ողբ տարածուեցաւ: Ամենայն տան մէջ մեռել կար, Հրէաների տներից գատ: Նոյն իսկ Եգիպտացիք խնդրում էին Հրէաներին, որ շուտով հեռանան իրանց երկրից:

Այն օրից սկսած՝ Հրէայք ամենայն տարի մորթում են եւ ուտում գառն՝ եղէգնով ու բազարջ հացով, իբրեւ նշան, որ գառան արիւնով ազատուեցան Եգիպտոսի ցաւալի վիճակից: Այն օրը Պասէ+ կամ Զարի կոչուեցաւ, որ նշանակում է անց+ կամ արարութիւն:

20. ՀՐԷԱՆԵՐԻ ԵԳԻՊՏՈՍԻՑ ԴՈՒՐՍ ԳԱԼԸ.

Երբ Եգիպտացիք իրանց ննջեցեալներին թաղեցին, սկսան զղջալ, որ Իսրայէլացոց թող տուին: Փարաւոնը իւր զօրքերով նոցա յետեւից ընկաւ եւ Կարմիր ծովի եզերքին նոցա հասաւ: Իսրայէլացիք վախեցան. բայց Մովսէսը քաջալերելով նրանց, գիշեր ժամանակ Աստուծոյ հրամանով գաւազանը ջրին խփեց: Այն ժամանակ մի սաստիկ հողմ վերկացաւ, ծովի ջրերը երկու բաժանեց եւ յատակը չորացրեց: Իսրայէլացիք ցամաք յատակի վրայից անցան: Իսկ ջուրը պարսպի

նման աջ ու ձախ կողմը կանգնած էր: Եգիպտացիք նոցա ետեւից ընկան եւ գրեթէ ծովի մէջտեղն էին, երբ Իսրայէլացիք արդէն անցան միւս եզերքը: Այն ժամանակ Մովսէսը իւր գաւազանը մեկնեց դէպի ծովը եւ ջուրն իսկոյն միացաւ: Փարաւոնը եւ նորա բոլոր զօրքերը խեղդուեցան:

Իսրայէլացիք յառաջ տարան իրանց ճանապարհը Արաբիայի անապատի մէջ: Նոքա այն ճանապարհորդութեան մէջ շատ նեղութիւններ կրեցին: Բայց ողորմածն Աստուած ամեն բանի մէջ օգնում էր նոցա. անապատի մէջ նոցա ճանապարհ էր ցոյց տալիս. նորա հրամանով օդի մէջ մէկ սիւն երեւեցաւ, որ ցերեկը ամպի պէս էր եւ Իսրայէլացոց արեւից էր պաշտպանում, իսկ գիշերը կրակի նման էր լինում եւ ճանապարհը լուսաւորում էր: Երբ նոքա Եգիպտոսից առած բոլոր հացը հատացրին, Աստուած մանանայ տըւաւ նոցա, այսինքն սննդարար քաղցը հատիկներ, որ ամեն առաւօտ անապատի մէջ իջնում էր մեծ քանակութեամբ: Երբ նոցա ջուրը պակասեցաւ, Մովսէսն իւր գաւազանը ժայռին խփեց եւ քարի միջից ջուր բղխեցրեց: Ամաղեկացիք ճանապարհին նոցա վերայ յարձակուեցան, բայց Իսրայէլացիք Աստուծոյ օգնութեամբ յաղթեցին նրանց:

21. ՍԻՆԱՅ ԼԵՐԱՆ ՎԵՐԱՅ ԱՍՏՈՒԾՈՅ ՏՈՒԱԾ

ՕՐԷՆՔՆԵՐԸ.

Իսրայէլացիք՝ Եգիպտոսից դուրս գալուց յիսուն օր յետոյ, Սինայ լեռան մօտեցան: Երբ այնտեղ կանգնած էին, թանձր մառախուխ Սինայի գագաթը պատեց, կայծակներ էին արձակում եւ որոտմունք էր լինում: Իսրայէլացիք լսեցին Աստուծոյ ձայնը, որ ժողովրդին յայտնում էր Իւր սուրբ կամքը, ասելով՝

1. Ես եմ Տէր Աստուած քո, և մի՛ եղիցին քեզ այլ աստուածք բաց յինչն:

Ես եմ քո Տէր Աստուածը, եւ Ինձանից զատ ուրիշ աստուածներ չունենաս:

2. Մի՛ արասցես դու քեզ կուռս ըստ ամենայն նմանութեան, որ ինչ յերկինս 'ի վեր, և ո՛ր ինչ յերկրի 'ի խոնարհ, և որ ինչ 'ի ջուրս 'ի ներքոյ երկրի՝ մի՛ երկրպագանիցես նոցա և մի՛ պաշտեսցես զնոսա:

Քեզ համար կուռք մի չինիր, ոչ վերելի բաների նմանութեամբ, ոչ ներքելը՝ գետնի վերայ եղածների, եւ ոչ գետնի տակ՝ ջրերի մէջ եղածների նմանութեամբ. մի երկրպագիր նոցա եւ մի պաշտիր. կամ թէ՛ աշխարհի մէջ եղած ոչ մի բան իբրեւ Աստուած մի պաշտիր, կուպաշտութիւն մի անիր, հոգուդ հակառակ բան մի անիր ոչ փողի համար, ոչ ուրիշին հաճոյանալու համար. մի արբենար եւ արկրամոլ մի լինիր:

3. Մի՛ առնուցուս զանուն Աստուծոյ քո 'ի վերայ սնոտեաց:

Չուր տեղը Աստուծոյ անունը մի յիշիր: Աստուծոյ անունը յիշիր միայն ազօթքի եւ խօսակցութեանց մէջ մեծ յարգանքով: Պէտք չեղած տեղը երգում մի անիր: Սուտ մի խօսիր. մանաւանդ սուտ երգում մի անիր:

4. Յիշե՛ սրբել զօր շաբաթու, զվեց օր գործեսցիր և արասցիր զամենայն գործս քո, իսկ զեօթներօրդ օրն շաբաթ նուիրեա՛ն Տեառն քում:

Մտքումդ պահիր, որ շաբաթ եւ տօն օրերը պէտք է սուրբ գործեր անել եւ ոչ թէ անգործութեամբ անցկացնել, վեց օրուայ մէջ քո բոլոր գործքերդ արա՛, իսկ եօթներօրդ օրը քո Տէր Աստուծուն նուիրիր՝ այն օրը աշխատիր Աստուծոյ եւ ազգասների համար:

5. Պատուեա՛ն զհայր քո և զմայր քո, զի բարի լինիցի քեզ և երկայնակեաց լիցիս 'ի վերայ երկրի:

Պատուիր քո ծնողներիդ եւ նոցա, որոնք ծնողաց տեղ են բռնում, այսինքն մեծերիդ, ուսուցիչներիդ եւ բարերարներիդ: Սյն ժամանակ քեզ համար լաւ կըլինի եւ երկար կապրիս աշխարհիս մէջ: Նոցա յարգիր, նոցա կարօտութեան ժամանակ օգնիր:

6. Մի՛ սպանաներ:

Մի սպանիր. ոչ գործով, ոչ խօսքով ոչ ոքին չարհամարհես. ոչ քո եւ ոչ այլոց առողջութեանը վնաս մի տար. կարօտեալ մարդկանց օգնիր:

7. Մի՛ շնար:

Շնութիւն մի անիր, քո եւ այլոց հոգու մարտութիւնը մի սպականիր անվայել գործերով, խօսքերով եւ հայեցուածքով:

8. Մի՛ գողանար:


Քո եւ այլոց ստացուածքին վնաս մի տար, գողութիւն մի անիր, գտած բանդ մի պահիր, ուրիշի ունեցածը մի յափշտակիր, մշակի վարձը մի կորիր, կաշառք մի առնիր:

9. Մի սուտ վկայեր զընկերէ քումմէ:

Ուրիշի բարի անուանը մի վնասիր, զրպարտութիւն մի անիր, լրտեսութիւն մի անիր, ուրիշների գործերը եւ

խօսքերը 'ի վատն մի մեկնիր, բամբասանք մի անիր, անձիգ-
վերայ չար բաներ մի մտածիր, բամբասանքի եւ զրպարտու-
թիւնների մի լսիր:

10. Մի ցանկանար տան ընկերի քո եւ մի՛
ամենայնի, որ ինչ ընկերի քո իցէ:



Նախանձու աչքով մի նայիր ուրիշի բախտաւորութեան
վերայ եւ գոհ եղիր քո ունեցածով:

Երբ ձայնը գաղարեց, Մովսէսը լերան վերայ բարձրա-
ցաւ եւ այնտեղ Աստուծուց առաւ երկու քարեղէն տախ-

տակներ, որոնց վերայ գրուած էին Աստուծոյ տանն պա-
տուիրանները. նոյնպէս եւ ուրիշ պատուիրաններ առաւ,
թէ ի՞նչպէս պէտք է կատարել Աստուածպաշտութեան ծէ-
սերը եւ սրբութեամբ ապրիլ: Ժողովուրդն այն օրէնքները
լսելով՝ երդուեցաւ որ սրբութեամբ կրկատարէ ամենը: Այն
Ժամանակ Աստուած յայտնեց, թէ Իսրայէլացոց մէջ մի մեծ
Մարգարէ պիտի գայ, որ կըբացատրէ նոցա Աստուծոյ
կամքը:

Օրէնքի տախտակները գրուեցան տապանակի մէջ, որ
ազնիւ փայտից շինուած մէկ արկղ էր, եւ ոսկով ծեփած:
Այն տապանակը Մովսէսը գրաւ առանձին վրանի մէջ, որ
խորան կոչուեցաւ: Խորանի առջեւ շինուած էր սեղան կամ
գոհարան: Հրէայք այնտեղ գնում էին Աստուծուն աղօթե-
լու եւ զոհ մատուցանելու համար: Մովսէսը Աստուծոյ հրա-
մանով իւր Ահարոն եղբօրը քահանայապետ կարգեց, իսկ
նորա որդոցը քահանայ գրաւ:

Մովսէսը բոլոր օրէնքները մէկ գրքի մէջ գրեց: Այս
կերպով ձեւացաւ Սուրբ Գիրքը: Հրէայք Աստուծուց իրանց
տուած օրէնքների յիշատակն անմոռանալի պահելու համար,
ամենայն տարի սկսան տօնել Յինանց վերջի օրը, որ է Պեն-
տեկոստէն: Այն տօնը Յիսներորդաց տօն էր կոչվում այն
պատճառով, որ կատարվում էր Զատիկից յիսուն օր յետոյ:
Այն օրը Հրէայք սովորութիւն ունէին իրանց սները զար-
գարել ծաղիկներով եւ ծառերով:


22. ԻՍՐԱՅԷԼԱՅՈՑ ԱՆԱՊԱՏԻ ՄԷՋ ԱՐԱԾ ՃԱՆԱՊԱՐՀՈՐ-
ՔՈՒԹԻԻՆԸ ՄԻՆՉԵԻ ՔԱՆԱՆԱՅՈՑ ԵՐԿԻՐԸ.

Իսրայէլացիք՝ Աստուծուց օրէնքներն առնելուց յետոյ,
քառասուն տարի եւս Արաբիայի անապատներում թափա-

ուեցան: Այն ժամանակ Աստուած գթութեամբ խնամում էր եւ խստութեամբ պատժում նոցա, որ խռովութիւն չհանեն եւ չտրտնջան: Մի անգամ Կորին հրէայն Ահարոն քահանայապետի եւ այլ քահանաների դէմ ելաւ ասելով թէ՛ «բոլոր ժողովուրդը սուրբ է, դուք ինչո՞ւ համար ձեզ միայն վեր էք գասում Աստուծոյ ժողովրդից»: Նորա հետ միաբանեցան նաեւ 250 ծերեր: Այն ժամանակ Մովսէսն ասաց. «Աստուած ցոյց կրտայ, թէ Ինքը որին է ընտրում», եւ հրամայեց ծերերին որ բուրվառներն առած խորանը գան: Բայց բոլոր ծերերը Մովսէսի այս հրամանը չկատարեցին: Նոցանից երկուքը՝ Գազան եւ Աբիրոն պատասխանեցին, թէ՛ «բաւական է, որ Մովսէսը մեզ հարուստ աշխարհից հանեց. նա դեռ մեզ ոչինչ օգուտ չէ տուել, այլ ուզում է մեր վերայ իշխել. մենք չենք երթալ»: Աստուած այս ապստամբներին պատժեց: Կորին, Գազանի եւ Աբիրոնի վրանները նոցա ծառաներով եւ ստայուածքով մէկ տեղ գետնի տակ անցան, իսկ խորանի առաջ հաւաքուած ծերերն այրուեցան այն կրակով, որ խորանի միջից դուրս եկաւ, եւ շատ ժողովուրդ եւս ժանտախտով մեռան: Այս կերպով Աստուած յայտնեց թէ՛ նա Մովսէսին իշխան է կարգել, իսկ Ահարոնին քահանայապետ:

Մէկ անգամ եւս Իսրայէլացիք միս չունենալու համար սկսան տրտնջալ Մովսէսի դէմ, որովհետեւ ասում էին, թէ՛ զգուել են ամենայն օր մանանայ ուտելուց: Աստուած նրանց պատժելու համար, նոցա վերայ օձեր ուղարկեց, որ խածոտում ու մեռցնում էին նորանց: Իսրայէլացիք զղջացին իրանց արածների վերայ: Այն ժամանակ Մովսէսը Աստուծոյ հրամանով փայտ սիւնի վրայից մի պղնձէ օձ կախեց եւ ասաց. «Ով որ հաւատով այս օձին կրնայի, չի մեռնիլ»: Այն Իսրայէլացիք, որոնք Մովսէսի խօսքին հետեւեցան, կենդանի մնացին:

Քանանացոց երկրի սահմանների մօտ մեռաւ Մովսէսը, եւ Աստուած նորա փոխանակ Իսրայէլացոց առաջնորդ նշանակեց Յեսու Նաւեային:



23. ՅԵՍՈՒ ՆԱՒԵԱՅ ԵՒ ԴԱՏԱԻՈՐՆԵՐ.

Յեսու Նաւեան Իսրայէլացոց Աստուծոյ խոստացած երկիրը հասցրեց: Աստուած այն ժամանակ օգնում էր Իսրայէլացոց: Նորա Յորդանան գետի միջից պիտի անցնէին: Աստուծոյ հրամանով գետի ջրերը բաժանուեցան եւ յետ քաշուեցան այնպէս, որ նոքա գետի ցամաք յատակի վերայով անցան: Պէտք էր նաեւ վեր առնել Երիքով բաղաբը, որ շրջապատուած էր ամուր պարիսպներով եւ ամրացած: Քահանայք՝ ուխտի տապանակն առած, նորա չորս կողմը շրջեցան. ամուր պարիսպներն իրանք իրանց կործանուեցան:

Անց տարուան մէջ Իսրայէլացիք Քանանացոց բոլոր երկրին տիրեցին եւ փրճակով իրանց տառն եւ երկու ցեղերի մէջ բաժանեցին:

Յետուայ մահից յետոյ Իսրայէլացիք ծերակոյտով էին կառավարում: Այն ժամանակներում շատ նեղութիւններ կրեցին նոքա, որովհետեւ Աստուծոյ հրամանը չէին կատարում: Իսրայէլացոց ցեղերը փոխանակ Աստուծոյ հրամանները կատարելու եւ բարեկամական սիրով վարուելու, կռւում էին միմեանց հետ եւ իւրաքանչիւր հրէայ իւր խելքի կտրածն էր անում: Բացի սորանից նոքա հեթանոսների հետ բարեկամութիւն արին եւ նոցանից կռապաշտութիւն ստորեցան, որ Աստուած արգելել էր: Այս պատճառով Աստուած իւր ողորմութիւնը կտրեց նոցանից, եւ մերձակայ հեթանոս ազգերն սկսան նրանց նեղել: Սակայն Իսրայէլացիք զղջում էին իրանց մեղքերի վերայ եւ այն ժամանակ Աստուած սկսում էր նորից օգնել նոցա եւ ազատիչներ ուղարկել, որոնք ժողովրդին կառավարելով թշնամիների ձեռքերից ազատում էին նրանց: Այս ազատարարները դատաւորներ էին կոչվում: Օրինակի համար՝ Իսրայէլացիք իրանց մեղքի համար մէկ փայրենի ժողովրդի իշխանութեան տակ ընկան, որ կողոպտում էր նոցա երկիրը: Երբոր Իսրայէլացիք իրանց մեղքերի վերայ զղջացին, Աստուծոյ հրեշտակը երեւեցաւ Գէդէօնին եւ ասաց. «Ես քեզ կուղարկեմ, որ ձեր թշնամիներին մի մարդու նման կոտորես»: Այն ժամանակ Գէդէօնը կուռքերի զոհարանը կործանեց եւ ճշմարիտ Աստուծուն զոհ մատուցց, եւ վերստին երեք հարիւր մարդով յարձակուեցաւ թշնամի զօրքի վերայ: Աստուած այնպէս շփոթութիւն ձրգեց թշնամիների մէջ, որ սկսան միմեանց կոտորել եւ այնպէս փախան — ցրուեցան:

Աերջին դատաւորն եղաւ Սամուէլ մարգարէն, որ

Աստուծոյ օգնութեամբ Իսրայէլացիներին թշնամիների ձեռքից ազատեց եւ պատերազմից յետոյ երկար ժամանակ կառավարեց նրանց:

24. ՍԱԻՌԻՂ՝ ՀՐԷԻՅ ԱՌԱՋԻՆ ԹԱԳԱԻՈՐԸ.

Հրէաները կամեցան թագաւոր ունենալ, եկան Սամուէլ մարգարէի մօտ եւ ասացին. «Կարգիր մեր վերայ թագաւոր, թող նա դատէ մեզ եւ պաշտպանէ թշնամիներից»:

Սամուէլն աղօթք արեց Աստուծուն եւ Աստուած ասաց նորան. «Կարգիր նոցա վերայ թագաւոր»: Սամուէլը Աստուծոյ հրամանով իւզ թափեց Սաւուղի գլխին եւ թագաւոր օժեց նորան: Սկզբում Սաւուղը բարեպաշտ էր, բայց յետոյ անհնազանդ գտնուեցաւ Աստուծոյ առաջ: Նորա թագաւորութեան երկրորդ տարին Փղշտացիք պատերազմ յայտնեցին Հրէաներին: Աստուած արգելել էր Սաւուղին պատերազմ սկսելը, մինչեւ որ Սամուէլը զոհ չմատուցանէ: Սաւուղը չպատսեց մարգարէի գալստեան եւ իւր ձեռքով զոհեց: Սամուէլն եկաւ եւ ասաց. «Սյդ ի՞նչ արեցիր»: Սաւուղը պատասխանեց. «Ինչ շատ ուշացար, իսկ ժողովուրդն սկսեց ցրուիլ: Ես կարծեցի, թէ Փղշտացիք շուտ կըզան եւ ժամանակ չենք ունենալ զոհելու»: Սամուէլն ասաց. «Ինչ փատ վարուեցար, որ չպահեցիր Աստուծոյ պատուէրը: Աստուած յաւիտեան քեզ կըթողնէր Իսրայէլի թագաւորութիւնը, իսկ այժմ կըզանէ ուրիշին եւ նորան կըկարգէ ժողովրդի իշխան»: Չնայելով այս սպառնալիքին, Սաւուղը երկրորդ անգամ էլ չկատարեց Աստուծոյ կամքը: Սամուէլի բերանով Աստուած հրամայեց Սաւուղին ամբարիշտ

Ամազեկացիներին կոտորել՝ առանց խնայելու մարդկանց եւ կենդանիներին: Սաւուրը զօրք ժողովեց, յարձակուեցաւ Ամազեկացոց վերայ, կոտորեց նրանց, բայց խնայեց նոցա Ագազ թագաւորին եւ կենդանիներից էլ ընտիրները պահեց. նա ոչնչացրեց միայն այն, ինչ-որ ոչինչ արժէք չունէր: Երբոր այդ խնացաւ Սամուէլը՝ շատ տրտմեցաւ: Միւս օրը նա եկաւ Սաւուրի մօտ եւ ասաց. «Այս ի՞նչ ոչխարների մայուն է լրսվում եւ եզների բառաչուն»: Սաւուրն ասաց. «Այդ Ամազեկացոց անասուններն են: Ժողովուրդը խնայեց ընտիր ոչխարներին ու եզներին, որ Աստուծուն զոհ մատուցանէ»: Սամուէլն ասաց. «Միտդ պահիր՝—հնազանդութիւնը զոհից լաւ է, իսկ անհնազանդութիւնը նոյն է կռապաշտութիւն»: Այս ասելուց յետոյ Սամուէլը կամենում էր հեռանալ, բայց Սաւուրն այնպէս պինդ բռնեց նորա շորերից, որ փեշը պատռուեցաւ: Սամուէլն ասաց. «Ինչպէս որ դու պատուեցիր իմ փեշը, այնպէս էլ Տէրը կրիպէ քեզանից թագաւորութիւնդ եւ կրտայ նորան, որ քեզանից լաւ է»:

25. ԴԱԻԹԻ ԹԱԳԱՒՈՐ ԸՆՏՐՈՒԻԼԸ.

Աստուած ասաց Սամուէլին. «Մինչեւ երբ դու պիտի տրտմիս Սաւուրի մասին, որին ես մերժեցի, որ այլեւ թագաւոր չլինի նա: Լցրու ամանը իւղով եւ գնահ Բեթղեզէմ՝ Յեսսէի մօտ. նորա որդկերանցից մէկին թագաւոր եմ ընտրել. ես ցոյց կըտամ եւ դու օծիր նորան»: Սամուէլը եկաւ Բեթղեզէմ, կանչեց ժողովրդի ծերերին եւ ասաց. «Պատրաստուեցէք Աստուծուն զոհ մատուցանելու. զոհագործութեան կանչեցէք նաեւ Յեսսէին եւ նորա որդոցը: Երբոր Սամուէլը տեսաւ Յեսսէի մեծ որդուն՝ մտածեց. «Երեւի սա պիտի լինի թագաւոր»: Տէրն ասաց նորան. «Մի նայիր

տեսքին եւ նորա հասակի բարձրութեանը. ես նորան չեմ ընտրած. ես չեմ նայում այնպէս, ինչպէս նայում են մարդիկ. մարդը նայում է երեսին, իսկ ես նայում եմ սրտին: Յեսսէն մէկմէկ բերեց Սամուէլի մօտ իւր եօթը որդոց, բայց Տէրը նոցանից ոչ մէկին չընտրեց: Սամուէլը հարցրեց Յեսսէին. «Քո բոլոր որդիքն էլ այստեղ են»: Յեսսէն պատասխանեց—կայ էլի ամենից կրտսերը, Դաւիթ անունով, նա ոչխարներ է արածացնում»: Սամուէլն ասաց. «Կանչիր նորան»: Յեսսէն մարդ ուղարկեց Դաւիթին կանչելու: Դաւիթն եկաւ: Նա շէկ էր, գեղեցիկ աչքերով եւ վայելուչ դէմքով: Տէրն ասաց Սամուէլին. «Վեր կաց, օծիր դորան. դա է Հրէից ազգի ապագայ թագաւորը»: Սամուէլը նորա գլխին իւր թափեց, եւ Տիրոջ Հոգին նոյն օրից իջաւ Դաւիթի վերայ:

26. ԴԱԻԹԸ ՅԱՂԹՈՒՄ Է ԳՈՂԻԱԹԻՆ.

Թէ Սաւուրը եւ թէ ժողովուրդը շատ շուտ ճանաչեցին Դաւիթին: Մէկ անգամ Փղշտացիք պատերազմի ելան Հրէից դէմ: Փղշտացիք բանակեցան լերան վերայ միւս կողմից Իսրայէլացոց հանդէպ, իսկ մէջտեղը գտնվում էր ձորը: Փղշտացոց զօրքի կողմից դուրս եկաւ մի հսկայ, Գողիաթ անունով: Նա ասաց Հրէաներին. «Ինչի՞ էք դուք ամենքդ դուրս եկել պատերազմելու. ընտրեցէք ձեր միջից մի մարդ, որ ինձ հետ մենամարտէ. եթէ նա ինձ սպանէ, մենք կըլինինք ձեզ ծառայ, իսկ եթէ ես յաղթեմ եւ սպանեմ, դուք կըլինիք մեզ ծառայ: Սաւուրը եւ նորա հետ բոլոր Հրէաները լսեցին հսկայի այս խօսքերը եւ շատ վախեցան: Դաւիթի եղբայրները պատերազմումն էին. իսկ Դաւիթը ոչխարներ էր արածացնում: Յեսսէն ասաց Դաւիթին. «Վեր առ տասը հաց

եւ տար եղբայրներիդ»: Դաւիթը ոչխարները յանձնեց պահապանին, վերջրեց տասը հաց եւ ուղեւորուեց դէպի եղբայրները: Երբ որ Դաւիթը տեսաւ Գողիաթին, հարցրեց. «Ի՞նչ կանեն այն մարդուն, որ կրսպանէ Գողիաթին»: Նորան ասացին. «Թագաւորը մեծ հարստութիւն կրպարգեւէ նորան, իւր ազջիկը կնութեան կրտայ եւ նորա հօր տունը հարկերից կազատէ»: Դաւիթն եկաւ Սաուլի մօտ եւ ասաց. «Թոյլ տուր ինձ Գողիաթի հետ մենամարտել»: Սաուլը պատասխանեց. «Կու երկտասարդ ես, իսկ նա ուժեղ եւ սովոր պատերազմի. դու չես կարող նորան յաղթել»: Դաւիթն ասաց. «Ես արածացնում էի հօրս ոչխարները, եւ երբ գալիս էր առիւծը կամ արջը ոչխար էր յախշտակում, ես յարձակվում էի նորա վերայ եւ յետ էի խլում յախշտակածը. իսկ եթէ նա ընկնում էր վրաս, ես սպանում էի նորան: Այն Աստուածը, որ ազատում էր ինձ առիւծից եւ արջից, կազատէ եւ Գողիաթի ձեռքից»: Սաուլն ասաց. «Գնա, թող Աստուած լինի քեզ հետ»: Դաւիթը վերջրեց իւր գաւազանը, ընտրեց հինգ հատ ողորկ քար եւ դուրս եկաւ Գողիաթի դէմ: Գողիաթը տեսաւ Դաւիթն եւ ասաց. «Ի՞նչ է որ գալիս ես իմ վերայ փայտով եւ քարերով, ես շո՞ւն եմ, ի՞նչ է. փոքր ինչ առաջ արի՛ եւ ես քո մարմինը կրտամ երկնքի թռչուններին եւ դաշտի գազաններին»: Դաւիթը պատասխանեց. «Կու գալիս ես իմ վերաս սրով եւ տէգով, իսկ ես դուրս եմ գալիս քո դէմ Աստուծոյ յուսով»: Երբ Գողիաթն սկսեց առաջ գալ, Դաւիթը սաստիկ ուժով արձակեց նորա վերայ պարսաքարը: Հարուածը յաջողակ էր. քարը դիպաւ Գողիաթի ձակատին եւ նա ընկաւ գետին եւ մեռաւ: Դաւիթը թուր չունէր. նա վաղեց դէպի Գողիաթը, հանեց նորա թուրը եւ կորեց հսկայի գլուխը: Փղշտաղիք տեսան, որ իրանց հսկան սպանուած է եւ փախան: Սաուլը հար-

ցրրեց Դաւիթին. «Կու ո՞ւմ որդին ես»: Դաւիթն ասաց «Գո ծառայ Յեսսէի որդին եմ Բեթղեհէմից»: Սաուլը Դաւիթին կարգեց զօրքի հրամանատար եւ իւր ազջիկն էլ տուեց նորան կնութեան:

27. ԳԱԻԹԻ ՀԱԻԱՏԱՐՄՈՒԹԻՒՆԸ ԴԵՊԻ ԻԻՐ ԹԱԳԱՒՈՐԸ.

Երբ որ Հրէաները վերագառնում էին պատերազմից, Իսրայէլացոց ազջիկները դուրս եկան նոցա առաջ եւ երգեցին. «Սաուլը յաղթեց հազարին, իսկ Դաւիթը—տասը հազարին»: Սաուլը սաստիկ նեղացաւ. նորան դուր չեկան այս խօսքերը եւ նա ասաց. «Դաւիթն աւելի փառաւորուեցաւ, քան թէ ես. նորան այժմ պակաս է միայն իմ թագաւորութիւնը»: Այնօրից նա ատելով ատեց Դաւիթն, եւ միջոց էր վնասում նորան կորուսանելու: Դաւիթը փախաւ անապատ: Այնտեղ նորա մօտ հաւաքուեցան նորա ազգականները եւ եղբայրները: Սաուլը վերջրեց 3000 զինուոր եւ գնաց նոյն անապատը Դաւիթի յետեւից: Այնտեղ գիշերը վրայ հասաւ: Սաուլի համար վրան պատրաստեցին եւ նա պառկեց քնելու: Նորա զինուորներն եւս քնեցին: Այդ բանն իմացաւ Դաւիթը եւ ասաց իւր մարդիկներին. «Ո՞վ կըզայ ինձ հետ Սաուլի վրանը»: Արեւոսայ անունով մէկն ասաց. «Ես կըգամ հետդ»: Դաւիթը տարաւ նորան: Նոքա կամաց մօտեցան Սաուլի վրանին եւ տեսան, որ Սաուլը քնած է. նորա տէգը ցցած էր գետնին՝ գլխի կողմը, իսկ զինուորները եւ զօրաւարներն ամենքն էլ քնած էին Սաուլի շուրջը: Արեւոսան ասաց Դաւիթին. «Աստուած թշնամուդ տալիս է քո ձեռքը. թող տուր, ես կրսպանեմ Սաուլին տէգի մէկ հարուածով»: Բայց Դաւիթն ասաց. «Մի սպանիր դօրան. Աստուած նորան թագաւոր է ընտրել եւ յանցանք կըգործի նա, ով ձեռք կըբարձրացնի Աստուծոյ օժեպի վերայ: Հետդ

վերջրու Սաւուղի տէգն ու ջրի ամանը, եւ երթանք»: Նորա դուրս եկան վրանից եւ գնացին իրանց կացարանը: Ոչ որ չտեսաւ, ոչ որ չիմացաւ եւ ոչ որ չզարթեցու — ամենքը քնած էին: Միւս օրը Դաւիթն ելաւ սարի գլուխը եւ ձայն տուեց Սաւուղի զօրախարին. «Ինչո՞ւ դու չես պահպանում քո տիրոջը, Աստուծոյ օժեպին. մէկ մարդ եկել էր եւ կարող էր թագաւորին սպանել: Տես, ո՞ր է թագաւորի տէգը եւ ջրի ամանը, որ նորա գլխավերեւն էին»: Ասուզը ճանաչեց Դաւիթի ձայնը, եւ ասաց. «Այդ քո ձայնն է, որդեակ իմ Դաւիթ»: Դաւիթը պատասխանեց. «Այո՛, այդ իմ ձայնն է, տէր իմ՝ թագաւոր. ինչո՞ւ ես դու ինձ հաղածում. ի՞նչ վատութիւն եմ արել քեզ»: Սաւուղն ասաց. «Ես մեղանչեցի, գարձիր, որդեակ իմ. այլեւս վատութիւն չեմ անիլ քեզ»: Բայց Դաւիթը վախեցնում էր Սաւուղից եւ չգնաց նորա մօտ: Սաւուզը վերագարձաւ տուն եւ շատ ժամանակ չանցած՝ վախճանուեցաւ:

28. ԳԱԻԹԻ ՄՏԱԿՐՈՒԹԻԻՆԸ ԱՍՏՈՒԾՈՅ ՏԱՃԱՐԻ
ԿԱՌՈՒՑՄԱՆ ՄԱՍԻՆ.

Թագաւոր դառնալով՝ Դաւիթը շատ պատերազմներ մղեց, նուաճեց հարեւան ժողովրդին պատկանեալ Երուսաղէմ՝ քաղաքը, շինեց այնտեղ իւր համար պալատներ եւ մայրաքաղաք արեց նորան: Դաւիթն ուզում էր, որ Երուսաղէմում լինի եւ Աստուծոյ տաճարը: Մէկ անգամ նա ասաց Նաթան մարգարէին. «Ահաւասիկ ես կենում եմ եզեւնափայտեայ տան մէջ, իսկ Աստուծոյ տապանակը գըտընվում է խորանի մէջ: Ես ուզում եմ կառուցանել Աստուծոյ տունը»: Նաթանն ասաց նորան. «Ի՞նչ որ սրտումդ կայ՝ գնա՛ եւ արա՛, որովհետեւ Տէրը քեզ հետ է»: Բայց

նոյն իսկ գիշերը Աստուած ասաց Նաթանին. «Գնա՛, ասա՛ Դաւիթ ծառայիս՝ այսպէս է ասում Տէրը. «Դու ուզում ես Ինձ համար տո՞ւն կառուցանել. բայց դու շատ պատերազմներ ես մղել եւ չես կարող Ինձ համար բնակութեան տուն շինել, որովհետեւ շատ արիւն ես թափել երկրի վերայ: Երբ որ դու կըննջես հայրերիդ հետ, Ես քո որդի Սողոմոնին թագաւոր կըկարգեմ, եւ նա կըշինէ տուն Իմ անուանը. եւ նորա աթոռը կանգուն կըլինի մինչեւ յաւիտեան: Ես կըլինիմ նորան հայր եւ նա կըլինի Ինձ որդի»: Նաթանն այս խօսքերը յայտնեց Դաւիթին: Դաւիթը հնազանդեցաւ Աստուծոյ կամքին եւ սկսեց նիւթեր պատրաստել տաճարի շինութեան համար: Նա կանչեց իւր որդոց, իշխաններին եւ ժողովրդեան ու ասաց. «Ականջ դրէ՛ք, եղբարք եւ ժողովուրդ իմ. ես մտադիր էի Աստուծոյ տաճարը շինել, բայց Աստուած ասաց ինձ. «Ոչ թէ դու, այլ քո որդի Սողոմոնը Ինձ համար տուն կըշինէ»: Ինչ որ կարող էի, պատրաստել եմ Աստուծոյ տան համար: Ձէք ցանկանայ արդեօք եւ դուք որեւիցէ բան նուիրել Տիրոջը»: Սկսեցին ամենքը նուէրներ տալ՝ թէ իշխանները եւ թէ ժողովուրդը, — ոմանք ոսկի, ոմանք արծաթ, ոմանք պղինձ, ոմանք երկաթ, ոմանք մարմարիտն: Երբ որ Դաւիթի մահուան ժամանակը հասաւ, նա ասաց Սողոմոնին. «Որդեակ իմ Սողոմոն, մի մոռանար Աստուծուն. ծառայիր նորան բոլոր սրտովդ եւ բոլոր հոգովդ, որովհետեւ Աստուած փորձում է բոլոր սրտերը, եւ գիտէ մեր բոլոր խորհուրդները: Եթէ կըկատարես Աստուծոյ օրէնքը, Աստուած չի թողնիլ քեզ եւ գործերդ յաջող կերթան: Աստուած ընտրեց քեզ, որ դու շինես նորա համար տուն, ուրեմն անպատճառ կատարիր այն, ինչ որ Աստուած պատուիրել է քեզ»:

Գաւիթը գրել է Սաղմոսի գրքերը—Սաղմոսարանը. նորանում պարունակվում են աղօթքներ, բարեպաշտական կեանքի կանոններ և Փրկչի մասին մարգարէութիւններ: Այս պատճառով Գաւիթը մարգարէ է կոչվում:

29. ՍՈՂՈՄՈՆԸ ԵՒ ՏԱՃԱՐԻ ՇԻՆՈՒԹԻՒՆԸ.

Երբ որ Սողոմոն թագաւորական գահը բարձրացաւ, Աստուած երեւեցաւ նորան տեսեան մէջ եւ ասաց. «Խընդրիր, ինչ որ հարկաւոր է քեզ»: Սողոմոնը պատասխանեց. «Տէր, Իսկ ինձ բազմաթիւ ժողովուրդի թագաւոր կարգեցիր. բայց ես պատանի եմ եւ անփորձ: Արեմն տուր ինձ իմաստութիւն, որ կարողանամ որոշել, թէ որն է բարին եւ որն է չարը»: Աստուծուն հաճելի եղաւ Սողոմոնի աղօթքը, եւ նա ասաց նորան. «Որովհետեւ դու Խնձանից իմաստութիւն խնդրեցիր եւ ոչ երկար կեանք կամ հարստութիւն կամ անձիւր փառքը եւ կամ թշնամեացդ կորուստը, ես կրկատարեմ քո ցանկութիւնը: Ահա տալիս եմ քեզ սիրտ սուրբ եւ հոգի իմաստուն. կրտամ քեզ եւ այն, ինչ որ չես խնդրել. կրտամ քեզ՝ թէ հարստութիւն եւ թէ փառք, այնպէս որ թագաւորների մէջ ոչ ոք չի լինիլ քեզ նմանը կեանքիդ բոլոր օրերում»: Սողոմոնը զարթեց, եւ երեւեցաւ որ նորա տեսածը երազ էր: Բայց այդ երազը կատարուեցաւ. Սողոմոնը արգարեւ եղաւ ամենաիմաստուն, փառաւոր եւ հարուստ թագաւոր:

Իւր թագաւորութեան չորրորդ տարին, Սողոմոնը սկսեց Աստուծոյ տաճարի շինութիւնը երուսաղէմում: Տաճարի կառուցման վերայ աշխատում էին 30,000 Հրէայ եւ 150,000 օտարական, 3,600 մարդ հսկում էին մշակների վերայ: Տաճարի շինութիւնը եօթը տարուց աւելի տեւեց: Փայտը եւ քարերը բերվում էին երուսաղէմ բոլորովին տաշած, այն-

պէս որ շինութեան տեղումը չէր լսվում ոչ մուրճի եւ ոչ կացնի ձայն: Տաճարը շինուեցաւ նոյն ձեւով, որով շինուած էր եւ վկայութեան խորանը: Նա ունէր գաւիթ, սրբութիւն եւ սրբութիւն սրբոց. բայց դիրքով խորանից շատ մեծ էր:

Երբ որ ուխտի տապանակը խորանից տաճար տեղափոխուեցաւ, Սողոմոնն աղօթքով դարձաւ առ Աստուած եւ խնդրեց Նորանից. «Տէր իմ, լսիր Քո ծառաներին, երբ նոքա հալածուած թշնամիներից կըզխմեն Քեզ եւ կաղօթեն Քո սուրբ տաճարումը. լսիր նրանց, երբ կըփակուի երկինքը եւ չի գալ անձրեւ նոցա մեղքերի պատճառով եւ երբ նոքա կըզղջան իրանց մեղքերը եւ աղօթք կ'անեն Քեզ այստեղում: Թէ երկրի վերայ սով պատահի, կամ ժանտախտ, կամ մորեխ, կամ վնասակար ճիճուներ եւ կամ որեւիցէ պատահար, ամեն տեսակ աղօթքի եւ ամեն տեսակ խնդրուածքի վերաբերութեամբ ականջ դիր Քո ժողովրդին եւ ողորմիր նրանց»:

Աստուած գիշերով երեւեցաւ Սողոմոնին, եւ ասաց. «Ես լսեցի քո աղօթքը: Իմ աչքերս բաց կըլինին եւ ականջներս ուշագիւր գէպի աղօթքները, որ կատարուելու են քո շինած տաճարում: Իսկ եթէ դու եւ քո ժողովուրդը չէք կատարիլ իմ պատուէրները, ես ձեզ կըհանեմ այն երկրից, որը տուել եմ ձեզ եւ նախատանաց առարկայ կըշինեմ բուր աղգերի առաջ եւ տաճարն էլ կըմերժեմ: Նորա մօտով անցնողը կըսարսափի եւ կասէ. «Ինչո՞ւ այնպէս վարուեցաւ Տէրը այս երկրի եւ տաճարի հետ»: Եւ կասեն. «Աստուած իւր մարդիկների վերայ հասցրեց այս պատահարը նորա համար, որ նոքա թողին Նորա պատուիրանները»:

Սողոմոնը մեռնելուց յետոյ Հրէից թագաւորութիւնը երկուսի բաժանուեցաւ.— Յուդայի եւ Իսրայէլի:

30. ՄԱՐԳԱՐԷՔ.

Թէեւ Իսրայէլացիք ստէպ-ստէպ մոռանում էին Աստուծուն, բայց ողորմածն Աստուած անխնամ չէր թողնում նրանց, այլ ուղարկում էր մարգարէներ: Մարգարէները Աստուծոյ անունով ամենքին ճշմարտութիւն էին քարոզում: Գուշակում էին Աստուծուց գալիք պատիժները չար մարգարանց վերայ, եւ իրանց Աստուծուց ուղարկուած լինելը հաստատելու համար՝ հրաշքներ էին գործում: Չար մարգարիկ մարգարէներին չէին սիրում, նոցա վերայ ծիծաղում էին, հող եւ քար էին արձակում նոցա վերայ, երբեմն եւս սպանում էին նրանց: Իսրայէլացոյ՝ կռապաշտութիւն անելու համար, խիստ յանդիմանում էր Եղիա մարգարէն: Նա գուշակեց, թէ Աստուած Իսրայէլացիներին կռապաշտութեան համար պիտի պատժէ, երեք տարի անձրեւ չպիտի գայ, եւ երկրի մէջ սով պիտի ընկնի: Նորա այս գուշակութիւնը կատարուեցաւ, եւ ժողովուրդը աղօթքով դէպի Աստուած դիմեց՝ ներողութիւն խնդրելով: Այն ժամանակ մարգարէն, կամենալով ժողովրդեան հաստատապէս յոյց տալ, թէ կայ միայն մի Աստուած, եւ ուրիշ աստուածներ չկան, խնդրեց Աստուծուց, որ երկնքից կրակ թափէ զոհի վերայ: Եղիա մարգարէն չմեռաւ, այլ կենդանի հրեղէն կառքով երկնք վերացաւ: Այս բանը տեսաւ նորա աշակերտ Եղիսէն: Եղիսէ մարգարէն Աստուծոյ ողորմութիւնն էր քարոզում եւ շատ հրաշքներ էր գործում: Օրինակի համար, նա յարութիւն տուաւ մէկ պատանու եւ Նէյեման Ասորու բորոտութիւնը բժշկեց: Եղիսէն իւր մահից յետոյ եւս հրաշք գործեց: Մէկ անգամ մի ննջեցեալ դրին այն քարանձաւը, ուր թաղուած էր Եղիսէն. ննջեցեալը, երբ Եղիսէի ոսկորներին դիպաւ, իսկոյն յարութիւն առաւ:

31. ՅՈՎՆԱՆ ՄԱՐԳԱՐԷՆ.

Յովնանը Իսրայէլի թագաւորութեան մէջ էր բնակւում: Աստուած ասաց նորան. «Վեր կաց, գնա՛ Նինուէ մեծ քաղաքը եւ ասա՛ նորա բնակիչներին, որ ապաշխարեն»: Յովնանը չէր ուզում գնալ Նինուէ: Նա մտաւ նաւ, վճարեց ճանապարհի վարձը եւ ուղեւորուեցաւ դէպի ուրիշ քաղաք: Բայց Աստուած ծովի վերայ սաստիկ փոթորիկ բարձրացրեց եւ նաւն ընկղմուելու վրայ էր: Նաւաւարները սարսափեցան եւ սկսեցին ծանրութիւնները դուրս թափել նաւից, իսկ Յովնանը նաւի մի կողմն ընկած քնած էր: Եկաւ նորա մօտ նաւատէրը, զարթեցրեց նորան եւ ասաց. «Ամօթ չէ՞, որ քնում ես, աղօթք արա՛ Աստուծուդ, գուցէ ազատէ մեզ փտանգից»: Նաւաւարներն ասացին. «Վիճակ ձգենք, որ իմանանք, թէ ո՞ւմ պատճառովն է եկել մեզ վրայ այս վրտանգը»: Երբ որ վիճակ ձգեցին, վիճակը Յովնանին ընկաւ: Այն ժամանակ ամենքը դարձան դէպի Յովնան. «Ասա՛ մեզ, ինչո՞վ ես պարապում, որտեղից ես գալիս, ո՞ւր է քո երկիրը եւ ո՞ր ազգիցն ես գու»: Նա պատասխանեց նրանց. «Ես Իսրայէլացի եմ, երկրպագում եմ ամենազօր Աստուծուն, որ ծովը եւ ցամաքն ստեղծեց: Աստուած հրամայեց ինձ Նինուէ երթալ, բայց ես չզնացի»: Նոքա ասացին. «Երեւի քո պատճառով հասաւ մեզ այս փտանգը. ի՞նչ անենք քեզ, որ ծովը հանդարտի»: Յովնանը պատասխանեց. «Որպէսզի ամենքս չկորչինք, վեր առէք եւ ձգեցէք ինձ ծովը եւ մրրիկը կըղաղարի, որովհետեւ ես գիտեմ, որ իմ պատճառովն է հասել ձեզ այս մեծ փտանգը»: Նաւաւարներն ամեն կերպ աշխատում էին ցամաքին մօտենալ, բայց չկարողացան, որովհետեւ ծովի ալեկոծութիւնը շարունակւում էր եւ մրրիկը կատաղում էր նոցա դէմ: Այն ժամանակ նոքա Յով-

նանին ձգեցին ծովը, եւ մրրիկն իսկոյն դադարեց: Երբ Յովնան ընկաւ ծովը, Աստուած հրամայեց կէտ ձկանը, որ կուլ տայ նորան. եւ Յովնանը երեք օր եւ երեք գիշեր կենդանի մնաց ձկան փորի մէջ: Գտնուելով կէտի փորի մէջ, Յովնանը զղջաց իւր մեղքերը եւ խոստացաւ Աստուծոյ հրամանը կատարել: Աստուած հրամայեց կէտին, որ Յովնանին ափը դուրս հանէ: Յովնանը վեր կացաւ, գնաց Նինուէ եւ սկսեց շրջել քաղաքում եւ ասել. «Այլ եւս երեք օր եւ Նինուէն պիտի կործանուի»: Այս խօսքերը Նինուէի թագաւորի ականջին հասան, նա իջաւ իւր աթոռից, հանեց թագաւորական շորերը եւ հրաման տուեց, որ իւր բոլոր հպատակները պաս պահեն, ձեռք վերցնեն չար գործերից, ապաշխարեն եւ Աստուծոյ ողորմութիւնը խնդրեն: Աստուած տեսնելով նոցա ի սրտէ զղջումը՝ ներեց: Յովնանը նեղացաւ այս բանի վրայ եւ ասաց. «Մարգարէութիւնս չկատարուեցաւ, այժմ ինձ կընդունեն իբրեւ սուտ մարգարէ»: Նա դուրս եկաւ քաղաքից, եւ փոքր ինչ հեռու նորա դիմացը նստեց եւ նայում էր թէ ինչ պիտի լինի: Աստուծոյ հրամանով նոյն գիշերը մէկ դժմենի բուսաւ եւ իւր լայն տերեւներով պաշտպանում էր Յովնանին արեգակի տաքութիւնից: Այս բանի վերայ բաւական ուրախացաւ Յովնանը: Բայց Աստուած այնպէս կարգադրեց, որ միւս օրը արուսեակի երեւնալուն պէս, որդը կտրեց նորա արմատը եւ դժմենին թառամեցաւ: Իսկ երբոր արեգակը դուրս եկաւ եւ սկսեց այրել Յովնանի գլուխը, նա սկսեց մահ խնդրել իւր համար եւ ասաց. «Աւելի լաւ է մեռնիմ, քան թէ կենդանի մնամ»: Աստուած ասաց նորան. «Մի՛թէ այդչափ տրտմեցար դժմենու համար»: Նա պատասխանեց. «Այո՛, շատ տրտմեցայ»: Այն ժամանակ ասաց Աստուած. «Յովնան, դու չտնկեցիր դժմենին, չխնամեցիր նորան, այլ ինքը մէկ գիշերուայ մէջ բուսաւ

եւ միւս գիշերը թառամեցաւ: Դու ցաւում ես այս մասին, ապա ինչպէս ես ուզում որ Ես չախտոսամ եւ չխնայեմ մի մեծ քաղաք, ուր հարիւր քսան հազար հոգուց աւելի անմեղ մանուկներ կան, որոնք աջ ձեռքը ձախից զանազանել չեն կարող»:

Հայաստանեայց եկեղեցին Յովնան մարգարէի յիշատակը կատարում է Առաջաւորաց պատի ուրբաթ օրը, որ եւ պատմական խորհրդաւոր նշանակութիւն ունի: Այդ աղբային պասը սահմանեց սուրբ Գրիգոր Լուսաւորիչը իւր վիրապից դուրս գալուց յետոյ՝ ի յիշատակ ազատութեան Տրդատ թագաւորի եւ ժողովրդոց աստուածային պատուհասից եւ լուսաւորութեան Հայաստանի՝ քրիստոնէական սուրբ հաւատով: Առաջաւորաց է կոչվում այդ պասը նորա համար, որ դա մեր առաջին պասն է եւ մեծ պատի յառաջընթաց: Մեր եկեղեցու մէջ Առաջաւորաց պասին, Մեծի պահոց օրերի նրման, գիրք եւ աւետարան չեն կարգացվում եւ սուրբ պատարագ չէ մատուցանվում: Միայն ուրբաթ օրը կարգացվում է Յովնանու մարգարէութիւնը Նինուէի ազատութեան մասին:

32. ՄԱՐԳԱՐԷՆԵՐԻ ԳՈՒՇԱԿՈՒԹԻՒՆՔԸ ՓՐԿՁԻ

ՄԱՍԻՆ.

Մարգարէները շատ անգամ բարեպաշտ մարդոց գուշակում էին Փրկչի մասին: Նոքա գուշակեցին. 1) թէ «Վպիտի լինի աշխարհի Փրկիչը: Նա կըլինի Աստուծոյ որդին, ծընեալն ի յաւիտենից. նա կառնու մարդկային մարմին, կըլինի Աստուած եւ մարդ միանգամայն. 2) թէ ինչպիսի «+ պիտի լինի աշխարհի խոստացեալ Փրկիչը: Նա կըլինի սուրբ եւ անմեղ, հեղ եւ ողորմած, գթասիրտ դէպի մարդիկ, հրաշքներ կըգործէ, կըբժշկէ կոյրերին, համբերին, խուլերին եւ

կաղերին. 3) թէ ինչպէս աշխարհի Փրկիչը կը թափանչուի եւ ինչպէս վերադառնայ: Նա յառաջ կը գայ Հրէից Դաւիթ թագաւորի ցեղից, կը ծնուի կուսից Հրէաստանի Բէթղեհէմ քաղաքում: Նորա առաջից կը գայ Նորա կարապետը. 4) թէ ինչպէս աշխարհի Փրկիչը պիտի շարժուի ճարտար մեղեքի համար: Նա, իբրեւ թագաւոր, հանդիսաւոր կերպով կը մտնի Երուսաղէմ քաղաքը, բայց յետոյ 30 արծաթով կը մտնուի չարչարանքի. կենթարկուի հայհոյանքի, ծաղրածութեան, թուրքի եւ գանակոծութեան. մարգիկ կը վարուին Նորա հետ իբրեւ չարագործի. կը վիրաւորեն, կը մեխեն Նորա ձեռքերը եւ ոտները, տէգով կը խոցեն Նորա կողքը, կ'սպանեն Նորան եւ Նորա հանգերձը կը վերցնեն իրանց համար, կը բաժանեն եւ վիճակ կը ձգեն: Այդ չարչարանքները Նա կը կրէ մարդոց անօրէնութեանց պատճառով նրանց յաւիտենական կորուստից փրկելու համար. 5) թէ ինչպէս աշխարհի Փրկիչը մեռնելուց յետոյ յաւիտենական կեանքի եւ ինչպէս կ'անցնի յաւիտենական յետոյ: Իւր մահից յետոյ Նա կ'իջնէ դժոխքը, բայց չի մնալ այնտեղ, այլ յարութիւն կ'առնէ, կը հաստատէ նոր թագաւորութիւն, առաքեալներին կ'ուղարկի աշխարհիս ամեն ծայրերը եւ դէպի այդ նոր թագաւորութիւնը կը հրաւիրէ հեթանոսներին, որոնք առաջ չէին ճանաչում ճշմարիտ Աստուծուն. մարմնով երկինք կը համբաւենայ եւ կը նդունի Աստուածային արժանաւորութիւնը, պատիւը եւ իշխանութիւնը եւ յաւիտեան կը թագաւորէ բոլոր ազգերի վերայ:

33. Թէ ԻՆՉ ՎԱԽՃԱՆ ՈՒՆԵՑԱՆ ԻՍՐԱՅԷԼԻ ԵՒ ՅՈՒԴԱՅԻ ԹԱԳԱՒՈՐՈՒԹԻՒՆՆԵՐԸ.

Իսրայէլի տէրութեան մէջ բոլոր թագաւորները կուսապաշտ էին: Այդ տէրութիւնը նուաճեցին Ասորեստանցիք

722 թ. Ք. առաջ: Ժողովրդի մեծ մասը գերի տարուեցան եւ Միջին-Ասիայի զանազան կողմերը ցրուեցան: Իսրայէլի երկիրը լցրին ուրիշ տեղերից բերած մարդիկներով, որոնք միանալով տեղական բնակիչներին հետ՝ Սամարացիք կոչուեցան:

Յուդայեան թագաւորութիւնը նուաճեց 558 թ. Ք. առաջ Բաբելոնի Նաբուգոդոնոսոր թագաւորը:

Երուսաղէմը եւ տաճարը կործանուեցան: Հրէաները գերի տարուեցան Բաբելոն:

Նաբուգոդոնոսորը հրամայեց Հրէից գերիների միջից ընտրել երիտասարդներին եւ թագաւորական սլաւտում կը թութիւն տալ նրանց: Այդ ժամանակ դոցա միջից իրանց բարեպաշտական կեանքովն աւելի նշանաւոր եղան Դանիէլ մարգարէն, Անանիան, Աղարիան եւ Միսայէլը:

34. ԵՐԵՔ ՄԱՆՈՒԿՆԵՐԸ ԿՐԱԿԻ ՀՆՈՑԻ ՄԷՋ.

Նաբուգոդոնոսորը Իսէրա դաշտի վերայ կանգնեցրեց մի ոսկեայ արձան: Այս արձանի մօտ մի մեծ հնոց եւս շինել տուաւ: Այս դաշտի վերայ Նաբուգոդոնոսորը հաւաքել տուեց բոլոր մեծամեծներին եւ ժողովրդեան: Երբ նորա եկան արձանի առաջ, մունետիկը բարձրաձայն յայտնեց. «Ազգեր, երբոր կը լսէք նուագարանների ձայները, իսկոյն երկրպագութիւն տուէք ոսկէ արձանին: Իսկ ով որ չի երկրպագանիլ, նա կը ձգուի կրակի հնոցի մէջ: Երբոր ամենքը հաւաքուեցան երկրպագութիւն տալու, Անանիա, Աղարիա եւ Միսայէլ չկատարեցին Նաբուգոդոնոսորի հրամանը: Այս բանն իմացաւ թագաւորը: Նա սաստիկ բարկացած՝ հրամայեց իւր առաջ բերել այդ հրէաներին: Նոցա բերին: Նաբուգոդոնոսորը հարցրեց. «Ճշմարիտ է, որ դուք, Անանիա, Աղարիա եւ Միսայէլ, իմ Աստուածներին չէք պաշտում եւ ոսկէ

կուռքին, որ ես կանգնեցրի, երկրպագութիւն չէք տալիս: Այժմ հրամայում եմ ձեզ, որ երբ փողի ձայնը լսէք, ընկնէք կուռքի առաջ եւ երկրպագութիւն անէք նորան: Իսկ եթէ չէք հնազանդիլ, կրակի հնոցի մէջ կը ձգուիք. եւ ո՞վ է այն Աստուածը, որ ձեզ իմ ձեռքիցս կարող լինի փրկել»: Պատանիները պատասխանեցին. «Ամենազօր Աստուածը, որին մենք պաշտում ենք, կարող է մեզ փրկել քո ձեռքից եւ կրակի բորբոքեալ բոցերից: Բայց եթէ չփրկէ եւս՝ դարձեալ մենք չաստուածներիդ եւ կանգնած կուռքիդ երկրպագութիւն չենք տալ»: Թագաւորի դէմքը փոխուեցաւ բարկութիւնից, նա հրամայեց հնոցը եօթնապատիկ աւելի բորբոքել եւ պատանիներին պինդ կապած մէջը ձգել: Նորա հրամանը իսկոյն կատարուեցաւ: Հնոցն այնքան բորբոքեցին, որ մինչեւ անգամ չորս կողմը եղող սպասաւորներն այրվում էին: Բայց Աստուած հրաշալի կերպով պատանիներին ազատեց մահից: Աստուծոյ հրեշտակն իջաւ հնոցը, մեղմացրեց կրակի սաստկութիւնը եւ զովացրեց նրանց զովարար ցօղով: Անանիա, Ազարիա եւ Միսայէլ տեսնելով այս հրաշքը, սկսեցին Աստուծուն փառաբանել. «Օրհնեալ է», Տէր Աստուծո՞ւմ հարցն Քրիստոս», հոգեւոր երգը երգելով: Նաբուգոդոնոսորը շատ զարմացաւ այս բանի վերայ, շուտով տեղիցը վեր կացաւ եւ հարցրեց իւր պալատականներին. «Չէ՞ որ մենք երեք պատանի ձգեցինք հնոցը»: Նոքա պատասխան տուին թագաւորին. «Իսկ եւ իսկ այդպէս է»: Նա ասաց. «Ահա ես չորսսին եմ տեսնում, նոքա համարձակ ման են գալիս կրակի մէջ առանց վնասուելու. եւ չորրորդը գեղեցիկ է երկնային ոգու պէս»: Յետոյ Նաբուգոդոնոսորը մտեցաւ հնոցին եւ ասաց. «Անանիա, Ազարիա եւ Միսայէլ, ծառայք Բարձրեալ Աստուծոյ, գուրս եկէք»: Դուրս եկան: Հաւաքուեցան մեծամեծները եւ տեսան, որ կրակը ոչինչ վնաս չէ արել նրանց. գլխների մազը չէ խանձուած, շորները չեն այրուած, եւ կրակի

հոտ անգամ չկար: Այն ժամանակ Նաբուգոդոնոսորը հասկացաւ, որ Աստուած ինքն է պաշտպանել նոցա եւ ասաց. «Օրհնեալ է ձեր Աստուածը, որ Իւր հրեշտակին ուզարկելով՝ ազատեց ձեզ, որովհետեւ ձեր յոյսը դրել էիք նորա վերայ. եթէ իմ հպատակներիցս մէկը համարձակուի հայհոյել Աստուծուն, որին պաշտում են Հրէաները, նա մաս-մաս կը պատառուի եւ նորա տունը աւերակ կը դառնայ, որովհետեւ չկայ մի ուրիշ Աստուած, որ այդպիսի հրաշք գործէ»:

Այս պատմութիւնը գրուած է Դանիէլի մարգարէական գրքի երրորդ գլխումը եւ կարդացվում է մեր եկեղեցու մէջ բեմի վերայ տարէնը երկու անգամ, այն է Զատիկի եւ Ծննդեան ձրագալուցի երեկոներին, այսպէս *).

Ընթերցուածս 'ի Դանիէլէ մարգարէէ.

Յամին ութուտասաներորդի Նաբուգոդոնոսորայ արքայի՝ արար պատկեր ոսկի, բարձրութիւն նորա վաթսուն կանգուն, և լայնութիւն նորա կանգուն վեց, և կանգնեաց զնա 'ի դաշտին Ինէրայ յաշխարհին Բաբելացոց, և այլն:

Եւ երբ գալիս են այնտեղ, ուր ասվում է՝

Օրհնեցէք ամենայն գործք Տեսուն զՏէր, օրհնեցէք և բարձր արարէք զՆա յաւիտեան:

Դպիրներն սկսում են քաղցր ձայնով երգել՝

«Օրհնեցէք, գովեցէք և բարձր արարէք զՆա յաւիտեան»:

Սորանից յետոյ բացվում է սեղանը եւ սկսվում է պատարագը:

*) Ցանկալի է, որ կրօնուսոյցը՝ Երից մանկանց պատմութիւնը աւանդելուց յետոյ, ծանօթացնէ աշակերտներին և նոյն գրքի ընթերցման եղանակի հետ և դասարանում երգել տայ. «Օրհնեցէք, գովեցէք, և այլն օրհնաբանութիւնը, ինչպէս և միւս շարականներն իրանց տեղերու ճ.:

35. ԴԱՆԻԷԼ ՄԱՐԳԱՐԷՆ. ՅՈՒԿԱՅԻ ԹԱԳԱՒՈՐՈՒԹԻՒՆԸ ԲԱԲԵԼՈՆԻ ԳԵՐՈՒԹԻՒՆԻՑ ՅԵՏՈՅ.

Հրէայք Բաբելոնի մէջ 70 տարի գերի մնացին, եւ այս գերութիւնը դառն էր նոցա համար: Բայց այն վիշտը օգտաւէտ եւս եղաւ նոցա, որովհետեւ նորանով հեռու մնացին կռապաշտութիւնից: Այս գերութիւնն օգտաւէտ եղաւ հեթանոսներին եւս. վասնզի տեսան նոքա ճշմարիտ Աստուծոյ վառքը եւ շատերը հաւատացին Նորան: Գերութեան ժամանակ Աստուած Հրէից ուղարկեց Դանիէլ մեծ մարգարէին:

Այդ միջոցին Բաբելոնի հոգր թագաւորութիւնը կործանուեցաւ եւ նորա տեղը բռնեց Վարաց թագաւորութիւնը: Վարաց Կարեհ թագաւորն անչափ յարգում էր Դանիէլին եւ իւր իշխանների մէջ աւագութիւնը նորան տուեց: Դանիէլի բարձրանալու վրայ մեծամեծները նախանձեցան եւ ամբաստանելով թագաւորի առաջ, ձգել տուին նորան գուրը, քաղցած առիւծների առաջ, որովհետեւ նա իւր օրէնքին համեմատ էր աղօթում դէպի Աստուած. բայց առիւծներն Աստուծոյ հրամանով չմտեցան մարգարէին: Դանիէլը գուշակեց, որ Քրիստոսը աշխարհ պիտի գայ Հրէից ազատութեան հրաման տրուելուց 490 տարի յետոյ:

Երբ գերութեան 70 տարին լրացաւ, Բաբելացոց թագաւորութեանը տիրեց Պարսից Կիւքոս թագաւորը, որ հրաման տուաւ Հրէից Երուսաղէմ դառնալու:

Հրէայք իրանց Երուսաղէմը վերականգնեցին եւ նոր տաճար շինեցին: Սկզբումը նոցա համար դժուար էր աւերած երկրի մէջ բնակուիլ: Բայց ողորմած Աստուածը ուղարկեց նոցա մօտ Անգէոս, Զաքարիա եւ Վաղարիա մարգարէներին, որոնք քաջալերում եւ մխիթարում էին նրանց: Անգէոսը գուշակեց, թէ Քրիստոսը այն նոր տաճարը պիտի

երթայ: Զաքարիան նկարագրեց Քրիստոսի աւանակի վերայ հեծած հանդիսաւոր կերպով Երուսաղէմ մտնելը, իսկ Վաղարիան ասաց՝ թէ Քրիստոսի առաջեկից պիտի գնայ նորա կարապետը:

Սկզբում Հրէայք Պարսից թագաւորների իշխանութեան տակ էին, յետոյ ընկան Յունաց իշխանութեան տակ, որ տիրապետեցին Պարսից թագաւորութեանը:

Այն միջոցին Սուրբ գիրքը Երրայեցոց լեզուից Յունարէն թարգմանուեցաւ, որ ամեն լեզուներից աւելի գործածական էր այն ժամանակ: Հրէայք Յունաց իշխանութեան տակ եղած ժամանակ մի մեծ վտանգի հանդիպեցան, որովհետեւ Յոյներն ստիպում էին նրանց, որ կռապաշտութիւն ընդունեն, բայց նոքա հաստատ կացան իրանց հաւատին՝ շատ տանջանքներ կրեցին եւ վերջապէս ազատուեցան Յունաց իշխանութիւնից: Բայց նոցա բարեբախտութիւնը երկար չտեսեց: Հռովմայեցիք տիրեցին նոցա եւ թագաւոր գրին օտարազգի Հերովդէսին, որ խստաբարոյ եւ կասկածոտ մարդ էր:

36. ՓՐԿԶԻ ԱԿՆԿԱԼՈՒԹԻՒՆԸ.

Երբ Հռովմայեցիք Հրէաստանին տիրեցին, բոլոր Հրէայք անհամբերութեամբ սպասում էին խոտացած Փրկչի գալլուտեանը: Հին ուխտի ժամանակը վերջացաւ, եւ սկսաւ նոր ուխտի ժամանակը, երբ Փրկիչն աշխարհ պիտի գար: Բայց Հրէաներից շատերը թիւր հասկացողութիւն ունէին Փրկչի մասին: Կարծում էին թէ նա երկրաւոր փառքով պիտի գայ, որ նրանց Հռովմայեցոց իշխանութիւնից ազատէ: Այլեւ հրապարտանում էին իրանց սրբութեամբ, իրանք իրանց արգար էին համարում, եւ կարծում էին թէ Քրիստոսը ոչ թէ

նրանց մեղքերից ազատելու է գալիս, ինչպէս խոստացել էր Աստուած, այլ գալիս է իրանց բարեգործութիւնների փոխարէն երկրաւոր բարեբախտութեամբ նրանց վարձատրելու:

37. ՅՈՎՀԱՆՆԷՍ ԿԱՐԱՊԵՏԻ ԾՆՈՒՆԴԸ.

Ղուկ. Ա. 5, 25 եւ 57—80. Մատ. Գ. 1—12, Ղուկ. Գ. 2—18.

Քրիստոսի ծննդեան ժամանակ Հրէաստանի մէջ երկու արդար եւ բարեպաշտ անձինք կային՝ Զաքարիա քահանան եւ նորա կին Եղիսաբէթը: Նոքա ծերութեան հասան, բայց զաւակ չունէին, որի վերայ տրամելով՝ Աստուծուն խնդրում էին, որ զաւակ տայ իրանց:

Աստուած լսեց նոցա աղօթքը: Մէկ անգամ Գաբրիէլ հրեշտակապետը տաճարի մէջ երեւեցաւ Զաքարիային:

Զաքարիան վախեցաւ: Հրեշտակն ասաց. «Մի վախենար, Զաքարիա. քո աղօթքը լսելի եղաւ. քո կին Եղիսաբէթը կը ծնի քեզ որդի, որի անունը Յովհաննէս կը դնես: Նորա ծընունդն ուրախութիւն կը պատճառէ ոչ միայն քեզ, այլ եւ շատ մարդիկներին: Նա մեծ կըլինի Աստուծոյ առաջ. գինի եւ օղի չի խմի՝ իւր աշխարհ գալու օրիցը՝ նա կըլցուի սուրբ Հոգով. մարդոց բարեպաշտութիւն կը սուրբացնէ եւ դէպի Աստուած կը դարձնէ նրանց»: Զաքարիան ասաց հրեշտակին. «Ի՞նչպէս կարող եմ ես այդ իմանալ. ես արդէն ծեր եմ եւ կինս անց է կացրել իւր օրերը»: Հրեշտակը պատասխանեց նորան. «Որովհետեւ դու չհաւատացիր խօսքերիս, ահա համր կըլինիս մինչեւ այն օրը, երբ այդ բանը կը կատարուի»: Զաքարիան արդարեւ պաշտօնակցեցաւ, այսինքն տարուի: Բայց ժողովուրդն սպասում էր, թէ Զաքարիան երբ դուրս կը գայ տաճարից եւ նորա ուշանալու


վերայ շատ էր զարմանում: Եւ երբոր դուրս եկաւ Զաքարիան, չէր կարողանում խօսել նոցա հետ, այլ նշաններով յայտնեց թէ նա տեսիլք է տեսել: Քանի մի ժամանակից յետոյ հրեշտակի գուշակութիւնը կատարուեցաւ. Զաքարիան եւ Եղիսաբէթը որդի ունեցան: Հասաւ ութերորդ օրը. հաւաքուեցան ազգականները. մանկանը պէտք է անուն տային: Ազգականները կամենում էին իպատիւ հօրը Զաքարիա անուն տալ նորան, բայց մայրն ասաց. «Յովհաննէս դրէք դրա անունը»: Հարցրին Զաքարիային թէ մանկանը ի՞նչ անուն է ուզում դնել. Զաքարիան տախտակ բերել տուեց եւ գրեց. «Յովհաննէս է դորա անունը»: Իսկոյն բացուեցաւ նորա լեզուն. սկսեց խօսիլ եւ մարգարէացաւ թէ Յովհաննէսը Փրկչի կառապետը կըլինի: Ամենքը զարմացած ասում էին. «Ի՞նչ պիտի լինի այս մանուկը»:

38. ՍՈՒՐԲ ԿՈՅՍ ՄԱՐԻԱՄԻ ԾՆՈՒՆԴԸ ԵՒ ԵՐԻՑ ԱՄՍՅ ԸՆԾԱՅՈՒՄՆ Ի ՏԱՃԱՐՆ.

Երբ Հրէայք սպասում էին Քրիստոսի գալուն, Նազարէթ քաղաքում կենում էին երկու բարեպաշտ անձինք՝ Յովակիմ եւ նորա կին Աննան, որոնք Հրէից Գալիլէ թագաւորի ցեղիցն էին: Նոքա զաւակ չունէին եւ այս պատճառով ջերմեռանդութեամբ աղօթում էին, որ Աստուած մի զաւակ պարգեւէ եւ ուխտ դրին, որ եթէ իրանց որդի ծընուի, Աստուծուն կընուիրեն: Աստուած նոցա աղօթքը լսեց եւ մի դուստր պարգեւեց, որի անունը Մարիամ դրին:

Երբոր Մարիամը երեք տարեկան եղաւ, ծնողները տաճար տարան նորան Աստուծուն ընծայելու: Քահանայապետն ընդունեց նորան եւ Աստուծոյ հրամանով տարաւ տաճարի

Սրբութիւն սրբոց կոչուած մասը, ուր իբրևունք ունէր մշտ-
նելու միայն քահանայապետը: Տաճարի շուրջը շատ տներ
կային, ուր կենում էին բարեպաշտ այրիք, կոյսեր եւ Աս-
տուծուն նուիրեալ մանուկներ: Ահա այստեղ Յովակիմը եւ




Աննան թողին Մարիամին: Մարիամը տաճարի մէջ մեծանում
էր, պարապելով աղօթքով, սուրբ գրոց ընթերցանութեամբ
եւ ձեռագործով: Սա Աստուծոյ շնորհքով ազատ մնաց ա-
մենայն արատից ու մեղքից եւ եղաւ ամենասուրբ կոյս *):

*) Մարիամի ծնունդը տօնում ենք միշտ Սեպտեմբերի 8-ին,
իսկ ընծայումն ի տաճար՝ Նոյեմբերի 21-ին:

39. ԱԻԵՏՈՒՄՆ ԳԱԲՐԻԷԼ ՀՐԵՇՏՍԱԿԱՊԵՏԻ ԱՌ
ՍՈՒՐԲ ԿՈՅՍՆ ՄԱՐԻԱՄ.

Ղուկ. Ա. 26—28.

Մարիամի տաճարում եղած ժամանակ՝ ճնողքը վախ-
ճանեցան, իսկ երբ 14 տարեկան եղաւ, դաստիարակները
կառնեցան նորան ամուսնացնել: Բայց նա ասաց, թէ ուխտել է
Աստուծոյ, որ միշտ կոյս մնայ: Այն ժամանակ քահանայք
նորան նշանեցին իւր ազգական ծերունի Յովսէփի հետ, որին



յայտնեցին նաեւ Մարիամի ուխտը: Յովսէփը Գալիլիայի Նա-
զարէթ քաղաքի մէջ էր բնակվում եւ հիւանդութեամբ էր
պարապում: Մարիամը նորա տունը գնաց բնակուեցաւ:

Սէկ անգամ, երբ նա աղօթք էր անում, Գաբրիէլ

հրեշտակապետը երեւեցաւ նորան եւ ասաց. «Ուրախացիր, բերկրեալդ, Տէրը քեզ հետ է, օրհնուած ես դու կանանց մէջ, Հոգին Սուրբ կրգայ քո վերայ եւ Բարձրելու զօրութիւնը հովանի կըլինի քեզ. մի Որդի կըծնանիս եւ անունը Յիսուս կըղենես: Նա մեծ կըլինի եւ Բարձրեալի Որդի կըկոչուի եւ Տէր Աստուած կըտայ նրան նորա հօր Դաւթի անթոռը եւ նորա թագաւորութեանը վերջ չի լինիլ»: Մարիամը խոնարհութեամբ ընդունեց այս աւետիքը *): Եւ հրեշտակը գնաց նորանից:

Նոյն օրերում Մարիամ Սուրբ Կոյսը գնաց իւր ազգականն, Զաքարիայի կին Եղիսաբէթի տեսութեան: Եկաւ այնտեղ եւ ողջոյն տուաւ Եղիսաբէթին: Եղիսաբէթը երբոր լսեց Մարիամի ողջոյնը, լցուեցաւ Սուրբ Հոգով եւ բարձր ձայնով ասաց. «Օրհնեալ ես դու կանանց մէջ, եւ օրհնեալ է քո որովայնի պտուղը. եւ ուստի՞ է ինձ այս երջանկութիւնը, որ իմ Տիրոջ մայրն ինձ մօտ եկաւ: Երանի է քեզ, որ հաւատացիր քեզ ասածներին. դոքա ամենքն էլ կըկատարուին»:

Մարիամը երեք ամիս մնաց Եղիսաբէթի մօտ եւ ապա վերադարձաւ Յովսէփի տունը:

Կոյս Մարիամը արժանացաւ մեծ պատուի—լինել մայր Փրկչի՝ Աստուծոյ Որդու: Ուստի մենք նորան անուանում ենք Աստուածածին—Տիրամայր, դասելով Սերովբէներից եւ Քերովբէներից վեր, որը եւ յայտնում ենք ՚ի պատիւ նորա յօրինուած երգաբանութեանց մէջ:

Ուրախ լեր, բերկրեալդ		Ուրախացիր, շնոր-
Մարիամ, Տէր ընդ Քեզ.		հալիդ Մարիամ, Տէրը
օրհնեալ ես Դու ՚ի		Քեզ հետ է. օրհնուած

*) Աւետման տօնը կատարում ենք միշտ Ապրիլի 7-ին.

կանայս եւ օրհնեալ է		ես Դու կանանց մէջ
պտուղ որովայնի Քո:		եւ օրհնուած է քո որ-
Արդ բարեխօս լեր առ		ովայնի պտուղը: Արդ
Տէր վասն մեր:		բարեխօսութիւն արա՛
		Տիրոջ առաջ մեզ հա-
		մար:


40. ՔՐԻՍՏՈՍԻ ԾՆՈՒՆԴԸ.

Ղուկ. Բ. 1—21.

Մօտեցաւ այն ժամանակը, երբ Գաբրիէլ հրեշտակապետի խօսքի համեմատ Քրիստոսը պիտի ծնուէր: Այն միջոցին Հռովմայեցոց կայսրը հրամայեց աշխարհագիր անել, եւ այս պատճառով իւրաքանչիւր հրէի հրամայուած էր իւր հայրենի քաղաքը երթալ: Յովսէփն ու Մարիամը Դաւիթ թագաւորի ցեղիցն էին. այս պատճառով Նազարէթից դուրս եկան եւ Բէթղեհէմ գնացին, որ Դաւթի քաղաքն էր, եւ մարգարէների գուշակութեան համեմատ Քրիստոսն այնտեղ պիտի ծնուէր: Քաղաքի մէջ նոքա օթեւան չգտան, ուստի քաղաքի մօտ գտնուած մի այրի մէջ մնացին, ուր հովիւներն իրանց ոչխարներն էին պահում: Այն այրի մէջ գիշեր ժամանակ Մարիամ Սուրբ Կոյսը ծնաւ Իւր Միածին Որդին, որ ոչ միայն մարդ էր, այլ միանգամայն Աստուած: Սուրբ կոյս Մարիամը Աստուածորդուն խանձարուրով պատեց եւ մտուրի մէջ դրաւ:

Նոյն գիշերը Բէթղեհէմի հովիւներն իրանց ոչխարների հետ դաշտի մէջ էին: Նոքա քնած չէին: Յանկարծ մէկ անսովոր լոյս տեսան, Աստուծոյ հրեշտակը նոցա երեւեցաւ եւ ասաց. «Մի վախենաք, ես մեծ ուրախութիւն եմ աւետում ձեզ: Դաւթի քաղաքի մէջ Փրկիչ ծնաւ ձեզ, որ է Օծեալ Տէր: Եւ ահա ձեզ նշան. դուք կըգտնէք մանկանը խանձա-

բուրով պատած եւ մսուրի մէջ դրուած»։ Այն միջոցին երկնքից բազմաթիւ հրեշտակներ երեւեցան եւ սկսեցին երգել. «Փառք 'ի բարձունս Աստուծոյ եւ յերկիր խաղաղութիւն 'ի մարդիկ հաճութիւն»։ Երբոր հրեշտակներն անյայտացան, հովիւներն այրը գնացին, եւ գտան որ մանուկը խանձարուրով փաթաթուած եւ մսուրի մէջ դրուած էր։ Երկրպագութիւն արին Նորան, իբրեւ Աստուծոյ, եւ Մարիամին ու Յովսէփին պատմեցին իրանց լսածն ու տեսածը.



յետոյ այն համբաւն իրանց գիւղի մէջ տարածեցին։ Զրէից սովորութեան համեմատ ծննդեան ութերորդ օրը թլփատեցին Նորան եւ Յիսուս անուանեցին, Որ Փրկիչ կընշանակէ։
Յունուարի վեցին Հայաստանեայց եկեղեցին կատարում է Քրիստոսի ծննդեան եւ մկրտութեան տօները 'ի միասին

իսկ Յունուարի հինգին, երեկոյեան, մատուցանվում է սուրբ պատարագը եւ ճրագալոյց է լինում։ Ծննդեան օրը, պատարագից յետոյ, կատարվում է ջրօրհնէքի շքեղ հանդէսը։ Պատր հոգեւորականաց զգեստաւորուած՝ խաչերով, խաչուաներով եւ վառած կերոններով դուրս են գալիս եկեղեցուց, գնում են գետը եւ այնտեղ խաչով, սուրբ աւետարանով եւ սուրբ մեռնով օրհնում են ջուրը 'ի յիշատակ Քրիստոսի մկրտութեան Յորդանանում։ Նոյն օրը քահանայք գալիս են մեր տներն օրհնելու (տնօրհնէք), շնորհաւորում են մեզ Քրիստոսի ծնունդը եւ յայտնութիւնը — աւետարան կարգալով եւ այս շարականը երգելով.

Խորհուրդ մեծ և Այն խորհուրդը, որ սքանչելի, որ յայսմ ապսօր յայտնի եղաւ, ւուր յայտնեցաւ հովիւք մեծ է և հիանալի. հոերգեն ընդ հրեշտակս, վիւները երգում են հրեշտան աւետիս աշխարտակների հետ և աւեհի։ Ծնաւ նոր արքայ տիս են տալիս աշխար'ի Բէթղեհէմ քաղաքի, հին։ Բէթղեհէմ քաղաորդիք մարդկան, օրհնեքում ծնուեցաւ նոր ցէք, զի վասն մեր թագաւոր, մարդոց որմարմնացաւ։
Սյսօր հովուացն տեորովհետև մեզ համար սեալ զարդարութեան մարմին առաւ։
Այսօր հովիւներն արդարութեան արեգակը 'ի բարձունս Աստուծոյ։ (Յիսուսին) տեսնելով, հրեշտակների հետ երգում էին՝ փառք 'ի բարձունս Աստուծոյ։

Աստուծոյ Միածին Որդին, որ ճշմարիտ եւ յաւիտենական Աստուած է, եւ էակից Հօր, մարմնացաւ եւ մարդացաւ, այսինքն՝ սուրբ կոյս Մարիամից Հոգով Սրբով մարդկային մարմին եւ Հոգի առաւ բացի մեղքից, եւ այս կերպով եղաւ մարդ կատարեալ: Որդին Աստուծոյ մարմնացաւ մեզ համար, որ մեզ ազատէ սատանայի ձեռքից, ջնջէ մեր մեղքերը, հաշտեցնէ մեզ Աստուծոյ հետ, ճշմարտութիւն եւ սէր քարոզէ մեզ, եւ Իւր աշակերտներով մի թագաւորութիւն կամ մի ընտանիք կազմէ, որի մէջ Աստուած Հայր լինի, իսկ մարդիկ Նորա որդիքը, եւ միմեանց եղբայրներ:


Մեր դէպի Աստուծոյ Որդին եւ դէպի Նորա մարդկային մարմնացումը հաւատարմ յայտնում էն+ այսպէս:

Հաւատամք եւ 'ի մի Տէր Յիսուս Քրիստոս, յՈրդին Աստուծոյ, ծնեալն յԱստուծոյ, Հօրէ միածին, այսինքն յեութենէ Հօր. Աստուած յԱստուծոյ, լոյս 'ի լուսոյ, Աստուած ճշմարիտ, յԱստուծոյ ճշմարտէ—ծնունդ եւ ոչ արարած: Նոյն ինքն 'ի բնութենէ Հօր, որով ամենայն ինչ եղև յերկինս եւ 'ի վերայ երկրի, երևելիք եւ աներևոյթք: Որ յաղագս մեր մարդկան եւ վասն մերոյ փրկութեան իջեալ յերկնից՝ մարմնացաւ, մարդացաւ, ծնաւ կատարելապէս 'ի Մարիամայ սրբոյ կուսէն Հոգւովն Սրբով: Որով էառ զմարմին, զՀոգի եւ զմիտս եւ զամենայն, որ ինչ է 'ի մարդ, ճշմարտապէս եւ ոչ կարծեօք:

41. ՔՐԻՍՏՈՍԻ ՔԱՌԱՍՆՕՐԵԱՅ ԳԱԼՈՒՍՏԵՆ 'Ի ՏԱՃԱՐ ԿԱՄ ՏԵԱՌՆԸՆԴԱՌԱՋ.

Ղուկ. Բ. 8-38.

Մովսիսական օրէնքով ամենայն արու անդրանիկ զաւակ նորա ծննդեան քառասներորդ օրը տաճար էին տանում եւ այնտեղ նորա համար զոհ մատուցանում: Հարուստները մի հորթ կամ ոչխար էին զոհում, իսկ աղքատները մի զոյգ աղաւնու ձագ: Երբոր Յիսուսը քառասնօրեայ դառաւ, Մարիամ սուրբ կոյսը եւ Յովսէփը բերին Նորան Երուսաղէմի



տաճարը: Իրանց հետ տարան եւ զոհ՝ մի զոյգ աղաւնի: Նոյն միջոցին Երուսաղէմում բնակվում էր մի արդար եւ Աստուածալախ ծերունի Սիմէօն անունով: Նա սաստիկ ցանկանում էր աշխարհիս Փրկչին տեսնել: Սուրբ Հոգին առա-

ջուց յայտնել էր նորան, թէ պիտի չմեռնի, մինչեւ չտեսնէ Քրիստոսին: Երբ մանուկ Յիսուսին բերին տաճար, Սիմէօնը դուրս եկաւ նորա առաջ եւ ըստ յայտնութեան Աստուծոյ իմացաւ, որ Նա է մարգարէների գուշակած աշխարհի Փրկիչը: Նա Յիսուսին գիրկն առաւ, փառք տուաւ Աստուծուն եւ ասաց. «Տէր, հիմիկ Քո խօսքիդ պէս, խաղաղութիւնով ես արձակում Քո ծառայիդ. որովհետեւ իմ աչքերս տեսան Փրկչին, որին պատրաստեցիր ժողովրդի համար. Գա՛ լոյս է հեթանոսների, եւ փառք Իսրայէլի»: Յովսէփն ու Մարիամը զարմանում էին այս խօսքերի վրայ: Սիմէօն օրհնեց նորանց եւ Մարիամին ասաց. «Քո որդին շատերի հակառակութեան պատճառ կրկինի: Ոմանք կըհաւատան նորան եւ կըփրկուին, եւ ոմանք չեն հաւատալ եւ կըկորչին, եւ Քո սիրտդ այնպէս կըխոցոտուի, իբրեւ թէ սուր անցած լինի անձնովդ»: Տաճարի մէջ էր նաեւ Աննա մարգարէուհին, որ ութսուն եւ չորս տարեկան էր. նա եւս սկսաւ փառաբանել Աստուծուն եւ ամենքին ասում էր, թէ այն մանուկը խոստացեալ Փրկիչն է:

42. ՄՈԳԵՐԻ ԵՐԿՐՊԱԳՈՒԹԻՒՆԸ. ՄԱՐԻԱՄԻ ԵՒ ՅՈՎՍԵՓԻ ԵԳԻՊՏՈՍ ՓԱԽԶԻԼԸ ԵՒ ԱՅՆՏԵՂԻՑ ԴԱՌՆԱԼԸ.

Մատ. Բ. 1—23.

Այն միջոցին Հրէաստանի արեւելեան երկիրներից քանի մի մոգեր, այսինքն իմաստուն մարդիկ, Երուսաղէմ եկան եւ հարցնում էին թէ՛ «Ո՞ւր է Հրէից նորածին թագաւորը. մենք նորա աստղը տեսանք արեւելեան կողմը եւ եկանք նորան երկրպագութիւն անելու»: Հերովդէս թագաւորը մոգերի այս հարցմունքը լսելով՝ շիտթուեցաւ եւ հրէից դպիրներին հարցրեց թէ՛ «Ո՞ւր պիտի ծնուի Քրիստոսը»:

Դպիրները պատասխանեցին թէ՛ «Բէթղեհէմ քաղաքի մէջ»: Այն ժամանակ թագաւորը կանչեց այն մոգերին եւ խընդրեց նոցանից ասելով, թէ երբ կըգտնէք մանկանը, ինձ յայտնեցէք, որ ես էլ գնամ եւ երկրպագութիւն անեմ նորան»: Մոգերը Բէթղեհէմ գնացին, եւ տեսան այն գերբնական աստղը մէկ տան վրայ: Այն տունը մտան, եւ մանկանը գրտան Իւր մօր հետ. երկրպագութիւն արին նորան, իբրեւ Աստուծոյ եւ մատուցին իրանց ընծաները: Յետոյ ուզում էին Երուսաղէմ վերադառնալ եւ մանկան մասին Հերովդէսին պատմել, բայց միւս գիշերը Աստուծոց հրաման առան, որ Հերովդէսի մօտ չդառնան, ուստի ուրիշ ճանապարհով գնացին իրանց երկիրը:

Հերովդէսը՝ երբ իմացաւ թէ մոգերն իրանց երկիրն են գնացել, հրամայեց, որ Բէթղեհէմի մէջ եղած երկու տարեկանից փոքր բոլոր տղայոցը կոտորեն: Յոյս ունէր, որ նոցա հետ Յիսուսն եւս կըսպանուի: Բայց Յովսէփն ու Մարիամը Աստուծոյ հրամանով իրանց որդու հետ Եգիպտոս փախան: Հերովդէսի անգութ Տրամանը կատարուեցաւ. նորա զինուորները Բէթղեհէմի մէջ 14,000 մանուկ կոտորեցին:

Այնուհետեւ շատ ժամանակ չանցած՝ Հերովդէսը մեռաւ: Այն ժամանակ Յովսէփը Հրէաստան դարձաւ եւ Գալիլիայի Նազարէթ քաղաքում բնակուեցաւ: Այնտեղ Քրիստոսը մինչեւ երեսնամեայ հասակն անճանօթ մնաց մարդիկներից. երեսուն տարեկան եղաւ, աճեցաւ եւ լցուեցաւ իմաստութեամբ եւ սիրով դէպի Աստուած եւ դէպի մարդիկ: Աւանդութիւն կայ՝ թէ նա Յովսէփ Աստուածահօրն օգնում էր հիւանդութեամբ:

43. ՅՈՎՀԱՆՆԵՍ ՄԿՐՏՉԻ ՔԱՐՈՋԸ ԵՒ ՔՐԻՍՏՈՍԻ
ՄԿՐՏՈՒԹԻՒՆԸ.

Զարարիայի եւ եղիսաբէթի որդի Յովհաննէսն արդէն տղայութեան հասակից ճգնաւորական կեանք էր անցկացնում; անապատի մէջ էր բնակւում եւ ապրում էր մարախ եւ մեղր ուտելով: Նորա հագուստն ուղտի բրդից էր եւ գօտին մաշկեղէն: Երբոր Հռովմայեցոց կողմից Պոնտացի Պիղատոսը հրէից դատաւոր էր նշանակուած, Յովհաննէսը Աստուծոց յայտնութիւն ստացաւ՝ պատրաստել ժողովուրդը Փրկչին ընդունելու համար: Նա եկաւ Յորդանանի եղբրքը եւ ժողովրդին ուսուցանում էր, թէ ինչպէս կարող են նոքա երկնքի արքայութեանը արժանի լինել:

Ամեն կողմերից ժողովուրդը հաւաքւում էր նորա քարոզութիւնը լսելու: Յովհաննէսը իւր մօտ եկողներին ասում էր. «Ապաշխարեցէք, երկնքի արքայութիւնը մօտեցել է». եւ այս ասելով՝ իւրաքանչիւրին տալիս էր հարկաւոր խրատները: (Կեղծաւոր Փարիսեցիքը, որ իրանց արտաքին աստուածաշտուութեամբ հպարտանում էին եւ ծերերի աւանդութիւնները խտուր կատարում, հարցրին. «Մենք ի՞նչ պէտք է անենք»: Յովհաննէսը քարոզում էր նոցա թէ՛ «ու որ երկու հանդերձ ունի, թո՛ղ մէկը չունեցողին տայ, կերակուր ունեցողն եւս թո՛ղ նոյնպէս անէ»: Մաքսաւորները Փարիսեցոց պէս հարցրին, եւ Յովհաննէսը նոցա պատասխանեց. «Մի պահանջէք ժողովրդից այն, ինչ որ օրէնքը չէ հրամայած»: Յետոյ զինուորները հարցրին. «Մենք ի՞նչ պէտք է անենք: Յովհաննէսը պատասխանեց թէ՛ «դուք ո՞չ ոքին չզրկէք, ո՞չ ոքին չզրպարտէք եւ ձեր ուժկուրբ բաւականացէք»): Այն քարոզութիւնից յետոյ Յովհաննէսը Յորդանան գետի մէջ մկրտում էր իրանց մեղքերը զղջացողներին:

(Շատերը կարծում էին թէ մարգարէներից գուշակած Մեսիան կամ Քրիստոսը Յովհաննէսն է: Բայց նա ինքն ասում էր թէ՛ «ես Քրիստոս չեմ, այլ Աստուած ինձ ուղարկեց Նորա առաջեւ, որ Նորա ճանապարհը պատրաստեմ»: Այս պատճառով Յովհաննէսը կոչւում է Տիրու կրօնապետ):

Երբ այսպէս Յովհաննէսն ուսուցանում էր եւ մկրտում ժողովրդին, եկաւ նորա մօտ Յիսուս Քրիստոսը, որ նորանից մկրտուի: Յովհաննէսը հրաժարւում էր Նորան մկրտելուց եւ ասում էր. «Ե՛ս պէտք է Քեզանից մկրտուիմ եւ Դու ինձ մօտ ես գալիս»: Բայց Յիսուսն ասաց. «Թո՛ղ տուր»: Այն ժամանակ Յովհաննէսը մկրտեց Նորան: Երբ Յիսուս Քրիստոսը դուրս էր գալիս ջրից, երկինքը բացուեցաւ եւ Հոգին սուրբ աղաւնու կերպարանքով Քրիստոսի վրայ իջաւ եւ երկնքից ձայն լսուեցաւ, թէ՛ «Դա է իմ սիրելի որդին, որին հաւանեցայ»:

Տ ա ղ Զ ր օ Ր Հ ն ե ա ց .

Այսօր ձայնըն հայրական յերկնից իջեալ հաճոյական, սիրեցելոյ Որդւոյ վկայն. այ յորդորէ, գետ յորդորէ, գետ Յորդանան. յորդորական ձանիւ երգէր մեծ Կարապետըն Յովհաննէս:	Այսօր հայրական հաճութիւն տուող ձայնը իջնում է երկնքից իբրև վկայ Իւր սիրելի Որդւոյն. այ յորդորում է, գետն Յորդանան. յորդորող ձայնով երգում է Յովհաննէս մեծ Կարապետը:
---	---

Այսօր եկեալ Աստուածորդ

տուածորդին 'ի Յորդանան խոնարհութեամբ, զրով մկրտիլ 'ի Յովհաննէս...

Այսօր մկրտիչըն Յովհաննէս 'ի մկրտիչըն հրաժարէր, թէ ինձ պարտ է 'ի Քէն մկրտիլ...

Այսօր գոչէր քաղցր ձայնիւ Աստուածորդին Վարապետին՝ պարտ էր զօրէնսըն կատարել...

Այսօր Հոգին աղանակերպ իջեալ յերկնից 'ի Յորդանան, Իւր փառակցին վկայելով...

զին խոնարհութեամբ, գալիս է Յորդանան, Յովհաննէսից զրով մկրտուելու...

Այսօր մկրտող Յովհաննէսը հրաժարվում է մկրտելուց ասելով, թէ ես պէտք է Քեզանից մկրտուիմ...

Այսօր Աստուածորդին քաղցր ձայնով ասում է Վարապետին՝ պէտք է օրէնսըն կատարել...


Այսօր Հոգին աղանու կերպարանքով երկրնքից իջնում է Յորդանան, իբրև Իւր փառակցի վկան...

44. ԲՐԻՍՏՈՍԻ ՍՍՏԱՆԱՅԻՑ ՓՈՐՁՈՒԻԼԸ.

Մատ. Գ. 13—17.

Բրիստոսը մկրտուելուց յետոյ անապատ գնաց, ուր քառասուն օր եւ քառասուն գիշեր ծոմ պահեց եւ աղօթքով անցկացրեց: Քառասներորդ օրը Նա քաղց զգաց: Այն ժամանակ սատանան եկաւ Նորա մօտ եւ ասաց. «Թէ որ Դու Աստուծոյ որդին ես, ասա՛ որ այս քարերը հաց լի-

նին»: Յիսուս Բրիստոսն ասաց Նորան. «Գրուած է, որ ոչ թէ մենակ հացով կապրի մարդ, այլ ամեն խօսքով, որ Աստուծոյ բերանիցն է դուրս գալիս»: Սատանան Յիսուս Բրիստոսին տարաւ Երուսաղէմ, կանգնացրեց տաճարի աշտարակի վրայ եւ ասաց. «Թէ որ Աստուծոյ որդին ես, այստեղից Քեզ վայր ձգիր, որովհետեւ գրուած է, թէ Իւր հրեշտակ-



ներին հրամայել է Քեզ համար, որ Քեզ պահպանեն, եւ ձեռների վրայ առնեն Քեզ, որպէս զի ոտներդ երբէք քարի չգիւցնես»:— Յիսուս Բրիստոսը պատասխանեց Նորան. «Այս եւս գրուած է, թէ մի փորձիր Քո Տէր Աստուծուդ»: Սատանան Յիսուս Բրիստոսին տարաւ մի շատ բարձր սար, ցոյց տուաւ Նորան աշխարհի ամեն թագաւորութիւնները եւ ասաց. «Այս ամենը Քեզ կրտամ, թէ որ ընկնելով ինձ երկրպագութիւն անես»: Յիսուս Բրիստոսը պատասխանեց Նորան. «Հեռացիր ինձանից, սատանայ, որովհետեւ գրուած է, թէ

Քո Տէր Աստուծուդ պէտք է երկրպագութիւն անես եւ մի այն Նորան պաշտես: Այն ժամանակ սատանան հեռացաւ Յիսուսից եւ ահա հրեշտակները մօտեկան եւ ծառայութիւն էին անում Նորան:

Եւ մի՛ տանիր զմեզ 'ի փորձութիւն, այլ փրկեա՛ 'ի չարէն:

45. ՅՈՎՀԱՆՆԵՍ ՄԿՐՏՉԻ ՔՐԻՍՏՈՍԻ ՎՐԱՅ ՏՈՒԱԾ ՎԿԱՅՈՒԹԻՒՆԸ ԵՒ ՄԱՀԸ.

Յով. Ա. 19—40. Գ. 22—30. Մատ. ԺԳ. 3—11.

Քրիստոսը՝ անապատի մէջ փորձուելուց յետոյ, Յորդանան գետի եզերքն եկաւ, ուր Յովհաննէսը մկրտում էր: Յովհաննէսը Նորան տեսնելով՝ ասաց ժողովրդին. «Ահա գառն Աստուծոյ, որ բառնայ զմեզս աշխարհի.» այսինքն՝ ահա առիկ նա, որ իւր կեանքը բոլոր աշխարհիս մեզքի համար պիտի զոհէ: Յովհաննէսի աշակերտներից մի քանիսը Քրիստոսի ետեւից գնացին:

Քիչ ժամանակից յետոյ Յովհաննէսն ստիպուեցաւ իւր քարոզութիւնները վերջացնել, որովհետեւ Գալիլիացոց Հերովդէս Թագաւորին յանդիմանում էր՝ որ նա իւր եղբօր կենդանութեան ժամանակը նորա կին Հերովդիադայի հետ ամուսնացել էր: Այս յանդիմանութեան համար չար Հերովդիադան շատ բարկացաւ եւ Հերովդէսին յորդորեց, որ Յովհաննէսին բանտարկէ, յետոյ խնդրեց եւ Յովհաննէս Մկրտչի գլուխը կտրել տուեց:

46. ՅԻՍՈՒՍԸ ԳՆՈՒՄ Է ԳԱԼԻԼԻԱՅԻ ԿԱՆԱՅ ՔԱՂԱՔԸ ՀԱՐՍԱՆԻՔԻՆ.

Յով. Բ. 1—11

Յիսուսը՝ Յովհաննէսի իւր վրայ վկայութիւն տալուց յետոյ, Գալիլիա գնաց: Այնտեղ Աստուածամօրը, Նորան եւ Նորա աշակերտներին Կանայ քաղաքի մէջ հարսանիքի հրաւիրեցին: Հարսանեաց խնջոյքի ժամանակ գինին պակասեցաւ: Աստուածամայրը՝ տեսնելով տանտիրոջ շփոթութիւնը, ասաց Յիսուսին. գինի չունին: Յիսուսը պատասխան տուաւ Նորան թէ՛ դեռ իմ ժամանակս չէ հասել, այսինքն՝ դեռ ժամանակը չէ, որ ցոյց տամ իմ Աստուածային փառքը: Բայց Մարիամը հաստատ գիտէր, թէ իւր ողորմած որդին կօզնէ կարօտեալներին, վասնորոյ ասաց ծառաներին. ինչ որ ձեզ հրամայէ, կատարեցէք: Սենեակի մէջ եօթը մեծ քարեղէն ջրի ամաններ էին դրուած: Յիսուսը հրամայեց որ նրանց ջրով լցնեն, յետոյ այն ջուրը հիւրերին բաժանեն: Ծառաները Նորա հրամանը կատարեցին եւ տեսան որ ամանների միջի ջուրը լաւ գինի է դարձել: Այս կերպով Յիսուսը առաջին հրաշքը գործեց եւ աշակերտները հաւատացին Նորան:

Այդ առիթով Աստուածամայրը օգնութիւն ցոյց տուաւ դէպի մարդիկ եւ եղաւ նոցա համար իւր որդուն բարեխօս: Այս պատճառով մենք դէպի նա դիմում ենք ազօթքներով իբրեւ դէպի մեր պաշտպանը եւ բարեխօսը, որ ամենայն ժամանակ օգնէ մեզ:

Անկանիմք առաջի Քո, Ընկնում ենք Քո աւուրք Աստուածածին, աւջ, Սուրբ Աստուալ աղաչեմք զանարատ ծածին, և աղաչում ենք

զկոյսդ՝ բարեխօսեան՝ վա-
սրն անձանց մերոց և խօսութիւն
աղաչեան զմիածին Որ-
դիդ՝— փրկել զմեզ ՚ի
փորձութենէ և յամե-
նայն վտանգից մերոց:

անարատ կուսիդ, բարե-
անձի համար և խնդրի
Քո միածին Որդուց, որ
ազատէ մեզ փորձանքից
և ամեն տեսակ վտանգ-
ներից:

47. ՔՐԻՍՏՈՍԻ ՀՐԱՇԱԳՈՐԾՈՒԹԻՒՆՆԵՐԸ.

Քիչ ժամանակում Քրիստոսի գործած հրաշագործու-
թիւնների լուրը տարածուեցաւ Հրէաստանի մէջ, եւ ժո-



նովորդը խուռն բազմութեամբ գնում էր Նորա յետե-
ւից: Նա Իւր մէկ խօսքով սաստիկ փոթորիկը դադարե-

ցրեց, ջրի վրայով իբրեւ գետնի վրայ ման եկաւ, Հինգ-
հացով եւ երկու ձկնով Հինգ հազար մարդ կերակրեց, եւ
միայն հրամայելով մեռած մարդկանց յարութիւն տուաւ:

Իժբախտ մարդիկ մեծ ուրախութեամբ Քրիստոսին մօ-
տենում էին, եւ ոչ մէկը առանց օգնութիւն եւ մխի-
թարութիւն առնելու մօտից չէր հեռանում: Կոյրերին լու-
սաւորում էր, խուլերին լսողութիւն էր տալիս, անդա-
մալոյճներին բժշկում էր, բորոտներին սրբում էր, դի-
ւահարներին ազատում: Ամեն մարդու ընդունում էր Իւր
մօտ, ուրիշներից ատելի եղած մեղաւոր եւ հեթանոս մարդիկ
Նորանից օգնութիւն էին գտնում: Մարդիկներից Նա միայն
այս էր պահանջում, որ Իրան հաւատան: Բժշկուածներին
արձակում էր այս խրատը տալով թէ՛ «այլ եւս մի մեղան-
չիր, որ աւելի վատ չլինի քեզ»:

Այս գործերով Քրիստոսը պարզապէս ցոյց էր տալիս,
որ երկրիս վրայ Աստուծոյ արքայութիւնն սկսուել է: Ժո-
ղովուրդներից շատերը հաւատում էին Քրիստոսի գործած
հրաշքները տեսնելով, եւ ամեն կողմից ասում էին թէ՛
մեծ մարգարէն երեւացել է մեր մէջ, Աստուած Իւր ժո-
ղովրդեան այցելութիւն է արել:

48. ՔՐԻՍՏՈՍԸ ԾՈՎԻ ՎՐԱՅ ՓՈԹՈՐԻԿԸ ԴԱԿԱՐԵՑՆՈՒՄ
Է ԵՒ ԶՐԻ ՎՐԱՅ ՄԱՆ Է ԳԱԼԻՍ.

Ղուկ. Ը. 22—25. Յով. Զ. 18—21.

Մէկ անգամ Քրիստոսը Իւր աշակերտների հետ նաւով
մի ծովակի վրայից պիտի անցնէր: Ինքը նաւի յետեւի
կողմը քնել էր: Սաստիկ հողմ բարձրացաւ եւ ալիքներ
վերկացան, այնպէս որ նաւը լցուելու վրայ էր: Աշակերտ-
ները վախեցած զարթեցրին Քրիստոսին, ասելով՝ «Տէր,
ահա մենք կորչում ենք, ազատիր մեզ»: Քրիստոսը նոցա

պատասխանեց. «Ի՞նչու այդպէս վախկոտ էք, թերահաւատներ»: Յետոյ վերկացաւ եւ փոթորկին ու ալէկոծութեանը սաստեց, իսկոյն հանդարտութիւն տիրեց: Ամենքը դողի մէջ ընկած հիանում էին եւ ասում. «Ով է սա, որ հողմին եւ ջրին հրաման է տալիս եւ Իրան լսում են»:

Մէկ անգամ Քրիստոսի աշակերտները նաևով գնում էին ծովակի վրայ, սաստիկ փոթորիկ վերկացաւ, եւ նոքա շատ վախեցան, որովհետեւ Յիսուսը նոցա հետ չէր: Յանկարծ տեսան, որ մէկը ջրի վրայ մանգալով իրանց մօտն է գալիս, եւ չճանաչելով թէ Քրիստոսն է, սաստիկ վախեցած աղաղակեցին, թէ՛ «այս երեւոյթ է»: Քրիստոսը նոցա ահը տեսնելով, ասաց. «Մի վախենաք, ես եմ»: Յետոյ նորա աշակերտներից մէկը՝ Պետրոսը, ասաց. «Հրաման տուր, որ Քեզ մօտ գամ ջրի վրայից»: Քրիստոսը պատասխանեց. «Եկ», եւ Պետրոսը նաւից դուրս գալով՝ ջրի վրայ կանգնեցաւ եւ սկսաւ երթալ, բայց ծովակի ալէկոծութիւնը տեսնելով՝ վախեցաւ եւ քիչ մնաց, որ խեղդուէր, ուստի աղաղակեց. «Տէր, փրկիր ինձ»: Քրիստոսը մօտեցաւ նորան, ձեռքից բռնեց եւ ասաց. «Ի՞նչու երկմտեցար, թերահաւատ»: Յետոյ երկուսն էլ նաւը մտան, եւ իսկոյն հողմը հանդարտուեցաւ:

49. ՀԻՆԳ ՀԱՅՈՎ ՀԻՆԳ ՀԱԶԱՐ ՄԱՐԳ ԿԵՐԱԿՐԵԼԸ:

Յով. 2. 7—11

Մէկ անգամ Քրիստոսը ժողովրդին քարոզում էր. քարոզութիւնը մինչեւ երեկոյ տեւեց: Այս տեսնելով՝ աշակերտներն ասացին. «Տէր, այստեղ անապատ տեղ է եւ ժամանակն անցել է. ժողովրդին արձակիր, որ գիւղը երթան եւ իւրեանց համար կերակուր գնեն»: Քրիստոսը հարցրեց նոցա. «Նայեցէք, տեսէք, քանի՞ հաց ունիք»: Աշա-

կերտները պատասխանեցին թէ. «Այստեղ մէկ տղայ կայ, որ հինգ հաց եւ երկու ձուկն ունի, բայց այն ի՞նչպէս պիտի բաւականանայ այս բազմութեանը»: Քրիստոսը հրամայեց որ այն հացերը եւ ձկները բերեն. առաւ հացը եւ ձուկը, օրհնեց, կտրեց եւ Իւր աշակերտներին տուաւ, եւ նոքա կտոր-կտոր բաժանեցին ժողովրդեան: Ամենքը կերան եւ կշտացան, յետոյ հացի կտորները հաւաքեցին, որով տամբերիւ զամբիւղ լցուեցաւ: Իսկ ժողովուրդը հինգ հազար հոգու չափ էին, բացի կանանց եւ տղայոց: Նոքա այս հրաշքը տեսնելով, ուզում էին նորան իւրեանց աշխարհի վրայ թագաւոր դնել, բայց նա թողեց նրանց ու գնաց:

Ա. դ օ թ. ք ճ ա շ ի ց ա ո ա ջ:

Աչք ամենեցուն 'ի Ամենքի աչքերը դէպի Քեզ, Տէր, յուսան և Քեզ են նայում, Տէր, Իոու տաս կերակուր նոցա 'ի ժամու: Բանասրանց կերակուր ժամադձեռն Քո և լցուցանես նակին: Բաց ես անում զամենեսեան քաղցրու Քո ձեռքը և լիաթեամբ կամօք Քովք: ցնում ես ամեն արարածներիդ Քո ողորմութեամբը:

Ա. դ օ թ. ք ճ ա շ ի ց յ ե ա ո յ:

Տէր Յիսուս, լցաք 'ի Տէր Յիսուս, լիաբարութեանց Քոց: Տացանք Քո բարութիւցուք գոհութիւն Տեառն նով: Ուրեմն շնորհակալ

Աստուծոյ միտոյ՝ Հօր լինինք մեր Տէր Աստու-
 և Որդւոյ և Հոգ- ծուց՝ Հօրից, Որդուց
 ւոյն սրբոյ: Լիութիւն և սուրբ Հոգուց: Քրիս-
 սեղանոյս անհատ և ան- տոս մեր Աստուածը, որ
 նուազ արասցէ Քրիս- մեզ այս կերակուրը տը-
 տոս Աստուած մեր, որ ւեց, թող անպակաս անէ
 զմեզ կերակրեաց, Նը- այս սեղանի՝ լիութիւնը:
 մա փառք յաւիտեանս. Նորան է վայելում փառ-
 ամէն: քը յաւիտեանս. ամէն:

50. ՔՐԻՍՏՈՍԸ ԱՅՐԻ ԿՆՈՋ ՈՐԴՈՒՆ ՅԱՐՈՒԹԻՒՆ Է ՏԱԼԻՍ.

Ղուկ. է. 12—17.

Մէկ անգամ Քրիստոսը Նային քաղաքն էր մտնում:
 քաղաքի դռան մօտ տեսաւ որ մէկ երիտասարդ տանում
 էին թաղելու. մեռեալը մի այրի կնոջ միամօր որդին էր:
 Խղճաց դժբախտ մօր վրայ եւ ասաց մեռեալին. «Մանուկ
 դու, քեզ եմ հրամայում, վեր կաց»: Ննջեցեալը վերկա-
 ցաւ, նստեց եւ սկսաւ խօսիլ: Ժողովուրդը փառք էր տա-
 լիս Աստուծուն եւ ամեն կողմից ասում էին. «Մեր մէջ
 յայտնուել է մի մեծ մարգարէ, Աստուած այցելութիւն
 արաւ Իւր ժողովրդեան»:

51. ՔՐԻՍՏՈՍԸ ԲԺՇԿՈՒՄ Է ԱՆԻԱՄԱԼՈՒԾԻՆ.

Մատ. Բ. Յ. Ղուկ. Ե. 18.

Մէկ անգամ Քրիստոսը Կափառնաում քաղաքը գնաց
 եւ մէկ տուն մտաւ, ուր Նորա մօտ այնքան ժողովուրդ-
 հաւաքուեցան, որ դռան մօտն անգամ տեղ չկար: Քրիս-

տոսը Աստուածային վարդապետութեամբ քարոզում էր
 ժողովրդեան: Այն ժամանակ Նորա մօտ բերում էին մէկ
 անգամաւոյժ, որին չորս մարդ վերցրել էին, բայց ժողովըր-
 դի բազմութեան պատճառով անհնար լինելով տուն մըտ-
 ցնել, տան կտուրը բարձրացան, եւ առաստաղը քանդելով
 անգամաւոյժը մահճի մէջ դրուած Քրիստոսի առաջ իջու-
 ցին: Քրիստոս տեսնելով նոցա հաւատը, ասաց անգամա-
 լուծին. «Ներուած լինին մեղքերդ»: Գպիրները մտածում
 էին իրանք իրանց մէջ եւ ասում. «Սա ի՞նչու է հայհոյում:
 Աստուծուց գատ ո՞վ կարող է մեղքերի թողութիւն տալ»:
 Քրիստոսը՝ իմանալով նոցա միտքը հարցրեց, նոցա թէ՛ «այս
 երկու խօսքերից ո՞րը աւելի հեշտ է, ասելը՝ ներուած լինին
 մեղքերդ, թէ՛ ասելը՝ վեր կաց եւ գնա: Բայց որպէսզի
 իմանաք, թէ Մարգու Որդին իրաւունք ունի աշխարհիս
 մեղքերին թողութիւն տալու, քեզ եմ ասում (անգամա-
 լուծին), վեր կաց, անկողինդ առ եւ տունդ գնա»: Հի-
 ւանդն խօսոյն վեր կացաւ, առաւ անկողինը եւ գնաց:
 Ամենքն աղաղակում էին. «Այսպիսի հրաշալի բան երբէք
 չէնք տեսել»:

52. ՔՐԻՍՏՈՍԸ ԲԺՇԿՈՒՄ Է Ի ԾՆԷ ԿՈՅՐԻՆ.

Յով. Թ. 1—17

Քրիստոսը Երուսաղէմի մէջ մէկ անգամ ՚ի ծնէ կոյր
 մարդու պատահեցաւ, որ ոլորմութիւն էր խնդրում:
 Հրէայք այնպիսի կարծիք ունէին, թէ մարդուս պատահած
 ամենայն դժբախտութիւնները իւր մեղքի պատիժն են: Իսկ
 եթէ փոքր տղայոց պատահէր դժբախտութիւնը, կարծում
 էին թէ նորա ծնողաց մեղքի պատիժն է: Քրիստոսի աշա-
 կերաներն եւս այն կարծիքին էին, եւ տեսնելով ՚ի ծնէ կոյր

մարդուն, հարցրեցին Քրիստոսին. «Սա իւր, թէ ծնողաց մեղքի համար կոյր ծնուած է»: Քրիստոսը պատասխանեց. «Ո՛չ իւր մեղքի եւ ո՛չ իւր ծնողաց մեղքի համար է, բայց այն պատճառով կոյր է ծնուել, որ Աստուծոյ հրաշալի գործերը յայտնուին»: Այս ասելով, գետնի վերայ թքեց, կաշին եւ կոյրի աչքերին քսելով՝ հրամայեց որ երթայ Սելուլամ՝ աւագանի մէջ լուանայ: Կոյրը կատարեց այս հրամանը եւ աչքերը բացուած՝ յետ դարձաւ այնտեղից:

53. ՏԱՍՆ ԲՈՐՈՏՆԵՐԻ ԲԺՇԿՈՒԻԼԸ.

Ղուկ. ԺԷ. 11—19.

Քրիստոսը մի գիւղ մտնելով, տասն բորոտների պատահեցաւ (որ փոխադրական եւ անբուժելի ցաւ էր): Նորանցից ինն հոգի Հրէայ էին, եւ մինը Սամարացի: Երբ հեռուից տեսան Քրիստոսին, աղաղակեցին. «Վարդապետ, օգնիր մեզ»: Քրիստոսը տեսնելով նոցա հաւատը, ասաց. «Գնացէք, ցոյց տուէք ձեր անձը քահանային»: Այս բանս ասաց այն պատճառով, որ Հրէից մէջ օրէնք կար, որ բորոտութիւնից առողջացող մարդը պէտք է յայտնուէր քահանային եւ շնորհակալութեան զոհ մատուցանէր: Այս պատճառով բորոտի քահանայի մօտ երթալը առողջանալու նշան էր: Բորոտները գնացին եւ ճանապարհին առողջացան: Բայց ինն Հրէայք մոռացան այն բարերարութիւն անողին, եւ միայն Սամարացին եկաւ Քրիստոսին շնորհակալութիւն մատուցանելու: Քրիստոսը իւր աշակերտներին ցոյց տուաւ Սամարացուն եւ ասաց. «Այս Սամարացին, որ աղանդաւոր է համարվում, աւելի լաւ է Հրէաներից, որոնք իրանց արդարութեան վրայ պարծենում են: Իւ ասլա Սամարացուն դառնալով, ասաց. «Զէ՛ որ տասն

հոգի առողջացան, այժմ ինն հոգին ո՛ր են, ի՛նչու նոքա չվերադարձան փառք տալու Աստուծուն»: Եւ ասլա ասաց նորան. «Գնա՛, հաւատքդ փրկեց քեզ»:

54. ՔՐԻՍՏՈՍԻ ՎԱՐԴԱՊԵՏՈՒԹԻՒՆԸ ԵՒ ՆՈՐԱ

ԱՌԱՔԵԱԼՆԵՐԸ.

Յիսուս Քրիստոսը իւր վարդապետութիւնը քարոզում էր քաղաքներում, գիւղերում եւ Երուսաղէմի տաճարում: Նորա քարոզների գլխաւոր բովանդակութիւնն այս էր՝ «Ապաշխարեցէք եւ հաւատացէք աւետարանին»:

Աւետարան խօսքը նշանակում է աւետիք կամ բարի լուր այն մասին, թէ Աստուած ներում է մարդիկների մեղքերը եւ շնորհում է նոցա երկնքի արքայութիւնը Քրիստոսի ձեռքով:

Ապաշխարել նշանակում է զղջալ, ատել մեղքը, խոտովանել նորան, Աստուծուց թողութիւն խնդրել եւ հաստատապէս վճռել այնպէս ապրել, ինչպէս ուսուցանում է Աստուածային օրէնքը:

Մարդիկների մէջ աւետարանը տարածելու համար Յիսուս Քրիստոսը իւր բաղմամբիւ աշակերտներից ընտրեց տասն եւ երկուսին, որ նրանց ուղարկէ զանազան տեղեր քարոզելու համար: Սորա համար էլ նոցա աւաքեալ անուանեց, որ նշանակում է ուղարկուած: Նոցա անուններն են՝ Պետրոս եւ Անդրէաս, Յակոբոս եւ Յովհաննէս, Փիլիպպոս եւ Բարթոլղիմէոս, Մատթէոս եւ Թովմաս, Յակոբոս Ալիւեայ եւ Սիմէօն Նախանձայոյզ, Յուդայ Յակովբեան եւ Յուդայ Իսկարիօտացին:

55. ՅԻՍՈՒՍԸ ՔԱՐՈՂՈՒՄ Է ԹԷ ԻՆՔՆ Է ՔՐԻՍՏՈՍԸ:

Մատ. Ա. 14—15.

Քրիստոսը Իւր քարոզութիւնը Քալիլիայի մէջ սկսաւ: Մէկ անգամ գնաց Նազարէթ քաղաքը, ուր մեծացել էր: Ա. յն օրը շաբաթ էր: Նաբաթ օրերը բոլոր Հրէայք ժողովարան էին գնում: Ժողովարան ասվում էին այն տները ուր նոքա հաւաքվում էին աղօթք անելու, Սաղմոս երգելու եւ Սուրբ Քիրք կարգալու համար: Քրիստոսը ժողովարանը մտաւ, Եսայի մարգարէի գիրքը առաւ եւ կարգաց այն տեղը, ուր Քրիստոսի գործերի վրայ խօսում էր մարգարէն *), եւ ասաց թէ՛ այս խօսքերը Իմ վրայ կատարուեցան, որովհետեւ Ես եմ՝ Քրիստոսը, այսինքն՝ Աստուծոյ օժեպար: Նազարէթի բնակիչները կասկածանքով լսում էին Նորա խօսքերը: Ա. յն ժամանակ Քրիստոսը ասաց նոցա. «ձմարիտն եմ ասում ձեզ, թէ ոչ մի մարգարէ իւր գաւառի միջ չի ընդունվում», եւ յիշեցրեց նոցա թէ ինչպէս երբեմն Աստուած օգնում էր հեթանոսներին, իսկ Իսրայէլացիներին Իւր օգնութիւնից զրկում: Լսողները զայրացան Քրիստոսի վրայ այն քարոզութեան պատճառով: Բռնեցին Նորան, քաղաքից դուրս հանեցին եւ ուզում էին մէկ ժայռից վայր ձգել, բայց Նա նոցա միջից անցաւ ու գնաց:

*) Հոգի սուրբ ի վերայ Իմ վասն որոյ և էօժ Զիս...

56. ՔՐԻՍՏՈՍԻ ՔԱՐՈՂՈՒԹԻՒՆԸ ԱՍՏՈՒԾՈՅ ՈՂՈՐՄՈՒԹԵԱՆ ՎՐԱՅ. ԱՆԱՌԱԿ ՈՐԿԻՈՅ ԱՌԱԿԸ:

Մատ. Թ. 10—13. Ղուկ. ԺԵ. 11—32.

Քրիստոսը քարոզում էր, թէ Հայրն Աստուած ողորմած է եւ ուրախութեամբ ընդունում է Իրան դիմող ամենայն ապաշխարող մարդիկներին:



Մէկ անգամ փարիսեցիք հարցրին Քրիստոսի աշակերտներին. «Ի՞նչու ձեր վարդապետը մեղաւոր մարդկանց հետ ուտում է եւ խմում»: Քրիստոսը նորանց պատասխանեց թէ՛ «առողջներին բժիշկ հարկաւոր չէ, այլ հիւանդներին: Ես եկել եմ ոչ թէ արդարներին դէպի ապաշխարութիւն կոչելու, այլ մեղաւորներին»: Քրիստոսը՝ ուզելով որ Իւր վարդապետութիւնը ժողովուրդը լաւ հասկանայ, անա-

ուակ որդու առակը պատմեց նոցա, թէ՛ «մի մարդ երկու որդի ունէր. փոքր որդին իւր հօրիցը խնդրեց հայրական ստացուածքից իրան ընկած բաժինը, եւ հօր տանիցը հեռանալով՝ հեռու աշխարհ գնաց: Այնտեղ վատնեց իւր բոլոր ունեցածը եւ բոլորովին աղքատութեան մէջ ընկաւ: Այն աշխարհը սով ընկաւ եւ անառակ որդին իւր աղքատութեան պատճառով մէկի մօտ ծառայութեան մտաւ, որ նորա խոզերն արածացնէ: Սաստիկ կարօտութեան ժամանակ իիշեց հօր տունը, եւ միտքը դրաւ, որ երթայ եւ իւր հօր մօտ մշակութիւն անէ: Հայրը մեծ ուրախութեամբ ընդունեց նորան իբրեւ որդի, եւ այդ պատճառով մեծ խնջոյք արաւ: Այն միջոցին նորա մեծ որդին դաշտից դարձաւ եւ երգերի ձայն լսելով տան մէջ, հարցրեց, թէ «այս ի՞նչ ուրախութիւն է»: Պատասխանեցին, թէ «եղբայրդ եկաւ եւ հայրդ նորան ողջ եւ առողջ տեսնելու համար մեծ խնջոյք է պատրաստել»: Մեծ որդին նեղացաւ եւ չէր ուզում տուն մտնել: Հայրը դուրս եկաւ, որ նորան ներս կանչէ: Նա պատասխանեց. «Դու երբէք մի ուլ գոնէ ինձ չտուիր, որ բարեկամներիս հետ ուրախանայի, իսկ այդ որդուդ համար մորթեցիր պարարտ եզը, որ բոլոր ունեցածդ անառակութեամբ վատնեց»: Հայրը պատասխանեց նորան. «Որդեակ, դու միշտ մօտս ես, եւ բոլոր ունեցածս քոնն է. իսկ այս եղբայրդ, որ մեռած էր, կենդանացաւ. ինչպէս չուրախանամ սորա վրայ»:

Հայր ասելով՝ Աստուած պիտի իմանանք, փոքր որդին մեղաւոր մարդն է, մեծ որդին օրինապահն է, որ իւր բարի գործերով պարծենում է:

Քրիստոսը մեզ իրաւունք տուաւ Աստուծուն մեզ Հայր անուանելու. այս պատճառով մենք Աստուծուն աղօթք անելու ժամանակ նորան երկնաւոր Հայր ենք կոչում, եւ նորանով յայտնում ենք, թէ նորա հայրական խնամքին

ապաւինած ենք, եւ ցանկանում ենք նորա կամքը կատարել այնպէս, ինչպէս որ երկնքում հրեշտակները կատարում են:

Հայր մեր, որ յերկինս ես:

57. ՔՐԻՍՏՈՍԻ ՔԱՐՈՁՈՒԹԻՒՆԸ՝ ԹԷ ՄՍՐԴԻԿ ԻՆՉՊԵՍ ՊԻՏԻ ՎԱՐՈՒԻՆ, ՈՐ ԱՐԺԱՆԻ ԼԻՆԻՆ ԱՍՏՈՒԾՈՅ ՈՐԴԻՔ ԿՈՉՈՒԵԼՈՒ. ՔՐԻՍՏՈՍՆ ՕՐՀՆՈՒՄ Է ՄԱՆՈՒԿՆԵՐԻՆ.

Մատ. Ե. 2—16. 48. Ղուկ. 9. 20—26. 36. Ղուկ. ԺԸ. 15—17.

Քրիստոսն ասաց Իւր աշակերտներին թէ՛ «ողորմած եւ կատարեալ եղէք ձեր երկնաւոր Հօր նման»:

Իւր կեանքի մէջ մի օրինակ տուաւ, որին մարդիկ պիտի հետեւեն, եւ երանելի (բարեբախտ, Աստուծոյ արքայութեան արժանի) անուանեց այն մարդկանց, որոնք նորա օրինակին են հետեւում: Նա հեզ էր եւ սրտով խոնարհ եւ մարդկանց մեղքի վրայ արտասպան էր: Արդար ու ողորմած էր, եւ սրտով այնպէս մաքուր էր, որ ամենեւին մեղք չունէր: Ոչ մէկի դէմ թշնամութիւն չունէր: Կային մարդիկ, որ նորան ատում էին եւ հալածում եւ մինչեւ իսկ զրպարտում էին, բայց նա համբերում էր բոլոր զրպարտութիւններին եւ աղօթում էր թշնամիների համար: Քրիստոսն ասաց.

1) Երանի հոգով աղքատներին (այսինքն՝ նոցա, որ իւրեանց պակասութիւնները ճանաչում են եւ իրանք իրանց մեղաւոր են համարում), որովհետեւ երկնքի արքայութիւնը նոքա պիտի ժառանգեն:

2) Երանի սգաւորներին (որ լաց են լինում եւ ցաւում են իւրեանց մեղքի համար), որովհետեւ նոքա պիտի մխիթարուին:

3) Երանի հեզ մարդկանց (որ ոչ իրանք են բարկանում եւ ոչ ուրիշներին բարկանալու պատճառ են լինում), որովհետեւ նոքա պիտի ժառանգեն երկիրը:

4) Երանի նորանց, որոնք արդարութեան համար քաղցած ու ծարաւ են (որ արդարութիւնն այնպէս են սիրում, ինչպէս քաղցած մարդը կերակուրը), որովհետեւ նոքա պիտի կշտանան:

5) Երանի ողորմութիւն տուող մարդկանց, որովհետեւ նոքա եւս ողորմութիւն պիտի գտնեն:

6) Երանի մաքուր սիրտ ունեցողներին, որովհետեւ նոքա Աստուծուն պիտի տեսնեն:

7) Երանի խաղաղարար մարդկանց (որ իրանք չեն կռւում, եւ աշխատում են ուրիշներին հաշտեցնել), որովհետեւ նոքա Աստուծոյ որդիք պիտի կոչուին:

8) Երանի արդարութեան համար հալածուող մարդկանց, որովհետեւ երկնքի արքայութիւնը նոքա պիտի ժառանգեն:

9) Երանի ձեզ, երբ իմ պատճառով ձեր վրայ ամեն տեսակ բամբասանք կանեն, խնդացէք, ուրախացէք, որովհետեւ երկնքում ձեր վարձքը շատ կըլինի: Գուք էք աշխարհիս լոյսը, ուրեմն, թող ձեր լոյսն այնպէս լուսաւորէ (այսինքն՝ այնպէս կեանք անցկացրէք) մարդկանց առաջեւ, որ նոքա տեսնեն ձեր բարի գործերը եւ փառք տան ձեր երկնաւոր Հօրը:

Քրիստոսը ուրիշ մի օրինակ եւս ցոյց տուաւ, որին մենք պիտի հետեւենք երկնքի արքայութեանը հասնելու համար: Նորա մօտ մի անգամ բերին շատ մանուկներ, որ ձեռք դնէ նոցա վրայ եւ օրհնէ: Քրիստոսի աշակերտները, կարծելով թէ տղայքն անարժան են նորա օրհնութեանը, եւ որպէսզի նոքա իւրեանց վարդապետին նեղութիւն չտան՝ չէին թողնում, որ տղայքը Քրիստոսին մօտենան: Քրիստոսը՝ այս տես-

նելով, բարկացաւ եւ ասաց Իւր աշակերտներին. «Թողէք այդ մանուկներին եւ մի արգելէք դոցա ինձ մօտ գալ, որովհետեւ դոցա նմաններինն է երկնքի արքայութիւնը: Չշմարտն եմ ասում ձեզ, որ ո՛վ որ տղայի պէս չի ընդունիլ երկնքի արքայութիւնը, կարող չէ նորա մէջ մտնել»: Յետոյ մանուկներին գիրկն առաւ, ձեռքը դրաւ նոցա վրայ եւ օրհնեց նորանց:

Մենք ինչպէս Աստուծոյ որդիք, պէտք է աշխատենք Աստուծոյ անունը փառաւորել, բայց շատ անգամ չար գործերով Աստուծոյ անունն անպատվում ենք անհաւատ մարդկանց առաջ: Այս պատճառով օգնութիւն ենք խնդրում Աստուծուց սրբութեամբ ապրելու համար, այնպէս որ ուրիշ մարդիկ եւս տեսնելով մեր բարի գործերը, փառք տան մեր երկնաւոր Հօրը, որի համար էլ ասում ենք աղօթելով՝ «սուրբ էղիցի անուն Բ»:

58. ՔՐԻՍՏՈՍԻ ՔԱՐՈՉՈՒԹԻՒՆԸ ԻԻՐ՝ ԱՇԽԱՐՀԻՍ ՎՐԱՅ ՀԱՍՏԱՏՈՒԱԾ ԹԱԳԱԻՈՐՈՒԹԵԱՆ ՄԱՍԻՆ:

Մատ. ԺԳ. 4—9. 19—32. 36—43.

Քրիստոսը քարոզում էր, թէ Իւր թագաւորութիւնը (այսինքն՝ իրան հաւատացող ժողովուրդը) պիտի տարածուի բոլոր ազգերի մէջ, եւ մինչեւ վերջին դատաստանի օրը այն թագաւորութեան մէջ արդար եւ մեղաւոր մարդիկ միասին պէտք է լինին: Քրիստոսը թագաւորի հարսանիքի համար պատրաստուած խնջոյքի առակով սովորեցրեց, թէ Իւր արքայութիւնը Հրէաներից զատ հեթանոսներն եւս պիտի ժառանգեն. եւ այսպէս ասաց. «Թագաւորի մէկը խնջոյք պատրաստեց իւր որդու հարսանիքի համար եւ շատ մարդիկ հրաւիրեց: Երբ ամեն բան պատրաստ էր, ուղար-

կեց իւր ծառաներին, որ հրաւիրեալները կանչեն. բայց նոքա չկամեցան գալ եւ թագաւորի ծառաներից ոմանց ծեծեցին եւ ոմանց էլ սպանեցին: Թագաւորը բարկանալով նոցա դէմ զօրք ուղարկեց, իւր ծառաների սպանողներին կոտորեց, այրել տալով նոցա քաղաքները, եւ հրամայեց որ խնջոյքի հրաւիրեն բոլոր այն մարդկանց, որոնց կրգտնեն քաղաքից դուրսը եւ ճանապարհի վրայ»:

Թագաւորն է Աստուած, թագաւորի որդին է Յիսուս Քրիստոսը, քաղաքն է Հրէից թագաւորութիւնը, հարսանիքի հրաւիրեալներն են Աբրահամի սերունդ՝ Հրէաները, թագաւորի ծառաներն են քահանաները եւ մարգարէները, քաղաքից դուրս ճանապարհների վրայ եղածներն են հեթանոսները, որ մոլորուած էին կռապաշտութեան եւ մեղքի մէջ: Այս առակից հասկանում ենք, թէ Աստուած Հրէից փոխանակ Ներ արքայութեան մէջ ընդունեց հեթանոսներին, որոնք իրան չէին հաւատում:

Սուրբերեցեց թէ Աստուծոյ արքայութեան մէջ մինչեւ վերջին դատաստանի օրը մեղաւորներ եւս պիտի ապրին արդարների հետ: Քրիստոսը ցորենի եւ «լո՛ճի առակով այսպէս ասաց. «Երկնքի արքայութիւնը նմանում է այն մարդուն, որ արտի մէջ լաւ սերմ սերմանեց, բայց յետոյ նորա մէջ ցորենի հետ «լո՛ճի եւս բուսաւ: Ծառայք իւրեանց տիրոջ մօտ եկան եւ ասացին. «Տէր, դու լաւ սերմն ցանեցիր, որովը որտեղից բուսաւ»: Տէրը պատասխանեց. «Թշնամի մարդու արած բան է այդ»: Ծառայք ասացին. «Կուզէս, գնանք որովը քաղենք»: Բայց Տէրը պատասխանեց. «Ո՛չ, չլինի թէ որով հետ ցորենն եւս քաղէք. թողէք ցորենի հետ որովն եւս «նի մեծանայ մինչեւ հնձի ժամանակը: Հնձի ժամանակ հնձողները ցորենը շարժարանի մէջ կըհաւաքեն, իսկ որովը կայրեն»: Քրիստոսն այս առակը

Ներ աշակերտներին այսպէս բացատրեց. «Բարի սերմն ցանող—Մարդոյ Որդին է (Քրիստոս Ննջն-իրան անուանում էր որդի մարդոյ). դաշտը—աշխարհս է. բարի սերմը արքայութեան որդիքն են. որովը ցանող թշնամին—սատանան է. հունձը—աշխարհիս վերջն է. իսկ հնձողները—հրեշտակներն են: Ինչպէս որ հնձից յետոյ որովը կայրեն, այնպէս եւս աշխարհիս վերջը պիտի լինի: Մարդոյ Որդին կուղարկէ Ներ հրեշտակներին, որոնք կըհաւաքեն Նորա արքայութեան միջից այն բոլոր մարդկանց, որոնք անօրէնութիւն են գործել, նորանց գեհենի կրակի մէջ կըծգեն, ուր նոքա պիտի լան եւ ատամները կըծտեն: Իսկ արդարներն արեգակի նման երկնքի արքայութեան մէջ պիտի փայլին»:

Քրիստոսը բոլոր Իրան հաւատացողներին ընդունեց Ներ՝ երկրիս վրայ հաստատած արքայութեան մէջ. բայց մենք շատ անգամ մեր չար գործերի պատճառով այն արքայութիւնից դուրս ենք գալիս, սատանայի ծառայ ենք դառնում եւ զրկվում ենք Քրիստոսի արքայութիւնից: Այս պատճառով խնդրում ենք Աստուծուց, որ օգնէ մեզ Նորա արքայութեան մէջ մնալու եւ թագաւորի նման մեր վրայ իշխէ, եւ ազօթելով ասում ենք. «Եփէսցե՛ արքայա-նի-ն Քրիստոս»:

59. ԲՐԻՍՏՈՍԻ ԲԱՐՈՂՈՒԹԻԻՆԵԸ ԹԷ՛ ԻՆՉՊԷՍ ՀԱՐԿԱԻՈՐ ԵՆ ՀԱԻԱՏԲ ԵՒ ԲԱՐԵԳՈՐԾՈՒԹԻԻՆԵՔ. ՍԵՐՄԱՆԱՅԱՆԻ ԱՌԱԿԸ.

Մատ. Ժ. 4—9. 19—32. 36—43.

Քրիստոսը ուսուցանում էր, թէ այն մարդը միայն փրկութիւն կըգտնէ, ով որ բոլոր սրտով կընդունի Ներ

քարոզութիւնը եւ կրկատարէ, այսինքն՝ նա միայն կրկըր-
կուի, ուր որ Իրան կը հաւատայ՝ եւ իւր հաւատքը ցոյց
կըտայ բարի գործերով: Այս բանը Քրիստոսը բացատրեց
սերմանացանի եւ քարի վրայ առն շինողի առակներով:
Նա ասաց. «Ահա սերմանացանը դուրս եկաւ սերմանելու.
սերմերից ոմանք ճանապարհի վրայ ընկան եւ պտուղ չբերին,
որովհետեւ անցնող դարձողներից ոտնակոխ եղան ու թըռ-
չունները նորանց կերան: Ոմանք քարոտ տեղ ընկան, եւ ար-
մատ բռնեցին, բայց որովհետեւ արմատը ամրանալու տեղ
չունէր, չորացան: Ոմանք փշերի մէջ ընկան, ծլեցան, բու-
սան եւ փշերից խեղդուեցան: Ոմանք եւս լաւ հողի վրայ
ընկան եւ առատ պտուղ տուին»:

Սերմանացանը Քրիստոսն է. սերմը — նորա քարոզութիւնն
է. հողը — մարդու հոգին է: Ոտքի տակ ընկնող սերմերը —
կընշանակեն անհոգ եւ անուշադիր մարդկանց հոգիքը. քա-
րոտ հողը — կընշանակէ թեթեւամիտ մարդկանց հոգիքը,
որ ուրախութեամբ ընդունում են նորա քարոզութիւնը,
բայց վտանգ եւ նեղութիւն հասնելուն պէս մէկէն թող-
նում են նորան: Փշերով շրջապատուած հողն օրինակ է
այն մարդուն, որ զբաղուած է կենսական հոգսերով, որով
նորա միջի բարի գործերը խեղդվում են: Բարի հողն է
ուշադիր մարդու հոգին, որ ազատ եւ հեռու է ունայնու-
թիւններից: Նա Աստուծոյ խօսքը կընդունէ եւ իւր բարի
գործերը իբրեւ պտուղ կըբերէ:

«Ամեն մարդ, որ ինձ կոչում է՝ Տէր, Տէր, կարող չէ
երկնքի արքայութիւնը մտնել. բայց նա միայն արքայու-
թեան արժանի կըլինի, ո՞վ որ Իմ երկնաւոր Հօրս կամքը
կրկատարէ: Այն մարդը, որ Իմ խօսքերս լսում է եւ չէ
կատարում, նման է այն անմիտ մարդուն, որ իւր տունը
շինեց աւազի վրայ (այսինքն՝ առանց ամուր հիմքի):
Անձրեւ եկաւ, գետերը դուրս եկան ափերից, քամին փչեց

եւ տունը քանդուեցաւ: Իսկ այն մարդը, որ Իմ խօսքերս
լսում է եւ կատարում, նման է այն իմաստուն մարդուն,
որ իւր տունը քարի վրայ շինեց, եւ ոչ քամին եւ ոչ ջուրը
չկարողացան նորան կործանել»:

Աստուծոյ երկրաւոր արքայութեան մէջ ապրելու եւ
մեռնելուց յետոյ Նորա երկնաւոր արքայութիւնը մտնելու
համար պէտք է հնազանդուինք Աստուծոյ կամքին: Այս
պատճառով խնդրում ենք Աստուծուց, որ օգնէ մեզ կա-
տարել Իւր սուրբ կամքը այնպէս, ինչպէս որ հրեշտակ-
ները կատարում են երկնքում, եւ ասում ենք. «Եղիցին Կաթ
+ «սպէս յեղին» և յեղին»:

60. ՔՐԻՍՏՈՍԻ ՔԱՐՈՉՈՒԹԻՒՆԸ ԳԼԽԱՒՈՐ ՊԱՏՈՒԻ-
ՐԱՆՆԵՐԻ ՄԱՍԻՆ.

Մատ. ԻԲ. 35—40. Է. 12.

Օրէնսգէտ մարդու մէկը հարցրեց Քրիստոսից թէ՛
«Օրէնքի մէջ ամենամեծ պատուիրանը որն է»: Քրիստոսը
պատասխանեց, «Սիրիր քո Տէր Աստուծուն բոլոր հոգովդ,
բոլոր սրտովդ եւ բոլոր մտքովդ: Ահա սա է մեծ եւ առա-
ջին պատուիրանը: Երկրորդն եւս սորա նման է. «Սիրիր
ընկերոջդ քո անձիդ պէս»: Այս երկու պատուիրանքի վրայ
հաստատուած են բոլոր օրէնքները եւ մարգարէութիւն-
ները»: (Հրէայք օրէնք էին անուանում Մովսիսի գրքերը,
իսկ մարգարէութիւն անուանում էին միւս մարգարէների
գրուածքները):

Մէկ անգամ եւս ասաց. «Ինչպէս որ ուզում էք, որ
մարդիկ ձեզ հետ վարուին, այնպէս էլ դուք նոցա հետ
վարուեցէք, որովհետեւ այս իսկ են օրէնքները եւ մարգա-
րէութիւնները»: Ուրեմն Աստուծուն եւ ընկերներին սիրե-
լու մէջ պարունակվում են բոլոր օրէնքները:

61. ՔՐԻՍՏՈՍԻ ՔԱՐՈԶՈՒԹԻՒՆԸ, ԹԷ Ո՞Վ Է ՄԵՐ ԲԱՐԵԿԱՄԸ.

Ղուկ. Ժ. 29—37. Մատ. Ե. 43—48.

Օրէնսագէտ մարդու մէկը հարցրեց Քրիստոսից, թէ «Ո՞վ է իմ ընկերս»: Քրիստոսը այն խօսքին պատասխանելով, ողորմած Սամարացու առակը պատմեց, թէ «Մարդու մէկը գնում էր Երուսաղէմից Երիքով. ճանապարհին նորա վրայ աւազակներ յաշակեցան, ծեծեցին նորան, կապարեցին եւ կիսամեռ ձգեցին գնացին: Պատահեցաւ որ այն ճանապարհի մօտով անցկացաւ մի քահանայ, նա թէեւ տեսաւ այն դժբախտ մարդուն, բայց առանց նորան օգնելու, անցկացաւ գնաց: Նոյն ճանապարհով անցկացաւ մի Ղեւտացի, նա եւս նոյն կերպով վարուեցաւ: Յետոյ անցնում էր մի Սամարացի: Սա տեսնելով այն վիրաւոր մարդուն, նորա վէրքերը փաթաթեց, իւր իշի վրայ դրաւ, պանդխտարաւ, եւ պանդոկից հեռանալու ժամանակ՝ պանդոկապետին փող տուեց ու խնդրեց որ հոգս ունենայ հիւանդի վրայ, եւ ասաց. «Եթէ աւելի ծախք անես, յետ դառնալու ժամանակ կը վերստէ՛ք քեզ»: Ուրեմն այն երեք մարդկանցից վիրաւորեալ մարդու ընկերն ո՞վ էր», հարցրեց Քրիստոսը: Օրէնսագէտը պատասխանեց. «Ի հարկէ նա, որ օգնեց նորան»: Քրիստոսն ասաց. «Ուրեմն՝ գնա՛, եւ դու այնպէս արա՛»: (Այսինքն՝ օգնիր ամենայն կարօտեալներին, եւ մի որոշիր, թէ նա քո ընկերն է, թէ օտար):

Քրիստոսը սովորեցնելով, թէ ի՞նչպէս պէտք է վարուինք մեր թշնամիների հետ, որ մեզ չար են կամենում, ասաց. «Սիրեցէ՛ք ձեր թշնամիներին, բարի արէ՛ք ձեզ արողներին եւ աղօթք արէ՛ք նոցա համար, որ ձեզ նեղա-

ցնում են եւ հալածու՛մ, այս կերպով ձեր երկնաւոր Հօր որդի կըլինիք, որովհետեւ նա իւր արեգակը ծագում է արդարների եւ մեղաւորների վրայ եւ անձրեւն ուղարկում է չար եւ բարի մարդկանց համար:

62. ՔՐԻՍՏՈՍԻ ՔԱՐՈԶՈՒԹԻՒՆԸ, ԹԷ Ի՞ՆՉՊԷՍ ՊԷՏԲ Է ՍՈՒՐԲ ՊԱՆԵԼ ԵՎ ԵՄԵՐ ԵՒ ՏՕՆ ՕՐԵՐԸ.

Մատ. Գ. 1—5 Մատ. ԺԲ. 1—8

Քրիստոսը քարոզում էր, թէ տօն օրերը պէտք է պարապ անցկացնել, այլ պէտք է բարեգործութիւն անել: Չատկի տօնին Երուսաղէմ եկաւ: Այնտեղ տաճարի մօտ մէկ աւազան կար, ուր տանում էին զոհի կենդանիները լուանալու համար: Աստուծոյ հրեշտակը ժամանակ-ժամանակ այն աւազանն իջնելով ջուրը խառնում էր. եւ ով որ առաջին անգամ խառնուած ջրի մէջ էր մտնում, առողջանում էր իւր հիւանդութիւնից: Այս պատճառով աւազանի մօտ միշտ շատ հիւանդներ կային պառկած, եւ նոցա համար հինգ սրահ կար շինուած: Քրիստոսը մի շաբաթ օր այնտեղ մտաւ, անդամալոյժ մարդուն մօտեցաւ, որ 38 տարի հիւանդ էր եւ հարցրեց նորան. «Կամենում ես առողջանալ»: Հիւանդը պատասխանեց. «Այո՛, Տէր, բայց մարդ չունիմ, որ ջուրը խառնուած ժամանակն ինձ աւազանի մէջ ձգէ, եւ ես դեռ չմօտեցած՝ ուրիշն ինձանից առաջ ջուրն է մտնում»: Քրիստոսն ասաց. «Վեր կաց, անկողինդ առ եւ գնա՛»: Հիւանդն իսկոյն վերկացաւ, անկողինն առաւ եւ Աստուծուն փառք տալով՝ գնաց: Այս բանը մի շաբաթ օր պատահեցաւ. ուստի Հրէից ծերերը հալածում էին Քրիստոսին. եւ մինչեւ անգամ կամենում էին նորան սպանել, այն պատճառով, որ նա շաբաթ օ-

րերը հրաշքներ էր գործում: Այն միջոցին Քրիստոսը տաճարը գնաց, սուղօջաղած մարդուն պատահեցաւ եւ ասաց. «Ահա դու առողջացար, գնա, այլ եւս մի մեղանջիր, որ նորից չհիւանդանաս»:

Մէկ շաբաթ օր էլ կրկին Քրիստոսը ժողովարանումն էր. այնտեղ տեսաւ ձեռքը չորացած մի մարդու եւ ասաց նորան. «Իուրս արի, մէջտեղը կանգնիր»: Բազմութեան միջից մէկը հարցրեց. «Մի՞թէ կարելի է շաբաթ օրը բժշկուիլս անել»: Այն ժամանակ Յիսուսը դարձաւ հարցրեց ժողովրդեան, թէ «Շաբաթ օրը բարի՞ գործ պէտք է անել, թէ չար գործ. կեանք ազատել պէտք է, թէ կորցնել»: Ամենքը լռեցին: Քրիստոսը շարունակեց, ասելով. «Եթէ ձեզանից մէկի ոչխարը փոսի մէջ ընկած լինի, մի՞թէ շաբաթ օրը չի ազատիլ նորան: Իսկ մարդը ոչխարից որքան աւելի գերազանց է: Ուրեմն, շաբաթ օրը կարելի է բարի գործ անել»:

Ուրիշ անգամ եւս դարձեալ շաբաթ օրը Քրիստոսը Իւր աշակերտներով արտի միջից անց էր կենում: Աշակերտները ճանապարհին ցորենի հասկեր էին քաղում, ավերի մէջ շփում էին եւ ուտում: Փարիսեցիք Քրիստոսին ասացին. «Տես, աշակերտներդ շաբաթ օրն արգելուած բան են անում»: Քրիստոսը պատասխանեց նոցա. «Ապա ի՞նչու քահանաները շաբաթը խանգարում են տաճարի մէջ զօհ մատուցանելու ժամանակ: Շաբաթն ստեղծուած է մարդու համար եւ ոչ թէ մարդը շաբաթի համար»: Ուրեմն տօն օրերին եւս կարելի է հասարակ օրերի գործն անել, եթէ շատ հարկաւոր բարի գործ լինի:

63. ԳՐԻՍՏՈՍԻ ՔՍՐՈՉՈՒԹԻԻՆԸ ԲԱՐԵԳՈՐԾՈՒԹԻՒՆՆԵՐԻ, ԱՅՍԻՆՔՆ՝ ՈՂՈՐՄՈՒԹԵԱՆ, ՊԱՀՔԻ, ԱՂՕԹՔԻ ԵՒ ԼՈՒՍՅՄԱՆ ՄԱՍԻՆ. ՓԱՐԻՍԵՅՈՅ ԵՒ ՄԱՔՍՍԻՈՐԻ ԱՌԱԿԸ.

Մատ. 2. 1-7. Ղուկ. 14. 9-14.

Հրէից օրէնագէտները սաստիկ խատուութեամբ պահանջում էին ողորմութիւն, պահք, աղօթք եւ լուացումն: Բայց այս ամեն բանը անում էին միայն ի ցոյցս մարդկան, որպէս զի ուրիշները տեսնեն նոցա արածները եւ իրանց փառաւորեն: Քրիստոսը որ քարոզում էր, թէ բարեգործութիւնը այն ժամանակ միայն Աստուծուն ընդունելի եւ փրկարար է, երբ այն կատարում ենք ոչ թէ մարդիկներից վարձ ստանալու յուսով, այլ Աստուծուն եւ ընկերոջ սիրելու մտքով, ասաց. «Երբ ողորմութիւն ես անում, յայտնի կերպով մի անիր, ինչպէս որ կեղծաւորներն անում են այն նպատակով, որ մարդիկներից փառաւորուին: Իսկ դու երբ որ ողորմութիւն ես տալիս, թող ձախ ձեռքդ չիմանայ, թէ աջդ ի՞նչ է անում, որ քո ողորմութիւնը ծածուկ լինի. եւ Հայրդ, երբ կրտսնէ քո ծածուկ ողորմութիւնը, քեզ յայտնապէս կը հատուցանէ: Նմանապէս երբ պահք էք պահում, կեղծաւորների պէս տրտմած մի լինիք, որ երեսները տխրեցնում են, որպէս զի մարդիկներին երեւին իբրեւ պահեցող: Իսկ դու, երբ պահք ես պահում, օժիր գլուխդ եւ երեսդ լուա, որ մարդիկ չտեսնեն քո պահելը, այլ քո երկնաւոր Հայրդ միայն գիտենայ: Եւ աղօթք անելու ժամանակդ կեղծաւորների պէս մի լինիր, որ ժողովարանների մէջ եւ փողոցների անկիւններումը սիրում են աղօթք անել, որպէս զի մարդկանց երեւին: Իսկ դու աղօթք անելու ժամանակ սենեակդ մտիր, դուռդ փակիր եւ աղօթք արա՛ւ»:

Հօրդ. եւ Հայրդ՝ տեսնելով քո ծածուկ աղօթքը, քեզ կը-
հատուցանէ յայտնապէս: Աղօթք անելու ժամանակ հե-
թանոսների պէս շատախօսութիւն մի անէք, որովհետեւ
նորքա այնպէս են համարում, թէ շատախօսութեամբ լսելի
կըլինին իրանց աղօթքները»: Քրիստոսն ասում էր նաեւ,
թէ աղօթքը այն ժամանակ զօրաւոր կըլինի, երբ խոնար-
հութեամբ եւ հաստատ յուսով է լինում: Այս բանս բա-
ցատրեց Նա անիրաւ դատաւորի եւ մաքսաւորի ու փարի-
սեցու առակներով: Նախ ասաց թէ. «Խնդրեցէք եւ կառ-



նէք, գուռը բաղխեցէք եւ կրբացուի»: Յետոյ ասաց. «Մէկ
բազարի մէջ մի դատաւոր կար, որ ոչ Աստուծոց էր
վախենում եւ ոչ մարդիկներից էր ամաչում: Նոյն քա-
ղաքի մէջ բնակւում էր մի խեղճ այրի կին եւս, որ շատ
անգամ իւր գործի համար գնում էր դատաւորի մօտ:
Վերջապէս դատաւորը մտածեց ինքն իրան եւ ասաց. «Այս

կինն ինձ հանգստութիւն չէ տալիս, ազատեմ սորան, որ
այլեւս չգայ եւ ինձ չճանճրացնէ»: Լսում էք արդեօք,
թէ ինչ է ասում այն անիրաւ դատաւորը: Հաւատացէք
որ Աստուած աւելի շուտով ձեզ կօզնէ: Խօսքն առաջ տա-
նելով, ասաց. «Մէկ անգամ մի փարիսեցի եւ մի մաքսա-
ւոր տաճարը մտան աղօթք անելու: Փարիսեցին հպարտու-
թեամբ ասում էր. «Ծնորհակալ եմ Քեզանից, Աստուած
իմ, որ ես ուրիշ մարդկանց նման չեմ, եւ կամ այս մաք-
սաւորի նման: Նաբաթը երկու օր պահք եմ պահում, եւ իմ
աշխատանքի տասներորդ մասը Քեզ եմ ընծայում»: Այն
միջոցին մաքսաւորը հեռուն կանգնած, չէր համարձակւում
աչքերը դէպի երկինք բարձրացնել, այլ անդադար իւր կուրծքը
ծեծելով ասում էր. «Ճէր Աստուած, ողորմիր ինձ մեղա-
ւորիս»: Ծշմարիտն եմ ասում ձեզ, որ մաքսաւորն արդա-
րացած իւր տունը գնաց, իսկ միւսը՝ ոչ»:

Հրէից օրէնսդէսները պահանջում էին լուացումն. ո՞վ
որ չէր կատարում, մեղաւոր էր համարւում եւ Աստուծոյ
արքայութիւնը մտնելու անարժան: Քրիստոսը այս աւան-
դութեան ծուռ լինելը տեսնելով, հերքում էր այն ասելով.
«Լսեցէք եւ հասկացէք. բերան մտած բանը, անուայ
ձեռքով հաց ուտելը երբէք չի պղծիլ մարդուն: Այլ բերանից
դուրս եկած բաները, այսինքն՝ չար մտքերը, սպանութիւն-
ները, շնութիւնները, սուտ փկայութիւնները եւ հայհոյու-
թիւններն են, որ պղծում են մարդուն»:

64. ՔՐԻՍՏՈՍԻ ՔԱՐՈՉՈՒԹԻՒՆԸ՝ ԹԷ ՄԱՐԿ ՈՐՐՔԱՆ
ՀՈԳՍ ՊԻՏԻ ՔԱՇԷ ԿԵՐԱԿՐԻ ԵՒ ՀԱԳՈՒՍՏԻ ՀԱՄԱՐ.

Մատ. 2. 25—34.

Քրիստոսը քարոզում էր. «Մի հոգաք թէ ինչ պիտի ուտէք, կամ ինչ պիտի խմէք: Նայեցէք երկնքի թռչուններին. նորա ոչ ցանում են, ոչ հնձում են եւ ոչ հաւաքում շտեմարանների մէջ, եւ ձեր Հայրը կերակրում է նրանց: Միթէ դուք նոցանից գերազանց չէք: Հագուտի համար եւս ի՞նչու էք հոգս քաշում: Նայեցէք դաշտի շուշանին, թէ ի՞նչպէս աճում է, որ ոչ աշխատում է եւ ոչ մանում: Հաւատացնում եմ ձեզ, որ Սողոմոնն անգամ իւր բոլոր փառքի մէջ չհագաւ այն խոտերից մինի նման: Առաջ Աստուծոյ արքայութիւնը եւ նորա արդարութիւնը խնդրեցէք, եւ այն ամենայն առաւելութեամբ կրտրուի ձեզ (այսինքն՝ աշխատեցէք լինել արդար եւ ողորմած, այն ժամանակ Աստուած ձեզ առատապէս կրտայ ձեր կենսական պիտոյքը): Այսպէս եւս հոգս մի քաշէք վաղուան համար (այսինքն՝ այսօրուան անելու գործերդ վաղուան մի ձգէք, այսօր իսկ արէք եւ բոլորովին նորա վրայ հոգացէք, վաղուան համար մտածութեան մէջ չընկնելով): Իւրաքանչիւր օրուայ համար բաւական է այն օրուայ տառապանքը»:

Քրիստոսը քարոզում էր, թէ ողորմածն Աստուած մեր կեանքը պահպանելու ամեն պիտոյից համար հոգս է քաշում եւ մեր ամենօրուան հացը տալիս է մեզ: Այս պատճառով մենք դիմում ենք դէպի Աստուած այս խրնդրուածով. «Ձեաց ձեր Էանապաղարք պատճառով մեզ այսօր»:

65. ՔՐԻՍՏՈՍԻ ՔԱՐՈՉՈՒԹԻՒՆԸ ՀԱՐԿԱՏՈՒՈՒԹԵԱՆ
ՄԱՍԻՆ.

Մատ. ԻԲ. 15—21. ԻԷ. 24—27.

Քրիստոսը քարոզում էր, թէ պէտք է թագաւորական հարկերը եւ եկեղեցական տուրքերը վճարել: Մէկ անգամ փարիսեցիք կամենալով խօսքով բռնել Քրիստոսին, կապել եւ դատաստանի մատնել, հարցրին Նորանից թէ՛ «հարկաւոր է կայսեր տուրք տալ, թէ ոչ»: Այն ժամանակ Հրէաստանին տիրապետում էին Հռոմէացեաց թագաւորները, որ կայսր էին կոչվում: Փարիսեցիք մտածում էին. եթէ սա պատասխանէ, թէ հարկ տալ պէտք է, ժողովուրդը Սորան Քրիստոսի տեղ չի ընդունիլ, որովհետեւ կայսեր հարկ տալն օրէնքի հակառակ կը համարուի. իսկ եթէ ասէ՛ հարկ տալ պէտք չէ, այն ժամանակ Նորան, իբրեւ ժողովրդեան մղորեցնող, կայսերը կը մատնենք: Քրիստոսը պատասխանեց նոցա. «Ո՛վ կեղծաւորներ, ի՞նչու էք Ինձ փորձում, ցոյց տուէք Ինձ այն դահեկանը, որով հատուցանում էք հարկը»: Տուին մի դահեկան: Քրիստոսը հարցրեց. «Սորա վրայինը որի պատկերն է կամ գիրը»: Փարիսեցիք պատասխանեցին. «կայսերը»: Քրիստոս այն ժամանակը ասաց. «Ուրեմն գնացէք կայսեր հարկը կայսեր տուէք, եւ Աստուծոյ պատիւը Աստուծուն»: Այստեղից պարզապէս երեւում է, թէ ամենայն մարդ պարտական է ծառայել Աստուծուն եւ թագաւորին»:

Օրէնքի համեմատ իւրաքանչիւր Հրէայ պարտաւոր էր ամեն տարի տաճարին մի մի մնաս (43 կոպէկ) տուրք տալ: Մէկ անգամ Պետրոսին մտեցաւ այն հարկը հաւաքող մարդը եւ ասաց. «Ձեր վարդապետը չի՞ տալ ար-

դեօք երկդրամեան հարկը»։ Պետրոսը պատասխանեց, թէ կըտայ։ Երբ տուն մտան, Քրիստոսը հարցրեց Պետրոսին. «Ռու ի՞նչպէս ես կարծում, աշխարհիս թագաւորներն ումի՞ց են հարկ առնում, իրանց որդեկերանցից, թէ օտարներից»։ Պետրոսը պատասխանեց. «օտարներից»։ «Ուրեմն որդիքն ազատ են, ասաց Քրիստոսը (այսինքն՝ ես իբրեւ Ուրբի Աստուծոյ, ազատ եմ այդ հարկից)։ Բայց որպէսզի ժողովուրդը չգայթակղուի, գնահ ծովը կարթ ձգիր, եւ առաջին բռնած ձկան բերանը բաց արահ եւ մի սատեր (86 կոպէկ) կըգտնես, այն առ եւ տուր իմ եւ քո 'փոխանակ»։ Այսպէս ահա Քրիստոսը, որ հարկ չտալու իրաւունք ունէր, տուեց այն՝ մարդկանց օրինակ տալու համար։

Ա. Ղ օ թ. ք վ ա ս ն թ ա գ ա լ ո Ր ի .

Տէր Աստուած մեր, կեցո՞ զամենաբարեպաշտ Թագաւորն և զՎայսրն ամենայն Ռուսաց զԱԼԷՔՍԱՆԴՐ ԱԼԷՔՍԱՆԴՐՈՎԻՉԻՆ։ Զօրացո՞ զՆա, օգնեան զաւակաց և զօրաց Նորա՝ պահելով զամենեսին 'ի խաղաղութեան։

Թագաւոր յուսալալ 'ի Տէր. յողորմութենէ։

Տէր Աստուած մեր, կեանք տո՞ւր ամենաբարեպաշտ Թագաւորին և ամենայն Ռուսաց Վայսր ԱԼԷՔՍԱՆԴՐ ԱԼԷՔՍԱՆԴՐՈՎԻՉԻՆ։ Զօրացրո՞ւ Նորան, օգնիր Նորա զաւակներին և զօրքերին և ամենքին էլ խաղաղութեան մէջ պահպանիր։

Թագաւորը, որ իւր

Բարձրելոյն նա մի՛ սա- յոյսը դնում է Աստու-
 անեսցի. ամէն։ ծոյ վրայ, երբէք չի
 զրկուիլ Նորա ողորմու-
 թիւնից. ամէն։

66. ՔՐԻՍՏՈՍԻ ՔԱՐՈՉՈՒԹԻՒՆԸ ՄԵՂՔԻ ԹՈՂՈՒԹԵԱՆ ՄԱՍԻՆ.

Մատ. 2. 14—15. ԻԸ. 21—36.

Քրիստոսը մեղքի թողութիւն խոստացաւ միայն այն մարդկանց, որոնք իրանք եւս ներում են իրանց ընկերօջը։ Այսպէս ասաց. «Եթէ դուք ներէք մարդկանց իրանց մեղքերը, ձեր երկնաւոր Հայրն եւս ձեզ կընքէ. իսկ եթէ դուք չէք ներիլ մարդկանց իրանց մեղքերը, ձեր Հայրն եւս չի ներիլ ձեր մեղքերը»։

Պետրոսն այս լսելով, հարցրեց. «Տէր, եթէ եզբայրս իմ գէ՛մ մեղանչէ, քանի՞ անգամ պէտք է ներեմ նորան։ Վարելի՞ է մինչեւ եօթն անգամ ներել»։

Քրիստոսն ասաց. «Ո՛չ թէ եօթն անգամ միայն, այլ եօթանասուն անգամ եօթն»։ Այս խօսքի վրայ երկու պարտապանների առակը պատմեց, թէ՛ «Մէկ թագաւորի մօտ բերին մի մարդ, որ նորան պարտական էր 10,000 քանքար։ Որովհետեւ պարտապանը չէր կարող այն ահագին պարտքը վճարել, թագաւորը խստիւ հրամայեց, որ ծախեն նորան իւր ընտանիքով եւ բոլոր ստացուածքովը։ Պարտապանը ոտքն ընկաւ եւ աղաչելով ասաց. «Տէր, համբերիր, ժամանակ տո՞ւր ինձ, բոլոր պարտքս կըհատուցանեմ։ Թագաւորը իրդճաց վրան եւ բոլոր պարտքը ներեց։ Պարտապանը թագաւորի մօտից դուրս գալով, ընկերներից մէկին պատահեցաւ, որ

իրան 100 դահեկան պարտական էր. բռնեց նորան եւ պահանջում էր որ շուտով հատուցանէ: Պարտապանը ոտքն ընկաւ, աղաչում էր, ասելով՝ «փոքր ինչ համբերիր, բոլոր պարտքս կը հատուցանեմ»: Բայց նա նորա աղաչանքին չլսեց, եւ բանտարկել տուաւ: Ընկերներն այս պատահմունքը տեսնելով, գնացին պատմեցին թագաւորին: Այն ժամանակ թագաւորը նորան իւր մօտ կանչեց եւ ասաց. «Ո՛վ չար ծառայ, ես քո աղաչանքիդ զիջանելով՝ բոլոր պարտքդ ներեցի, պէտք չէր, որ դու եւս ընկերոջդ ներէիր»: Այս ասելով՝ թագաւորը դահիճներին կանչեց եւ հրամայեց, որ այն պարտապանին բանտ դնեն, մինչեւ որ բոլոր պարտքը հատուցանէ: Այսպէս եւս իմ երկնաւոր Հայրս կրկարուի ձեզ հետ, եթէ ձեզանից իւրաքանչիւրը սրտանց չներէ իւր եղբօր մեղքերը»:

Թող մեզ զպարտիս մեր, որպէս և մեք թողումք մերոց պարտապանաց:

67. ՏԵՐՈՒՆԱԿԱՆ ԱՂՕԹՔ.

Ղուկ. ԺԱ. 1—4. Մատ. 2. 9—13.

Մէկ անգամ Քրիստոսի աշակերտներն եկան Նորա մօտ եւ աղաչելով ասացին. «Տէր, սովորեցրո՛ւ մեզ աղօթք անել»: Քրիստոսն ասաց. «Ահա այսուհետեւ այսպէս աղօթք արէք. Հայր մեր, որ յերկինս ես, սուրբ եղիցի անուն քո. եկեսցէ արքայութիւն քո. եղիցին կամք քո որպէս յերկինս եւ յերկրի: Զհաց մեր հանապազորդ տուր մեզ այսօր. եւ թող մեզ զպարտիս մեր, որպէս եւ մեք թողումք մերոց պարտապանաց: Եւ մի տանիր զմեզ ՚ի փորձութիւն, այլ փրկեա՛

զմեզ ՚ի չարէ: Զի քո է արքայութիւն եւ զօրութիւն եւ փառք յաւիտեանս. ամէն.— «Մեր Հայր, որ երկնսմն ես, սուրբ լինի քո անունը, քայ քո խաբարսն լինի, քո կամքը լինի երկնս վրայ՝ ինչպէս որ լինում է երկնսմն: Մեր ամենօրեայ հացը սուր մեզ այսօր. և լուրջ մեզ մեր պարտքերը՝ ինչպէս որ մենք ևս մեր պարտքս անեցադնեցին խղճում ենք: Փայտանի մեջ ևս մե՛ յիշիր մեզ, այլ ամեն շաբաթ քրիստոս մեզ: Վասնզի խաբարսն լինի, այժ, փառք, ամեն ևս քո են յաւիտեան. ամէն»:

Այս աղօթքը Տէրունական է ասվում, որովհետեւ մեզ սովորեցրեց Տէրն մեր Յիսուս Քրիստոս Աստուծոյ Որդին:

Այս աղօթքի մէջ Աստուծուն մենք անուանում ենք մեր երկնսուր Հայր, որովհետեւ նա Իւր ողորմութիւնով մեզ —քրիստոնեաներիս— Իւր որդիք անուանեց, սիրում է մեզ հօր պէս եւ պատրաստ է ամեն բանում մեզ օգնելու: Դէպի Աստուած ուղղած առաջին խնդրուածքն է՝ «Սուրբ եղիցի անուն քո», այսինքն. թող Քո անունը սուրբ լինի: Այս խօսքերով մենք խնդրում ենք, որ Աստուած մեզ՝ Նորա որդւոցս, օգնէ սրբութեամբ ապրել եւ բարի գործերով մարդոց մէջ տարածել Նորա անուան փառքը: Երկրորդ խնդրուածք. «Եկեսցէ արքայութիւն քո». այսինքն թող գայ մեզ համար Քո արքայութիւնը: Այս խօսքերով խնդրում ենք Աստուծոց, որ նա օգնէ մեզ՝ լինել ճշմարիտ հպատակներ Նորա արքայութեանը այս երկրիս վրայ,—լինել քրիստոնեաներ ոչ միայն խօսքով, այլեւ գործով: Երրորդ խնդրուածք. «Եղիցին կամք քո, որպէս յերկինս եւ յերկրի»: —Այս խօսքերով խնդրում ենք, որ նա օգնէ մեզ՝ Նորա կամքը կատարել այս երկրիս վրայ այնպէս, ինչպէս երկնքում կատարում են Նորա սուրբ հրեշտակները, եւ յայտնում ենք միանգամայն, որ պատրաստ ենք ընդունել Նորանից այն ամենը, ինչ որ նա կը բարեհաճի մեզ տալու: Զարրորդ խնդրուածք. «Զհաց մեր հանապազորդ տուր մեզ այսօր»:

Այս խօսքերով խնդրում ենք, որ Աստուած տայ մեզ ամենօրուայ համար հարկաւոր եղած սպրուստը: Հինգերորդ խնդրուածք. «Եւ թող մեզ զպարտիս մեր, որպէս եւ մեք թողումք մերոց պարտապանաց»: Այստեղ պարտքերը իբրեւ մեղք պէտք է ընդունենք, որովհետեւ մենք պարտաւոր ենք Աստուծոյ օրէնքը կատարել, եւ երբ մեղանշում ենք, ասել է թէ պարտական ենք մնում Աստուծոյ առաջ: Այս խօսքերով խնդրում ենք, որ Աստուած ներէ մեզ մեր մեղքերը: Այս խնդրուածքի հետ աւելացնում ենք. ներիւր մեր մեղքերը, ինչպէս մենք եւս ներում ենք մեր պարտապաններին՝ այսինքն այն մարդոց, որոնք մեղաւոր են մեր դէմ: Ըստ որում Աստուած խոստացաւ մեզ ներել մեր մեղքերը այն դէպքում միայն, երբ մենք եւս մեր կողմից կընենք մեր դէմ մեղանշողներին: Վեցերորդ խնդրուածք. «Եւ մի տանիր զմեզ ՚ի փորձութիւն»: Այս խօսքերով խնդրում ենք, որ Աստուած հեռացնէ մեզանից փորձանքերը, այսինքն կեանքի այնպիսի դէպքերը, որոնք կարող են մեզ դէպի մեղքը տանել (ինչպէս կարօտութիւն, վտանգ), իսկ եթէ կամենում է փորձանքերով անդրդուելի պահել մեզ բարութեան մէջ, այն ժամանակ խնդրում ենք, որ օգնէ մեզ այն փորձանքերին յաղթելու: Եօթներորդ խնդրուածք. «Այլ փրկեա՛ զմեզ ՚ի չարէն»: Այս խօսքերով խնդրում ենք, որ Աստուած ազատ պահէ մեզ խորամանկութիւնից, այսինքն հոգեկան անմաքրութիւնից, եւ պաշտպանէ մեզ խորամանկ սատանայի դէմ, որը միշտ գայթակղեցնում է մեզ դէպի չարը: Մեր խնդրուածքները վերջացնում ենք Աստուծոյ փառաբանութեամբ, որով յայտնում ենք նաեւ մեր շնորհակալութիւնը եւ յոյսը այն մասին, թէ Աստուած կըտայ մեզ մեր խնդրածը: «Զի Քո է արքայութիւն եւ զօրութիւն եւ փառք յաւիտեանս». այսինքն՝ Տէր, մենք այս ամենայն բարիքը նորահամար ենք խնդրում Քեզանից, որ Քեզ է պատկա-

նում արքայութիւնը, ասել է, թէ Քո արքայական իշխանութեան ներքոյ է գտնվում այն ամենը, ինչ որ մենք խնդրում ենք. Դու ունիս ոյժ մեր խնդրածը մեզ տալու եւ Քեզ է պատկանում յաւիտեանական փառքը:

68. ՔՐԻՍՏՈՍԻ ՔԱՐՈՉՈՒԹԻՒՆԸ՝ ԹԷ ԻՆՔԸ ՊԻՏԻ ՉԱՐ-
 ՉԱՐՈՒԻ ՄԱՐԴԿԱՆՅ ՓՐԿՈՒԹԵԱՆ ՀԱՄԱՐ ԵՒ
 ՅԱՐՈՒԹԻՒՆ ԳԻՏԻ ԱՌՆԻ:

Յով. Բ. 13—23. Գ. 1—2. 14—15. Մատ. Ի. 17—19.
 Ղուկ. ԺԸ. 31—33.

Քրիստոսը Չատկի տօնին Երուսաղէմ գնաց եւ տաճարը մտնելով՝ այնտեղ շատ անկարգութիւններ տեսաւ: Տաճարի կառավարիչները թողել էին որ վաճառականները գոհի անասուններ վաճառեն, առեւտուր անեն տաճարի մէջ, որ Աստուծուն աղօթք անելու տեղն էր: Քրիստոսը բարկանալով վաճառականներին արտաքսեց եւ ասաց. «Վերցրէք այստեղից այդ բոլորը եւ Հօրս տունը առուտուրի տուն մի շինէք»: Այն ժամանակ տաճարի կառավարիչներն եկան Քրիստոսի մօտ եւ բարկանալով հարցրին Նորանից. «Ի՞նչով ես հաստատում եմ թէ Դու իշխանութիւն ունիս այդպէս վարուելու»: Քրիստոսը մարգարէացաւ, որ Հրէից իշխաններն Իրան պիտի նախատեն եւ սպանեն. ուստի այսպէս պատասխանեց. «Այս տաճարը քանդեցէք եւ ես երեք օրուայ մէջ կըշինեմ» (այսինքն՝ երբ դուք Իմ մարմինս կըսպանէք՝ որ նման է Աստուծոյ տաճարին, Ես երրորդ օրը յարութիւն կառնեմ. այն ժա-

մանակ դուք կրտեսնէք, որ Ես իրաւունք ունիմ այսպէս վարուելու): Փոքր ինչ յետոյ մօտն եկաւ Նիկողիմոս Փարիսեցին, որ իմանայ թէ՛ Նա ինչպէս պիտի մարդկանց ազատէ: Քրիստոսն ասաց. «Ինչպէս որ Մովսէսն անապատի մէջ օձ բարձրացրեց, այնպէս եւս պիտի բարձրանայ Մարդոյ Որդին, որպէսզի Նորա հաւատացողները չկորչեն, այլ յաւիտենական կեանք ունենան»:

Քրիստոսը Իւր մահուանից փոքր ինչ առաջ Իւր աշակերտներին ուղղակի ասաց. «Ահա մենք գնում ենք Երուսաղէմ եւ Մարդոյ Որդու վրայ մարգարէների գրուածները պիտի կատարուին: Մարդոյ Որդին պիտի մատնուի քահանայապետների եւ դպիրների ձեռքը, որոնք Նորան ի մահ պիտի դատապարտեն, հեթանոսների ձեռքը պիտի մատնեն՝ հայհոյելու, ծեծելու եւ խաչելու համար.— Իրան կրսպանեն եւ Նա երրորդ օրը յարութիւն կառնի»:

69. ՔՐԻՍՏՈՍԻ ՔԱՐՈՉՈՒԹԻՒՆԸ ՄԵՌԵԼՆԵՐԻ ՅԱՐՈՒԹԵԱՆ ԵՒ ՅԱՒԻՏԵՆԱԿԱՆ ԿԵԱՆՔԻ ՎՐԱՅ.

Մատ. ԻԱ. 23—33. Յով. Ե. 28—29.

Հրէից մէջ Սաղուկեցի անունով աղանդաւորներ կային, որոնք մեռելների յարութեան եւ յաւիտենական կեանքին չէին հաւատում, ասելով թէ՛ Մովսէսը սորա վրայ ոչինչ չէ ասել: Քրիստոսն ասաց նոցա. «Դուք գրուածքները չհասկանալով՝ մոլորվում էք: Այս կեանքի մէջ կին են առնում եւ մարդու են գնում, իսկ այն կեանքի մէջ ոչ կին կառնեն եւ ոչ մարդու կերթան եւ ոչ իսկ մեռնել կարող են, այլ կապրին այնպէս, ինչպէս որ երկնքումն ապրում են Աստուծոյ հրեշտակները: Իսկ գալով մեռելների յարութեանը, մի՞թէ չէք կարգացել Մովսէսի գրքի մէջ,

թէ ինչպէս Աստուած խօսեց մարեմու միջից եւ ասաց նորան. «Ես եմ Աբրահամու, Իսահակայ եւ Յակովբայ Աստուածը»: Աստուածը մեռելների Աստուած չէ, այլ կենդանիների, որովհետեւ Նորա մօտ ամենքը կենդանի են (այսինքն՝—եթէ Աբրահամը, Իսահակը եւ Յակովբը յաւիտեանս մեռած լինէին, այն ժամանակ Աստուած Ինքնիրան նոցա Աստուած չէր անուանիլ»:

Մեռելների յարութիւնն այն է, որ բոլոր մեռած մարդոց հոգիքը կը վիանան իրանց մարմնի հետ եւ անապական ու անմահ կը լինին: Իսկ այն մարդիկ, որոնք մինչեւ մեռելների յարութիւնը կապրին, նոցա ապականացու մարմիններն իսկոյն անապական կը դառնան. մեռելների յարութիւն առնելուն պէս բոլոր աշխարհն եւս կը լիոխուի, նոր երկինք եւ նոր երկիր կը լինի: Եւ յարութիւնից յետոյ եղած կեանքը յաւիտենական կեանք կը կոչուի:

Մեռելների յարութեան եւ յաւիտենական կեանքի վրայ ոչինչ ասելու համարը մենք այսպէս.

Հաւատամք ՚ի յարութիւն մեռելոց և ՚ի կեանան յաւիտենականս:

70. ՔՐԻՍՏՈՍԻ ՔԱՐՈՉՈՒԹԻՒՆԸ ԻՒՐ ԵՐԿՐՈՐԿ ԳԱԼՍՏՏԵԱՆ ԵՒ ՎԵՐՋԻՆ ԴԱՏԱՍՏԱՆԻ ՎՐԱՅ. ՏԱՍՆ ԿՈՒՍԱՆԱՅ ԱՌԱԿԸ.

Մատ. ԻԲ. 31—46.

Մէկ անգամ Քրիստոսի աշակերտները հարցրին Նորան. «Վարդապետ, ասա մեզ, երբ պիտի լինի Քո գալուստը եւ աշխարհիս վերջը»: Քրիստոսը պատասխանեց նոցա. «Այն օրը եւ ժամը ոչ ոք չգիտէ եւ ոչ իսկ հրեշտակները, միայն

Հայրս գիտէ: Զգոյշ կացէք որ ձեր սրտերը չճանրանան որկրամոլութեամբ, արբեցութեամբ եւ աշխարհային հոգսերով, եւ նայեցէք, որ այն օրը յանկարծ չհասնի ձեր վրայ: Այն ժամանակ երկնքի արքայութիւնը կընմանի տասն կուսանաց, որ լապտերներով փեսային եւ հարսին ընդ առաջ եկան: Նոցանից հինգը իմաստուն էին, իսկ հինգը յիմար: Յիմարները հետները ձէթ չառան: Փեսայի գալստեանն սպասելով, կուսանքը ննջեցին: Կէս գիշերին յանկարծ ձայն լսուեցաւ. «Ահա փեսան գալիս է, եկէք Նորա առաջը»: Կուսանքը վերկացան եւ իրանց լապտերները պատրաստեցին: Այն ժամանակ յիմար կուսանքն ասացին իմաստուններին. «Ձեր իրզիցը փոքր ինչ մեզ տուէք, որովհետեւ մեր լապտերները հանգչելու վրայ են»: Իմաստունները պատասխանեցին. «Լաւ է, որ զնաք ձեզ համար գնէք, որովհետեւ եթէ մեր ունեցածիցը ձեզ տանք, ո՛չ մեզ կըբաւէ եւ ո՛չ ձեզ»: Յիմարները զնացին իւր առնելու: Այն միջոցին փեսան եկաւ, իմաստուն կուսանքը նորա առաջը զնացին եւ փեսայի հետ մտան հարսանիքի տունը: Երբոր միւս կուսանքն եւս եկան եւ դուռը փակուած գտան՝ սկսան բաղխել եւ խնդրում էին, որ բաց անեն: Փեսան պատասխանեց. «Ես ձեզ չեմ ճանաչում»: Ուրեմն արթուն կացէք, որովհետեւ չգիտէք թէ ո՞ր օրը եւ ո՞ր ժամին կըգայ Մարդոյ Որդին»:

Այս առակի մէջ փեսան է Քրիստոսը, կուսանքն են Ժողովոյ հոգիւնը, իւրն «պարճաճաւեան բարձերն» են, հարսանիքի տունն է՝ երկնքի արքայութիւնը:

Քրիստոսը Իւր երկրորդ գալուստը եւ գատաստանը այսպէս նկարագրեց. «Երբոր Մարդոյ Որդին Իւր փառքով եւ հրեշտակներով կըգայ, փառքի աթոռի վրայ կընստի, եւ Նորա առաջիւ կըժողովուին բոլոր ազգերը, իրարից կըբաժանէ նոցա այնպէս, ինչպէս հովիւը ոչխարներին այծերից է բաժանում. ոչխարներին Իւր աջ կողմը կըկանգ-

նացնէ, իսկ այծերին ձախ կողմը: Եւ թագաւորը կասէ Իւր աջակողմը եղողներին. «Եկէք, Իմ հօրիցս օրհնուածներ, եւ ժառանգեցէք աշխարհիս սկզբից ձեզ համար պատրաստուած արքայութիւնը: Որովհետեւ Ես քաղցած եւ ծարաւ էի, եւ դուք Ինձ կերակրեցիք եւ ջուր տուիք: Օտար էի եւ դուք ընդունեցիք Ինձ, մերկ էի եւ դուք հագցրիք Ինձ, հիւանդ եւ բանտի մէջ էի եւ Ինձ այցելութեան եկաք»: Արդարները պիտի ասեն Նորան. «Տէր, ե՞րբ տեսանք Քեզ քաղցած եւ կերակրեցինք, կամ ծարաւ՝ եւ ջուր տուինք: Ե՞րբ տեսանք Քեզ օտար եւ ընդունեցինք, կամ մերկ եւ հագցրինք: Ե՞րբ տեսանք Քեզ հիւանդ կամ բանտարկեալ, եւ Քեզ այցելութեան եկանք»: Այն ժամանակ թագաւորը պիտի ասէ նոցա. «Չմարիսն եմ ասում ձեզ, որովհետեւ Իմ փոքր եղբայրներիցս մէկին արիք, Ինձ արած եղաք»: Յետոյ ձախակողմեաններին կասէ. «Հեռացէք Ինձանից, անիծեալներ, եւ զնացէք յաւիտենական կրակը, որ պատրաստուած է սատանայի եւ նորա հետեւողների համար: Որովհետեւ քաղցած էի եւ Ինձ չկերակրեցիք, ծարաւ էի՝ ջուր չտուիք. օտար էի՝ Ինձ չընդունեցիք. մերկ էի՝ չհագցրիք, հիւանդ եւ բանտարկեալ էի, դուք Ինձ այցելութեան չեկաք»: Նոքա պիտի պատասխանեն. «Տէր, ե՞րբ տեսանք Քեզ քաղցած կամ ծարաւի, կամ օտար, կամ մերկ, կամ հիւանդ եւ կամ բանտարկեալ, եւ չճառայեցինք Քեզ»: Եւ Քրիստոսը պիտի պատասխանէ նոցա. «Որովհետեւ Իմ փոքր եղբայրներիցս մէկին չարիք, Ինձ եւս չարած եղաք»: Նոքա կերթան յաւիտենական տանջանքը, իսկ արդարները յաւիտենական կեանքը»:

Այնտեղ՝ ուր կըհաւաքուին արդարների հոգիքը, դժբախտ եւ երկնքի արքայութիւն կըկոչուի, իսկ մեղաւորների չարչարանքի տեղը՝ գժօխք:

Մեր հաւատն այն մասին՝ թէ Քրիստոսը վերստին գալու է փառքով, գատելու է բոլոր մարդիկներին եւ հաս-

տատելու է Իւր յաւիտենական թագաւորութիւնը, մենք յայտնում ենք այսպէս.

Գալոց է նովին մարմնովն և փառօք Հօր ՚ի դատել զկենդանիս և զմեռեալս, որոյ թագաւորութեանն ոչ գոյ վախճան:

71. ՔՐԻՍՏՈՍԻ ՔԱՐՈՋՈՒԹԻՒՆԸ ՀՈԳՈՅՆ ՍՐԲՈՅ ՎՐԱՅ.


Յով. ԺԳ.

Քրիստոսը Իւր չարչարանքից առաջ աշակերտների հետ խօսելով Իւր մահուան մասին, խոստացաւ նոցա ուղարկել Իւր տեղը մխիթարիչ սուրբ Հոգին եւ այս խօսքերով հրաժարական ողջոյն տուաւ նոցա. «Նա ձեզ որք չեմ թողնի, այլ կաղաչեմ Իմ Հօրս, որ ուրիշ մխիթարիչ տայ ձեզ, որ յաւիտեան ձեզ հետ լինի, այն է՝ Հոգին ճշմարտութեան, որ Հօրիցն է բոլորով: Նա ձեզ կըստփորեցնէ ամեն բան, եւ ձեր միտքը կըձգէ այն ամեն բաները, ինչ որ խօսել եմ ձեզ հետ: Ուրիշ շատ բաներ ունիմ ձեզ հետ խօսելու, բայց այժմ դուք չէք կարող ասածներս հասկանալ, երբոր կըգայ Հոգին ճշմարտութեան, Նա ձեզ կուսուցանէ ամենայն ճշմարտութիւն»: Քրիստոսը նաեւ յայտնեց, թէ մարդ նոր կեանք կըստանայ միայն Հոգոյն Սրբոյ զօրութեամբ, ասելով՝ «Ո՛վ որ չի ծնուիլ քրից եւ Հոգուց, չէ կարող մտնել երկնքի արքայութիւնը»:

72. ՔՐԻՍՏՈՍԻ ՊԱՅԾԱՌԱԿԵՐՊՈՒԹԻՒՆԸ ԿԱՄ ՎԱՌԿԱՎԱՌ.

Մատ. ԺԷ. 1—8. Գուկ. Թ. 2—36.

Յիսուս Քրիստոսը շատ անգամ ասել էր Իւր աշակերտներին, որ մարդիկների փրկութեան համար Նա պիտի չարչարուի, մեռնի եւ ապա յարութիւն պիտի առնի:



Որպէսզի Նորա չարչարանքը չվախեցնէ Իւր աշակերտներին, նոցանից միքանիսներին Նա ցոյց տուեց Իւր Աստուածային փառքը: Իւր չարչարանքից միջանի օր առաջ, Նա

Իւր հետ վերցրեց երեք աշակերտներին՝ Պետրոսին, Յակոբին եւ Յովհաննէսին եւ նոցա հետ միասին բարձրացաւ Թափօր լեռուր: Լեռան գլուխը հասնելով, Նա սկսեց աղօթք անել, իսկ Նորա աշակերտները յոգնածութիւնից քնեցան: Յանկարծ սաստիկ լոյսը զարթեցրեց նոցա եւ նոքա տեսան, որ Յիսուս Քրիստոսի երեսը փայլում է արեգակի պէս, իսկ հագուստը սպիտակացել էր ձիւնի նման: Նոցա երեւեցան Մովսէս եւ Եղիա մարգարէները: Յիսուս խօսում էր նոցա հետ Իւր առաջիկայ չարչարանաց եւ մահուան մասին: Երբ որ Մովսէսը եւ Եղիան հեռանում էին այնտեղից, Պետրոս առաքեալն ասաց. «Վարդապետ, մեզ այստեղ լաւ է, եթէ կամիս, այստեղ երեք վրան կըշինենք, մէկը Քեզ, մէկը Մովսէսին եւ մէկն էլ Եղիային»: Երբ որ նա այս ասում էր, մի լուսաւոր ամպ իջաւ երկնքից եւ ծածկեց նոցա: Երկնքից ձայն լսուեցաւ. «Դա է Իմ սիրելի Որդին, Որին ես հաւանեցայ, Դորան լսեցէք»: Աշակերտները վախեցան եւ գետինն ընկան: Յիսուս Քրիստոսը մօտեցաւ նոցա եւ ասաց. «Վեր կացէք եւ մի վախենաք»: Նոքա վերկացան եւ Յիսուսին առաջուայ կերպարանքովը տեսան:

Ժ ա մ ա մ ու ե տ վ ա ր դ ա վ ա ո ի .

Երևի Տէրդ այսօր աշակերտացող 'ի Թափօրական լեռիննև աշակերտացող զարհուրեայ ազաղակէին, ասելով. աբասցուք երիս տաղա-

Ի ու՛ Տէր, այսօր Թափօր լեռան վրայ երեւեցար աշակերտներիդ, որոնք զարհուրած ազաղակում էին և ասում. «Երեք վրան շինենք այս

ւարս՝ մի Տեառնդ, և մի Մովսիսի և մի Եղիայի: Արդ և մեր բաՆաւոր հօտքս երգեմք ընդ Քո ճշմարիտ վկայիցդ. առաքեա՛ 'ի մեզ զլոյս Քո շնորհացդ 'ի Քո միւս անգամ զալլստեանդ և կեցո՛:

տեղ՝ մէկը Քեզ, մէկը Մովսէսին և մէկը Եղիային»: Արդ մենք ևս, Քո բանաւոր հօտք, ճշմարիտ վկաներիդ հետ երգում ենք՝ Քո երկրորդ գալստեանն օրը ուղարկիր դէպ 'ի մեզ լուսոյդ շնորհը և ապրեցրո՛ւ:


73. ՔՐԻՍՏՈՍԻ ԹՇՆԱՄԻՆԵՐԸ ԵՒ ՂԱԶԱՐՈՍԻ ՅԱՐՈՒԹԻՒՆԸ.

Յով. ձԱ. 17—57.

Հպարտ փարիսեցիք Քրիստոսի քարոզութեանը չէին հաւանում. այս պատճառով ատում էին Նորան եւ արհամարհելով մեղաւորների բարեկամ էին անուանում եւ ասում էին, թէ նա Աստուծուց ուղարկուած չէ, որովհետեւ շաբաթ օրը սուրբ չէ պահում: Իսկ Նորա հրաշալի գործերի համար ասում էին, իբր թէ սատանայի զօրութեամբ է անում. բայց Ժողովուրդը նոցա չարախօսութիւններին չսելով՝ բազմութեամբ Քրիստոսին հետեւում էր: Այն Ժամանակ փարիսեցիք խորհուրդ արին, որ Քրիստոսին սպանեն:

Հատկի տօնից քանի մի օր առաջ՝ Քրիստոսը Երուսաղէմի մօտ գտնուած Բեթանիա գիւղը գնաց, ուր բնակվում էր Նորա բարեկամ Ղազարոսը իւր Մարթա եւ Մարիամ երկու քոյրերի հետ: Ղազարոսը մեռած եւ չորս օրից առաջ

Թաղուած էր, երբ Քրիստոսը Բեթանիա գիւղն եկաւ: Քրիստոսը նորա գերեզմանը գնաց, հրամայեց որ քարը վերցնեն եւ բարձր ձայնով գոչեց. «Ղաղարէ՛, արի՛, եկ արտաքո՛ս»: Մեռեալը իսկոյն դուրս եկաւ գերեզմանից: Այս հրաշքի վրայ ժողովուրդը զարմացաւ եւ նոցանից շատերը Քրիստոսին հաւատացին: Երբոր Հրէից ծերերը Երուսաղէմի մէջ լսեցին այս բանս, իսկոյն հաւարուեցան, եւ սկսան մտածել,




Թէ ինչ անեն Քրիստոսին, եւ ատենի մէջ ասում էին. «Այս մարդը շատ հրաշքներ է գործում, եթէ թողենք, ամենքը կը հաւատան Նորան. Հռովմայեցիք եւս կըզան եւ մեզ կը ջնջեն»: Իստարանի նախագահն էր Վայիաիայ քահանայապետը, որ խորհուրդ տուաւ թէ՛ «աւելի լաւ է, որ մէկը մեռնի ժողովրդեան համար, քան թէ ամբողջ ազգը կորչի»: Նորա այս խորհրդին լսեցին եւ վճռեցին սպանել Քրիստոսը

սին: Իսկոյն հրաման հանեցին թէ՛ «ով որ իմանայ Քրիստոսի ուր լինելը, թող մեզ յայտնէ, որ սպանենք Նորան»: Քրիստոսը հեռաւոր անապատը քաշուեցաւ:

74. ՔՐԻՍՏՈՍԻ ՅԱՂԹԱԿԱՆ ՄՈՒՏԲԸ ԵՐՈՒՍԱՂԵՄ.

Մատ. ԻԱ. 1—11.

Չատիկից վեց օր առաջ՝ Քրիստոսը Բեթանիա եկաւ, եւ այնտեղից դէպի Երուսաղէմ ճանապարհ ընկաւ: Նորա յետեւից գնում էր ժողովրդեան խառն բազմութիւն: Քրիստոսը



տոսը երբ Զիթենեաց լեռուը հասաւ, հրամայեց աշակերտներին, որ մերձակայ գիւղից մի աւանակ բերեն: Աշակերտներն աւանակի վրայ գցեցին իրանց հագուստը եւ Քրիստոսին

նորա վրայ նստեցրին: Նատերը հաւատացին, որ Քրիստոսը Գաւթի ցեղից խոստացեալ Փրկիչն է եւ սկսան պատուել Նորան: Ամանք արմաւենու ճիւղեր էին կտրում եւ ճանապարհի վրայ ձգում, ոմանք եւս իրանց հագուստներն աւանակի ոտքերի տակն էին տարածում եւ այս փառաբանական երգը երգում: «Ովսաննա՛ (փրկութիւն) Որդւոյ Գաւթի. օրհնեալ եկեալ յանուն Տեառն. Ովսաննա՛ ի բարձունս»: Քաղաք մտնելու ժամանակ ժողովրդեան նոր բազմութիւն եւս Քրիստոսի առաջ դուրս եկաւ. եւ ով որ Նորան չէր տեսած, հարցնում էր թէ՛ ո՞վ է սա: Ժողովուրդը Ղազարոսի հրաշալի յարութիւնը պատմելով, պատասխանում էր. «Սա է Գալիլիայի Նազարէթ քաղաքից եկած մարգարէն Յիսուսը»: Փարիսեցիք կամենում էին Նորան բռնել, բայց ժողովրդից վախենում էին:

Ծ ա ղ կ ա զ ա Ր Ղ Ի կ Ի Լ ր ա կ է Ի ն .

Թագաւոր գոյով Քո յաշխարհ՝ մտեր ՚ի քաղաքն Երուսաղէմ. նրատեալ ՚ի վերայ հողեղէն նոր յաւանակի, կոչել զհեթանոսս, յերկրպագութիւն:

Ծերբն ոստովք ձիթենեօք եւ տղայքն ոստովք արմաւենեօք, և երամ երամ դասուքն աղաղակէին. «Ովսաննա՛

Ի ու աշխարհ գալով իբրև Թագաւոր, աւանակի վրայ նստած մրտար Երուսաղէմ քաղաքը, որպէսզի հեթանոսներին կանչես Քեզ երկրպագանելու:

Ծերերը ձիթենու ոստերով և տղայք արմաւենու ճիւղերով խումբ խումբ ընթանալով, աղաղակում էին. «Ովսաննա՛

օրհնեալ եկեալ ՚ի յանունն Տեառն»:

նա, օրհնեալ ես Ի ու, որ գալիս ես Տիրոջ անունով):

Յրնծացաւ սուրբ սիօն, բերկրեցան սուրբ եկեղեցիք, և խնդութեամբ բազմաւ ելին ընդ առաջ. օրհնէին զգալուստ Քո Փրկիչ յաշխարհ:

Յնծացաւ սուրբ սիօն, ուրախացան սուրբ եկեղեցիքը, և մեծ խրնդութեամբ դուրս գալով Փրկչիդ առաջ, օրհնում էին Քո աշխարհ գալը:

75. ՅՈՒԿԱՅԻ ՄԱՏՆՈՒԹԻՒՆԸ.

Մատ. ԻԶ. 3—5. 14—16. ԻԷ. 3—5.

Քրիստոսի թշնամիները չկարողացան Նորան բռնել ոչ երկուշաբթի եւ ոչ երեքշաբթի օրը, որովհետեւ Նա միշտ շրջապատուած էր լինում ժողովրդեան բազմութեամբ. այս պատճառով փարիսեցիք եւ դպիրները վճռեցին որ տօնից յետոյ բռնեն Նորան, երբոր ժողովուրդը Երուսաղէմից կը հեռանայ *): Քրիստոսի աշակերտներից մէկը, Յուզա Իսկարիովտացի, Հրէից իշխանների մօտ գնաց եւ խոստացաւ, որ երեսուն արծաթով (25 մանէթ 80 կոպէկ) նոցա ձեռքը կըմտնէ իւր վարդապետին: Յուզան, արծաթսիրութեամբ կուրացած, այն ամբօթալի գործը յանձն առաւ, բայց չհարստացաւ: Երբ Քրիստոսին ՚ի մահ դատապարտեցին, խղճմրտանքն սկսաւ տանջել նորան, որ այն արդար մարդուն մատ-


*) Բայց մէկ անակնկալ հանգամանք օգնեց նորանց չորեքշաբթի օրը:

հեց: Նա գնաց քահանայապետների մօտ, ձգեց արծաթը
նոցա առաջ, յուսահատութիւնից ինքնիրան կախեց:

76. ՅԻՍՈՒՍԻ ՄԱՏՆՈՒԹԵԱՆ ԳԻՇԵՐԸ.

Յով. ԺԳ. 21—30 Մատ. ԻԶ. 17—30. Մատ. ԺԳ. 12—26.

Հինգշաբթի երեկոյին Քրիստոսը տասներկու աշակերտ-
ների հետ Երուսաղէմ գնաց, ուր մէկ տան մէջ Նորա հա-
մար մի վերնատուն էր պատրաստուած Ջատկի տօնը կատա-
րելու:



Քրիստոսը այն վերնատունը մտաւ, աշակերտների ոտ-
քերը լուաց, յետոյ նոցա հետ սեղան նստաւ զատկական
գառն ուտելու, որով աշակերտների հետ Իւր վերջին ընթրի-
քըն արաւ: Խօսակցութեան ժամանակ Քրիստոսն ասաց նո-

ցա. «Չմարիտն եմ ասում ձեզ, որ տասներկուսիցդ մէկը,
որ իւր պատառը Իմ ամանիս մէջ թաթախում է, Ինձ պի-
տի մատնէ»: Աշակերտները սարսափած մէկը միւսի յետեւից
ասում էին. «Մի՞թէ ես եմ»: «Ա, յո, դու ես», ասաց Քրիս-
տոսը Յուդային, բայց այնպէս կամաց, որ ոչ ոք չլսեց. յե-
տոյ մի պատառ ամանի մէջ թաթախելով նորան տուաւ:
Այն պատառի հետ սատանան մտաւ Յուդայի սրտի մէջ,
որով նորա խղճմտանքը նեղվում էր եւ չէր թողում որ
սուրբ աշակերտների հետ մնայ: Քրիստոսն ասաց նորան.
«Ի՞նչ անելու ես, գնա՛, շուտով արա՛»: Յուդան իսկոյն դուրս
եկաւ. իմացաւ թէ Քրիստոսը ուր պիտի անցկացնէր այն
գիշերը եւ գնաց խոստացեալ արծաթն ստանալու: Յուդայի
դուրս գալու վրայ աշակերտներն ուշադրութիւն չդարձրին:
Որովհետեւ Յուդան գանձապետ եւ ծախսարար էր, ուստի
կարծեցին, թէ կարելի է Քրիստոսը հրամայել է նորան մի
բան գնել կամ ողորմութիւն բաժանել: Ջատկի գառն ու-
տելուց յետոյ՝ Քրիստոսը բազարջ հացն առաւ, օրհնեց, կը-
տրտեց եւ աշակերտներին բաժանելով ասաց. «Առէք, կե-
րէք, այս է Իմ մարմինս, որ ձեր եւ մարդկանց մեղքի թողու-
թեան համար բաշխվում է»: Այսպէս ահա աշակերտները
հացի տեսակով իրանց Ուսուցչի եւ Տիրոջ մարմինը ճաշակե-
ցին: Յետոյ բաժակն առաւ եւ աշակերտներին տալով, ա-
սաց. «Խմեցէք այս տեղից ամենքդ, այս է Իմ նոր ուխտի
արիւնը, որ ձեր եւ շատերի մեղքի համար է թափվում»: Աշակերտները
գինու տեսակով Քրիստոսի արիւնը ճաշակեցին:
Յետոյ ասաց. «Այս կատարեցէք իմ յիշատակիս համար»: Այսպէս՝
Քրիստոսը հաստատեց Հաղորդութեան խորհուրդը: Այնուհետեւ
Իւր վերջին ողջոյնը տուաւ աշակերտներին եւ յիշեցրեց
նոցա Իւր գլխաւոր պատուէրը, ասելով. «Միրե-
ցէք միմեանց այնպէս, ինչպէս Ես ձեզ սիրեցի: Եթէ դուք
միմեանց սիրէք, ամենքը կիմանան, թէ դուք Իմ աշակերտ-

ներս էք: Ընթրիքը վերջանալուց յետոյ Զիթենեաց լեռան Գեթսեմանի պարտէզը գնաց:

Աւագ Հինգշաբթի օրը, երեկոյեան ժամին, Հայաստանեայց եղեղեցին կատարում է ոտնալուայի կարգը: Եպիսկոպոսը կամ պատուաւոր քահանաներից մէկը զգեստաւորուելով վերցնում է ղենջակը (փէշտմալ) եւ ծռնկ իջեալ (չոքած) լուանում է ամենքի ոտները՝ մեծերից սկսեալ մինչեւ փոքրերը: Բայց երբոր զգեստաւորուած եպիսկոպոսը կամ քահանան հանդիսով դուրս է գալիս խորանից, այդ միջոցին դպիրները երգում են հետեւեալ շարականը.

Այսօր կանգեցաւ աւազան միրաութեան 'ի թողութիւն մեզաց մերոց:

Այսօր Տէրն մեր լուանայր զոտս աշակերտացն եւ պատուիրէր զայս՝ ասելով.

Մի ոմն 'ի ձէնջ, եղբարք, մատնելոց է զիս 'ի մահ եւ որոշի յաշակերտացդ:

Այսօր կանգնեցաւ (հաստատուեցաւ) լուացման աւազան մեր մեղքերի թողութեան համար:

Այսօր մեր Տէրը լուանում էր աշակերտների ոտները եւ նոյնը պատուիրելով՝ ասում էր.

«Եղբարք, ձեզանից մէկը մահի է մատնելու Ինձ եւ ասա նա բաժանվում է աշակերտներիցդ»:

Զայն լուեալ Պետրոսի ախարկէր առ Յովհաննէս՝ հարցանել թէ ով իցէ:

Բանն, զոր ասաց Յիսուս, տրամեցոյց զԻւր զաշակերտսն եւ խոսվեցան ամենքեան:

Երբ այդ լսեց Պետրոսը, աչքով արաւ Յովհաննէսին, որ հարցընէ, թէ ով է:


Յիսուսի ասած խօսքը տրամեցրեց Նորա աշակերտներին եւ նոքա ամենքը շփոթուեցան:

77. ԲՐԻՍՏՈՍԻՆ ՏԱՆՈՒՄ ԵՆ ՔԱՀԱՆԱՅԱՊԵՏՆԵՐԻ ԱՏԵԱՆԸ ԿԱՏՈՒԵԼՈՒ:

Մատ. ԻԶ. 47—68 Ի՚. 1. Ղուկ. ԻԲ. 66. ԻԳ. 1.

Յուդայ Իսկարիոտացին գիշերը քահանայապետների ծառաներին Գեթսեմանի պարտէզը տարաւ. եւ այնտեղ Քրիստոսին մօտենալով, համբուրեց եւ ասաց. «Ողջ լիւր, Վարդապետ». որով ցոյց տուաւ ծառաներին, թէ ում պէտք է բռնեն: Երբոր ծառաներն սկսան Քրիստոսին կապել, Պետրոսը կամեցաւ իւր վարդապետին պաշտպանել, հանեց սուրբ եւ կտրեց քահանայապետի ծառայի ականջը: Յիսուսն ասաց նորան. «Թուրդ պատենի մէջ գիր. ով որ սուր վերցնէ, սրով կըմեռնի: Միթէ կարծում ես, թէ ես չեմ կարող Հօրիցս խնդրել, որ տաներիւ զնդից աւելի հրեշտակ ուղարկէ»: Յետոյ մօտեցաւ Մաղքոսին եւ առողջացրեց նորա ականջը: Ծառաները կապեցին Քրիստոսին եւ կայիափայ քահանայապետի տունը տարան: Այնտեղ ժողով կազմեցին Հրէից ծերերը, որ ըստ տեղւոյն եւ ըստ ժամանակին հակառակ էր օրինաց (որովհետեւ ժողովը պիտի կազմուէր ցերեկ ժամանակ տաճարի մէջ): Քրիստոսի դէմ դուրս ե-

կան շատ սուտ վկաներ, բայց նորա չկարողացան մի այնպիսի բան ասել, որով կարելի լինէր Քրիստոսին 'ի մահ դատապարտել: Այն ժամանակ Կայիափան Հարցրեց Նորան թէ՛ «Երգուեցնում եմ՝ Քեզ կենդանի Աստուծոյ անուամբ, ասա՛ մեզ, Դո՛ւ ես Աստուծոյ Որդի Քրիստոսը»: Քրիստոսը պատասխանեց. «Այո՛, ես եմ, եւ ասում եմ՝ ձեզ, թէ՛ այ-



սուհետեւ պիտի տեսնէք Մարգու Որդուն նստած Հօր աջ կողմը, որ պիտի գայ երկնքի ամպերի վրայից»: Կայիափան պատառեց իւր հանգերձը եւ աղաղակեց. «Այլ եւս վկաներ ինչ հարկաւոր են մեզ. արդէն լսեցինք Նորա հայհոյութիւնը. ինչ կասէք»: Ծերերի ժողովը, լի դժոխային չարութեամբ, աղաղակեց՝ «մահու արժանի է»: Յետոյ Կայիափայից հեռացան, իսկ Քրիստոսը դուրսը մնաց քահանայապետների ծառաների մէջ: Ծառաներն սկսան Նորան ծաղրել, յետոյ այն ծաղրը գանահարութեան փոխեցին: Ոմանք ասպտակ էին

խփում Քրիստոսին եւ երեսին թքում: շատերն եւս փակում էին Նորա աչքերը եւ երեսին խփելով ասում էին. «Իմացիր, Քրիստոս մարգարէ, ո՞վ էր Քեզ խփողը»: Իսկ Քրիստոսը համբերութեամբ լռում էր:

Որեւիցէ յանցաւորի վերջնական վճիռը տալու համար, ըստ օրինի, ծերերի ժողովը երեք օրից յետոյ երկրորդ անգամ պիտի հաւաքուէր, բայց այս անգամ երեք չորս ժամ միայն սպասեցին, եւ առաւօտը նորից Կայիափայի մօտ հաւաքուեցան եւ Քրիստոսին եւս այնտեղ բերին: Կայիափան Հարցրեց Նորանից. «Դո՛ւ ես Աստուծոյ Որդին»: Քրիստոսը պատասխանեց.—Այո՛: Այն ժամանակ Նորան մահուան արժանի դատապարտեցին այն պատճառով միայն, որ նա Ինքնիրան անուանեց Աստուծոյ որդի:

78. ՔՐԻՍՏՈՍԸ ՊՈՆՏՍՅԻ ՊԵՂԱՏՈՍԻ ԱՌԱՋ.

Յով. ԺԳ. 28-40. ԺԹ. 1-16. Մատ. ԻԷ. 1-31.

Քրիստոսի ժամանակ Հրէայք Հռոմմայեցոյ իշխանութեան տակն էին, եւ կառավարվում էին Պոնտացի Պիղատոսի ձեռքով, որ Հրէից դատաւոր էր համարվում: այս պատճառով ծերերը չէին կարող Քրիստոսին մեռցնել: այլ պարտական էին Պիղատոսի մօտ տանել Նորան: Ուրբաթ օրը, վաղ առաւօտեան, նորա Քրիստոսին դատաւորի մօտ տարան: Երբ դատաւորը հարցրեց թէ՛ ինչու էք դատապարտում այս մարդուն, նորա պատասխանեցին. «Սա մոլորեցնում է ժողովրդին եւ արգելում է կայսեր հարկ տալ, եւ Ինքնիրան թագաւոր է անուանում»: Պիղատոսը առանձին հարցուփորձ անելով Քրիստոսին, դուրս եկաւ եւ ասաց. «Ես այս մարդու վրայ յանցանք չեմ գտնում»: Ծերերն աւելի չարախօսիչ սկսան Քրիստոսի վրայ: Պիղատոսը չգիտէր, թէ ինչ անէ:

Հրէից մէջ սովորութիւն կար, որ Զատիկի տօնին ազատու՛մ էին որեւիցէ մահապարտի: Այս պատճառով Պիղատոսը Հարցրեց ժողովրդեան. «Ո՞ւմն էք կամենում, որ արձակեմ, Բարբաբային, թէ Յիսուսին, որ Քրիստոս է կոչուում»: Բարբաբային, բան աւազակ էր: Ժողովուրդը, ծերերից դրդուած լինելով ազազակեց. «Արձակիր Բարբաբային»: Պիղատոսը Հարցրեց. «Հապա ի՞նչ անեմ այս մարդուն, որին դուք Հրէից թագաւոր էք անուանում»: Ժողովրդեան միջից ազազակեցին. «Խաչ հանիր Դորան»: Պիղատոսն ասաց. «Ես մահուան արժանի ոչինչ չեմ գտնում Նորանում, ծեծելով կրխրատեմ եւ կարձակեմ»: Պիղատոսի հրամանով Քրիստոսին գանեցին: Հռովմայեցոց զինուորները՝ Քրիստոսին մտրակով ծեծելուց յետոյ, սկսան ծաղրել Նորան: Ծիրանի պատմու՛ճանը ձգեցին վրան (կարմրագոյն կարճ հանդերձ), գլխին փշեայ պրճակ գրին, եւ թագաւորական գաւազանի տեղ ձեռքը մի եզեզ տուին. յետոյ ծունր դնելով Նորա առաջեւ ասում էին. «Ո՞ւր լեր, արբայդ Հրէից»: Երեսին թքում էին եւ եղեգեայ գաւազանովը գլխին խփում: Պիղատոսն այս կերպով Քրիստոսին ժողովրդի առաջ դուրս բերաւ, կարծելով թէ Հրէայք կրխիւճան Նորա վրայ, որ անմեղ տեղը չարչարվում էր. բայց քարասիրտ ժողովուրդը կրկին ազազակեց. «Խաչիր Դորան: Իսկ եթէ թող կրտաս, կայտեր բարեկամ չես»: Պիղատոսը տեսնելով, որ ոչ մէկ բան օգուտ չունի եւ ժողովրդեան մէջ խռովութիւնն առաւել սաստկանում է, ջուր առաւ եւ ձեռքերը լուանալով ասաց. «Ես այդ արդար մարդու արիւնից քաւեալ եմ»: Ժողովուրդն ազազակեց. «Դորա արիւնը մեզ վրայ եւ մեր որդոց վրայ թող լինի»: Այն ժամանակ Պիղատոսը զիջաւ Հրէից պահանջման, եւ դատապարտելով Քրիստոսին՝ նոցա ձեռքը տուաւ, որ խաչեն:

79. ՔՐԻՍՏՈՍԻ ԽԱՉԻ ՎՐԱՅ ԶԱՐԶԱՐՈՒԻԼԸ ԵՒ ՄԱՀԸ.

Մատ. ԻԷ. 31—54. Դուկ. ԻԳ. 26—48. Յով. ԺԹ. 16—30.


Զինուորները Քրիստոսին կառափելու՝ այսինքն՝ գլխատման տեղը տարան, որ Եբրայեցերէն Գողգոթայ էր ասվում. այնտեղ խաչեցին Նորան եւ Նորա աջակողմը եւ ձախակողմը խաչեցին երկու աւազակներ: Գլխի վերեւը խաչի վրայ մի տախտակ գրին, որի վրայ գրուած էր. «Յիսուս Նազարեցի թագաւոր Հրէից»: Երբոր Քրիստոսին խաչում էին, Նա աղօթք էր անում Իւր չարչարողների համար, ասելով. «Հայր, ներիր սոցա, որովհետեւ չգիտեն, թէ ի՞նչ են անում»:

Քրիստոսի թշնամիները խաչի վրայ անգամ հանգիստ չէին թողնում Նորան. այլ ծաղրածութեամբ ասում էին. «Եթէ Աստուծոյ Որդի ես Իու, փրկիր Քեզ եւ խաչիցդ իջիր, որ Քեզ հաւատանք»: Զինուորներն եւս հետեւում էին նոցա: Մինչեւ անգամ խաչուած աւազակներից մէկն եւս ծաղրելով ասաց Քրիստոսին. «Եթէ Դու Քրիստոսն ես, Քեզ եւ մեզ ազատիր»: Բայց միւս աւազակը պատասխանեց նորան. «Աստուծուց չե՞ս վախենում. չէ՞ որ դու եւս նոյն պատժի մէջ ես: Մենք իրաւացի կերպով դատապարտուած ենք, բայց Սա ոչինչ չարութիւն չէ արել»: Այս ասելով, աղօթքով դարձաւ դէպի Քրիստոսը եւ ասաց. «Տէր, յիշիր ինձ, երբոր գաս Քո արքայութեամբը»:— «Ծշմարիտն եմ ասում քեզ, այսօր ինձ հետ պիտի լինիս գրախտի մէջ», պատասխանեց Քրիստոսը:

Յերեկուան վեցերորդ (մեր հաշուով երկոտասաներորդ) ժամին երկրիս երեսը խաւար պատեց, այնպէս որ աստղեր երեւեցան: Ծաղրածութիւնները դադարեցան, եւ շատերը վախենալով խաչելութեան տեղից հեռացան: Քրիստոսի խաչի

մօտ մնացին Տիրամայրը, Յովհաննէս առաքեալը եւ քանի մի Գալիլիացի կանայք:

Քրիստոսը տեսաւ իւր մօրը եւ Յովհաննէսի վրայ ցոյց տալով ասաց. «Ահա Քո որդին». յետոյ նայեց իւր սիրելի աշակերտին եւ ասաց նորան. «Ահա քո մայրը»: Ինն ժամի



մօտ (մեր հաշուով երրորդ ժամին զինի ճաշու) Քրիստոսն աղաղակեց. «Աստուած Իմ, Աստուած Իմ, ընդէր թողէր զիս»: Քանի մի բողբոջ յետոյ ասաց. «Ծարաւի եմ»: Զինւորներից մէկը սպունգը թաթախեց բացախի մէջ, եղեգի ծայրն անցկացրեց եւ նորա բերանին մօտեցրեց: Քրիստոսը

բացախն ընդունելով ասաց. «Ամենայն ինչ կատարեալ է, Հայր, Իմ հոգիս Քո ձեռքդ եմ աւանդում»: Յետոյ գրչուխը խոնարհեցրեց եւ հոգին աւանդեց: Այսպէս ահա Փրկիչը իւր անձը զոհելով մարդկանց մեղքի համար, մեզ հաշտեցրեց Աստուծոյ հետ: Այն ժամանակ արեգակը խաւարեցաւ, վարագոյրը, որով Սրբութիւն Սրբոցը բաժանվում էր տաճարի միւս մասնից, երկու կտոր պատառուեցաւ, գետինն այնպէս շարժուեցաւ, որ քարերը պատառուեցան եւ շատ մեռեալներ յարուցիւն առան եւ գերեզմաններից դուրս եկան: Այն հարիւրապետը, որ խաչի մօտ կանգնած էր, ասաց. «Յիրաւի այս մարդն Աստուծոյ Որդի եւ արդար էր»: Փողովուրդը զարհուրելով եւ կուրծքը բաղխելով խաչի մօտից հեռացաւ:

Խաչի քո Քրիստոս երկիրպագանեմք. և զսուրբ խաչելութիւնդ քո մեծացուցանեմք և զսուրբ թաղումնդ քո փառաւորեմք: Եկայք, հաւատացեալք, երկրպագեսցուք Քրիստոսի Աստուծոյ մերոյ. վասն զի եկն ՚ի ձեռն խաչին իւրոյ շնորհեաց պարգևս աշխարհի: Սուրբ Աստուած, սուրբ և հզօր, սուրբ և անմահ, որ խաչեցար վասն մեր, ողորմեա մեզ:

80. ՔՐԻՍՏՈՍԻ ԹԱՂՈՒՄԸ ՈՒ ՅԱՐՈՒԹԻՒՆԸ.


Յով. ԺԹ. 31—42. Մատ. ԻԷ. 57—61. Ղուկ. ԻԳ. 50—56.

Մատ. ԻԸ. 1—15. Մարկ. ԺԶ. 1—8. Ղուկ. ԻԳ. 1—8.

Յով. Ի. 1—2.

Ուրբաթ երեկոյեան Պիղատոսի մօտ եկաւ Յովսէփ Սրեմաթացին՝ Յիսուսի ծածուկ աշակերտը, եւ խնդրեց որ թոյլ տայ Յիսուսին խաչից իջեցնելու եւ թաղելու: Պիղատոսը,

խմանարով որ Յիսուսն արդարեւ մեռել է, թոյլ տուեց: Գող-
գոթայ եկաւ նաեւ Նիկողիմոս՝ նոյնպէս Յիսուսի ծածուկ
աշակերտը: Յովսէփը պատրաստեց մաքուր կտաւ, իսկ Նի-
կողիմոսը բերեց հարիւր լիտրի չափ անուշահոտ իւղ: Գող-
գոթայի մօտ Յովսէփը մի պարտէզ ունէր: Պարտէզի մէջ
կար մի այր: Յովսէփը եւ Նիկողիմոսը Յիսուսի մարմինն



իջեցրին խաչից, օծեցին անուշահոտ իւղով, պատեցին կը-
տաւով եւ դրեցին այրի մէջ. իսկ գերեզմանի դռանը դրե-
ցին մի մեծ քար:

Նաբաթ առաւօտեան Հրէից իշխանները հաւաքուեցան

Պիղատոսի մօտ եւ ասացին. «Տէր, մեր միտն եկաւ, որ
Յիսուսը, մինչ կենդանի էր, ասում էր. «Նրեք օրից յետոյ
յարութիւն կառնեմ»: Հրամայիր գերեզմանը պահպանել,
մինչեւ երրորդ օրը, թէ չէ՝ աշակերտները կը գողանան Նո-
րա մարմինը եւ ժողովուրդին կասեն, թէ Նա յարեաւ ի
մեռելոց»: Պիղատոսն ասաց. «Ունի՞ք զինուորներ, ինքներդ
պահպաններ դրէ՞ք եւ հսկեցէ՞ք գերեզմանին»: Նոքա գը-
նացին, կնքեցին գերեզմանի քարը եւ պահպաններ դրին:

Անցկացաւ շաբաթը. վրայ հասաւ գիշերը. վաղ առա-
ւօտեան Քրիստոսի գերեզմանի մօտ մի մեծ շարժ եղաւ:
Տիրոջ հրեշտակն իջաւ երկնքից, գերեզմանի քարը գլորեց
եւ նստաւ Նորա վրայ: Նորա կերպարանքն փայլակի նման
էր, շորերը ձիւնի նման: Յիսուս Քրիստոսը յարեաւ ի մե-
ռելոց: Պահպանները երկիւղից գետինն ընկան ինչպէս մե-
ռեալներ: Երբոր ուշքի եկան, նոքա շտապեցին դէպի քա-
ղաքը: Նոքա այնտեղ Հրէից իշխաններին պատմեցին բոլորը,
ինչ որ պատահել էր: Իշխանները հաւաքուեցան եւ միաբան
խորհրդով՝ շատ փող տուին պահպաններին եւ ասացին
նոցա. «Սմենքին ասացէք, որ դուք յոգնածութիւնից քնե-
ցաք, իսկ Յիսուսի աշակերտները գիշերով եկան, եւ գողա-
ցան Նորա մարմինը»: Բայց եթէ իրանց անհոգութեան հա-
մար Պիղատոսը պատժելու կըլինի, նոքա կը պաշտպանեն նո-
ցա: Պահպաններն այնպէս վարուեցան, ինչպէս խրատեցին
իշխանները: Եւ այս սուտ համբաւը տարածուեցաւ Հրէից
մէջ մինչեւ այսօր:

Մեր հաւատը առ այն, թէ Քրիստոսը մեր մեղաց հա-
մար չարչարուեցաւ եւ թաղուեցաւ, մենք յայտնում ենք
այսպէս.

Չարչարեալ, խաչեալ, թաղեալ:

Քրիստոսի յարութեան օրը մենք աւելի շքեղութեամբ ենք տօնում քան թէ միւս օրերը, որովհետեւ Քրիստոսը Իւր յարութիւնով շատ պարզ ցոյց տուեց Իւր Աստուածութիւնը եւ հաւաստի արեց մեզ, որ մենք եւս յարութիւն կառնենք: Այս տօնը մենք անուանում ենք Բլաւի ամենայն փօնից: Սա կոչւում է Չատիկ կամ Պասէք, որովհետեւ օրինակ է Հրէական Պասէքի: Բացի սորանից Քրիստոսի յարութեան յիշատակին մենք նուիրում ենք ամեն եօթնեկի առաջին օրը զկնի շաբաթու, որին ասում ենք Կէրակէ:

Քրիստոսի յարութեան վրայ «նեցած» թէ հասարակ յայտնած էնք այսպէս.

Յերրորդ աւուր յարուցեալ:

Ինչ թէ հասարակ թեւականներէ յարութեան ճասին թէք յայտնած էնք այսպէս.

Հաւատամք 'ի յարութիւն մեռելոց:

Յարութեան Ժամանակ.

Քրիստոս յարեալ 'ի մեռելոց, մահուամբ զմահ կոխեաց և յարութեամբն իւրով մեզ զկեանս պարզեաց, նմա փառք յաւիտեանս. ամէն:

81. ԵՐԵՒՈՒՄՆ ՔՐԻՍՏՈՍԻ.

Ղուկ. ԻԳ. 8—48. Յով. Ի. ԻԱ. Մատ. ԻԸ. 16—20.

Լոյս կիրակէ Քրիստոսը Յովսէփի պարտիզի մէջ Մարիամ Մագդաղենացուն երեւեցաւ: Յետոյ Իւր երկու աշակերտներին ճանապարհորդակից եղաւ մինչեւ Եմմաուս գիւղը. իսկ երեկոյին Երուսաղէմի մէջ երեւեցաւ բոլոր աշակերտներին Թովմասից զատ, որ այնտեղ չէր: Բայց մէկ շաբաթ յետոյ, երբ Թովմասը եւս աշակերտների հետ էր, գարձեալ երեւեցաւ: Չատիկ տօնից յետոյ Քրիստոսի աշակերտները Երուսաղէմից Գալիլիայ գնացին, եւ այնտեղ Գա-



լիլիացոց ծովի եզերքի մօտ իրանց Վարդապետին տեսան: Գալիլիայի լեռներից մէկի վրայ հինգ հարկերից աւելի մարդկանց երեւեցաւ: Բացի սորանից երեւեցաւ նաեւ Պետրոսին եւ Յակովբոսին:


Այսպէս ահա քառասուն օրուայ մէջ աշակերտները քանի մի անգամ տեսան յարուցեալ Քրիստոսին: Այն ժամանակ Քրիստոսը հաւատացրեց նոցա, թէ Ինքն իսկապէս յարութիւն առաւ մեռելներից. ցոյց էր տալիս նոցա Իւր վէրքերը եւ նոցա հետ կերակուր էր ուտում: Բայց աշակերտները նկատում էին, որ Նորա մարմինն առաջուան նման չէր, որովհետեւ դռները փակ ժամանակ եւս երեւում էր իրանց: Աշակերտները տարակուսած էին Նորա չարչարանքի եւ մահուան վրայ: Այս պատճառով Քրիստոսը Իւր աշակերտներին երեւում էր Իւր յարութիւնից յետոյ, յիշեցնում էր նոցա, թէ այն մարգարէութիւնների համեմատ պիտի չարչարուէր Նա եւ Իւր փառքը պիտի մտնէր:

82. ՔՐԻՍՏՈՍԻ ՀԱՄԲԱՐՁՈՒՄՆ.

Ղուկ. ԻՆ. 49—53. Գրծ. ա. 4—14.

Քրիստոսի յարութիւնից քառասուն օր յետոյ աշակերտները մի տան մէջ հաւաքուեցան: Քրիստոսն այնտեղ երեւեցաւ նոցա եւ ասաց. «Ես կ'ուղարկեմ ձեզ Իմ Հօրս խոստացած Սուրբ Հոգին. իսկ դուք Երուսաղէմի մէջ մնացէք, մինչեւ որ ՚ի վերուստ զօրութիւն առնուք: Յովհաննէսը ջրով էր մկրտում, իսկ քանի մի օրից յետոյ Հոգով Սրբով պիտի մկրտուիք»: Աշակերտներն ուրախացան եւ ասացին Քրիստոսին. «Տէր, նոյն ժամանակին պիտի նորոգես Իսրայէլացոց թագաւորութիւնը»: Քրիստոսը պատասխանեց թէ՛ «Ձեզ հարկաւոր չէ գիտենալ այն ժամանակները, որ Հայր Աստուած սահմանել է: Բայց դուք զօրութիւն կ'առնուք, երբոր Հոգին Սուրբ ձեզ վրայ կ'իջնէ, եւ բոլոր աշխարհիս երեսին դուք Ինձ համար վկայ կ'ըլլինիք»: Յետոյ Քրիստոսը նոցա հետ Բեթանիա գիւղը գնաց եւ Զիթենեաց լերան

վրայ կանգնելով, օրհնեց նորանց, եւ նոցա աչքերի առաջ երկինք համբարձաւ եւ Հօր Աստուծոյ աջ կողմը նստաւ (այսինքն Իւր մարդիս-Քեանքն ևս Աստուծոյն փառքն է պատիւ-սիրտն):



Աշակերտներն ապշած դէպի երկինք էին նայում, մինչեւ որ տեսան երկու հրեշտակ, որոնք նոցա ասացին. «Ի՞նչ էք կանգնել եւ դէպի երկինք էք նայում: Այս Յիսուսը, որ համբարձաւ, դարձեալ պիտի գայ այնպէս, ինչպէս տեսաք Նորա համբառնալը դէպի երկինք»: Առաքեալք մեծ ուրախութեամբ լցուած, Երուսաղէմ դարձան:

Մէր հաւարը Քրիստոսի համբարձման և նորա երկարագ-
գալարեան մասին մենք յայտնում ենք այսպէս.

Ելեալ յերկինս նովին մարմնովն՝ նստաւ
ընդ աջմէ Հօր: Գալոց է նովին մարմնովն և
փառօք Հօր ՚ի դատել զկենդանիս և զմեռեալս,
որոյ թագաւորութեանն ոչ գոյ վախճան:

83. ԱՌԱՔԵԱԼՆԵՐԻ ՄԱՍԻՆ.

Մատ. Ժ. 1—8. Իկ. 18—20. Մրկ. Զ. 12—13. Ղուկ. Ե. 13—16.
Յով. Ի. 21—23.

Քրիստոսը, համբառնալուց յետոյ, աշխարհիս մէջ թո-
ղեց Իւր աշակերտներին, որոց անուանեց առաքելաւ որ կը-
նշանակէ ուղարկուած: Սոքա տասներկու հոգի ընտրուած
էին, բայց մինը, Յուդա Իսկարիովտացին, Քրիստոսի մատ-
նիչն եղաւ:


Քրիստոսը դեռ աշխարհիս վրայ եղած ժամանակ քա-
րողելու ուղարկեց նորանց, եւ իշխանութիւն տուաւ նոցա,
որ Իւր անուանով բժշկութիւններ անեն: Այն ժամանակ շատ
տկարներին իւզով էին օժուժ եւ նոքա բժշկուժ էին:
Քրիստոսը Իւր համբառնալուց առաջ նոցա երեւալով, ասաց.
«Գնացէք բոլոր աշխարհ, քարոզեցէք աւետարանը ամենայն
արարածոց, մկրտեցէք նորանց յանուն Հօր եւ Արդւոյ եւ
Հոգւոյն Սրբոյ. ուսուցէք նոցա պահել այն ամեն բաները,
ինչ որ ես ձեզ պատուիրեցի: Ո՛վ որ կըհաւատայ եւ կը-
մկրտուի, փրկութեան կըհասնի. իսկ ո՛վ որ չի հաւատալ,
կըզատապարուի: Եւ ահա՛ ես ձեզ հետ եմ մինչեւ աշխար-
հիս վերջը: Առէք Հոգին Սուրբը. որոնց մեղքերը որ ներէք,

ներուած լինի նոցա, եւ որոնց որ չներէք՝ նոքա իրանց մեղքի
մէջ մնան»: Այսպէս ահա՛ Քրիստոսն իրաւունք տուաւ ա-
ռաքեալներին որ քարոզեն, մկրտեն, մեղքերի թողութիւն
ասն, եւ հիւանդներ բժշկեն, նոյնպէս հրամայեց նոցա, որ
արթուն կենան, որ Իրան հաւատացողները ճշդիւ կատարեն
Իւր պատուիրանները:

84. ԳԱԼՈՒՍՏ ՀՈԳԻՈՅՆ ՍՐԲՈՅ ԱՌԱՔԵԱԼՆԵՐԻ ՎՐԱՅ.

Գրծ. Բ. 1—41.

Քրիստոսի համբառնալուց յետոյ աշակերտները երու-
սաղէմում մնացին, ուր վերնատան մէջ հաւաքուեցան եւ



ժամանակը անց էին կացնում ազօթքով, Սուրբ Հաղորդու-
թեան խորհուրդը կատարելով եւ անդադար մխիթարիչ Սուրբ
Հոգոյն սպասելով: Պէնտէկոստէի օրը հասաւ. բոլոր հաւա-
տացեալները մի տան մէջ հաւաքուեցան: Յերեկուան երրորդ

ժամին (ըստ մեր հաշույն առաւօտեան ինն ժամին) յանկարծ մի մեծ շարժում եղաւ, որ սաստիկ հողմոյ յուղման էր նմանում: Հաւատացեալներն սիրտը գերբնական ուրախութեամբ լցուեցաւ: Իւրաքանչիւրի գլխի վրայ հրեղէն լեզուներ երեւեցան. այն Հոգին Սուրբն էր, որ իջաւ նոցա վրայ եւ Աստուածային զօրութեամբ հաստատեց նորանց:

Փողովորդը այն աղմուկը լսելով, խուռն բազմութեամբ հաւաքուեցան վերնատան մօտ: Հաւատացեալներն սկսան խօսել զանազան լեզուներով, որի վրայ ամենքը զարմանում էին: Այն ժամանակ Պետրոսն ասաց ժողովրդեան. «Քրիստոսը, որին Հրէայք խաչեցին՝ յարութիւն առաւ մեռեալներից եւ Իւր Սուրբ Հոգին մեր վրայ ուղարկեց»: Պետրոսի քարոզութիւնից յետոյ երեք հազար մարդ հաւատացին Քրիստոսին եւ մկրտուեցան: Այսպէս ահա հաստատուեցաւ երկրիս վրայ Աստուծոյ արքայութիւնը, այսինքն՝ Քրիստոսի Սուրբ Եկեղեցին:

Մեր հասարակ լեզուի մեծագոյնը երբեք չէր եղած երբեք այնքա՛ն, այն է լեզուի Սուրբ Հոգին, զիստայնովն էնքա՛ն յայտնուած:

Հաւատամբ և 'ի Սուրբ Հոգին՝ յանեղն և 'ի կատարեալն, որ խօսեցաւ յօրէնս և ի մարգարէս և յաւետարանս: Որ էջն 'ի Յորդանան, քարոզեաց զառաքեալն և բնակեցաւ 'ի սուրբն:

Ա. դ. օ. թ. ք. 'ի դէմս սուրբ Հոգւոյն.

Հոգի Աստուծոյ Աստուծոյ Հոգի ճըշտուած ճշմարիտ՝ որ իմարիտ Աստուած, որ ջեր 'ի Յորդանան և 'ի իջար Յորդանան և վեր-

վերնատունն և լուսաւորեցեր զիս մկրտութեամբ սուրբ աւազանոյ լուսաւորեցիր, նին. մեղայ յերկինս և մեղանչեցի երկնքի դէմ և Քո առաջ. նորէն Քո առաջի քո, մաքրեալ զիս մաքրեալն Սաստուածային հրով քով որպէս հրեղէն լեզուօք զառաքեալն և ողորմեալ քո արարածոց և ինձ բազմամեղիս:

նատունը և ինձ մկրտութեան սուրբ աւազանով լուսաւորեցիր, մեղանչեցի երկնքի դէմ և Քո առաջ. նորէն Քո Աստուածային կրակով մաքրիր ինձ, ինչպէս մաքրեցիր առաքեալներին կրակէ լեզուներով և ողորմիր Քո արարածերին և ինձ բազմամեղիս:

85. ԱՍՏՈՒԱԾԱՄՕՐ ՎԵՐԱՓՈԽՈՒՄՆ.

Քրիստոսի երկինք համբառնալուց յետոյ, Աստուածամօր կեանքը երկար չտեւեց: Գաբրիէլ հրեշտակապետը յայտնեց, թէ մօտեցել է նորա մահուան ժամանակը եւ նա մեծ ուրախութեամբ պատրաստվում էր դէպի մահը:—Մեռելուց առաջ նա կամեցաւ տեսնել առաքեալներին, որոնք ցրուած էին զանազան երկիրներում՝ Քրիստոսի խօսքը քարոզելու: Տէր Աստուածը կարգադրեց այնպէս, ինչպէս նորա կամքն էր՝ նորա մահուան օրը զանազան երկիրներից հաւաքուեցան բոլոր առաքեալները, բացի Բարթոլոմէոսից, նորա տեսան նորա երանական վախճանը. տեսան, թէ ինչպէս երեւեցաւ Քրիստոսը, հրեշտակներով շրջապատուած, վեր առաւ նորա ամենամաքուր Հոգին եւ երկինք վերացրեց նորան: Վառուած լապտերներով եւ սաղմոսերգութեամբ առաքեալները Աստուածամօր մարմինը տարան Գեթսեմանիա

եւ այնտեղ մէկ այրի մէջ ամփոփեցին: Նորա թաղման երբորդ օրը Երուսաղէմ եկաւ Բարթողիմէոս առաքեալը: Սորա խնդրանքով առաքեալները բաց արին այրը, որի մէջ ամփոփած էր Աստուածամայրը եւ ոչինչ չգտան այնտեղ, բացի նորա զգեստից. առաքեալները մնացին տարակուսած: Այն ժամանակ երկնային լուսով երեւեցաւ նոցա ամենասուրբ Կոյսը եւ յայտնեց, թէ Աստուած յարութիւն տուեց Նորան մեռածներից:

Սուրբ Աստուածածնի Վերափոխման յիշատակը միշտ տօնում ենք օգոստոս ամսի 15-ին մօտիկ հանդիպող կիւրակէ օրը. եւ այս տօնախմբութիւնը մեր եկեղեցին կատարում է ինն օր:

86. ԳԻԻՏ ԽԱՉԻ ԵՒ ԽԱՉՎԵՐԱՅ

1. Այս բոլոր քրիստոնեաների համար, ուրախալի անցքը կատարուեցաւ Քրիստոսի Համբարձումից երեք դար յետոյ մեծն Կոստանդիանոսի մօր—Հեղինէ թագուհւոյ աշխատանքով: Երբոր բարեպաշտ թագուհին 326 թուին այցելեց այն տեղերը, որոնք սրբագործուած էին Աստուածորդւոյ կեանքով եւ չարչարանքով, Սուրբ Հոգին ներշնչեց նորանում ցանկութիւն Փրկչի խաչը գտնելու: Քրիստոնեաների գէմ յարուցած հալածանքների պատճառով սուրբ խաչափայտը անյայտացած էր. թագուհու համար շատ դժուար էր նորան ՚ի յայտ ածելը, որովհետեւ Հրէայք եւ հեթանոսները չկարողանալով տանել Խաչուածին մատուցած երկրպագութիւնը, աշխատում էին նորա կեանքի բոլոր հետքերը անհետացնել: Փրկչի խաչը աւազակների խաչերի հետ թաղուած էր հողի տակ Գողգոթայ սարի վրայ եւ վրէն Հռովմայեցիք առանձինն կռատուն էին կառուցել: Բայց թագուհւոյ ջերմեռանդութիւնը յողթեց բոլոր դժուարութիւններին: Խաչա-

փայտի տեղը, ըստ ցուցման Յուդա անունով մի ծերունի Հրէայի, գտնուեցաւ եւ կռատունը քանդուեցաւ: Երբոր սկսեցին հողը փորել, այն տեղը մի սքանչելի անուշահոտութեան բուրմունքով լցուեցաւ, յետոյ երեւեցան երեք խաչեր ու Պիղատոսից գրել տրուած տախտակը: Արովհետեւ յայտնի չէր, թէ որն է Փրկչական խաչը, այն ժամանակուայ Երուսաղէմի Պատրիարք Մակարիոսը գործ դրեց մի այնպիսի միջոց, որը կարող էր ներշնչել միայն կենդանի հաւատը: Նրա հրամանով բերուեցաւ մերձ ՚ի մահ եղած հիւանդը. Սրբազանը դիպցրեց հիւանդին նախ մէկ խաչը, յետոյ երկրորդը, բայց երբոր մօտեցրեց երրորդը, հիւանդը իսկոյն առողջացաւ: Տետոյ խաչերը մէկը միւսի ետեւից դրին մէկ մեռեալի վրայ. երկուսը ոչինչ ներգործութիւն չունեցան, իսկ երբոր դրուեցաւ երրորդը—մեռեալը կենդանացաւ:

Այս հրաշքները ամենքին համոզեցին, որ երրորդ խաչը պատկանում է Նորան, որ ասաց, թէ—«ես իսկ եմ յարութիւն եւ կեանք»: Այս կերպով գտնուած խաչը մեծ հանդիսով դրուեցաւ Երուսաղէմայ տաճարում. եւ այն տեղ պատրիարքը բէմի վրայ կանգնած բարձրացրեց կամ վերացրեց ՚ի տեսահազին բազմութեան: Ժողովուրդը զգացուած այս Աստուածային հրաշքով ՚ի ծունկ իջաւ Փրկչական խաչի առաջ եւ սկսեց երկրպագութիւն մատուցանել նորան:

2. Քրիստոսի խաչը գտնուած էր Երուսաղէմի սուրբ Յարութեան տաճարում, որը կառուցած էր Գողգոթայ լեռան վրայ: Պարսից Խոսրով թագաւորը 614 թուին յարձակուեցաւ Երուսաղէմ քաղաքի վրայ, կողոպտեց նորան, այրեց Յարութեան տաճարը եւ ուրիշ շատ գերիների հետ Պարսկաստան տարաւ եւ Քրիստոսի խաչափայտը: Յունաց Հերակլէս թագաւորը յաջող պատերազմ ունեցաւ Պարսիկների դէմ եւ 628 թուին ձեռնտու պայմաններով, խաղաղութեան դաշն

կապեց, որի հիման վրայ Պարսիկները յետ դարձրին Յոյն-
 րին Փրկչի խաչը: Հերակլէս թագաւորը սուրբ խաչափայտը
 անձամբ բերում է Երուսաղէմ: Իւր վրայից հանում է ար-
 քայական զգեստը, խաչը գնում է ուսերի վրայ եւ բոկոտն
 տանում է Գողգոթայ լեառը: Այստեղ Փրկչական խաչը
 վերստին մեծ հանդիսով բազմեցնում են իւր առաջուայ տեղը:

Խաչվերացը տօնում է Հայոց եկեղեցին սեպտեմբերի
 14-ին մօտիկ հանդիպող կիրակէ օրը. իսկ խաչ գիւտը—
 խաչի տօնից յետոյ եօթներորդ կիրակէին, որ լինում է
 հոկտեմբեր ամսին:

87. ԵՐԵՒՈՄՆ ՍՈՒՐԲ ԽԱՉԻ.

351 թուի մայիսի 7-ին Պենտեկոստէի օրը Երուսաղէմ
 քաղաքում Քրիստոսի պատուական եւ կենդանարար Խաչը
 երեւում է լուսաւոր տեսեամբ. մի անսովոր խաչաձեւ լոյս
 երկնից իջած, Գողգոթայ սարի վրայից տարածւում է մին-
 չեւ Զիթենեաց լեառը: Այս հրաշալի երեւոյթը, որ բաւա-
 կան ժամանակ է տեւում, տեսնում են Երուսաղէմի Կիւրեղ
 եպիսկոպոսը եւ քաղաքի բնակիչները: Քրիստոնէայք զմայլուած
 այս Աստուածային շնորհքովը—արք եւ կանայք, ծերք եւ
 երիտասարդք խուռն բազմութեամբ գիմում են եկեղեցի,
 միաբերան օրհնելով եւ փառաւորելով Փրկչի անունը: Կիւրեղ
 Երուսաղէմացին իսկոյն առանձինն թղթով այս հրաշքի մա-
 սին տեղեկութիւն է տալիս Հռովմայեցւոց Կոստանդ կայսերը
 ի պարծանս քրիստոնէութեան: Հայաստանեայց եկեղեցին
 այս անցքի տօնը կատարում է Յարութիւնից յետոյ հինգե-
 րորդ կիրակէին: Առաւօտեան ժամին կարգացւում է եւ
 Կիւրեղ եպիսկոպոսի թուղթը:

88. ՎԱՐԱԳԱՅ ՍՈՒՐԲ ԽԱՉԸ.

Սուրբ Հռիփսիմեան կուսանք 300 թուին Հռովմայեցւոց
 Դիոկղետիանոս կայսեր հալածանքից փախչում են դէպի
 Հայաստան մի քանի բարեպաշտ քահանաների հետ: Առ
 ժամանակ մի հանգիստ առնելով Տոսքայ գաւառի Վարագայ
 լեռան վրայ, այստեղ Հռիփսիմէ կոյսը իւր մօտ ունեցած
 սուրբ խաչի մասը յանձնում է քահանայից հսկողութեանը,
 ամփոփելով քարակոյտի մէջ, որպէս զի քրիստոնէական սրբ-
 քութիւնը չենթարկուի անպատուութեան անհաւատների կող-
 մից: Իսկ ինքը իւր ընկերների հետ ուղեւորւում է դէպի
 Վաղարշապատ: Քահանաների մահուանից յետոյ սուրբ
 խաչի մասը մնում է անյայտ: 653 թուականին Թողիկ ճրգ-
 նաւորը, որ առանձնացած էր Վարագայ լեռան վրայ կուսա-
 նաց վանքի մօտ, գիշերով տեսնում է տաաներկու լուսեղէն
 սիւն եւ լսում է հրեշտակաց օրհներգութեան ձայնը. ապա
 մի լուսեղէն խաչ վերանայով այնտեղից մտնում է եկեղեցի
 եւ կանգնում սեղանի առաջ: Ճգնաւորը երկիւղածութեամբ
 մտնում է եկեղեցի եւ տեսնելով խաչափայտի մասը, երկրը-
 պագութիւն է անում նրան: Իմանալով այս ներսէս Գ. կա-
 թուղիկոսը եւ քննութեամբ վերահասու լինելով հրաշքի
 ստուգութեանը, կարգում է խաչի առանձին տօն, որ կոչ-
 ւում է տօն յայտնութեան Վարագայ խաչի:

Վարագայ խաչի յիշատակը Հայոց եկեղեցին տօնում է
 Խաչվերացի տօնից յետոյ Գ. կիրակէին:

89. ԾԱՆՕԹՈՒԹԻՒՆ ՔՐԻՍՏՈՆԷԱԿԱՆ ԵԿԵՂԵՅՈՒ ԵՒ ՆՈՐԱ ԽՈՐՀՐԻՆԵՐԻ ՎՐԱՅ.

Սուրբ Հոգու իջնելուց յետոյ առաքեալներն իսկոյն ըսկրսեցին աւետարանի քարոզութիւնը եւ շատերն ընդունեցին նորան: Քրիստոսի հաւատացեալներից կազմուեցաւ մի ժողով (հասարակութիւն), որի մէջ ամենքը սիրում էին մէկմէկու եւ միակերպ հաւատում էին: Այս ժողովն ասվում էր Քրիստոնէական սուրբ եկեղեցի, իսկ նորան պատկանող մարդիկ՝ Քրիստոնեայք: Քրիստոսի եկեղեցին Տէ է, որովհետեւ ունի մի գլուխ—Քրիստոսը, մի հաւատ, մի օրէնք եւ բոլոր քրիստոնեաները, խորհուրդների միջնորդութեամբ, ստանում են Սուրբ Հոգու շնորհքը: Մահն անգամ չէ բաժանում քրիստոնեաներին: Մեռեալ արգարները, իրանց՝ Աստուծուն ուղղած աղօթքով, օգնում են երկրիս վրայ ասրող մարդիկներին. եւ սոքա եւս աղօթք են մատուցանում մեռած մարդկանց համար: Եկեղեցին «ուրբ է, որովհետեւ քրիստոնեաները մաքրուած են Քրիստոսի արիւնտով, եւ խորհուրդների միջնորդութեամբ Սուրբ Հոգու շնորհքով սրբագործվում են: Ընդհանրական է, որովհետեւ նորան պատկանում են բոլոր հաւատացեալները, ուր եւ լինին նոքա: Առաքելական է, որովհետեւ նա պահպանում է առաքեալներից աւանդուած ուսումը եւ կառավարվում է առաքեալներից հաստատուած հովիւներով:

Խորհուրդ ասվում են այնպիսի սրբարար գործողութիւններ, որոնցով հաւատացեալներին գաղտնի, անտեսանելի կերպով մատակարարվում է Հոգւոյն Սրբոյ շնորհքը: Այս իսկ շնորհքն է այն Աստուածային զօրութիւնը, որը միաւորում է քրիստոնեաներին ի ժողով եւ սրբագործում է նրանց: Հայաստանեայց ուղղափառ եկեղեցին առաքեալներից

հետեւեալ խորհուրդներն ընդունեց. Մկրտութիւն, Դրոշմ, Ապաշխարութիւն, Հաղորդութիւն, Ամուսնութիւն, Կարգքահանայութեան եւ Օծումն հիւանդաց: Մկրտութեամբ ընդունում է հաւատացեալը Հոգւոյն Սրբոյ շնորհքը, ստանալով նոր կեանք: Դրոշմով ընդունում է շնորհք—նոր, քրիստոնէական կեանքի մէջ հաստատ մնալու համար: Ապաշխարութեամբ ստանում է շնորհք, որով թողութիւն է տրվում նորա մեղքերին: Հաղորդութեամբ քրիստոնեայն գաղտնի կերպով միանում է Քրիստոսի հետ: Ամուսնութեամբ օրհնվում է առն եւ կնոջ միաւորութիւնը: Զեռնագրութեամբ տրվում է Հոգւոյն Սրբոյ շնորհքը, որով ընտրեալն սրբագործուելով, մատչում է եկեղեցուն ծառայելու: Հիւանդների օծմամբը—տրվում է շնորհք, որով մարդ առողջութիւն է գտնում ծանր հիւանդութիւնից:

Հասարդ, սր «նին» դէպի եկեղեցին եւ դէպի մերս—լիւան շնորհքացի դօր—լի—նը, այսպէս են յայտնած:

Հաւատամք 'ի մի միայն ընդհանրական եւ առաքելական սուրբ եկեղեցի, 'ի մի մկրտութիւն, յապաշխարութիւն, 'ի քաւութիւն եւ 'ի թողութիւն մեղաց:

90. ՄԿՐՏՈՒԹԻՒՆ.

Մկրտութեան խորհրդով ընդունում է մարդ Հոգւոյն Սրբոյ շնորհքը, որով վերածնում է, այսինքն ստանում է նոր կեանք: Այս խորհուրդը կատարվում է մկրտուողին երեք անգամ ջրի մէջ ընկղմելով, որի հետ արտասանվում

են այս խօսքերը. «Մկրտվում է ծառայն Աստուծոյ (այս անունն) յանուն Հօր եւ Որդւոյ եւ Հոգւոյն Սրբոյ»: Մկրտուողն աւազան մտնելով մեղաւոր, դուրս է գալիս այնտեղից՝ Հոգւոյն Սրբոյ շնորհիւ, արդարացած իբրեւ մարդ Աստուծոյ:

Մկրտութիւն ընդունող մարդուց պահանջվում է, որ նա հրաժարուի իւր առաջուայ վատաբարոյ կենցաղավարութիւնից, սատանայից եւ ամեն չարութիւնից. յայտնէ իւր փափագը Քրիստոսի հետ միաւորուելու եւ դաւանէ դէպի Քրիստոսն ունեցած հաւատը: Մկրտութիւնից յետոյ նորան հազցնում են սպիտակ շոր, ի նշան նորա մաքրութեան: Մկրտութեան խորհուրդն անկրկնելի է:

Մկրտուածին նոր կեանքի մէջ դաստիարակելու համար տրվում է կնքահայր, որ ընդունելով նորան աւազանից, նորա երաշխաւորն է դառնում: Երեխայի մկրտութեան ժամանակ կնքահայրը նորա տեղ յայտնում է սատանայից հրաժարուիլը եւ հաւատոյ դաւանութիւնը: Նա պիտի հոգայ, որ երեխան դաստիարակուի քրիստոնէական հաւատի մէջ:

91. ԴՐՈՇՄ.

Դրոշմի խորհրդով նոր մկրտուածն ընդունում է Սուրբ Հոգու շնորքը, որով հաստատվում է քրիստոնէական կեանքի մէջ: Դրոշմը կատարվում է իսկոյն մկրտութիւնից յետոյ: Քահանան սուրբ մեռնով օծում է մկրտեալի ձակատը, աչքերը, հոտոտելիքը, բերանը, ականջները, ձեռքերը եւ ոտները, արտասանելով այս խօսքերը. «ԿՆԻՔ ՏԵԱՌՆ ՄԵՐՈՅ ՅԻՍՈՒՍԻ ՔՐԻՍՏՈՍԻ»: Մարմնի զանազան անդամներն օծվում են ի նշան նորա, որ Հոգին Սուրբ սրբագործում է եւ զօրացնում մարդու ամեն զգայարանները եւ գործերը:

Մեռնն է իւր կազմած զանազան անուշահոտ ծաղիկներից եւ խոտերից, որոնց մէջ գլխաւոր մասը կազմում է

ձիթենու իւղը եւ ազնիւ բալասանը, եւ օրհնվում է Սուրբ Էջմիածնում մեծ հանդիսով ամենայն Հայոց Վեհափառ Կաթողիկոսից, եւ այնտեղից բաժանվում է Հայաստանեայց ամենայն եկեղեցիների մէջ:

92. ԱՊՍՇԻԱՐՈՒԹԻՒՆ.

Ապաշխարութեան խորհրդով քրիստոնեան ստանում է Սուրբ Հոգու շնորհքը, որով սրբվում է նա մկրտութիւնից յետոյ գործած մեղքերից:

Ապաշխարութեան մատչողից պահանջվում է մեղքերի զղջումն եւ վարքն ուղղելու դիտաւորութիւն: Որպէս զի քրիստոնեայք միջոց ունենան իրանց մէջ զղջման զգացմունքն արծարծելու, եկեղեցին նշանակում է ապաշխարութիւն՝ այսինքն պահք, աղօթք եւ առանձնութիւն: Իսկ վարքն ուղղելու դիտաւորութիւնն աւելի հաստատ պահելու համար ապաշխարողին սահմանվում է ապաշխարանքը, որի կատարումն պիտի յիշեցնէ նորան իւր միտումը դէպի չարը եւ օգնէ նորանից հեռանալու: Քրիստոնեան իւր զղջումը յայտնում է քահանայի առաջ, որ դառնում է նորա հոգեւոր հայր, բժիշկ նորա հոգու եւ դատաւոր խղճի: Զղջման այսպիսի արտայայտութիւնը կոչվում է խոստովանութիւն:

93. ՀԱՂՈՐԴՈՒԹԻՒՆ.

Հաղորդութեան խորհրդի մէջ քրիստոնեան հացի տեսակով ճաշակում է Քրիստոսի մարմինը եւ գինու տեսակով ընդունում է նորա արիւնը, որով եւ միանում է Քրիստոսի հետ:

Պաշտօնը, որով կատարվում է Հաղորդութեան խորհուրդը, կոչվում է պատարագ, որ ասել է զոհ կամ նուէր:

Նա կատարվում է սովորաբար ճաշու ժամին, այսինքն կէս օրից առաջ, շատ անգամ առաւօտեան ժամից յետոյ, եւ երկու ճրագալուցի օրերում երեկոյեան ժամից յետոյ:

Պատարագ մատուցանելիս քրիստոնեայք յիշում են իրանց Փրկչի ծնունդը, քարոզութիւնները, չարչարանքը, մահը, յարութիւնը եւ համբարձումն: Որոնք արժանի են Քրիստոսի հետ միաւորուելու, հաղորդվում են. իսկ անպատրաստները սուրբ սեղանի փշրանքն (մասը, նշխարք) են ճաշակում: Իւրաքանչիւր քրիստոնեայ, եկեղեցու կանոնների համեմատ, պարտաւոր է հաղորդուել տարին հինգ անգամ՝ հինգ տաղաւարաց օրերում, կամ գոնէ մէկ անգամ՝ անպատճառ:

94. ՍՈՒՐԲ ՊԱՏԱՐԱԳԻ ԽՈՐՀՐԴՈՅ ՀԱՄԱՌՈՑ ԲԱՅԱՏՐՈՒԹԻՒՆԸ (*)

Ն ա խ ա գ ի տ ե լ ի ք .

Պատարագի նշանակումը:—Պատարագը անարիւն զոհ է Մարմնոյ եւ Արեան Տեառն մերոյ Յիսուսի Քրիստոսի, որը հացի եւ գինու տեսակով քահանաների ձեռքով մատուցանում են Աստուծոյ ինքնին Տէրն մեր Քրիստոս եւ Նորա հաւատացեալները ՚ի յիշատակ չարչարանաց եւ մահուան Քրիստոսի:

Մատուցող պատարագի:—Պատարագը կարող են մատուցանել միայն քահանայական կարգ ունեցողները, այսինքն՝ եպիսկոպոսներ, վարդապետներ եւ քահանաներ, որ եւ նոյն օրը ժամարար են կոչվում, որովհետեւ առանց նոցա ներկայութեան չէ կարող ժամերգութիւնը սկսուիլ:

(*) Սոյն բացատրութիւնը կազմելիս հետեւել եմ արժանայիշատակ Գաբրիէլ Արքեպիսկոպոս Այվազեանի յօրինած՝ «Մեկնութիւն խորհրդոյ և արարողութեանց սրբոյ պատարագի» գասատետրին:

Հասարակ-Ռի-ն խորհրդոյ:—Պատարագի խորհուրդը հաստատեց Քրիստոս իւր չարչարանաց նախընթաց օրը, յորում հացն ու բաժակը առաւ եւ ասաց. «Այս է Մարմին իմ, որ վասն ձեր եւ բազմաց բաշխի»:—Այս է Արիւն իմ, որ յաղագս ձեր եւ բազմաց հեղանի: Ձայս արարէք առ իմոյ յիշատակի»:—

Նպատակ:—Պատարագի մատուցման նպատակն է՝ 1) Աստուծոյ վառաբանութիւնը. 2) մեղքերի թողութիւն ստանալը. 3) մեր շնորհակալութիւնը առ Աստուած, եւ 4) Աստուծոյ շնորհաց եւ ողորմութեան ակնկալութիւնը:

Տէրը:—Պատարագը մատուցանվում է ամեն մարդոց համար, թէ կենդանիների եւ թէ մեռեալների համար: Իսկ տեղը միշտ յատկացնվում է եկեղեցիների եւ օրհնեալ մատուռների մէջ օժեալ վէմ ունեցող սեղանի վրայ:

Ժամանակ ճարտարագի:—Պատարագը թէ եւ կարելի է ամեն օր մատուցանել, բայց մեր եկեղեցւոյ ընդհանուր սովորութիւնն է աղուհացից մէջ (մեծ պատի լի օրերը) նաեւ բոլոր առաջաւորաց շաբաթը չպատարագել: Իսկ ժամը սովորաբար ճաշից առաջ է յատկացնվում, թէեւ կարելի է իրիկուններն էլ պատարագ մատուցանել, երբոր ստիպողական հարկն է պահանջում, զօր. հարկաւոր է վտանգաւոր. հիւանդին հաղորդութիւն տալ եւ պատրաստ մասը չէ գտնվում, եւ Ձատկի ու Ծննդեան ճրագալուցի օրերը, ինչպէս որ մեր եկեղեցւոյ առաքելական սովորութիւնն է:

Ընդհանուր կարգ և աղօթք պատարագի.

Բաժանումն պատարագի:—Պատարագը երկու գլխաւոր մասնի է բաժանվում՝ ա. պատարագ Երախայեց եւ բ. պատարագ հասարակաց: Պատարագ երախայից այն մասն է, որ երեխայք, այսինքն չմկրտուած անձինք, եւս եւ ապաշխարողք

կամ թերահաւատք կարող էին տեսնել, որպէս զի այն միջոցին կարգացուած եւ տրուած խրատները լսեն, եւ այս մասն է պատարագի սկզբից մինչեւ վերաբերումն:

Պատարագ հաւատացելոց է երկրորդ մասն պատարագի, որ վերաբերումից է սկսվում, որովհետեւ հին ժամանակներում սովորութիւն կար նոյն միջոցին—չմկրտուածներին անհաւատներին եւ ապաշխարողներին եկեղեցուց դուրս հանել եւ ներսը կարող էին մնալ միայն հաւատացեալները— Սուրբ խորհուրդը տեսնելու եւ հաղորդուելու:

Զգե՛ստաւորու՛ի:— Պատարագից քահանան մտնում է խորանը զգեստաւորուելու եւ այդ միջոցին դպիրները երգում են «Խորհուրդ խորին» շարականը, որի առաջին տան մէջ յիշվում է հրեշտակաց ստեղծագործութիւնը, երկրորդում Ազամայ ստեղծուիլը, երրորդում Քրիստոսի չարչարանքով եղած փրկագործութիւնը, չորրորդում—Հոգւոյն սրբոյ առաքելոց վրայ իջնելը եւ ապա քահանայական զգեստների յիշատակութիւնը եւ խորհուրդը: Այս շարականի վերջին տունը, որ առնուած է ծաղկազարդի կանոնից, այս է՝—«Թագաւոր երկնաւոր, զեկեղեցի քո անշարժ պահեա՛, եւ զերկրպագուս անուանդ Քում՝ պահեա՛ ՚ի խաղաղութեան»:

Պատարագից քահանայի զգեստները սորա են.

1. Սպա՛ստրո:— Քահանայի գլխանոցն է, որ նշանակում է Յիսուսի յաղթութիւնը ընդդէմ՝ չարին:
2. Շապի՛կ:— Յիշեցնում է սպիտակ հանդերձը հրեշտակի, որ նստած էր Քրիստոսի գերեզմանի վրայ եւ այն սպիտակ հանդերձը եւս, որ Հերովդէս ծածկեց Յիսուսի վրայ, եւ նշանակում է սրբազան կարգի սրբութիւնը եւ անարատութիւնը:
3. Փոքո՛րայ:— Քահանան ձգում է երկու ուսոց վրայ եւ նրանով ծածկում է կուրծքը մինչեւ վերջ. փորուրարը նշանակ է Քրիստոսի լծոյն, այսինքն՝ խոնարհութեան եւ հեղու-

թեան, եւս եւ արդարութեան, որով քահանան պէտք է զարդարէ իւր սիրտը եւ պարանոցը:

4. Գօթի՛ն:— Գօտիով պնդվում է պատարագչի շապիկը եւ նշանակում է, որ Աստուած ամրապնդում է նորան իր զօրութեամբ, անհետացնելով նորանից անմաքուր խորհուրդներ:

5. Բաղա՛ն:— Նշանակում է պատրաստականութիւն տէրունական սեղանին զգուշութեամբ սպասաւորելու, յիշեցնելով միանգամայն, որ եկեղեցւոյ սպասաւորը յոյս պէտք է դնի ոչ թէ իւր անձնական ուժի վրայ, այլ պիտի ապաւինի Աստուծոյ օգնութեանը:

6. Վախա՛ն:— Քահանայի ուսնոցն է, որ հին օրինաց եփուղի տեղն է բռնում եւ, ուսի վրայ դնելիս՝ այնպէս է երեւում, իբր թէ կցուած լինի շուրջառի հետ. վակասը քահանայի արդարութեան նշանակն է:

7. Շա՛րջա:— Փիլոնաձեւ զգեստն է, որ նափորտ եւս է կոչվում.— նշանակ է հոգեւոր գրահի, որով պատասպարվում է քահանան ընդդէմ՝ ներգործութեանց չարին: «Խորհուրդ խորին» շարական յօրինող արեւելցի Խաչատուր վարդապետն ընծայում է նափորտին կատարեալ Աստուածսիրութեան նշանակը, որով պէտք է քահանան զարդարէ իւր անձը պայծառ զգեստից աւելի:

Պատարագի սկզբնաւորութիւնը.

Զգեստաւորուած քահանան սարկաւագի հետ դուրս են գալիս խորանից. բեմի առաջ քահանան ձեռքերը լուսնում է յօրինակ ներքին մաքրութեան եւ ապա սուրբ Աստուածածնի բարեխօսութիւնը խնդրելով՝ հրապարակական խոստովանութիւն է անում իւր մեղքերի եւ թողութիւն ստանալով, սաղմոս ասելով բարձրանում է բեմը. ապա վարա-

կամ թերահաւատք կարող էին տեսնել, որպէս զի այն միջոցին կարգացուած եւ տրուած խրատները լսեն, եւ այս մասն է պատարագի սկզբից մինչեւ վերաբերումն:

Պատարագ հաւատացելոց է երկրորդ մասն պատարագի, որ վերաբերումից է սկսվում, որովհետեւ հին ժամանակներում սովորութիւն կար նոյն միջոցին—չմկրտուածներին անհաւատներին եւ ապաշխարողներին եկեղեցուց դուրս հանել եւ ներսը կարող էին մնալ միայն հաւատացեալները— Սուրբ խորհուրդը տեսնելու եւ հաղորդուելու:

Զգեալստե՛ս:—Պատարագից քահանան մտնում է խորանը զգեստաւորուելու եւ այդ միջոցին դպիրները երգում են «Նորհուրդ խորին» շարականը, որի առաջին տան մէջ յիշվում է հրեշտակաց ստեղծագործութիւնը, երկրորդում Ազամայ ստեղծուիլը, երրորդում Քրիստոսի չարչարանքով եղած փրկագործութիւնը, չորրորդում—Հոգւոյն սրբոյ առաքելոց վրայ իջնելը եւ ապա քահանայական զգեստների յիշատակութիւնը եւ խորհուրդը: Այս շարականի վերջին տունը, որ առնուած է ծաղկազարդի կանոնից, այս է՝ «Թագաւոր երկնաւոր, զեկեղեցի քո անշարժ պահեա՛, եւ զերկրպագուս անուանդ Քում՝ պահեա՛ ՚ի խաղաղութեան»:

Պատարագից քահանայի զգեստները սորա են.

1. Սաղաւարտ:—Քահանայի գլխանոցն է, որ նշանակում է Յիսուսի յողթութիւնը ընդդէմ չարին:

2. Եւպիս:—Յիշեցնում է սպիտակ հանդերձը հրեշտակի, որ նստած էր Քրիստոսի գերեզմանի վրայ եւ այն սպիտակ հանդերձը եւս, որ Հերովդէս ծածկեց Յիսուսի վրայ, եւ նըշանակում է սրբազան կարգի սրբութիւնը եւ անարատութիւնը:

3. Փորուրար:—Քահանան ձգում է երկու ուսոց վրայ եւ նրանով ծածկում է կուրծքը մինչեւ վերջ. փորուրարը նշանակ է Քրիստոսի լծոյն, այսինքն՝ խոնարհութեան եւ հեղու-

թեան, եւս եւ արդարութեան, որով քահանան պէտք է զարդարէ իւր սիրտը եւ պարանոցը:

4. Գօթի:—Գօթիով պնդվում է պատարագչի շապիկը եւ նշանակում է, որ Աստուած ամրապնդում է նորան իր զօրութեամբ, անհետացնելով նորանից անմաքուր խորհուրդներ:

5. Բաղալի:—Նշանակում է պատրաստականութիւն տէրունական սեղանին զգուշութեամբ սպասաւորելու, յիշեցնելով միանգամայն, որ եկեղեցուց սպասաւորը յոյս պէտք է դնի ոչ թէ իւր անձնական ուժի վրայ, այլ պիտի ապաւինի Աստուծոյ օգնութեանը:

6. Վախ:—Քահանայի ուսնոցն է, որ հին օրինաց եկուղի տեղն է բռնում եւ, ուսի վրայ դնելիս՝ այնպէս է երեւում, իբր թէ կցուած լինի շուրջառի հետ. վակասը քահանայի արդարութեան նշանակն է:

7. Եւրջալ:—Փիլոնաձեւ զգեստն է, որ նափորտ եւս է կոչվում.—նշանակ է հոգեւոր գրահի, որով պատասպարվում է քահանան ընդդէմ ներգործութեանց չարին: «Նորհուրդ խորին» շարական յօրինող արեւելցի Նաչատուր վարդապետն ընծայում է նափորտին կատարեալ Աստուածսիրութեան նշանակը, որով պէտք է քահանան զարդարէ իւր անձը պայծառ զգեստից աւելի:

Պատարագի սկզբնաւորութիւնը.

Զգեստաւորուած քահանան սարկաւագի հետ դուրս են գալիս խորանից. բեմի առաջ քահանան ձեռքերը լուանում է յօրինակ ներքին մաքրութեան եւ ապա սուրբ Աստուածածնի բարեխօսութիւնը խնդրելով՝ հրապարակական խոստովանութիւն է անում իւր մեղքերի եւ թողութիւն ստանալով, սաղմոս ասելով բարձրանում է բեմը. ապա վարա-

գոյրը քաջիւում է եւ ընծայարանի մօտ գնալով սպաս է դնում այսպէս՝ սարկաւազի ձեռքից առնում է նշխարը (անխմոր, այսինքն բաղարջ հաց) եւ խաչակնքելով դնում է մաղձմայի վրայ եւ ասում՝ «Յիշատակ Տեառն մերոյ Յիսուսի Քրիստոսի»։ յետոյ գինին (անապակ, այսինքն անջուր) է առնում եւ խաչաձեւ ածում է սկզւոյ մէջ, ասելով՝ «Յաղագս յիշատակի փրկագործ տնօրէնութեան Տեառն Աստուծոյ եւ Փրկչին մերոյ Յիսուսի Քրիստոսի»։ Սկիհը ծածկում է քողով, խաչակնքում է եւ ասում այս խորհրդաւոր խօսքերը։— «Հոգին սուրբ եկեսցէ 'ի Քեզ եւ զօրութիւն բարձրելոյն հովանի լիցի 'ի վերայ Ք»։ եւ ապա խնկարկութեամբ շրջագայելով ժողովրդի մէջ՝ նորէն բարձրանում է բեմը։ Այս շրջագայութեան միջոցին դպիրները երգում են «Յայս յարկ» շարականը, որը վերջանում է հետեւեալ մաղթանքով՝ «Բարեխօսութեամբ վերին քո զօրաց միշտ անշարժ պահեան զաթոռ Հայկազնեայց»։

Բուն պատարագը սկսւում է քահանայի այս խօսքերով՝ «Օրհնեալ թագաւորութիւն Հօր եւ Որդւոյ եւ Հոգւոյն Սրբոյ, այժմ՝ եւ միշտ եւ յաւիտեանս յաւիտենից, ամէն»։ յետոյ ասւում է օրուայ պատշաճ ժամամուտը եւ ապա ըսկսւում է

Երեքսրբեան փառաբանութիւնը.

Երեքսրբեան փառաբանութեան հանդէսը այսպէս է կատարւում՝ նախ քահանան առանձնական աղօթքով խընդրում է Աստուծոց, որ սուրբ հրեշտակներն եւս փառաբանակից լինին մեզ, ապա սարկաւազը ասում է՝ «Պռօսխում է» յունական բառը, որ նշանակում է ուշ դնենք եւ ապա ասւում է երեքսրբեան փառաբանութիւնը, որ է՝ սուրբ Աստուած, սուրբ եւ հզօր, սուրբ եւ անմահ, որ խաչեցար

(կամ յարեար եւայն) վասն մեր, ողորմեան մեզ» — երեք անգամ։ այս միջոցին սարկաւազը ժամարարից առնում է սուրբ աւետարանը եւ բարձրացնելով բերում է ժողովրդի առաջ եւ համբուրել է տալիս, որպէս զի դորանով զարթեցնէ նոցա հաւատը եւ գրաւէ նոցա ուշադրութիւնը դէպի Աստուածային խօսքը, յետոյ սկսւում է մարգարէական եւ առաքելական ընթերցմունքը, որ նշանակում է, թէ մարգարէից գուշակութիւնը եւ առաքելոց քարոզութիւնը ի միասին Քրիստոսի տնօրէնութիւնն են ծանուցանում։ Աւետարանից յետոյ ասւում է «հաւատամքը», որպէս զի ժողովուրդը հաստատուի իւր հաւատքի մէջ, որ ունի աւետարանի խօսքերին եւ պատարագի սուրբ խորհրդոյն։ Հաւատամքից յետոյ խօսոյն ժամարարը ասում է Գրիգոր Լուսաւորչից աւելացրած փառաբանական խօսքերը՝ «Իսկ մեք փառաւորեսցուք որ յառաջ քան զյաւիտեանս, երկրպագանելով սրբոյ Երրորդութեան եւ միոյ Աստուածութեան՝ Հօր եւ Որդւոյ եւ Հոգւոյն սրբոյ այժմ՝ եւ միշտ եւ յաւիտեանս յաւիտենից. ամէն»։

Սորանից յետոյ սկսւում է պատարագ հասարակաց։ Քահանան օրհնում է ժողովրդոց, ասելով «Տէր Աստուած օրհնեսցէ զամենեսեան»։ — Սարկաւազը, վերցնելով քահանայի սաղաւարտը, ասում է՝ «Մի ոք յերախայից (չմկրտուածներից), մի ոք 'ի թերահաւատից եւ մի ոք յապաշխարողաց եւ յանմաքրից մերձեցի (մօտենայ) յայս խորհուրդ»։ Դպիրները հետեւեալ երգով յայտնում են պատճառը, թէ ինչո՞ւ չմկրտուածները կամ թերահաւատները կամ ապաշխարողները պիտի չմօտենան այս խորհրդին, որովհետեւ՝ «Մարմին Տէրունական եւ Արիւն Փրկչական կայ առաջի, երկնային զօրութիւնը յաներեւոյթս երգեն եւ ասեն անհանգի ստ (անդադար) բարբառով Սուրբ, Սուրբ, Սուրբ Տէր զօրութեանց»։ — Դպիրները երգում են օրուայ պատշաճ սրբասացութիւնը։

Վերաբերումն.

Հին ժամանակներում բոլոր ժողովուրդը, այսինքն եկեղեցականք եւ աշխարհականք, արք եւ կանայք այս միջոցիս թափօրով բերում էին հաց եւ գինին եւ դնում էին ընծայարան ասուած սեղանի վրայ. քահանան ընդունում էր այն ընծայքը, յետոյ նոցա մէկ կտորը տանում էր սուրբ սեղան, սրբագործում էր 'ի Մարմին եւ յԱրիւն Տեառն, որից հաղորդվում էին արժանաւորները, իսկ չհաղորդուողներին պատարագի վերջը բաժանվում էր այն ընծայից մընացած մասը, որպէս զի նոքա եւս մի կերպով սուրբ սեղանին մասնակից համարուին: Յետոյ եկեղեցին ամենայն տեղ այս արարողութիւնը թեթեւացրեց եւ մեր ազգի մէջ սովորութիւն եղաւ միայն սրբագործելի նշխարն ու գինին թափօրապէս ժողովրդեան միջից անցնելով կամ սեղանի ետեւից պտըտելով վերաբերել պատուով ու տանել տալ քահանային, որը խնկարկութեամբ ընդունելով դնում է սեղանի վրայ: Այս արարողութիւնը երբեմն հանդիսով է կատարվում եւ երբեմն համառօտ: Վերաբերումը մասնաւորապէս օրինակ է գալստեան Քրիստոսի յաշխարհ մարդեղութեամբ եւ գալլատեան Նորա 'ի սուրբ սեղանն հաղորդութեան խորհրդով:

Ողջոյն.

Վերաբերումից յետոյ լինում է ողջունի արարողութիւնը, որի խորհուրդը կայանում է հետեւեալում. Եկեղեցին չի մոռանում Քրիստոսի Տեառն մերոյ այն պատուէրը, որ ասում է՝ «Թէ որ սեղանի վրայ մատուցանես քո ընծագ եւ այն տեղ միտքդ գայ, որ եղբայրդ սրտի մէջ քո գէմ ունի որ եւ իցէ անբաւականութիւն, թող քո ընծագ սեղա-

նի առաջեւ, գնա, առաջ հաշտուիր եղբորդ հետ եւ յետոյ արի ու ընծայիր պատարագը»: Ուրեմն պատարագ մատուցանողները հաշտ պիտի լինին իրար հետ, ռս չունենան մէկ մէկու դէմ եւ 'ի նշան նորա՝ սուրբ սիրով ողջոյն տան իրար: Սորա համար էլ սարկաւազն ասում է. «Ողջոյն տուք (տուէք) միմեանց 'ի համբոյր սրբութեան եւ որ ոչ էք կարող հաղորդել (մասնակցիլ) Աստուածային խորհրդոյս, առ դրունս ելէք (դուրս գնացէք) եւ աղօթեցէք»:

Իսկ զպիրները երգում են՝

Քրիստոս 'ի մէջ մեր
յայտնեցաւ, Որէնն Աստուած աստ բազմեցաւ,
խաղաղութեան ձայն
հնչեցաւ, սուրբ ողջունիս
հրաման տուաւ, եկեղեցիս
մի անձն եղել. համբոյրս
յօդ լրման տուաւ, թշնամութիւնն
հեռացաւ, սէրն յընդհանուրս
սփռեցաւ: Արդ, պաշտօնեայք,
բարձեալ զձայն, տուք օրհնութիւն
'ի մի բերան միաս-

Քրիստոս մեր մէջ
յայտնուեցաւ, Որէնն Աստուած
այստեղ բազմեցաւ, խաղաղութեան
ձայն լսուեցաւ, սուրբ ողջունիս
հրաման տրուեցաւ. եկեղեցիս
մի անձն եղաւ (հաւատացեալները
իբրեւ մէկ անձն եղան): Այս համբոյրը
իբրեւ միութեան կապ տրուեցաւ,
թըշնամութիւնը հեռացաւ, սէրը
ամէնքի մէջ տարածուեցաւ:
Արդ, պաշտօնեայք, ձայներնիդ
բարձրացնելով միաբե-

նական Աստուածու-
թեանն, որում սրով-
բէքն են սրբաբան: րան օրհնեցէք միաս-
նական Աստուածու-
թիւնը, որին սրովբէքն
են օրհնաբանում:

Սրբագործութիւն և փոխարկութիւն
կամ կանոն պատարագի.

Ողջունից յետոյ սկսվում է սրբագործութեան արարողութիւնը: Առաջ սարկաւագը քարոզում է ժողովրդեան, որ ահիւ եւ դողութեամբ կենան, ուշագրութեամբ նայեն սուրբ պատարագի կատարման վրայ.

«Ահիւ կացցուք, երկիւղիւ կացցուք, բարուք կացցուք եւ նայեցարուք զգուշութեամբ»:

Ժողովուրդը պատասխանում է, թէ մեր ուշագրութիւնը առ Քեզ է, Տէր Աստուած. «Առ Քեզ Աստուած»: Սարկաւագը շարունակում է՝ «Պատարագ Քրիստոս մատչի գառն Աստուծոյ». այսինքն գիտացէք, որ Քրիստոս, գառն Աստուծոյ, պատարագ է բերվում սեղանի վրայ: Ժողովուրդն էլ յայտնում է իւր հաւատը եւ յոյսը, ասելով՝ «Ողորմութիւն եւ խաղաղութիւն եւ պատարագ օրհնութեան». այսինքն հաւատում ենք, որ այս պատարագի զօրութեամբ ընդունում ենք Աստուծոյ ողորմութիւնը եւ խաղաղութիւնը. Յետոյ դպիրները երգում են հրեշտակային երգը, որ է՝— «Սուրբ, Սուրբ, Սուրբ Տէր զօրութեանց. լի են երկինք եւ երկիր փառօք Քո, օրհնութիւն 'ի բարձունս. օրհնեալ որ եկիր եւ գալոց ես անուամբ Տեառն. ովսաննայ 'ի բարձունս»:

«Սուրբ սուրբից» յետոյ սկսվում է կանոն պատարագի, որովհետեւ գլխաւոր մասն է սրբագործութեան. քահանան ասում է աղօթքը, որի վերջին խօսքերը սոքա են. «Առաւ

հացը իւր Աստուածային սուրբ ձեռքը, օրհնեց, գոհացաւ, մանրեց ու տուաւ իւր աշակերաներին, այս խօսքերն ասելով. «Առէք, կերէք, այս է Մարմին Իմ, որ վասն ձեր եւ բազմաց բաշխի 'ի քաւութիւն եւ 'ի թողութիւն մեղաց»: Իհնւոյն վրայ՝

«Սրբէք 'ի սմանէ ամենեքեան, այս է Արիւն Իմ նորոյ ուխտի, որ յաղագս ձեր եւ բազմաց հեղանի 'ի քաւութիւն եւ 'ի թողութիւն մեղաց»: Իպիրները երգում են՝ «Հայր երկնաւոր», «Յամենայնի օրհնեալ ես Տէր»: Իսկ երբ որ երգում են՝ «Որդի Աստուծոյ» երգը, այն ժամանակ քահանան վերցնում է քօղը սկզւոյ վրայից եւ երեք անգամ խաչակնքելով հացը, ասում է՝

«Որով զհացս օրհնեալ մարմին ճշմարտապէս արասցես Տեառն մերոյ եւ Փրկչին Յիսուսի Քրիստոսի»:

Յետոյ սկիհը խաչակնքելով, ասում է՝

«Եւ զբաժակս օրհնեալ Արիւն ստուգապէս (իսկապէս) արասցես Տեառն մերոյ եւ Փրկչին Յիսուսի Քրիստոսի»:

Յետոյ հացը մաղվայով դնելով սկզւոյ վրայ միասին խաչակնքում է եւ ասում է երեք անգամ.

«Որով զհացս եւ զգինիս օրհնեալ Մարմին եւ Արիւն ճշմարտապէս արասցես Տեառն մերոյ եւ Փրկչին Յիսուսի Քրիստոսի, փոխարկելով Հոգւովդ Քով սրբով»: Այս միջոցիս Աստուծոյ զօրութեամբ հացը եւ գինին փոխարկվում են 'ի Մարմին եւ յԱրիւն Քրիստոսի:

Ճաշակումն և գոհութիւն.

Սրբագործութեան արարողութիւնից յետոյ սկսվում է սուրբերի յիշատակութիւնը սեղանի աջ կողմում. յետոյ մատուցանվում է գոհութիւն սուրբ եւ անմահ պատարագի համար: Սորանից յետոյ քահանան աղօթում է, որ Աստուած

արժանի անէ մեզ համարձակ կերպով առ Նա, իբրեւ առ Հայրն, դառնայու Տէրունական աղօթքի խօսքերով. դպիրները երգում են «Հայր մեր» աղօթքը: Ապա սարկաւազը «Պռօսխումէ» ասելով հրաւիրում է ժողովուրդի ուշադրութիւնը առաջիկայ սրբութեան վրայ. քահանան նշխարքը բարձրացնելով, ասում է՝ «'ի Սրբութիւն Սրբոց», այսինքն այս սուրբ ընծային կարող են արժանանալ միայն սուրբերը: Ժողովուրդը, զգալով իւր անարժանութիւնը, ցտում է՝ «միայն սուրբ, միայն Տէր Յիսուս Քրիստոս 'ի փառս Աստուծոյ Հօր»: Յետոյ քահանան դառնում է առ ժողովուրդ սկիհը ձեռքին եւ ասում է՝ «'ի սուրբ 'ի սուրբ պատուական Մարմնոյ եւ յԱրեւել Տեառն մերոյ եւ Փրկչին Յիսուսի Քրիստոսի ճաշակեցուք սրբութեամբ, որ իջեալ 'ի յերկնից՝ բաշխի 'ի միջի մերում: Սա է կեանք, յոյս, յարութիւն, քաւութիւն եւ թողութիւն մեզայ: Սաղմոս ասացէք Տեառն Աստուծոյ մերոյ. Սաղմոս ասացէք երկնաւոր թագաւորիս մերում անմահի, որ նստի 'ի կառս (աթոռ) քերուլբէականս»: Այս տեղ վարագոյրը քաշվում է եւ պատարագիչը չորս կտոր է անում մասը եւ բաժակի մէջ ձգելով ասում է՝ «լրումն Հոգւոյն սրբոյ». այսինքն թէ խորհուրդը կատարվում է ներգործութեամբ սուրբ հոգւոյն:

Պատարագիչը ահիւ եւ դողութեամբ ճաշակում է սուրբ Մարմինը (չորս մասնից միայն մինը) եւ սուրբ Արիւնը, ասելով այս դաւանական աղօթքը.

«Հաւատով հաւատամ յամենասուրբ Երրորդութիւնդ՝ 'ի Հայր եւ յՈրդի եւ 'ի Հոգիդ Սուրբ»:

«Հաւատով ճաշակեմ զսուրբ, զկենդանարար եւ զփրկկագործ Մարմինս Քո, Քրիստոս Աստուած իմ Յիսուս, 'ի թողութիւն մեզայ իմոց»:

«Հաւատով ըմպեմ զսրբարար եւ զմաքրիչ Արիւնս Քո, Քրիստոս Աստուած իմ Յիսուս, 'ի թողութիւն մեզայ իմոց»:

«Մարմին Քո անապական լիցի ինձ 'ի կեանս, եւ սուրբ Արիւն Քո 'ի քաւութիւն եւ 'ի թողութիւն մեզայ»:

Սորանից յետոյ կրկին բացվում է վարագոյրը եւ սարկաւազը բայագանչում է՝ «Երկիւղիւ եւ հաւատով յառաջ մատիք (առաջ եկէք) եւ սրբութեամբ հաղորդեցարուք» (հաղորդուեցէք): Եթէ հաղորդուողներ կան, ակնածութեամբ առաջ են գալիս եւ հաղորդվում են. իսկ անպատրաստները սուրբ սեղանի փշրանքն (մասը, նշխարք) են ճաշակում:

Պատարագիչը սուրբ սկիհը ձեռքին օրհնում է ժողովուրդին: ապա նորէն քաշվում է վարագոյրը եւ պատարագիչը գոհացողական աղօթք ասելով յանուն ամենասուրբ Երրորդութեան, ճաշակում է եւ մնացեալ մասերը:

Երկրպագանելով Քրիստոսին, որ վերջին անգամ երեւեցաւ իւր սուրբ խորհրդով, դպիրները երգում են հետեւեալ գոհացողական երգը՝

«Գոհանամք զՔէն, Տէր (չնորհակալ ենք Քեզանից, Տէր), որ կերակրեցեր զմեզ յանմահական սեղանոյ Քո, բաշխելով (տալով կամ շրնորհելով) զՄարմինդ և զԱրիւնդ 'ի փրկութիւն աշխարհի և կեանք անձանց մերոց»:

95. ԱՄՈՒՄՆՈՒԹԻՒՆ.

Ամուսնութեան խորհրդով Քրիստոսի եկեղեցին օրհնում է ամուսնական միաւորութիւնը եւ խնդրում է Աստուծուց այր եւ կնոջ համար այնպիսի կատարեալ սիրոյ շնորհք, որով միաւորուած է Քրիստոսը Իւր եկեղեցու հետ: Այսպիսի շը-

նորհրդը խնդրվում է՝ զաւակ ծնանելու եւ նորանց քրիստոնէականել կերպով մեծացնելու համար:

Ամուսնութեան խորհուրդը նորա միայն կարող են ընդունել, որոնք սորա համար սահմանեալ տարիքն ունին, երբ կայ ամուսնացողների մէջ փոխադարձ համաձայնութիւն եւ պսակի դէմ սահմանուած արգելքներ չունին:

96. ԿԱՐԳ ԿԱՄ ԶԵՌՆԱԴԻՌՈՒԹԻՒՆ.

Կարգի խորհրդով ձեռնադրուողին տրվում է շնորհք եւ իշխանութիւն՝ ժողովուրդը հովուելու եւ Եկեղեցու սուրբ խորհուրդները կատարելու:

Կարգը եօթն բաժանումն ունի՝ առաջին երեքը մեծ, այսինքն՝ քահանայութիւնը, սարկաւազութիւնը եւ կիսասարկաւազութիւնը յատկապէս Կարգ են կոչվում: Իսկ վերջին չորսը փոքր, այսինքն՝ քահանայութիւն, երգմանցուցչութիւն, ընթերցողութիւն եւ դռնապանութիւն յատկապէս աստիճանք են կոչվում: Եպիսկոպոսութիւնը նոր կարգ չէ, այլ գերագոյն իշխանութիւն է՝ աստիճանները եւ միւս կարգերը տալու:

97. ՕԾՈՒՄՆ ՀԻՒԱՆԿԱՅ.

Հիւանդաց օժման խորհրդով տրվում է Հոգոյն սրբոյ շնորհքը, որով հիւանդն ընդունում է Աստուծոց մարմնի առողջութիւն եւ ներելի մեղքերի թողութիւն:

Այս խորհուրդը կատարում է քահանան այնպէս՝ որ ձեռը դնելով եւ իւղով օծելով, աղօթք է անում հիւանդի վրայ:

Թէեւ Յակոբոս առաքեալից կանոնադրուած է աղօթքը եւ օծումը միանգամայն կատարել, բայց որովհետեւ խորհրդի

գլխաւոր մասն այն աղօթքն է, որ գիշերաժամ ենք անուանում, այս պատճառով Հայաստանեայց ուղղափառ եկեղեցին սովորութիւն է արել՝ առանց օժման կատարել այս խորհուրդը:

98. ՔՐԻՍՏՈՆԵԱԿԱՆ ՀԱՒԱՏԻ ՏԱՐԱԾՈՒՄՆ.

Սկզբում քրիստոնէութիւնը շատ թշնամիների հանդիպեցաւ: Ամեն տեղ քրիստոնեաներին հալածում էին՝ արգելում էին բանտերի մէջ, տանջում էին եւ սպանում: Քրիստոնէական հաւատի համար առաջին նահատակ եղաւ Ստեփանոս նախասարկաւազը՝ նորան քարկոծեցին: Բոլոր առաքեալները, բացի սուրբ Յովհաննէսից, կատարեցան մարտիրոսական մահուամբ: Սուրբն Պետրոս եւ Անդրէաս խաչուեցան, իսկ սուրբն Պողոս գլխատուեցաւ: Սորա երկուսն էլ, այսինքն Պետրոս եւ Պողոս առաքեալները, Հռովմայն նահատակուեցան մի օրուայ մէջ, ինչպէս ասում է աւանդութիւնը: Թագէոս եւ Բարթողիմէոսը նահատակուեցան Հայաստանի մէջ Հայոց Սանատրուկ թագաւորի իշխանութեան ժամանակ: Բայց Քրիստոսի վարդապետութիւնը՝ ջնայելով բոլոր հալածանքներին, աւելի եւ աւելի տարածվում էր երկրիս վրայ: Այս քաջած տառապանքներից Քրիստոնէութեան քարոզիչներն ամենեւին չյուսահատուեցան եւ որքան աւելի չարչարվում էին, այնքան աւելի ուրախանում էին, հաստատ համոզուած լինելով՝ որ կարճատեւ տանջանքից յետոյ սպասում է նոցա արդարութեան պսակը երկնային թագաւորութեան մէջ: Հալածուելով մի տեղից, նորա անցնում էին միւս տեղերը, ուր եւ գտնում էին իրանց հետեւողներ:

99. ՔՐԻՍՏՈՆԵՈՒԹԵԱՆ ՍԿԻՆԱՒՈՐՈՒԹԻՒՆԸ
ՀԱՅԱՍՏԱՆՈՒՄ.

Մինչդեռ քրիստոնէութիւնը հալածվում էր ամենուրեք, հեթանոսական Հայաստանը նորան պաշտպան հանդիսացաւ: Արքար Հայոց թագաւորը Քրիստոսի քարոզութիւնների եւ հրաշագործութիւնների մխիթարական լուրն առնելով եւ ինքը վարակուած լինելով անբուժելի հիւանդութեամբ (բորոտութեամբ), դեսպաններ ուղարկեց Յիսուսի մօտ նամակով եւ խնդրեց որ գայ Եղեսիա քաղաքը, բժշկէ նորան հիւանդութիւնից եւ այնտեղ խաղաղական կեանք վարէ, հեռու թըշնամիներից: Յիսուսը հրամայեց Թովմաս առաքելին՝ գրել նամակի պատասխանը, որի մէջ խոստացաւ Իւր համբարձմանից յետոյ Իւր աշակերտներից մէկին ուղարկել, որպէս զի բժշկէ թագաւորին հիւանդութիւնից եւ միանգամայն մխիթարէ նորան երկնաւոր մխիթարութեամբ:

Արդարեւ Քրիստոսի համբառնալուց յետոյ, Թաղէոսը, որ նորա եօթանասուն աշակերտներից մէկն էր, մտաւ Եղեսիա քաղաքը եւ իւր առաքելական քարոզութիւնն սկսեց նոյնիսկ թագաւորական պալատից: Արքարը հաւատաց եւ բժշկուելով հիւանդութիւնից մկրտուեց ինքը եւ իւր գերդաստանը եւ նոցա հետ միասին Եղեսիայի բնակիչները: Շուտով փակուեցան կռատունները եւ նոցա տեղ փայլեց Քրիստոսի սուրբ Խաչը: Թաղէոսը հիմնելով եկեղեցիք, ձեռնադրելով իւր տեղ Արդէ եպիսկոպոսին եւ կարգելով քահանաներ, ինքը գնաց Հայաստանի միւս աշխարհները աւետարանը քարոզելու:

Արքարի հօրաքեռ որդին Սանատրուկ, որ իշխում էր Հայաստանի Շաւարշան կամ Արտազ գաւառում, իւր Սանդուխտ գետեր հետ թէեւ առաջ ընդունեց քրիստոնէութիւն,

բայց յետոյ ուրանալով նահատակեց Թաղէոս առաքելին եւ իւր դուստր Սանդուխտին:

Թաղէոսից յետոյ 65 թուականին գալիս է Հայաստան Բարթուղիմէոս առաքելը, բերելով իւր հետ Աստուածածնի պատկերը, շատացնում է հաւատացեալների թիւը, հաստատում է եկեղեցիք եւ ապա նա եւս նահատակվում է Սանատրուկից: Այսպէս ուրեմն Հայաստանեայց եկեղեցին կարող է բացարձակ կոչուիլ՝ Առաջին Քրիստոնէական Եկեղեցի:

Թէեւ Արքարի յարողներն ընդդիմացան քրիստոնէութեան տարածմանը, բայց Թաղէոսի եւ Բարթուղիմէոսի առաքելական քարոզութիւնը եւ թափած արիւնն անօգուտ չանցան Հայաստանի մէջ, այնպէս որ մինչեւ Գրիգոր Լուսաւորչի օրերը (302 թ.) ոչ հովիւները պակասեցան եւ ոչ նահատակները:

100. ՔՐԻՍՏՈՆԵՈՒԹԵԱՆ ՅԱՂԹԱԿԱՆ ՏԱՐԱԾՈՒՄՆ
ՀԱՅԱՍՏԱՆԻ ՄԷՋ. ԳՐԻԳՈՐ ԼՈՒՍԱՎՈՐԻԶԸ.

Սուրբ Գրգիգոր Լուսաւորիչը, որ հեթանոս Անակ Պահլաւունու որդին էր, ծնուեցաւ Վաղարշապատ քաղաքում 257 թ.: Եւ երբ նորա հայրը՝ Խոսրով թագաւորին սպանելուց յետոյ, չկարողանալով փախստեամբ ազատուել, խեղդուեցաւ Երասխ գետի մէջ, իսկ նորա ընտանիքը սրով կոտորուեցան, այս կոտորածից ազատ մնաց երեք տարեկան մանուկը: Սուրան իւր դայեակ Սոփիա անունով կինը, որ հաւատով քրիստոնեայ էր, տանում է Կեսարիա, եւ այնտեղ մկրտել տալով անունը դնում են Գրիգոր: Նա Կեսարիայում սնաւ քրիստոնէական բարեպաշտութեամբ եւ 18 տարեկան հասակում ամուսնանալով ունեցաւ երկու որդի՝ Վրթանէս եւ Արիստակէս:

Գրիգորը՝ բաժանուելով իւր կին Մարիամից, գնաց Հռովմ, ուր այն ժամանակ գտնվում էր Խոսրով թագաւորի որդի Տրդատը, որի մօտ նա ծառայ մտաւ, որպէսղի իւր հօր յանցանքը քաւի: Գրիգորը մնաց Տրդատի մօտ մինչեւ որ նա թագաւոր եղաւ ու Հռովմից վերադարձաւ Հայաստան 286 թ.: Երբ նոքա հասնում են Եկեղեցաց գաւառի Երէզ աւանը, Տրդատը շնորհակալութեան զոհ է մատուցանում Անահիտ դիցուհուն եւ Գրիգորին պատուիրում է, որ ծաղկէ պսակ դնէ կուռքի գլխին. բայց նա չկատարելով թագաւորի հրամանը, յայտնի ցոյց է տալիս իւր քրիստոնէութիւնը, որ մինչեւ այն ժամանակ ծածուկ էր պահում: Ուստի Տրդատը սարսափելի տանջանքներ է հասցնում նորան. եւ իմանալով, որ Գրիգորը իւր հօրն սպանող Անակի որդին է, հրամայում է ձգել Արտաշատ քաղաքի խորվիրապի մէջ, ուր միայն մահապարտներին էին ձգում: Գրիգորը մնում է նորա մէջ 14 տարի, կերակրուելով մի բարեպաշտ կնոջ ձեռքով:

Այս միջոցին (301 թ.) Տրդատի հրամանով կատարվում է Հռիփսիմեանց Սուրբ կոյսերի նահատակութիւնը. Աստուածային պատիժն էլ իսկոյն հասնում է թագաւորի, նորա ընտանիքի եւ նախարարների վրայ: Տրդատ կորցնում է բանականութիւնը եւ կատաղած դիմում է անմարդաբնակ տեղերը: Յետոյ խորվիրապից հանում են Սուրբ Գրիգորին, որի աղօթքով բժշկվում է թագաւորը եւ բոլոր այսահարները եւ կրկին նորոգվում է քրիստոնէութիւնը Հայոց աշխարհում:

Այնուհետեւ նախարարներ, իշխաններ եւ հաւատացեալների բազմութիւնը հաւաքուելով Տրդատ թագաւորի մօտ՝ համակամ խորհրդով եւ հաւանութեամբ ընտրում են Սուրբ Գրիգորին իրանց հովիւ եւ առաջնորդ եւ մեծ պատուով Վաղարշապատ քաղաքից տանում են Փոքր-Հայաստանի Կե-

տարիա քաղաքը, ուր Ղեւոնդիոս հայրապետից, որ Թադէոս առաքեալի յաջորդն էր, ձեռնադրվում է Հայրապետ բովանդակ Հայաստանի՝ 302 թուականին Փրկչի:

Սուրբ Գրիգորը վերադառնալով Կեսարիայից Հայաստան, իւր քարոզութեամբ պատրաստում է բոլոր Ժողովուրդին մկրտութիւնն ընդունելու համար. պատուիրում է աղօթել եւ պահք պահել եւ ապա Եփրատ գետի մէջ մկրտում է թագաւորին, Սշխէն թագուհուն, Խոսրովիդիստին եւ բոլոր բազմութեանը. պատարագ է մատուցանում եւ ամենքը հաղորդվում են: Այնտեղից թագաւորի հետ գալիս է Վաղարշապատ քաղաքը եւ 303 թուին սկսում է Էջմիածնի հոյակապ եկեղեցու շինութիւնը:

Յետոյ Սուրբ Լուսաւորիչը շրջելով Տրդատի հետ Հայաստանի ամեն կողմերը, մկրտում է ամենքին, բաց է անում դալրոցներ, կարգում է ուսուցիչներ, ձեռնադրում է եպիսկոպոսներ եւ քահանաներ, շինում է շատ եկեղեցիք, վանօրայք, կուսանոցներ եւ հիւրանոցներ, թահմանում է տօներ:

Եւ այսպէս Հայաստան աշխարհը քրիստոնէական լուսով լուսաւորելուց յետոյ՝ Սուրբ Գրիգոր 331 թուականին առանձնանում է Սեպուհ սարի վրայ Մանիայ այրը, ուր եւ կնքում է իւր բազմարդիւն կեանքը:

ժ ա մ ա մ ու տ 'ի տ օ ն ի ս ր բ ոյ Գ ր ի գ ո Ր ի
Լ ու ս աւ ո Ր չ ի մ ե Ր ոյ .

Գրիգոր սուրբ քա- | Գրիգոր սուրբ քահա-
հանայապետ, որ զհա- | նայապետ, որ հաւատը
ւատս ուսուցեր և ըզ- | սորվեցրիր և զեւերի
բանակս զիւացն հալա- | բանակը ցրուեցիր. մար-

ծեցեր. մարդկան ուսուցեր քարոզել զերրորդութիւնն, պսակեցար յարքայութեան. արդ բարեխօս լեր առ Տէր վասն մեր:

զիկներին սորվեցրիր դաւանել սուրբ Երրորդութիւնը, պսակ ստացար արքայութեան մէջ. արդ բարեխօսութիւն արա՛ մեզ համար Աստուծոյ առաջ:

Ի պատիւ սրբոյ հօրն մերոյ Գրիգորի Լուսաւորչի Հայոց եկեղեցին սահմանած ունի երեք տօն.

ա. Մեծի պահոց հինգերորդ եօթնեկի շաբաթ օրը կատարվում է տօն 'ի յիշատակ չարչարանաց սրբոյն Գրիգորի Լուսաւորչի եւ մտին 'ի վիրապն:

բ. Են նորա 'ի վիրապէն: Սա լինում է ամառը, յունիս ամսին, շաբաթ օրը: Իսկ միւս օրը, որ է կիւրակէն, միշտ կատարվում է տօն Կաթողիկէ Եկեղեցւոյ սրբոյ Եջմիածնի:

գ. Գիւտ նշխարաց սրբոյն Գրիգորի Լուսաւորչին մերոյ. սա եւս լինում է ամառը յունիս կամ յուլիս ամիսներին՝ դարձեալ շաբաթ օրը:

Վ ա ն ո ն ս ր բ ը յ ն Գ ր ի գ ո Ր Ի
Լ ու ս աւ ո Ր չ Ի .

Հրաշափառ Աստուած և միշտ բարեխնամող, որ յառաջ գիտութեամբ վերկուծիւն Հայաս-

Հրաշապէս փառաւորուած և միշտ բարեխնամ՝ Աստուած, որ առաջուց հոգալով սկիզ-

տանեայց սկզբնաւորեալ 'ի պարթեւական մեղապարտ ազգէն լուսաւորիչ մեզ շնորհեցեր. վասնորոյ բարեխօսութեամբ սորա, Փրկիչ, կեցո՛ զմեզ, այժմ և 'ի Քո ահաւոր գալըստեանդ:

Հրաշալի զարմացմամբ երանելին սուրբ Գրիգոր զանտանելի ըզչարչարանս 'ի յանձնեառ երեք հնգօք ամօք 'ի մէջ թունաւորացն բնակէր անդնդային տանջանօքն 'ի վիրապին, վասնորոյ . . .

Հրաշագործ Քո բանիւղ և մեծ ողորմութեամբ ելեալ բժշկէր զհարուածեալսն 'ի դիւարախ սաստիցն, երկրպագուս առնելով զամենեսեան սուրբ Երրորդութեանդ, վասն...

բըն դրիր Հայաստանի փրկութեանը և պարթեւական յանցաւոր ցեղից մեզ լուսաւորիչ տուեցիր. ուստի նորա բարեխօսութեամբ պահպանիր մեզ, Փրկիչ, այժմ և Քո ահաւոր գալստեան օրը:

Երանելի սուրբ Գրիգորը զարմանալի հրաշքով դիմացաւ դժոխային անտանելի տանջանքներին և տասնուհինգ տարի խոր վիրապում թունաւորների (սողունների) մէջ բնակուեցաւ, ուստի...

Քո հրաշալի խօսքովը և մեծ ողորմութեամբդ նա, դուրս գալով վիրապից, սկսեց բժշկել դիւահարներին, դարձնելով նրանց ամենքին սուրբ Երրորդութեան երկրպագողներ. ուստի...

101. ՍՐԲՈՅ ՀՌԻՓՍԻՄԵԱՆՑ ԵՒ ԳԱՅԻԱՆԵԱՆՑ
ԿՈՒՍԱՆԱՑ ՆԱՀԱՏԱԿՈՒԹԻՒՆԸ.


Քրիստոնէական հաւատը 'Հռովմայեցւոց կայսերութեան մէջ, իւր երեւալու իսկ օրից, ենթարկուեցաւ սաստիկ հաւաքածանքի: Չնայելով սորան, երբեմն Հռովմայ գահի վրայ բարձրանում էին այնպիսի առաքինասէր անձինք, որոնք ազատութիւն էին տալիս քրիստոնէութիւնը դաւանելու: Այսպէս, երրորդ դարու վերջերում Հռովմում գոյութիւն է ունենում կուսանոց, որի մայրապետն էր սուրբ Քայիանէն: Ի մէջի այլոց մտնում է այս կուսանոցը Հռիփսիմէ անունով մի հրաշագեղ կոյս թագաւորական տոհմից, դաստիարակւիւմ է քրիստոնէական հոգւով եւ ուխտ է դնում Աստուծոյ առաջ իւր կեանքը կուսութեամբ անցուցանելու: Գիովղետիանոս կայսրը, 285 թուին բարձրանալով գահը, հալածանք է յարուցանում քրիստոնէաների դէմ: Սա, տեղեկանալով Հռիփսիմէի գեղեցկութեան մասին, կամենում է ամուսնանալ նորա հետ. բայց կոյսերը մի քանի քահանաների ուղեկցութեամբ եւ սուրբ Քայիանէի հսկողութեամբ 70 հոգւով փախչում են Հռովմից, գնում են Պաղեստին, այցելում են անօրինական տեղերը եւ մի քանիսը մնում են այնտեղ. իսկ Հռիփսիմէն եւ Քայիանէն իրանց ընկերուհիներով երեք քահանաների հետ գալիս են Հայաստանի Վասպուրական. աշխարհը եւ իջեւանում են Վարազայ լեռան վրայ: Այստեղ ս. Հռիփսիմէն թողնում է իւր կրած խաչը, որ այժմ յայտնի է Վարազայ սուրբ խաչ անունով եւ ապա 37 հոգւով անցնում են Արարատեան աշխարհ եւ բնակութիւն են հաստատում Վաղարշապատի մի հնձանում: Սոքա օրական ապրուստը ճարում են ձեռագործով, ուլունքներ վաճառելով: 301 թուին Տրդատ Հայոց թագաւորը նամակ

է ստանում Գիովղետիանոս կայսրից, որը յայտնում է Հռիփսիմէանց փախուստը եւ նկարագրելով Հռիփսիմէի գեղեցկութիւնը, առաջարկում է որ կամ յետ դարձնէ նորան եւ կամ ինքը ամուսնանայ նորա հետ, եթէ կամենում է: Տրդատի խնդրակները գտնում են սուրբ կոյսերին հնձանում: Հռիփսիմէին մեծ շքով բերում են արքունական պալատը. թագաւորը յափշտակւում է նորա գեղեցկութիւնով եւ առաջարկում է նորան իւր հետ ամուսնանալ: Հռիփսիմէն հաստատ մնալով իւր ուխտին, փախչում է պալատից: Ապա հասնում է դահճապետը եւ Հռիփսիմէին դառն տանջանքով զրկում է կեանքից: Միւս օրը տանջանքի է ենթարկւում եւ ս. Քայիանէն, որ չկամեցաւ Հռիփսիմէին համոզել թագաւորի կամքը կատարելու: Այսպէս նահատակւում են 37 կուսանք. նոցա մարմինները մնացին բացօթեայ մինչեւ սուրբ Գրիգոր Լուսաւորչի խորվիրապից դուրս գալը: Սա սուրբ կոյսերի մարմինները ամփոփում է իրանց բնակութեան հնձանում եւ քանի մի ժամանակից յետոյ շինել է տալիս երեք վկայարաններ՝ մէկը Հռիփսիմէի նահատակութեան տեղը, միւսը Քայիանէի եւ երրորդը բնակութեան հնձանի տեղը: Հայոց եկեղեցին սահմանեց տօնել սուրբ կուսանաց յիշատակը Հոգեգալստեան երկրորդ շաբաթը:

102. ՏՕՆ ԿԱԹՈՒՂԻԿԷ ԵԿԵՂԵՑԻՈՅ ՍՐԲՈՅ ԷՋՄԻԱԾՆԻ.

Երբ որ Գրիգոր Լուսաւորչին հանեցին խորվիրապից, նորա առաջ դուրս եկան Տրդատը եւ նորա հետ բոլոր մուկանեայ իշխանները: Գրիգորի աղօթքով Տրդատը փոքր ինչ զգաստանում է եւ ընկնելով սուրբի առաջ իւր մեղքերին թողութիւն է խնդրում: Սուրբն Գրիգոր, խոստանալով թագաւորին Աստուծուց հայցել նրա մեղքերի թողութիւնը, հարցնում է՝ «Ո՞ր են Աստուծոյ գառները»: Նորան ցոյց են տալիս սուրբ

կոյսերի մարմինները, որոց ամիսօրում է իրանց բնակած տեղումը եւ ամբողջ գիշեր աղօթքով անց է կացնում նոցա գերեզմանի վրայ: Այն ժամանակ նա տեսնում է երկնքից իջնող լոյս եւ նորա առաջ հրեշտակների գունդը: Նոցա ետեւից երեւում էր մարդու կերպարանքը ոսկե-ուռը ձեռքին: Այս երեւոյթը ընթանում էր դէպի Վազարշապատ:



Սորանից յետոյ ուռը բաղխում է գետինն. գետինը դղրդում է, լեռները շարժվում են եւ անդունդի խորքից լսվում է սանդարամետի ողբագին ձայնը: Ապա թագաւորական պալատից բարձրանում է ոսկեայ խարիսխը (պատուանդան) զոհագործութեան սեղանի նման, որից ծագում էր հրեղէն սիւնը ամպեայ թակաղաղով (ծածկոցաձեւ զարդարանք) եւ որի վրայ փայլում էր խաչը: Սեղանի տակից բղխում էր

կենդանի ջրոյ աղբիւրը եւ ոռոգում էր երկրի մեծ տարածութիւն: Այս ամբողջ շինուածը շրջապատած էր չորս սիւնով, որոնցից երեքը բարձրանում էին նահատակուած կոյսերի նշխարների վրայ: Այդ ամենը միանում էր կամարով, որի վրայ դրած էր հրեղէն աթոռը եւ աթոռի վրայ տէրունական խաչը: Հրեշտակը այսպէս բացատրեց սուրբ Գրիգորին այդ տեսիլքը՝ «Մարդու կերպարանքը—նոյն ինքն Տէրն մեր Յիսուս Քրիստոս Աստուծոյ միածին Որդին է, ասաց նա. խաչով պսակուած շինութիւնը—նշանակում է ընդհանրական եկեղեցի Քրիստոսի, որ խաչի հովանաւորութեան ներքոյ է գտնվում, որովհետեւ խաչի վրայ մեռաւ Աստուծոյ Որդին: Այդ տեղը աղօթքի տեղ պիտի դառնայ: Հրեղէն սիւնը եւ աղբիւրը նշանակն է Աստուծային մկրտութեան, որ բղխում է ընդհանրական եկեղեցուց մարդկութեան վերածնութեան համար: Խոնարհիր, աւելացրեց հրեշտակը, այն շնորհքի առաջ, որ ցոյց տուեց քեզ Աստուած եւ եկեղեցի շինիր այստեղ»: Այնտեղը, ուր սուրբ Գրիգորն արժանացաւ այդ տեսլեան, Շողակաթ կոչուեցաւ, որ նշանակում է լուսոյ կաթիլ: Սուրբ Գրիգոր այն տեղը որմով պատում է եւ կանգնեցնում փրկչական խաչի նշանը, որպէսզի ամենքը երկրպագութիւն տան այդ սրբալայրում իրանց Արարչին: Իսկ երբ սուրբ Գրիգոր Լուսաւորիչը ձեռնադրուեցաւ ընդհանուր ազգի հայրապետ եւ վերագարձաւ Վազարշապատ, իւր տեսլեան համեմատ ՚ի պատիւ իջման Միածնի 303 թուին շինում է այն տաճարը, որ կոչվում է Էջմիածին, որ դարձաւ ամենայն Հայոց հայրապետութեան Մայր Աթոռ: Սուրբ Էջմիածինը Հայերի հոգեւոր միութեան կեդրոնն է: Այստեղ Վեհափառ Գաթուղիկոսը պաշտօնակցութեամբ ազգի եպիսկոպոսաց օրհնում է սրբալոյս մեռունը, որը եւ այստեղից մասնատրվում է Հայոց բոլոր եկեղեցիներին: Այստեղ է կատարվում կաթուղիկոսների եւ եպիսկոպոսների ձեռնադրու-

Թիւնը եւ օծումը: Այստեղ են գտնուում եւ մեծ պատուով պահպանուում աղագային սրբութիւնները, ինչպէս՝ սուրբ գեղարդը, որ բերեց Հայաստան սրբազան Թադէոս առաքեալը, սուրբ Գրիգոր Լուսաւորչի աջը, Մատթէոս աւետարանչի եւ Պետրոս առաքեալի մասունքը, Թոմա առաքեալի աջը, ճաճանչաձեւ մեծ խաչը, որի մէջ ամփոփուած է սուրբ կենաց փայտը, եւ այլն: Սուրբ Էջմիածնի տօնը կատարուում է Հոգեգալստեան երկրորդ կիրակէին:

Բաց յայտմանէ սուրբ Աստուածածնի պահոց եօթնեկին՝ շաբաթ օրը լինում է տօն Շողակաթին սրբոյ Էջմիածնի ըստ տեսլեան սրբոյն Գրիգորի Լուսաւորչին մերոյ: Ինչպէս Էջմիածնայ տօնի, նմանապէս եւ սոյն օրը առաւօտեան ժամին հոգեւորականաց դասը, ՚ի միջի այլոց, երգում է եւ հետեւեալ շարականը.

Էջ Միածինն ՚ի Հօրէ և լոյս փառաց ընդ նմա, ճայնք հնչեցին սանդարամետք անդնդոց:

Տեսեալ զլոյս մեծ հայրապետին Գրիգորի, պատմէր ցնծութեամբ հաւատացեալ արքային:

Միածին Որդին ի ջաւ Հօրից և Նորահետ փառաց լոյս՝ անդունդի խորքերը ճայներ հանեցին:

Գրիգոր Հայրապետը մեծ լոյսը տեսնելով, ուրախութեամբ պատմեց հաւատացեալ թագաւորին (Տրդատին):

Եկայք շինեսցուք սուրբ զխորանն լուսոյ, քանզի ՚ի սմա ծագեաց մեզ լոյս ՚ի Հայաստան աշխարհի:

Եկէք շինենք լուսոյ սուրբ խորանը (եկեղեցին), որովհետեւ այստեղ, Հայաստան աշխարհում, մեզ լոյս ծագեցաւ:

103. ՄԵԾՆ ՆԵՐՍԷՍ.

Ներսէս Ա. սուրբ Գրիգոր Լուսաւորչի Յուսիկ թոռան թոռն էր, Աթանագինէի որդին: Սա իւր ուսումը ստացաւ նախ Բիւզանդիոնում, ապա Կեսարիայում եւ մտնելով զինուորական ծառայութեան մէջ, Արշակ Բ-ի թագաւորութեան ժամանակ համարուում էր իբրեւ սենեկապետ եւ զինակիր թագաւորի: Ներսիսի համեստ վարքը, քաղցր բարքը եւ մանաւանդ Սուրբ Գրոց հմտութիւնը ՚ի նկատի ունենալով, Փառներսէս կաթողիկոսի մահից յետոյ, ամբողջ ազգը, Արշակ Բ-ի հաւանութեամբ, հայրապետ է ընտրում նորան: Թագաւորի հրովարտակով եւ նախարարների ուղեկցութեամբ Ներսէս Յ64 թուին գնում է Կեսարիայ եւ հայրապետ ձեռնադրուելով, դառնում է Հայաստան, եւ իսկոյն սկսում է եկեղեցու բարեկարգութեան եւ ժողովրդի բարեկեցութեան համար հոգալ: Այդ միջոցին ազգը նեղուած էր, թէ արտաքին թշնամիներից—Յոյներից եւ Պարսիկներից, եւ թէ ներքին երկպառակութիւններից եւ մանաւանդ քրիստոնէական կրօնի զեղծմունքներից:—Ուստի Ներսէս իւր մարդասիրական արարքներով հանդիսանում է իբրեւ հայր հայրենեաց եւ խաղաղասիրական ընթացքով—իբրեւ պաշտպան հայրենեաց: Իւր հայրապետութեան սկզբին, այն է Յ65 թուին, ժողով գումարելով Տարօնոյ գաւառի Աշտիշատ

աւանում կանոնական սահմանադրութեամբ կարգադրում է՝
 Հայոց կոշտ կեանքի մէջ մտցնել քրիստոնէական մարդասիր-
 ութեան գործադրութիւնը: Նորա հրամանով բացւում են
 աղքատանոցներ, հիւանդանոցներ, պատասպարաններ բորոտ-
 ների համար, դպրոցներ եւայլն, այնպէս որ Ներսիսի Աստուա-
 ծահաճոյ հաստատութեանց թիւը հասնում է երկու հազարի:
 Քրիստոնէական զեղծումները եւ հեթանոսական սովորութիւն-
 ներն արմատախիլ անելու համար արգելում է մերձաւոր
 ազգականների ամուսնութիւնը, մեռեալների վրայ յուսահա-
 տական լաց ու կոծը եւ սգաւորների սեւազգեստիլը, եւայլն:
 Ներսէս, իբրեւ հայր գորովագութ, շրջում էր քաղաքէ քա-
 ղաք, գիւղէ գիւղ եւ իւր հայրապետական խնամքը հաւա-
 սարայէս տարածում էր ամենի վրայ: Ազգը եւս Ներսիսի
 մեծագործութիւնները տեսնելով ՅՅԹ թուին ժողովով սահ-
 մանում է Հայոց կաթողիկոսին Պատրիարք կոչումն տալ եւ
 ձեռնադրութիւնը այնուհետեւ ընդունել իրանց եպիսկոպոս-
 ներից եւ ոչ Կեսարիայից: Իւր հայրենիքի բարօրութեան հա-
 մար երկու անգամ անձամբ ուղեւորուեց Կոստանդնուպօլիս,
 մեծն Վաղենտինոս կայսեր մօտ միջնորդ լինելով հաշտե-
 տեցրեց նորան Արշակ թագաւորի հետ. իսկ միւս անգամ
 Վաղէսի մօտ, որը խոստացաւ օգնութիւն տալ, եթէ կրն-
 դունի արիոսականութիւնը: Ներսէս իւր անուան ստորութիւն
 համարելով այդ առաջարկութիւնը, մերժեց բոլորովին, որի
 համար էլ արտորուեցաւ մի անմարդաբնակ կղզի: Վաղէսի
 մահից յետոյ Թէոդոս մեծի հրամանով դարձաւ Կոստանդ-
 նուպօլիս, ուր եւ 381 թուին մասնակցելով երկրորդ տիե-
 ղերական ժողովին, պատուով վերադարձաւ Հայաստան: Բայց
 այստեղ ցաւով սրտի իմանում է Արշակի կատարած անկարգ
 եւ անխոհեմ գործերը եւ թագաւորի ու նախարարների մէջ
 ծագած գժտութիւնները, որի համար նախարարները ապստամ-
 բուելով, Պարսից Շապուհ թագաւորից խնդրում են ջնջել

Արշակունի հարստութիւնը:—Արշակը, չկարողանալով դիմա-
 դրել Պարսից զօրութեանը, անձնատուր եղաւ եւ մեռաւ
 Անյուշ բերդում: Ներսէս, տեսնելով Հայաստանի ցաւերը,
 Շապուհի անգթութիւնները եւ Մերութանի ուրացութեամբ
 հայրենիքին հասցրած վնասները, Թէոդոսի օգնութեամբ
 Պապին թագաւորացնում է Հայաստանի վրայ: Նպատ լերան
 մօտ Զիրաւ դաշտի վրայ եղած պատերազմում, ուր ներկայ
 էր եւ Ներսէսը, Հայերը յաղթում են Պարսիկներին. ուրա-
 ցող Մերութանը, որ Հայաստանի թագաւոր էր ուզում լի-
 նել, եռացեալ շամփուրով պսակվում է Բագրատունի Սմբատ
 ասպետից:—Ներսէս այնուհետեւ խրատում է Պապ թագա-
 ւորին եւ նախարարներին, որ սիրով լինին միմեանց հետ:
 Պապը սկզբում թէեւ փոքր ինչ ուղղում է, բայց շուտով
 անձնատուր է լինում մոլութեանց եւ կամենալով ազատուել
 Ներսիսի հայրական յանդիմանութիւններից, Եկեղեաց գաւա-
 ռի Խախ գիւղում թոնաւորում է իւր բարերարին: Այս-
 պէս հանգաւ Հայաստանի լուսատու ճրագը երեսուն երեք
 տարի վարելով հայրապետական աթոռը: Անաչառ պատմու-
 թիւնն ընծայեց նորան «Մեծ» անունը:

104. ՍՈՒՐԲ ՍՍ.ՀԱԿ ՊԱՐԹԵՒ

Սահակ Մեծն Ներսիսի որդին էր. իւր ուսումը ստա-
 նալով Կեսարիայում եւ Կոստանդնուպօլսում, հմուտ էր Յու-
 նաց լեզուի եւ Աստուածաբանական գիտելեաց եւ միեւնոյն
 ժամանակ համարվում էր քաջ հայկաբան: 390 թուին աղ-
 գի եւ Խոսրով Գ. թագաւորի հաւանութեամբ ընտրվում է
 Հայոց կաթողիկոս, բայց այդ ընտրութիւնը հաւանութիւն
 չէ գտնում Պարսից Շապուհ թագաւորի կողմից, որովհետեւ
 Սահակի ազգասիրական եռանդը կարող էր արգելք լինել
 Պարսից մտադրութեան իրագործմանը, այն է Հայաստանի

մէջ մոգակրօնութիւն մտցնելու. ուստի երբ Շապուհի պահանջման հակառակ Խոսրով Գ-ը եւ կաթողիկոսը ընդդիմանում են Պարսից դուռը գնալու, Շապուհը մեծամեծ վնասներ է հասցնում հայերին, Սահակին գահընկեց է անում կաթողիկոսութիւնից, իսկ Խոսրովին կալանաւորում է Անյուշ բերդում, նորա տեղը թագաւորեցնելով նորա եղբօր Վռամշապուհին:—Սա իր խաղաղասիրական եւ խոհեմ կառավարութիւնով մեր աշխարհի համար շատ բարեաց պատճառ է լինում: Սորա խորհրդով Սահակ Պարթեւը Շապուհի մահից յետոյ գնալով Պարսից դուռը մեծ պատուով է ընդունւում Արտաշիր թագաւորից եւ կրկին ստանալով կաթողիկոսական աթոռը, դառնում է Հայաստան, իսկոյն նորոգել է տալիս Հռիփսիմեանց տաճարը, որ քանդել էր Շապուհը եւ խնամք է տանում եկեղեցին բարեկարգելու: Այս միջոցին, այն է 406 թուին, աշխատութեամբ Մեսրոպի, գործակցութեամբ Վռամշապուհ թագաւորի եւ Սահակ կաթողիկոսի կատարւում է Հայոց գրերի գիւտը:

Սորանից յետոյ Սահակ Պարթեւը աշխատում է Մեսրոպ վարդապետի հետ թարգմանել Սուրբ Գիրքը, հրամայում է բաց անել դպրոցներ եւ ազգի մատաղ սերունդը դաստիարակել Հայոց գրով եւ լեզուով, ներշնչելով նորա սրտի մէջ կրօնական-բարոյական զգացմունքներ:

Ապագայի համար եւս արժանաւոր հովիւներ եւ դաստիարակներ պատրաստելու մտքով, Հայաստանից ուղարկւում են Աթէնք, Բիւզանդիայ, Աղեքսանդրիայ եւ այլ տեղեր վաթառնի չափ ընդունակ աշակերտներ ուսման մէջ աւելի եւս կատարելագործուելու համար: Սոքա մեծ եռանդով ուսում են առնում օտարութեան մէջ եւ ապա Աստուածաշունչի Յունական մի ընտիր օրինակ բերում են հայրենիքը եւ մատուցանում են երանելի վարդապետներին: Սահակ եւ Մեսրոպ Աստուածաշունչի նոր օրինակն ընդունելով, սկսում են

նորից թարգմանել մի անգամ թարգմանածը: Չնայելով նորան, որ Ս. Սահակը իւր բոլոր ջանքը չէր խնայում ազգի բարօրութեան եւ լուսաւորութեան համար, Հայոց նախարարների ամբաստանութեամբ իւր ծերութեան վերջին օրերը Վռամշապուհի որդի Արտաշէս թագաւորի հետ անց է կացնում Պարսկաստանի բանտում: Ի վերջոյ Հայոց նախարարները, զգալով իրանց սխալը, թէ եւ աղաչեցին Ս. Սահակին, երբ որ սա բանտից ազատուելով վերադարձել էր Հայաստան, որ վերստին բարձրանայ կաթողիկոսական գահը, բայց նա հրաժարուեցաւ այդ առաջարկութիւնից եւ փոքր ժամանակից յետոյ սուրբ մահուամբ կնքեց իւր բազմաչարքար եւ բազմապատակ կեանքը Բագրեւանդայ Բլուր գիւղում 440 թուին, 51 տարի կառավարելով կաթողիկոսական աթոռը: Նորա պատուական մարմինը մեծ պատուով թաղւում է Տարօնոյ Սշտիշատ աւանում:

105. ՍՈՒՐԲ ՄԵՍՐՈՊ Վ.ԱՐԴԱՊԵՏ ԵՒ ՀԱՅՈՅ ԳՐԵՐԻ ԳԻՒՏԸ.

Սուրբն Մեսրոպ Տարօնոյ գաւառի Հացիկաց գիւղիցն էր Վարդան անունով մէկ բարեպաշտ մարդու որդի: Աշակերտելով Մեծն Ներսիսի մօտ, ուսած էր Յունաց, Պարսից եւ Ասորոց լեզուները: Ներսիսի կենդանութեան ժամանակ կաթողիկոսի գործաւար էր, իսկ նորա մահից յետոյ արքունի պալատի ատենադպիր եղաւ: Հմուտ էր նաեւ աշխարհական կարգերի եւ վարժուած էր զինուորական արհեստի մէջ: Աշխարհական վայելչութիւնները զկարողացան հրապուրել Մեսրոպին. ուստի թողեց աշխարհը եւ արեղայ ձեռնադրուելով առանձնացաւ Գողթան գաւառը. մտաւ վանք եւ կրօնական կեանք էր վարում եւ աշակերտներ հաւաքելով կրթում էր նրանց բարոյականութեան եւ Սուրբ Գրոց ուսման մէջ:

Մեսրոպի լայնածաւալ գիտութիւնը, ժողովրդին տգիտութեան խաւարից հանելու եռանդը չեն թողնում նրան վանական շրջանում մնալու: Նա իւր կենդանի խօսքով, ազդու քարոզներով ելնում է կենսական ասպարէզը: Սկսում է քարոզել նախ Գողթան գաւառում, ապա Սիւնեաց աշխարհում տեղական վայրենաբարոյ ժողովուրդը բրիտանոնէական բարոյականութեան մէջ կրթելու նպատակով: Բայց հանդիպում է մեծամեծ դժուարութեանց, որովհետեւ նոյն ժողովուրդը եկեղեցական առօրեայ ժամերգութեանց միջոցին օտար լեզուով կարդացած Սուրբ Գրքի իմաստը չհասկանալով, չէ կարողանում արմատացնել իւր մէջ թուուցիկ խօսքերով լսածը: Հայկական գրեր չը լինելով այն ժամանակ Սուրբ Գիրքը մեր եկեղեցիներում կարդացվում էր Յունաց եւ Ասորոց լեզուներով: Ահա այստեղ Մեսրոպի մէջ ծնվում է ցանկութիւն հայկական նշանագրերը գտնելու: Այդ մտքով նա գալիս է Վաղարշապատ Սուրբ Սահակ կաթողիկոսի մօտ: Սուրբ Սահակ, որ ինքը եւս յղացած էր իւր մէջ նոյն միտքը, շատ ուրախացաւ Մեսրոպի այս ցանկութեան վրայ: 402 թուին կաթողիկոսը Վաղարշապատում ժողով է գումարում հայկական նշանագրերը պատրաստելու համար, որպէս զի ազգային գրագիտութիւնը զարգանայ եւ ծաղկի հայաստանի մէջ:

Ուսումնասէր Վռամշապուհ թագաւորն եւս բարեհաճում է ժողովին մասնակցելու: Նա պատմում է, թէ Հաբէլ անունով քահանայից լսել է, որ Միջագետքում Ասորոց Գանիէլ եպիսկոպոսի մօտ Հայոց հին նշանագրեր են գտնուվում: Ուստի Վահրիճ անունով մէկ իմաստուն մարդու ձեռքով թագաւորը բերել է տալիս Գանիէլեան քսան երկու նշանագրերը: Սուրբ Սահակ եւ Մեսրոպ փորձով համոզվում են, որ այդ գրերը հայկական հնչման չեն յարմարվում: Ուստի Մեսրոպ քանի մի աշակերտներով անձամբ ուղեւորվում

է դէպի Միջագետք Գանիէլ եպիսկոպոսի մօտ: Բաւական ժամանակ մնալով այնտեղ եւ սպասած օգուտը չըկարողանալով քաղել, սաստիկ մտատանջութեամբ տրտմում է. ապա դիմում է եւ ուրիշներին, բայց դարձեալ անօգուտ:

Մեսրոպ այնուհետեւ մարդկային հնարագիտութիւնից յոյսը կտրելով, դիմում է Աստուածային օգնութեան. երկիւղած հոգւով խոր մտածմանց մէջ է ընկնում: յափշտակվում է տեսիլքով եւ իւր առաջ մի քար է տեսնում, որի վրայ աներեւոյթ ձեռքը այլ եւ այլ տառեր էր գրում: Այս տառերի ձեւերը տպաւորվում են նորա մտքում եւ ձեւակերպվում են Հռուփանոս փիլիսոփայի ձեռքով: Այսպէս նորագիւտ տառերի օգնութեամբ Մեսրոպը Աստուածաշունչից Սողոմոնի առակաց գիրքը եւ Աւետարանը թարգմանելով, ուղեւորվում է դէպի Հայաստան: Վռամշապուհ թագաւորը եւ Սահակ կաթողիկոսը երբոր լսեցին նորա գալը, դուրս եկան նորա առաջ նախարարներով եւ ժողովրդի բազմութեամբ եւ մեծ հանդիսով ընդունեցին եւ այն օրը ուրախութեան տօն կատարեցին: Այնուհետեւ բացվում են դպրոցներ եւ ծաղկում է հայերէն դպրութիւնը:

Ապա Մեսրոպ հնարում է Վրաց եւ Աղուանից գրերը: Յետոյ Սուրբ Սահակի հետ գնում է Հայաստանի արեւմտեան երկիրը, որ Յունաց բաժնումն էր, որպէս զի այնտեղ եւս բաց անի դպրոցներ, բայց Յունաց տեղական կառավարութիւնից արգելքի հանդիպելով, սուրբ հայրապետի յանձարարութեամբ ուղեւորվում է Կոստանդնուպօլիս Թէոֆոս կայսեր մօտ, որը սիրով կատարելով հայրապետի խնդիրը դըպրոցների բացման մասին, Մեսրոպին եւս իւր մեծ գիտութեան համար պատվում է «Աքիմեթէոս» կամ «Ակումիտ» գիտնական կոչմամբ, որ նշանակում է առաջին եւ գերագոյն վարդապետ: Սա Սուրբ Սահակի մահից յետոյ կառավարում է հայրապետական նիւթը վեց ամիս եւ վախճանվում է

441 Թուին: Նորա սուրբ մարմինը Վահան Ամատունի իշխանը յուղարկաւորութեան մեծ հանդիսով թաղում է Օշական գիւղում:

106. ՍՐԲՈՅ ԱՏՈՎՄԵԱՆՅ ԵՒ ՎԱՐԳՄԱՆՅ
ՆԱՀԱՏԱԿՈՒԹԻՒՆԸ.

1. Արշակունեաց թագաւորական հարստութիւնը վերջանալուց յետոյ Հայաստանի քաղաքական ոյժը տկարանում է: Երկու դրացի պետութիւնք՝ Յունաստան եւ Պարսկաստան ձգտում են Հայաստանին տիրելու եւ վերջինս, ՚ի հարկէ, աւելի ուժեղին պիտի մնար: Պարսկաստանը ՚ի վաղուց հետեցանկանում էր իւր հպատակ քրիստոնեայ ազգերի մէջ մոգակրօնութիւնը մտցնել. բայց ակնածելով քրիստոնեայ Յունաստանից, չէ վստահանում լծուողական քայլ անելու: Վերջապէս բացվում է յարմար դէպքը: Պարսիկները յաղթում են Յոյներին եւ պատերազմական մեծ տուգանք առնելով, խաղաղութեան դաշն են կապում նրանց հետ: Հեռացնելով այսպէս մի մեծ արգելք, Պարսից Յազկերտ թագաւորը մոգերի եւ Միհրներսեհ հազարապետի խորհրդով աներկիւզ գործադրում է իւր վաղուցուայ մտադրութիւնը — քրիստոնէութիւնը ջնջելու: Գործը սկսվում է Հայերից, յուսալով թէ Վրացիք եւ Աղուանք եւս կըհետեւեն նոցա օրինակին: Մտադրութեան իրագործման համար հարկաւոր է հողը պատրաստել, նախ՝ նոյն իսկ երկրի մէջ գտնել մի ազգեցեալութիւն ունեցող անձն իրանց կամակից եւ գործակից (այգպիսի մարդկային արժանաւորութեան ստորացնող պարտաւորութիւնը յանձն է առնում երկրի մարդպան — գաւառակալ Վասակ-Սիւնեաց իշխանը), եւ ապա նիւթապէս եւս տկարացնելով Հայերին, խլել նոցանից դիմադրելու կարողութիւնը: Սորա համար Պարսիկները պատերազմն են սկսում Քուշանաց կամ

Հոնաց դէմ, որին մասնակցում են տէրութեան հպատակ բոլոր ազգերը՝ իւրաքանչիւրն իւր այրուծիով, նախարարներով եւ իշխաններով դիմում են Ապար աշխարհ եւ այնտեղից արշաւում են Քուշանաց վրայ: Եօթը տարուայ պատերազմից յետոյ Պարսիկները յաղթութիւն են տանում, վերագրելով այն իրանց աստուածների օգնութեանը. ուստի հրաման է ուղարկվում Պարսկական տէրութեան բոլոր ազգերին, որ միմիայն արեգակը պաշտեն, կրակին երկրպագանեն եւ մոգութիւնը ընդունեն: Պատերազմում գտնուող քրիստոնեաներին մահուան սպառնալիքով արգելվում է հայրենիքը վերադառնալ: Միայն Ատոմ Գնունի եւ Մանածիհր Ռշտունի իշխանները, վստանգը արհամարհելով, իրանց զօրքով շտապում են Հայաստան փախչելու, բայց Պարսից զօրքը համնելով, ամենին նահատակում են: Սոցա յիշատակը Հայաստանեայց եկեղեցին տօնում է՝ «Ատովմեանց զօրավարաց» անունով:

2. Այնուհետեւ Միհրներսեհ հազարապետը հրովարտակ է ուղարկում Հայերին, որի մէջ մոգակրօնութիւնը գոյվում է, իսկ քրիստոնէութիւնը պախարակում: ուստի եւ առաջարկում է՝ հրաժարուիլ քրիստոնէական, ըստ նոցա կարծեաց, մոլորութիւնից եւ ընդունել ճշմարտաքարող մոգակրօնութիւնը: Հրովարտակը վերջանում է հետեւեալ խօսքերով — «կամ պատասխանել նամակին բան առ բան եւ կամ Պարսից դուռն գնալով, ներկայանալ թագաւորական բարձրագոյն ատենին»: Սոյն հրովարտակը գրաւում է ամբողջ ազգի ուշադրութիւնը: Արտաշատ թագաւորանիստ քաղաքում 450 թուին գումարվում է ազգային ժողովը նախագահութեամբ Յովսէփ կաթողիկոսի եւ մասնակցութեամբ ազգի հոգեւորական ու քաղաքական ներկայացուցիչների: Գրվում է ազգուպատասխանը, որով ջրվում է զրադաշտական մոլոր վարդապետութիւնը եւ հաստատվում է քրիստոնէութեան

ճշմարտութիւնը: Պատասխանը վերջանում է հետեւեալ խօսքերով՝ «այս հաւատից ոչ ոք կարող է մեզ խախտել, ոչ հրեշտակներ եւ ոչ մարդիկ, ոչ սուր եւ ոչ հուր եւ ոչինչ աշխարհային ամենաճանր տանջանք»: Այս համարձակ պատասխանի վրայ սաստիկ զայրանում է Յազկերտ թագաւորը եւ սպառնալից հրովարտակով պատուիրում է Պարսկաստան ուղեւորուելու՝ Վասակ մարզպանին, Վարդան սպարապետին եւ ուրիշ նախարարներին. նոյնպիսի հրովարտակ ստանում են նաեւ Աղուաններ ու Վրացիք: Այս երեք ազգերը պատգամաւորութեամբ իրարու հետ ուխտ են դնում հաստատուն դաշնաւորութեան մէջ մնալու: Ս. Յովսէփի կաթողիկոսը օրհնում է գնացողների ուղեւորութիւնը: Նախարարները գալով Պարսից դուռը եւ յայտնելով իրանց քրիստոնէական հաւատի մէջ հաստատ մնալու անգրգռելի դիտաւորութիւնը, ձգվում են բանտը եւ թագաւորի առանձնական խորհրդում վճռվում է, որ բոլոր նախարարներին կապեն ու աքսորեն շատ հեռու տեղեր, իսկ իրանք մտնեն Հայաստան եւ իրանց հաւատն ու օրէնքները տարածեն: Խորհրդականներից մինը, ծածուկ քրիստոնեայն, այս վճիռը յայտնելով նախարարներին, խորհուրդ տուեց, որ առերեսս միայն ուրանան քրիստոնէութիւնը, որպէս զի ազատութիւն ստանալով կարողանան վերադառնալ իրանց երկիրը եւ միաբան ուժով պաշտպանեն հաւատն ու հայրենիքը: Նախարարները համաձայնուեցան նորա խորհուրդը ընդունելու: Յազկերտը երբոր այս իմացաւ, յանգափս ուրախացաւ, առատ պարգեւներ բաժանեց նախարարներին եւ 700 մոգերով ուղեւորեց նրանց գէպի իրանց երկիրները, պատուիրելով, հասնելուն պէս, իսկոյն մոգութեան կրօնին աշակերտել Հայերին, Վրացիներին ու Աղուաններին եւ ուրիշ քրիստոնեայ ազգերին:

3. Նախարարների ուրացութեան լուրը եւ մոգերով գէպի հայրենիք ուղեւորուելը կայծակի արագութեամբ հասնում է Հայաստան. ամբողջ ազգը ոտի է կանգնում, — ամենքը ուխտ են դնում Աստուծոյ առաջ՝ հաստատ մնալ քրիստոնէական հաւատին եւ կեանքը չխնայել եկեղեցոյ եւ հայրենիքի ազատութեան համար: Հոգեւորական դասը սիրովում է զանազան գաւառներ ժողովուրդը աներկիւղ դիմադրութեան պատրաստելու: Այս միջոցին նախարարները Պարսից զօրքով եւ մոգերով մտնում են Հայաստան եւ բանակ են դնում Մաղկոտն գաւառի Անգղ գիւղաքաղաքում: Մէկ կիւրակէ օր, ժամերգութեան միջոցին, մոգպետը իւր մոգերով եկեղեցի է մտնում եւ կամենում է գրաւել այն. Ղեւոնդ երէցը, որ ուրիշ քահանաների հետ պաշտօն էր մատուցանում, հակաւում է մոգական խմբին, ժողովուրդն էլ միացած հոգեւորականների հետ բրածեծ եւ գլխապատառ դուրս են ձգում ամենքին: Մոգպետը տեսնելով Հայերի հաստատամտութիւնը եւ աներկիւղ դիմադրութիւնը, կամենում է թագաւորին նամակով խորհուրդ տալ, որ յետ կենայ այսպիսի վնասակար առաջարկութիւնից, բայց Վասակ Սիւնին յետ է կանգնեցնում, խոստանալով շուտով համոզելու Հայերին: Պարսկաստանից եկած Հայ նախարարները, Վարդանի հետ՝ իմիասին, իրանց առ երեսու ուրացութիւնը յայտնելով եպիսկոպոսներին, Շահապիւմանում ժողով կազմեցին եւ խաչով ու աւետարանով երգուեցան քրիստոնէական կրօնը պաշտպանելու: Ուխտապահ նախարարները կալանաւորում են ուրացող Վասակին, բայց սա եպիսկոպոսների առաջ զըղջալով իւր յանցանքը ներողութիւն է ստանում: Այնուհետեւ Հայերը յարձակվում են մոգերի եւ Պարսից զօրքի վրայ, ահագին հարուած են հասցնում, գրաւած բերդերը ետ են խլում. այսպէս սրբեցին հայրենիքը կռապաշտութիւնից եւ մոգութեան զօրութիւնը խորտակեցին: Մինչ Հայերը տօնում

են իրանց յաղթութիւնը, ահա Աղուանից աշխարհի եպիսկոպոսը եւ հաղարապետը Հայերից օգնութիւն են խնդրում, յայտնելով, որ Պարսից զօրքը մտել է Աղուանք եւ ստիպում են մոգութիւնն ընդունելու: Հայերը այս միջոցին օգնութիւն են խնդրում Յոյներից, բայց բացասական պատասխան ստանալով, չեն վհատում, այլ յոյսը անձնական ուժի վրայ դնելով, զօրքը երեք գունդ են բաժանում: Վարդանը ուղեւորվում է դէպի Աղուանից աշխարհ, Վասակը մնում է Սրարատեան գաւառում, իսկ ներշապուհ Սրժբունի իշխանը յանձն է առնում Պարսից սահմանագլուխը պաշտպանելու: Վարդանը մտնում է Աղուանից աշխարհ, Պարսից գրաւած բերդերը ետ է առնում, հրամայում է կռատունները կործանել եւ մոգերին կոտորել: Մինչ Վարդան շարունակում էր իւր յաղթութիւնները, յանկարծ Հայաստանից բոթաբեր է հասնում նորան եւ յայտնում է, որ Վասակը, ժխտելով երգումը, այրում է Հայոց գիւղերը, կործանում է բերդերը եւ սրի կերակուր է անում իւր եղբայրակիցներին: Վարդանը, մեծ աւար վեր առած Պարսիկներից, անսպասելի արագութեամբ հասնում է Հայաստան Վասակի աւերիչ ընթացքին վերջ տալու համար. վերջինս, երկիւղ կրելով Վարդանից, փախչում է իւր գաւառը: Վարդան սպարապետը իւր նիզակակիցներով խաղաղացնում է աշխարհը եւ որովհետեւ ձմեռը վրայ էր հասել, զօրքը մի քանի մասն բաժանեց եւ ապահով տեղեր ուղարկեց ձմեռելու:

4. Այն ինչ Հայերը ուրախութեամբ տօնում էին զատկական օրերը, յանկարծ լուր հասաւ, որ Պարսից ահագին գունդը Հեր եւ Ջարեւանդ գաւառներից անցնելով, բանակ է դրել Սրտազ գաւառի Աւարայր դաշտում, Տղմուտ գետի ափերի վրայ: Հայոց նախարարները իրանց զօրքերով հաւաքուեցան Սրտաշառ քաղաքում, որոց թիւը 66,000-ի էր հասնում, եւ այն տեղից ամբողջ զօրախումբը դիմեց դէպի

Աւարայրի դաշտը եւ ամրացաւ Տղմուտ գետի այս կողմը: Նոյն տեղը եկել էին Յովսէփի կաթողիկոսը եւ Ղեւոնդ երէցը ուրիշ եպիսկոպոսներով եւ քահանաներով պատերազմին մասնակցելու: Վարդան սպարապետը զօրքի առաջ կարդում է Մակաբայեցոց գիրքը, ազգու ճառով քաջալերում է նրանց դէպի անվեհերութիւն, երկիւղը թերահաւատութեան նշան համարելով: Ոգեւորիչ ճառ է խօսում նա եւ Ղեւոնդ երէցը: Ապա սեղան է կազմվում, Հոգեգալստեան եօթներորդ օրը մատուցանվում է սուրբ պատարագը եւ հաղորդվում են թէ զօրքը եւ թէ զօրաւորները եւ իրանց անձը յանձնելով Աստուծոյ խնամքին խնդրում են, որ Աստուած իւր եկեղեցին չտայ հեթանոսաց ձեռքը: Պարսիկները արգէն պատրաստ էին: Հայերը անցնում են Տղմուտ գետից, յարձակվում են Պարսիկների վրայ եւ ցրվում են նրանց զօրքը. եւ մինչ յաղթութիւնը Հայոց կողմն էր երեւում, Պարսիկները վերջին ճիգը թափելով շրջապատում են Վարդանին իւր նիզակակիցներով: Այստեղ Վարդանը քաջութեան հրաշքներ է գործում, ահագին վնասներ է հասցնում թշնամուն, բայց մահաբեր վէրք ստանալով նահատակվում է թէ ինքը եւ թէ իւր քաջ նիզակակիցները: 451 թուի յունիսի 2-ին վերջանում է այս ահռելի պատերազմը, որի մէջ Պարսիկների եւ Վասակի գնդից մեռնում են 3544 մարդ, իսկ Հայոց նահատակների թիւը լինում է 1036: Այսպէս քրիստոնէական հաւատի եւ ազգային եկեղեցոյ ազատութեան համար զոհեցին իրանց անձը սյն ընտիր նահատակները, որոց անմահ յիշատակը տօնում է Հայոց եկեղեցին «Վարդաորոց անմահ յիշատակը տօնում է Հայոց եկեղեցին «Վարդանանց զօրաւարաց» անունով ամեն տարի բուն բարեկենդանի հինգշաբթի օրը: Իսկ Վասակ, իւր ազգակիցներից ժառանգելով դաւաճանի անարգ անունը, Պարսիկներից եւս զրկուեցաւ պատուից եւ դառն ցաւերով մեռաւ բանտում:

Շարական սրբոց Վարդանանց.

Նորահրաշ պսակաւոր
և զօրագլուխ առաքի-
նեաց, վառեցար զինու-
հոգւոյն՝ արիաբար ընդ-
դէմ՝ մահու— Վարդան
քաջնաստակ, որ վա-
նեցեր զթշնամին, վար-
դագոյն արեամբդ քո՝
պսակեցեր զեկեղեցի:

Երկնաւոր թագաւո-
րին զինու յաղթեալ
պատերազմին՝ խոհա-
կան իմաստութեամբ
խոհեմացեալ անճառա-
պէս, Խորէն խորհրդա-
կան՝ և ծանուցեալ ա-
նուն բարի, խաչելոյն
վկայ եղեալ հեղմամբ
արեան պսակեցար:

Բեննական լուսով լը-
ցեալ արիացեալն քաջն

Նոր հրաշքով պը-
սակուած (նահատակու-
թեան պսակով) և ա-
ռաքինիւների զօրագը-
լուխ՝ սուրբ Հոգու զէն-
քով քաջութեամբ մա-
հուան դէմ զինուեցար,
ով Վարդան, քաջ նա-
հատակ, որ թշնամուն
փախցրիր և վարդանը-
ման արիւնովդ պսակե-
ցիր եկեղեցին:

Առաջնորդ քեզ ու-
նենալով խորին իմաս-
տութիւնդ, երկնաւոր
թագաւորի զէնքովը
յաղթող հանդիսացար
պատերազմում, ով դու,
բարի անունովդ յայտնի
Խորէն, խաչուածին վը-
կայ կացար և թափած
արիւնովդ պսակուեցար:

Արիասիրտ քաջ Ար-
տակ, Աստուածային

Արտակ թաթաւեալ 'ի
կարմրութիւն բոսորա-
յին բղխեալ աղբերն,
զփրկականն ըմպեալ ըզ-
բաժակ և մկրտեալ
արեամբն իւրով դասակ-
ցեալ ընդ անմար-
մնոցն՝ երրորդութեանն
երգել զփառս:

Սրբափայլ զգեստուք
պճնեալ 'ի յերկնաւոր
հանդիսադրէն երրոր-
դութեամբն զօրացեալ
վանեալ զամուրս բան-
սարկուին—Հմայեակ Հօր
ընծայեալ՝ Որդւոյ գո-
լով չարչարակից, Հոգ-
ւոջն յաղթեալ պատե-
րազմին՝ և չարասէր
թագաւորին:

լուսով լցուած՝ խմեցիր
փրկութեան բաժակը,
մկրտուեցար կարմիր
արիւնովդ և մտար ան-
մարմնոց (հրեշտակնե-
րի) դասը, որպէս զի
(նոցա հետ) սուրբ եր-
րորդութեանը երգես
փառաբանական երգը:

Սրբութեամբ փայլող
զգեստով (սուրբ մկրտու-
թեամբ) զարդարուած
երկնաւոր Զօրապետից,
երրորդութեան հաւա-
տովը զօրացած՝ ոչնչա-
ցրիր չարի յարած որո-
գայթները, ով Հմայեակ,
որ անձդ ընծայելով
Հօրը, չարչարակից լի-
նելով Որդւոյն և ոգևո-
րուելով սուրբ Հոգւով՝
պատերազմումը յաղ-
թող հանդիսացար չա-
րասէր թագաւորի դէմ:

107. ՍՈՒՐԲ ԳԻՐԲԸ ԵՒ ՀԱՒԱՏՈՅ ՀԱՆԳԱՆԱԿԸ.

Աստուածային վարդապետութիւնը պարունակվում է Սուրբ Գրքի եւ աւանդութիւնների մէջ: Սուրբ Գրքը բաղկացած է շատ գրքերից, որոնց գրել են սուրբ մարգիկ, այսինքն մարգարէները եւ առաքեալները Սուրբ Հոգու ազդեցութեամբ: Այս գրքերից միքանիսը գրուած են Քրիստոսի ծնունելուց առաջ եւ ասվում են Գրք Հին Ուխտի, կամ Հին Հրաշարան, — միւսները Քրիստոսի ծնունելուց յետոյ եւ ասվում են Գրք Նոր Ուխտի կամ Նոր Հրաշարան: Իսկ բոլորն 'ի միասին ասվում են Աստուածային վարդապետութիւնները, որոնք չեն գրուած մարգարէներից եւ առաքեալներից, այլ բերանացի են աւանդուած եւ քանի մի ժամանակից յետոյ միայն արձանագրուած են եկեղեցու հովիւներից ու վարդապետներից:

Քրիստոնեայ հասարակութեան մէջ շուտ երեւեցան ճշմարտութեան թշնամիք, որոնք իրանց ազատ մեկնութիւններով աղաւաղում էին Քրիստոսի վարդապետութիւնը: Քրիստոնեայք նորանց հերետիկոս անուանեցին: Հաւատացեալների մէջ սկսուեցան վէճեր եւ անմիաբանութիւններ: Այս տեսակ վէճերը լուծելու համար Եկեղեցու հովիւներն սկսեցին միասին հաւաքուել: Այս կերպով կազմուեցան ժողովներ. Տեղական խորհուրդ, ուր հաւաքվում էին մի գաւառի եկեղեցու հովիւները, եւ Տեղեւորական, ուր բոլոր տիեզերքից հաւաքվում էին Եկեղեցու հովիւներ: Ժողովների մէջ եկեղեցու հայրերը բոլոր տարաձայնութիւնները փարատեցին եւ կազմեցին հաւատոյ համառօտ բովանդակութիւնը կամ արձանագրութիւնը, որ տասներկու մասն է բաժանվում:

1. Հաւատամք 'ի մի Աստուած Հայրն ամենակալ, յԱրարիչն երկնի և երկրի երևելեաց և աներևութից:

Մենք հաւատում ենք, որ կայ մի Աստուած, — որ մի է Աստուած երեւանային և անշուք, որ Ամենասուրբ Երրորդութեան աստուած է, որ Աստուած ստեղծեց երկինքը եւ երկիրը, ամենայն տեսանելի եւ անտեսանելի բաներով, որ բոլոր ստեղծուածներին նա պահպանում է Իւր իշխանութեան ներքոյ եւ կառավարում է նորանց:

2. Եւ 'ի մի Տէր Յիսուս Քրիստոս, յՈրդին Աստուծոյ, ծնեալն յԱստուծոյ Հօրէ միածին, այսինքն յեղութենէ Հօր. Աստուած յԱստուծոյ, լոյս 'ի լուսոյ, Աստուած ճշմարիտ՝ յԱստուծոյ ճշմարտէ ծնունդ և ոչ արարած: Նոյն ինքն 'ի բնութենէ Հօր, որով ամենայն ինչ եղև յերկինս և 'ի վերայ երկրի՝ երևելիք և աներևոյթիք:

Մենք հաւատում ենք թէ Ամենասուրբ Երրորդութեան երրորդ անշուք է մի Տէր Յիսուս Քրիստոսը, Աստուծոյ Որդին, թէ Ռաբին է, այսինքն չկայ ուրիշ մէկը նորա նման. թէ Որդին Աստուծոյ ճիշտ է Հօր Աստուծուց նախ քան յարեան, թէ նա ծնուած է ինչպէս լոյսը լուսից, այսինքն ինչպէս արեգակն ճառագայթը արեգակից. թէ նա ճշմարիտ Աստուած է, ծնուած ճշմարիտ Աստուծուց, թէ նա չէ պիտի թաքնուի. թէ նա համագոյակից է Հօր Աստուծոյ, այսինքն ունի Հօր Աստուծոյ հետ մի գոյութիւն. թէ ամենայն բան նարանակ է պիտի թաքնուի, եւ ուրեմն նա է Արարիչ աշխարհի:

3. Որ յաղագս մեր մարդկան և վասն մերոյ փրկութեան իջեալ յերկնից՝ մարմնացաւ, մարդացաւ, ծնաւ կատարելապէս ՚ի Մարիամայ Սրբոյ Կուսէն Հոգւովն Սրբով: Որով էառ զմարմին, զՏոբի և զմիտ և զամենայն, որ ինչ է ՚ի մարդ, ճշմարտապէս և ոչ կարծեօք:

Հաւատում ենք՝ թէ Որդին Աստուծոյ երկնքից իջաւ մեզ՝ մարդկանցս ինչպէս համար. թէ Նա մարմնացաւ, այսինքն մարդկային բնութիւն առաւ Մարիամ Կուսից Հոգւոյն «բնայ» եկաւորութեամբ, թէ Նա մարդացաւ, այսինքն եղաւ կատարեալ մարդ, չգաղարելով եւ Աստուած լինելուց:

4. Զարչարեալ, խաչեալ, թաղեալ:

Մենք հաւատում ենք՝ թէ Աստուծոյ Որդին Յիսուս Քրիստոսը շարժուեցաւ, այսինքն ցաւ էր զգում, ինչպէս ամեն մարդ. թէ Նա իսպառ հանուեցաւ մեր պատճառով, այսինքն թող տուեց Իրան խաչելու, որպէսզի մեր մեղքի համար մեզ սպասելի յաւիտենական պատժից ազատէ. թէ Նա մեռաւ խաչի վրայ եւ լաղուեցաւ:

5. Յերրորդ աւուր յարուցեալ:

Հաւատում ենք, թէ Որդին Աստուծոյ Յիսուս Քրիստոսը մարդկային բնութեամբ մեռնելուց յետոյ՝ երրորդ օրը յարութիւն առաւ:

6. Ելեալ յերկնս նովին մարմնովն նստաւ ընդ աջմէ Հօր:

Մենք հաւատում ենք, թէ Աստուծոյ Որդին Յիսուս Քրիստոսը, մարմնով համբարյալ երկնքը. թէ Նա նստած է Հօր Աստուծոյ աջ իսկի, այսինքն ունի Նորա հետ հաւասար զօրութիւն եւ պատիւ:

7. Գալոց է նովին մարմնովն և փառօք Հօր ՚ի դատել զկենդանիս և զմեռեալս, որոյ թագաւորութեանն ոչ գոյ վախճան:

Հաւատում ենք՝ թէ Որդին Աստուծոյ Յիսուս Քրիստոսը վերստին իջեաց փառքով. թէ Նա կրգայ Նորա համար, որ դատէ կենդանիներն եւ մեռելներն. թէ այս դատաստանից յետոյ կրհասնի Նորա լազարուսներ, որը վախճան չանի:

8. Հաւատամք և ՚ի Սուրբ Հոգին՝ յանեղն և ՚ի կատարեալն, որ խօսեցաւ յօրէնս և ՚ի մարդարէս և յաւետարանս: Որ էջն ՚ի Յորդանան, քարոզեաց զԱռաքեալն, և բնակեցաւ ՚ի սուրբան:

Հաւատում ենք, թէ երրորդ անձն Ամենասուրբ Երրորդութեան է Հոգին Սուրբ. թէ Հոգին Սուրբ Աստուած է, ուրեմն եւ պարտական ենք Հօր եւ Որդոյ հետ հաւասար փառք եւ երկրպագութիւն տալ Նորան. թէ մարգարէները եւ առաքեալները Աստուծոյ կամքը մարդկանց յայտնելու եւ Սուրբ Գիրքը գրելու ժամանակ՝ Հոգոյն Սրբոյ շնչմամբ էին խօսում եւ գրում: թէ երբ Քրիստոսը մկրտվում էր Յորդանան գետի մէջ, Հոգին Սուրբ իջաւ Նորա վրայ աղանու կերպարանքով եւ քարոզեց, թէ Քրիստոսն ուղարկուած է Հօրից եւ թէ Հոգին Սուրբ բնակուեցաւ «բնէն» մեզ:

9. Հաւատամք ՚ի մի միայն ընդհանրական և առաքելական սուրբ եկեղեցի:

Հաւատում ենք՝ թէ Յիսուս Քրիստոս Տէրն մեր բնակվում է Իւր եկեղեցու մէջ. թէ եկեղեցին մի է, Սուրբ է, Ընդհանրական է եւ Առաքելական:

10. Հաւատամք 'ի մի Մկրտութիւն, յԱպաշխարութիւն, 'ի Քաւութիւն և 'ի Թողութիւն մեղաց:

Հաւատում ենք՝ թէ մկրտութիւնով մարդս թողութիւն է գտնում սկզբնական մեղքից եւ արժանի է լինում Հոգոյն Սրբոյ շնորհքն ընդունելու. թէ մարդս ճշմարիտ ապաշխարութեամբ ազատվում է եւ թողութիւն է ստանում այն մեղքերից, որ գործել է մկրտութիւնից յետոյ:

11. Հաւատամք 'ի յարութիւն մեռելոց, 'ի դատաստանն յաւիտենից՝ հոգւոց և մարմնոց, յարքայութիւնն երկնից:

Հաւատում ենք, թէ ամեն մեռած մարդկանց մարմինները վերջին դատաստանի օրն իրանց հոգիներէ հետ պիտի միանան եւ վերկենան Աստուծոյ հրամանով եւ դատուին Քրիստոսից եւ ամենքն իրանց վարձն ստանան:

12. Եւ 'ի կեանս յաւիտենականս:

Հաւատում ենք, թէ այս երկրաւոր կեանքից յետոյ կը լինի մի ուրիշ՝ յաւիտենական կեանք:

Վ Ե Ր Ջ



ԲՈՎԱՆԴԱԿՈՒԹԻՒՆ

Երէս.

Երկու խօսք	V
1. Երրորդութիւն և մի Աստուածութիւն	9
2. Թէ ի՞նչ են հրեշտակները	12
3. Տեսանելի աշխարհիս և մարդու ստեղծագործութիւնը.	13
4. Առաջին մարդկանց կեանքը գրախտի մէջ	16
5. Առաջին մարդկանց մեղքի մէջ ընկնիլը	19
6. Փրկչն խոստումն և նախածնողաց յանցանքի պատիժը.	21
7. Մարդկային ազգը մինչև ջրհեղեղը.	22
8. Ջրհեղեղ	24
9. Մարդկային ազգը ջրհեղեղից յետոյ	25
10. Աբրահամ և Իսահակ նահապետները	27
11. Յակոբ նահապետի որդիքը	29
12. Յովսէփը բանտում	32
13. Յովսէփի փառքը	34
14. Յովսէփի եղբայրները գալիս են Եգիպտոս	36
15. Յովսէփի եղբայրների երկրորդ գալուստն Եգիպտոս	38
16. Թէ ինչպէս եղբայրները ճանաչեցին Յովսէփին	40
17. Յակոբի Եգիպտոս տեղափոխուիլը	41
18. Հրէայք Եգիպտոսում	43
19. Մովսէս մարգարէն	44
20. Հրէաների Եգիպտոսից դուրս գալը	46
21. Սինայ լեռան վրայ Աստուծոյ տուած օրէնքները	47
22. Իսրայէլացոց անապատի մէջ արած ճանապարհորդութիւնը մինչև Քանանացոց երկիրը	51
23. Յետև նաւեյ և Դատաւորներ	53

24. Սաւուղ՝ Հրէից առաջին թագաւորը	55
25. Դաւթի թագաւոր ընտրուիլը	56
26. Դաւիթը յաղթում է Գողիաթին	57
27. Դաւթի հաւատարմութիւնը դէպի իւր թագաւորը	59
28. Դաւթի մտադրութիւնը Աստուծոյ տաճարի կառուցման մասին	60
29. Սողոմոնը և տաճարի շինութիւնը	62
30. Մարգարէք	64
31. Յովնան մարգարէն	65
32. Մարգարէների գոշակութիւնքը Փրկչի մասին	67
33. Թէ ինչ վախճան ունեցան Իսրայէլի և Յուդայի թագաւորութիւնները	68
34. Երեք մանուկները կրակի հնոցի մէջ	69
35. Դանիէլ մարգարէն. Յուդայի թագաւորութիւնը Բաբելոնի գերութիւնից յետոյ	72
36. Փրկչի ակնկալութիւնը	73
37. Յովհաննէս Կարապետի ծնունդը	74
38. Սուրբ կոյս Մարիամի ծնունդը և երկից ամաց ընծայումն ՚ի տաճարն	75
39. Աւետումն Գաբրիէլ հրեշտակապետի առ Սուրբ Կոյս Մարիամը	77
40. Քրիստոսի ծնունդը	79
41. Քրիստոսի քառասնօրեայ զալուստն ՚ի տաճար կամ Տեառնընդառաջ	83
42. Մոգերի երկրպագութիւնը. Մարիամի և Յովսէփի Եգիպտոս փախչելը և այնտեղից դառնալը	84
43. Յովհաննէս Մկրտչի քարոզը և Քրիստոսի մկրտութիւնը	86
44. Քրիստոսի սատանայից փորձուիլը	88
45. Յովհաննէս Մկրտչի Քրիստոսի վրայ տուած վկայութիւնը և մահը	90
46. Յիսուսը գնում է Գալիլայի Կանայ քաղաքը հարսանիքին	91
47. Քրիստոսի հրաշագործութիւնները	92
48. Քրիստոսը ծովի վրայ փոթորիկը դադարեցնում է և ջրի վրայ ման է գալիս	99
49. Հինգ հացով հինգ հազար մարդ կերակրելը	94

50. Քրիստոսն այրի կնոջ որդուն յարութիւն է տալիս	96
51. Քրիստոսը բժշկում է անգամալուծին	96
52. Քրիստոսը բժշկում է ՚ի ծնէ կոյրին	97
53. Տասն բորոտների բժշկուիլը	98
54. Քրիստոսի վարդապետութիւնը և Նորա առաքեալները	99
55. Յիսուսը քարոզում է թէ ինքն է Քրիստոսը	100
56. Քրիստոսի քարոզութիւնը Աստուծոյ ողորմութեան վերայ. անառակ որդւոյ առակը	101
57. Քրիստոսի քարոզութիւնը՝ թէ մարդիկ ի՞նչպէս պիտի վարուին՝ որ արժանի լինին Աստուծոյ որդիք կոչուելու. Քրիստոսն օրհնում է մանուկներին	103
58. Քրիստոսի քարոզութիւնը Խը աշխարհիս վրայ հաստատուած թագաւորութեան մասին	105
59. Քրիստոսի քարոզութիւնը՝ թէ ի՞նչպէս հարկաւոր են հաւատք և բարեգործութիւնք. սերմանացանի առակը	107
60. Քրիստոսի քարոզութիւնը գլխաւոր պատուիրանների մասին	109
61. Քրիստոսի քարոզութիւնը՝ թէ ով է մեր բարեկամը	110
62. Քրիստոսի քարոզութիւնը՝ թէ ի՞նչպէս պէտք է սուրբ պահել շաբաթ և տօն օրերը	111
63. Քրիստոսի քարոզութիւնը բարեգործութիւնների՝ այսինքն ողորմութեան պահքի, աղօթքի և լուացման վրայ. փարիսեցոյ և մաքսաւորի առակը	113
64. Քրիստոսի քարոզութիւնը՝ թէ մարդ ո՞րքան հոգս պիտի քաշէ կերակրի և հագուստի համար	116
65. Քրիստոսի քարոզութիւնը հարկատուութեան մասին	117
66. Քրիստոսի քարոզութիւնը մեղքի թողութեան մասին	119
67. Տէրունական աղօթք	120
68. Քրիստոսի քարոզութիւնը թէ Ինքը պիտի չարչարուի մարդկանց փրկութեան համար և յարութիւն պիտի առնի	123
69. Քրիստոսի քարոզութիւնը մեռելների յարութեան և յաւիտենական կեանքի վրայ	124
70. Քրիստոսի քարոզութիւնը իւր երկրորդ գալստեան և վերջին դատաստանի վրայ. տասն կուսանաց առակը	125
71. Քրիստոսի քարոզութիւնը Հոգւոյն Սրբոյ վրայ	128

72. Գրիստոսի պայծառակերպութիւնը կամ վարդավառ	129
73. Գրիստոսի թշնամիները և Վաղարոսի յարութիւնը	131
74. Գրիստոսի յաղթական մուտքը Երուսաղէմ	133
75. Յուդայի մատնութիւնը	135
76. Յիսուսի մատնութեան գիշերը	136
77. Գրիստոսին տանում են քահանայապետների ատենը գատուելու	139
78. Գրիստոսը Պոնտացի Պիղատոսի առաջ	141
79. Գրիստոսի խաչի վրայ չարչարուիլը և մահը	143
80. Գրիստոսի թաղումն և յարութիւնը	145
81. Երևումն Գրիստոսի	149
82. Գրիստոսի համբարձումն	150
82. Առաքեալների վրայ	152
84. Գալուստ Հոգւոյն Սրբոյ առաքեալների վրայ	153
85. Աստուածամօր վերափոխումն	155
86. Գիւտ խաչի և խաչվերաց	156
87. Երևումն սուրբ խաչի	158
88. Վարագայ սուրբ խաչը	159
89. Ծանօթութիւն քրիստոնէական եկեղեցւոյ և նորա խորհուրդների վրայ	160
90. Մկրտութիւն	161
91. Գրոշմ	162
92. Ապաշխարութիւն	163
93. Հաղորդութիւն	163
94. Սուրբ պատարագի խորհրդոյ համառօտ բացատրու- թիւնը	164
95. Ամուսնութիւն	175
96. Կարգ կամ շեռնադրութիւն	176
97. Օծումն հիւանդաց	176
98. Գրիստոնէական հաւատի տարածումն	177
99. Գրիստոնէութեան սկզբնաւորութիւնը Հայաստանում	178
100. Գրիստոնէական յաղթական տարածումն Հայաստանի մէջ. Գրիգոր Լուսաւորիչը	179
101. Սրբոց Հռիփսիմեանց և Գայեանեանց կուսանաց նահատակութիւնը	184
102. Տօն կաթուղիկէ եկեղեցւոյ սրբոյ Էջմիածնի	185

103. Մեծն Ներսէս	189
104. Սուրբ Սահակ պարթև	191
105. Սուրբ Մեսրոպ վարդապետ և Հայոց գրերի զիւտը	193
106. Սրբոց Ասովմեանց և Վարդանանց նահատակութիւնը	196
107. Սուրբ Գիրքը և Հաւատոյ Հանդանակը	204

ԵԿԵՂԵՑԱԿԱՆ ՏՕՆԵՐԻ ՑԱՆԿԸ


1. Սուրբ կոյս Մարիամի ծնունդը և երից ամաց ընծայումն 'ի տաճար № 38	75
2. Աւետումն Գարրիէլ հրեշտակապետի առ Սուրբ Կոյսն Մարիամ № 39	77
3. Գրիստոսի ծնունդը № 40	79
4. Գրիստոսի քառասորեայ գալուստն 'ի տաճար կամ Տեառներնդառաջ № 41	83
5. Գրիստոսի մկրտութիւնը № 43	86
6. Գրիստոսի պայծառակերպութիւնը կամ վարդավառ № 72	129
7. Գրիստոսի յաղթական մուտքը Երուսաղէմ կամ Ծաղկազարդ № 74	133
8. Գրիստոսի յարութիւնը № 80	145
9. Գրիստոսի համբարձումն № 82	150
10. Գալուստ Հոգւոյն Սրբոյ առաքեալների վրայ № 84	153
11. Աստուածամօր վերափոխումն № 85	155
12. Գիւտ խաչի և խաչվերաց № 86	156
13. Երևումն սուրբ խաչի № 87	158
14. Վարագայ սուրբ խաչը № 88	159
15. Գրիստոնէութեան սկզբնաւորութիւնը Հայաստանում. Թագէտս և Բարթուղիմէոս սրբազան առաքեալները № 99	178
16. Գրիստոնէութեան յաղթական տարածումն Հայաստանի մէջ. Գրիգոր Լուսաւորիչ № 100	179
17. Սրբոց Հռիփսիմեանց և Գայեանեանց կուսանաց նահատակութիւնը № 101	184

18.	Տօն Կաթուղիկէ եկեղեցւոյ սրբոյ Էջմիածնի № 102 .	185
18.	Մեծն ներսէս № 103 .	189
20.	Սուրբ Սահակ Պարթև № 104 .	191
21.	Սուրբ Մեսրոպ վարդապետ և Հայոց տառերի գիւտը № 105 .	193
22.	Սրբոց Աստվածանց և Վարդանանց նահատակութիւնը № 106 .	196

Վ Ր Ի Պ Ա Կ Ն Ե Ր

Երես	տող	Սխալ	Ուղիղ
24	5 ներ.	տապանակի	տապանի
38	6 >	ծառաներին	ծառային
46	13 >	եղէգնով	եղէգով
47	4 >	մառախուխ	մառախուղ
70	1 >	շորները	շորերը
78	6 վեր.	նորա	իւր
80	6 >	գրուած	գրուած
82	4 >	և այս կերպով եղաւ մարդ կատարեալ:	և այս կերպով եղաւ մարդ կատարեալ և Աստուած կատարեալ:
97	11 >	Հարցրեց նոցա	Հարցրեց նոցա
132	9 >	եթէ թողնէք	եթէ թողնէք
178	1 >	սկզբնաւորութիւնը	սկզբնաւորութիւնը
180	16 >	14 տարի	15 տարի
184	10 >	'ի մէջէ	'ի միջէ
190	13 ներ.	մեծն	մին'
193	12 >	Հացիկաց	Հացեկաց
197	12 վեր.	իշխանները	իշխանները
199	14 >	Հակառկում է	Հակառակում է





ԳՐԱՎԱՃԱՌԱՆՈՅԻ ՀՐԱՏԱՐԱԿՈՒԹԻՒՆՆԵՐԸ

1.	Տէր-Ղևոնդեան՝ Մայրենի Լեզու. ա. տարի	35	Կ.
2.	» » Մայրենի Լեզու. բ. տարի	40	Կ.
3.	» » Մայրենի Լեզու. գ. տարի	45	Կ.
4.	» » Մայր. Լեզ. քերական տարերբքը մ. ա.	30	Կ.
5.	» » Մայր. Լեզ. քերական տերերբքը մ. բ.	50	Կ.
6.	» » Բացատրութիւն Մ. Լեզ. ա. տար.	60	Կ.
7.	» » Հայորդի՝ Սրբազ. պատ. Հին. Վտակ.	50	Կ.
8.	» » Սրբազան պատմութ. Նոր Վտակարանի.	50	Կ.
9.	Աղայեանց՝ Ուսումն Մայրենի Լեզուի, ա. տարի.	25	Կ.
10.	» » Ուսումն Մայրենի Լեզուի, բ. տ.	40	Կ.
11.	» » Մասումն Մայրենի Լեզուի, գ. տ.	55	Կ.
12.	Ս. Մանգինեան՝ Ընտանեկան Աշխարհ, երր. տիպ.	25	Կ.
13.	» » Գիւցազնական Աշխարհ, երր. տիպ.	30	Կ.
14.	» » Նահապ. և Հայր. Աշխարհ, հինգ. տ.	65	Կ.
15.	» » Բացատրութ. Ընտ. Աշխարհի	75	Կ.
16.	» » Հենչէլի թուար. խնդիրներ, մ. ա.	40	Կ.
17.	» » Հենչէլի թուար. խնդիրներ, մ. բ.	50	Կ.
18.	» » Բացատրութիւն ուսուցչաց համար	30	Կ.
19.	» » Համառօտ Մանկավարժութիւն. 1 ր.	50	Կ.
20.	Տէր-Ստեփանեան՝ Սկզբունք քր. հաւատոյ	60	Կ.
21.	Կոստանեան՝ Ծաղկաբաղ շրջան Ա.	25	Կ.
22.	» » Ծաղկաբաղ շրջան Բ.	60	Կ.
23.	» » Ծաղկաբաղ շրջան Գ.	40	Կ.
24.	» » Նախաշաւիղ.	25	Կ.
25.	Եղիշէ ըստ Անձեացեաց օրինակի.	80	Կ.
26.	Սիմէօնեան՝ Աշխարհագրութիւն, մասն բնական	60	Կ.
27.	» » » մասն քաղաքական	60	Կ.
28.	Վարձելեան՝ Գասազիրք թուարանութեան	70	Կ.
29.	Յ. Գ. և Մ. Պ. Ժող. թուար. խնդիր. մ. ա.	40	Կ.
30.	» » Նոյն մ. բ. կոտորակներ	45	Կ.
31.	Այվազեան՝ Նախակրթանք, մ. ա. (գրաբար).	3	Կ.
32.	Տէր-Սարգսեան՝ Հայկական գեղագրութեան օրինակներ.	25	Կ.
33.	» » Վայելչագ. դասաւանդ. եղանակը.	20	Կ.
34.	Աղանեան՝ Կրօնի դասագիրք. երկրորդ տարի.	25	Կ.
35.	» » » երրորդ տարի.	25	Կ.
36.	Տէր-Պաւթեան՝ Русск. слово. Учебникъ русс. языка.	45	Կ.
37.	Агніевъ. „Первый шагъ“, учебникъ русс. языка.	45	Կ.
38.	Захаровъ. Сборникъ примѣровъ для пись. исчисления	20	Կ.
39.	Мартиновскій. Русс. Писатели для школь Ч. I. 1. ր.	15	Կ.
40.	» » Русс. Писатели Ч. II. 1. ր.	25	Կ.

3362

« Ազգային գրադարան »



NL0030487

